


UTL AT DOWNSVIEW



D RANGE BAY SHLF POS ITEM C

39 10 10 07 10 006 9

DR  
427  
A45  
1900

'Alī Tevfik  
Memālik-i 'Osmaniye  
coğrafiyā<sub>s</sub>

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

2916

10/27







# ممالک عثمانیہ جغرافیہ

مکتب ملکیہ شاہانہ و مکتب اعدادی ملکی اوچنچی  
سنہری شاگردانہ مخصوصدر

'Ali Tervik اثر

مکتب اعدادی تاریخ و مکتب ملکیہ شاہانہ  
مفراقیا معلمی زائمه مقام

علی توفیق

Memalik-i 'Osmaniye coğrafyası  
جغرافیای عثمانیہ اوچنچی جلدیدر .

معارف نظارت جلدیله سنک رخصتی اوزرینه  
ایکینچی دفعه اوله رق طبع اولمشدر


استانبول

( قصابار مطبعه سی ) باب عالی جاده سنده

ناشری : کتابچی قصابار

۱۳۱۸

DR  
427  
A45  
1900




# بِسْمِ اللَّهِ الرَّحْمَنِ الرَّحِيمِ

خالق کائنات و محدث موجودات تعالی و تقدس حضرت تلبینه  
حمد و ثنا و نور نبوتی باعث ایجاد عالم صلی الله علیه و سلم افندیمز  
حضرت تلبینه صلوات بی انتها ایفا و اصحات کرامی حضراتنه دخی  
ترضیات و افره و فریضه ذمت عبودیت اولان دعای تمادی  
عافیت حضرت خلافتناهی ادا اولنور. السلطان ظل الله فی الارض  
سر جلیلتک مظهری اولان پیرایه اورنک و خلافت و سلطنت  
و واضع مبانی عمران و معرفت شوکتلو قدر تلو پادشاهمز السلطان  
العالم **محمد بن احمد بن طاهر** افندیمز حضرت تلبینک تشویقات  
و ترغیبات قدر شناسانه لری کالای هنر و عرفانک رواجی  
آرتدیر مقده و آثار موفقیات هایونلری کل یوم عیون آرای  
اتبهاج اولمقده در. عهد مسعدتوفد شهنشاهی لرنده ساحه زیب  
بروز اولان تأسیسات خیریه میاننده بر موقع مهم اشغال ایدن  
مکتب ملکی شاهانه نک جغرافیای عثمانی معلک اوته دنبری عهده  
عاجرانهمه محول اولوب انای تدریسده مخاطینه تقریر ایدیلن



درسلك جمع و تدوين اولنسى اليوم مكتب سلطانى مديريتسه  
شرفبخش عطوفتلو عبدالرحمن افدى حضرتلرى ايكي جلد  
اوله رق تاليف بيوردقلرى جغرافىاي عمومى نامنده كي اثر  
عاليلرينك اوچنچي جلدی اولق اوزره آثار عاليلرى صره سنه  
ادخال صورتيله مكتب ملكيه شاهانه مديرلكي هنكامنده تشويق  
و تنسيت بيوردقلرندن (ممالك عثمانيه جغرافىاسى) ناميله اشبو  
اثر ناچيزانه حصوله كلش و بعنايه الله تعالى طبع و تمثيلنه موفق  
اولنمشدر .

قلت بضاعه و ندرت ماخذ درون كتابده كوريله جك سهو  
و خطالرك طالب عفوى اوله جغى كي مقصد اصلى اولان تزيب  
استفاده طلاب ايچون برده خريطه مجموعه سى ترتيب ايدلمكده  
اولديغنى عرض و بيان ايدرم. همان جناب رب ذوالجلال مجمع  
كالات و منبع ترقيات اولان پادشاه مكارم سمات افنديمى حضرتلرينى  
دنيالر طور دقجه باكمال عافيت سرير آراى شان و شوكت  
بيورسون آمين



## ❦ ممالك عثمانیه جغرافیائی ❦

دولت علیہ عثمانیہ نك زیر اداره سنده بولنان ممالك و بلادان  
 (اوروپا) قطعہ سنك جنوب شرقی سنده و (آسیا) قطعہ سنك  
 جانب غربی و (آفریقا) قطعہ سنك سمت شمال شرقی سنده آیریجه  
 اوج پارچه دن عبارت ایسه ده حقیقت حالده قطعہ واحده شكل  
 و هیئتده اوله رق شمالاً (بحر سیاه) و (رومانیا)، (صرب)،  
 (آستریا) مملکتلری ایله محاط و غرباً آوستریانك (دالماسیا)  
 ایالتی و (آدریاتیق) و (یونان) دكزلری و (بحر سفید)  
 و (جزایر) مملکتی و جنوباً (صحرای کیر)، (سودان)، (حبش)،  
 و (صومال) مملکتلری و (عدن) اراضیسی و (بحر عمان)  
 (مسقط) اماملنی و شرقاً (بصره کورفری) و (ایران) مملکتی  
 و (قافقاسیه) قطعہ سیله محدوددر. قطعہ وسیعہ مذکورہ بروجه  
 مشروح قطعات ثلثه ده بولندیغی جهتله (اروریای عثمانی) ویا  
 (روم ایلی ممالکانه)، (آسیای عثمانی)، (آفریقای عثمانی)  
 ناملریله اوچه منقسمدر.



## ❧ اوروپای عثمانی ❧

— مردود ، مسام ، رئفوس ، اجناس —

مردود — اوروپای عثمانی شمالاً (رومانیا) ، (صرب) ،  
 (آوستریا ، مجارستان) حکومتلری ایله محاط اوله رق شرقی (بحر  
 سیاه) ایله (استانبول) بوغازینه و جنوبی (مرمره دکزی) ایله  
 (قلعه سلطانیه بوغازی) و (آطه لر) دکزینه ساحل و منتهای  
 جنوب غریبیسی (یونانستان) ه متصلدر .

اوروپای عثمانیک غرباً اولان حدودینی (یونان دکزی) ،  
 (وندیک کور فزی = آدریاتیک دکزی) ، (قره طاغ) مملکتی  
 و آوستریانک (دالماسیا) ایالتی تشکیل ایدر . [\*]

[\*] اوروپای عثمانیک (رومانیا) حدودی — دولت علیه  
 عثمانیه نک (رومانیا) ایله اولان حدودی «بحر سیاه» ساحلنده واقع  
 (مانگالیا Mangalia) اسکله سنک جنوبنده کاشن (ییلانلق) قریه -  
 سنک براز جنوبندن بدأ ایده رک (سلستره) قصبه سنک شرق جهتی یقینندن  
 (طونه) نهری ساحلنه قدر بر خط مشروط ایله واریر اورادن  
 (تیموک Timok) صوینک (طونه) نهربنه قاریشدینی محله قدر نهیر  
 مذکور حدودک قسمی تشکیل و (رومانیا) بی ایالات عثمانیه دن اولان  
 (بلغارستان) ایالتندن تفریق ایدر .

اوروپای عثمانیه نک صرب حدودی — صربستان حدودی  
 (تیموک) نهری محل انصبابندن باشلایه رق (درین) صوینک (صاوه) نهربنه  
 منصب اولدینی محله قدر امتداد ایدر .

مذکور الاسم (تیموک) نهری (ایزور Ysvor) موقعی یقیننه قدر  
 حدودک بر قسمی تعیین ایتدیکی کبی آندن صوکره بر خط مشروط (عدلیه)



مساحه و نفوسى — اوروپای عثمانىك مسافه طولی  
(آستانه عليه) دن (بوسنه) نك منتهای شمالیسنه قدر ۱۲۵۰  
و عرضی (بلغارستان) ك شمالندن (یونان دكزى) ساحلنده  
كائن (پروژه Prévésa) قصبهسنه دكین ۹۲۰ كيلومترودر .  
مساحه سطحیه سی دخی ۳۲۶,۰۰۰ كيلومتر و مربعی اولوب  
مقدار سكنه سی تقریباً (۱۰,۰۰۰,۰۰۰) نفوسه بالغدر.

### (سواحل)

اوروپای عثمانی حدود بچشده ذكر اولنديغی مثللو (بحر  
سیاه) ، (مرمره دكزى) ، (آطه لر دكزى) ایله (یونان)  
و (آدریاتیق) دكزلینه ساحل بولنديغندن سواحل مذكوره یه  
دائر ایضاحات بوجه آتی بیان اولنور .

ایله (زاپچار) بیننده (استارا Stara) پلاینا دیدكلى (قوجه بالقان)  
نامنده کی سلسله جبالك خط تقسیم میاهندن مرور ایده رك سمت جنوبه  
متواجه اولور. بعده خط مذکور (قوجه بالقان) ی ترك و (صوفیه) دن  
(صربستان) ده كائن (شاركوی) یعنی (پیروت Pirost) . كیدن  
طریق قطع ایدوب بر خط منكسر ایله (استوال Istal) ، (پاتاریچه)  
تپه لینه واصل اولور كه بو خط (صربستان) حكومتی ایله (بلغارستان)  
ایالتی بیننده کی حدودی تشكيل ایدر .

(پاتاریچه) تپه سندن صوكره حدود غربه دونه رك (ایسوتی ایلیا =  
سن ایلیا) مناسترینه اوغرادقندن و (اورانیه) نك ایکی ساعت قدر طرف  
جنوبیسنده (موراوا) نه ری قطع ایله كدن صوكره (قوپه نك kopannik)  
طاغی خط تقسیم میاهندن بالورور (یكى بازار) ك جهت شرقیه سنده  
(موراوا) نه ری توابعندن (ایره) دینان (ایبار Ibar) صوبی قطع  
ایدر . بعده (یكى بازار) ك طرف شمالیسی یقینلرندن و (غویا) ،  
(یاوور Yavor) طاغلری ذروه سندن كجه رك (اوواج)

بحر سیاه ساحلی — اوروپای عثمانیک بحر سیاه ساحلی  
(رومانیا) ایله حد فاصل اولان ( مانغالیه ) قریه سنک جنوبدن  
بدأ ایله ( کلیوس ) طایه سنه دکین امتداد ایدر .

مذکور ساحل (مانغالیه) دن جنوبه طوغری طولاشلادینی  
حاله ( کیلاری ) دینان ( چالغره Tehelgra ) ویا ( کانغراد Cylgrad )  
بروننه قدر بر محذبک و آندن صوکره بر مقعرلک مشاهدده  
اولنور که ساحلنده (قوارنه kavarna) ، ( بالچیق baltehik )  
لیمانلری واردر . [ بو لیمانلر هر نه قدر مهم دکل ایسه ده  
کوزل هوالرده کیلر اوغرایوب اشیا اخذ و اخرج ایدرلر ] .  
( بالچیق ) لیماندن صوکره ( غورغوس ) برونی طولاشیلهرق

صوبه و ( درین ) نهرینه منتهی اولور . ( صاوه ) نهرینه منصب اولان  
مذکور ( درینا Drina ) نهری دخی صربستانک ( بوسنه ) قطعه سیله  
حدودینی تشکیل ایدر .

اوروپای عثمانیک آوستریا حدودی — آوستریا ایله اولان  
حدودی ( درین ) صوبینک ( صاوا ) نهرینه قاریشدینی محلان بدأ ایدهرک  
( قطارو ) کورفزلینه قدر وارر . مذکورالاسم ( صاوا ) نهری ایله  
( نووی Novi ) موقعی جنوب غریبسنده کائن ( توپولا Topola )  
قریه سنه قدر نهر مذکوره منصب اولان ( اونا Una ) صوبی آوستریا  
حدودینک بر قسمی حاصل ایتدیکی کبی مذکور قریه دن اعتباراً حدود  
قره غول خطلری و حدود قله لری واسطه سیله غرب شمالیه طوغری  
( دالماچیا ) طاغلرینه واصل اوله جق صورتده بر دیرسک پیدا و کذا  
( اونا ) نهرینی قطع و ( دالماچیا ) جبال متسلسله سنک باشلیجه تپه لرینی  
تعقیب ایدهرک ( نرتوا Nènetva ) ویا ( نارانتا Narenta ) صوبی

(وارنه) لیمانه تصادف اولنورکه بلغارسه تانك ادخالات  
واخراجات مرکزی اولان (وارنه) شهری ساحلنده  
کائندر. (پراوادی) نهری دخی (وارنه) ده (دونو Dénno)  
کولنك صوبنی دكزه آقیدر. [اشبو وارنه لیمانی سفائنك  
بارنسنه اولقدر مساعده دكل ایسه ده حسبالموقع تجارتیه  
الویرشلیدر.]

(وارنه) لیماندن چیقیلیر ایکن (غلطه) موقی و (ییلانچق)  
قریه سی و برونی طولاشیله رق (قامچی) ویا (قامچیق) نهری  
محل انصبابه و (آق برون) . (قره برون) کچیله رك (قزاق  
Kazak) دره سی منصبنده بولنان (قزاق) کوبنه واریلیر .

(متکوچ Metkovich) موقی یقیننده قطع ایتدکن و (قلب)  
لیمانی دولت علیه به بر اقدقن صوکره ساحله موازی برطاقم تپه لردن بالمرور  
(قطارو) کورفرزنده کائن (استورینا Storina) لیمانی تعقیب ایده رك  
قره طاغك شمال غربی حدودی ایله حدود مشروحه برلشیرکه بوحدود  
(آوستریا) مملکتی ایله (بوسنه ، هرسك) قطعهی بندلرنی تفریق ایدر .  
اوروپای عثمانینك قره طاغ حدودی — دولت علیه عثمانیه نك  
(قره طاغ) ایله اولان حدودی (دالماچیا) قطعیه سنك (قطارو) کورفرزی  
شمانده وقره طاغ اداره سننده بولنان (غره حوه Grehova) ویا  
(قربووس) ناحیه سی غربندن حدود مشروطه ایله شماله طوغری  
امتداد و (درینا) نهرینك قوللرندن اولان (پیوه Piva) و (تارا)  
صولرنی قطع وهرسك قطعیه سنك (ترین) (بیله که) (غاجقه)  
قضالرنی قره طاغ اراضیسندن تفریق و دولت علیه نك قره طاغ ایله اولان  
حدودینك برقه سی بوخط تشکیل ایدر .



مذکور کویدن صوکره روم ایلی شاهانه ساحلی جنوبه طوغری تعقیب اولندیفی حالده قره دکز ساحلنده باشلیجه چیقندی حاصل ایدن ( امینه Eminé ) برونه تصادف اولنور، ( آجی صو ) دنیان دره آلت طرفنده دکره منصب اولور .  
بونک جنوبنده ( میسوری Missivri ) قصبه سی وکی تعمیری ایچون دستگاهی حاوی ( راواده Ravada ) کوچک لیمانی ودها جنوبنده بر برون اوزرنده ( آخیولی Ahiolou ) قصبه سی کاش و بیوک کیلرینک دخوانه مساعد اولان و عرضاء و طولاً ۵ ساعت امتداد ایدن ( برغوس Bourgas ) لیمانی دخی مذکور قصبه سنک جنوبنده واقعدر [ ۱ ] .

آندن صوکره اوروپای عثمانینک حدود غربیه نندن بر قسمی دخی ( تارا ) نهری و ( لیم ) صوبی توایی حصوله کتیر دکن صوکره حدود دولت علیه اداره سنده بولنان ( پلاوه Plava ) ناحیه سی و ( غوسینه Cosinya ) قضای شالنده و قره طاغ اداره سنده بولنان ( پودغوریچه Poddgoritza ) موقی جنوبنده و ( اشقودره ) کولنک نصفنه قریب بر محلدن بالورور ( اولکون ) نام دیگرله ( دولسینیو Dulcignio ) شهری جنوبندن آدریاتیق دکرینه واصل اولور .

اوروپای عثمانینک یونان حدودی — اوروپای عثمانینک یونا-  
نستان ایله اولان حدودی مذکورالاسم ( پلاتامونا ) قلعه سی جنوبنده بدا ایله ( سالاموریاس ) دیدکلری ( سالامبریا Salambria ) ونام دیگر گوستم نهیرینک وادیسی تعقیب ایده رک ( پرستری Pristéri ) تپه سی طرف جنوبیسنندن بعدالمرور ( نارد ) نهیرینه ملاقی اولور، بعده حدود نهیر مذکور تعقیب ایده رک ( نارد ) لیمانه واصل اولور .

[ ۱ ] مذکور لیمان شمال زوزکارلرندن امین اوله مدیخی جهتله سفارش تجاریه فورطنه زماننده کیلرک بارینه بیلمسنه مساعد و ( چنکانه ) اسکله سی دینلن کوچک لیمانه چکامکه مجبور اولورلر .

روم ایلی شرقی ولایتک اهمیتلی تجارت اسکله سی اولان  
و (آخیولی برغوسی) دخی دینلن (برغوس = بورغاز) قصبه سی  
مذکور لیمانک ساحلنده کاشندر. قصبه نک جنوبنده (آقریانیو  
Acriano) کولی واردر. (برغوس) لیمانک منتهای  
جنوبینی تشکیل ایدن (باغلر آلتی) برونی یقیننده شمال  
روز کارلرینک تحت تأثیرنده اولوب کوچک بر لیمانی مشتمل  
اولان (سبزه بولی Sizéboli) قصبه سی موجوددر. آندن  
صوکره (زیتون) برونی دخی طولاشیلهرق (کوپری آلتی)،  
(آت لیمانی At liman) موقعلرینه کلنیر و آلت طرفنده  
(آهلی دره Ahly déré) منصبی واردر.

دره (آت لیمانی) موقعندن صوکره جنوبه طوغری ساحل  
طولاشیلیر ایکن (وارد اویمچه Vardavitza)، (رسوه Résova)  
دره لری منصب لری و آرالرنده (واسیلیقو) دره سی منصبی ایله  
(واسیلیقو Vasilico)، (اخته بولی Ahteboli) قصبه لری  
کورینیر، (قوری kory) برونی دخی طولاشیلهرق (ایناده =  
ایکنه آله) لیمانه کیریلیر. منتهاسنده (ایناده) موقعی واردر.  
[بولیمان قابل تطهیردر] آندن صوکره (سروی Servi) برونی  
طولاشیلهرق تطهیره محتاج اولان (میدیا) لیمانه کیریلیر که  
ساحلنده (میدیا) قصبه سی واردر. بعده (قره برون) کچیلهرک  
کار قدیم کارکیر برقلعه ایله چند قطعه اسکی طوبلری حاوی  
(کلیوس) طاییه سنه (استانبول بوغازی) نه دخول اولنور.

استانبول برغانی — مذکور بوغاز آشاغیده مفصلاً بیان اولنه جنی وجه ایله شمال شرقیدن جنوب غربییه طوغری ممتد اوله روروم ایلی جهتی (کلیوس) طابیه سندن بدأ ایله (غلطه) موقعنه و (استانبول) شهر لطیفنه قدر وارر. استانبولک صیفیه لرینی حاوی اولان (بیوک دره)، (طرابیه)، (میرکون)، (روم ایلی حصاری) کبی لطیف قریه لر ساحلی تزیین ایتشدرد. قره دکز جهتی دخی استحکامات مهمه ایله محفوظدر.

مرمره دکزی ساحلی — اوروپای عثمانینک مرمره دکزی ساحلی کیرندیلی و حقیقندیلی اولوب درعلیه دن و سیرای برونندن حرکت اولندیغی حالده (استانبول) شهرینه بر تیمور یول خطی واسطه سیله اتصال کسب ایدن و واسع بر لیانی حاوی اولان (کوچک چکمه چه) قصبه سی کورینیر که آرملرنده (مقری کوی) (آیاستفانوس) قریه لری واردر. بعده (بیوک چکمه چه) قصبه و لیمانه واریلیر. بونک ایلری سنده (سلوری) قصبه سی و لیانی واردر. بعده (ارکلی) قصبه سی و لیانی مشاهده اولنور. دها ایلری کیدلد کده لیانی خیابیحه واسع اولان (تکفور طاغی Rodosto) اسکله سنه کلینیر، [بورایه قدر ساحل دوز و قوم سالدر] دها ایلری ده (مرفته Myrafta)، (شارکوی Charkoi) نامنده کی قصبه لره و (کلیولی) شبه جزیره سنک دیلی اوزرتده بولنان (بولایر) قریه سنی اوزاقدن بالمشاهده (قاعه سلطانیه) بوغازندن مرور ایدن سفائنک ممری اولان (کلیولی) اسکله سنه مواصلت اولندقدن سوکره اوروپای



عثمانیه نك مرمره دكزى ساحلنه نهايت ويريله رك (قلعه سلطانيه)  
بوغازينه كيريلير .

قلعه سلطانيه بوغازى — بو بوغاز دخی آشاغیده مفصلاً  
بیان اولنه جنى وجه ايله شمال شرقیدن جنوب غربی به طوغری  
(کلیولی) اسکله سندن (سد البحر) نامنده کی قلعه به دکن متین  
واستوار قلعه وطایه لر ايله محافظه واحکام قلعه سدر.

آطه رکزى ساحلى — اوروپای عثمانینك آطه رکزى  
ساحلى (قلعه سلطانيه) بوغازینك منتهای جنوبی سنده کائن (الس  
Ellés) نام دیگرله (الینور) برونندن بدأ ایدهرک (پلانامونا)  
قلعه سی جنوبنه قدر امتداد ایدر. [مذکور (الس) بروننده  
دقیقه ده برکړه شعله ويرر برعدد قنار واردر] .

مذکور ساحلده (الس) برونى طولاشيله رق (کلیولی)  
شبه جزیره سی ساحلى تعقيب اولنور ايکن (سوفله Sufla) ،  
بروننه بالتصادف (ساروس Saros) نام دیگرله (معارض)  
کورفزينه واريلير که داخلنده (پنایا) ویا (ساروس) کوچك  
آطه سی کائندر .

(ساروس) کورفزی طولاشيله قدن و (پاقسى) دخی دینلن  
(گره میا Grémia) برونى کچلکدن صوکره (انز = اینوز Enos)  
لیمانه کيريلير ، ایچری سنده (اینوز) قصبه سی و (مریچ) نهرینك  
بر آغزی کورینیر . [انز لیمانه قوم طولمشدر] (اینوز)

کوفزندن صوکره ( مرچ ) نهرینک دیگر منصبنه و ( دده آغاج ) لیمانه  
و ( مقری Mekri ) قصبه سی و برونه واریلیر .

( مقری ) لیماندن صوکره ( مارونیا Maronia ) قریه سی  
و ( یاردملی دره ) منصبی کورینه رک و ( فنار برونی ) طولاشیله رق  
( لاغوس ) دخی دینلن ( قره آغاج ) لیمانه کیریلیر . ( قره آغاج )  
موقی دخی ساحلنده کورینور . ( بورو Buru ) کولیده مذکور  
لیمانک منهای شمالیسیدر .

( قره آغاج ) لیماندن صوکره ساحل تعقیب اولندیفی  
صورتده ( یکیکجه قره صو = Mesta ) نهری منصبی اولان  
( صاری شعبان ) برونی ایله ( طاشوس ) آطه سی بینندن یعنی  
( طاشوس بوغازی ) دینلن محلدن کچیلرک جنوب روزکارلرندن  
محفوظ و سفائن متنوعه نك دخولنه مساعد اولان ( قواله ) لیمانه  
کیریلیرکه ( قواله ) قصبه سی مذکور لیمان ساحلنده و قیالق بربرون  
اوزرنده مبنیدر . بعده ( اورفانو Orphano ) نام دیگرله ( چای آغری )  
کورفزیله تصادف اولنه رق شمال شرقیسی ساحلنده ( اورفانو )  
قصبه سی کورینیر . ( سیروز قره صوی ) دینلن ( استروما Strouma )  
نهری دخی ( تاکینوس Takinos ) کولی واسطه سیله مذکور  
کورفزه دوکیلور .

( اورفانو ) کورفزی نك ضربنده و ( سلا نیک ) کورفزی ایله  
آرالرنده ( خالکیدیکیا ) شبه جزیره سی واقع اولوب اشبو نیم

جزیره (ایا یورکی) ، (دره پانو Drépano) ، (پالیوری Paliuri) بروئریله نہایت بولان (آینوروز Aīnoros) نام دیگرله (آتوس) و (لونفوز Longos) ؛ (کسندرہ Cassandra) اسمارندہ اوچ عدد کوچک شبہ جزیرہ تشکیل ایلمشدرکہ یینلرندہ (آینوروز) ، (کسندرہ) کورفزلی حاصل اولمشدر .

شبہ جزیرہ مذکورہ نک شرقندہ (استلاریہ Stellaria) کورفزی وغربندہ (قرہ برون) وارد .

(سلانیک) کورفزی ایسہ اوروپای عثمانیک (آطہ لردکزی) ساحلندہ الک مہمور وجسم برلیمان اولوب اوچ یوزقدر سفینہ نک بارینہ بیلیمسنہ مساعددر . منتهای شمالیسنده بغایت تجارتکاه اولان (سلانیک) شهری واقعدر .

مذکور کورفزی غرب ساحلی تعقیب اولندیفی حالہ (واردار) نہری و (اینجہ قرہ صو) مصبلرینہ و دہا ایلری دہ (کیتروس kitros) ، (قاترینہ) قصبہ لرینہ و بعدہ (اولیمپ) نامندہ کی جبلک صرب بر بایری اوزرندہ بولنسان (پلاتامونا) قلعه سنہ تصادف اولنور . بعدہ تر حالہ اراضیسنہ کیریلیر .

یونانہ دکزی سامی — اوروپای عثمانیک یونان دکزی ساحلی صرب و قیالق اولوب (ناردہ Arta) کورفزی مدخلندہ بولان (پرہ وزہ) برونی و قصبہ سنندن باشلا یہرق (اوطرات Otrante) بوغازی ساحلندہ کائن (غلوسا Clossa) برونہ

دکین امتداد ایدرد. ( پروزه ) قصبه سی طولی ۱۲ و عرضی ۴ الی ۵ ساعت چکن و شمال و شرق روزگار لریدن امین اولان ( ناردہ ) لیماننک آغز ندہ و بردیل اوزر ندہ در. ( ناردہ ) نہری و ( لوروس Loros ) صوبی اشبو کور فزہ منصب اولور .

مذکور قصبہ دن اعتباراً شمالہ طوغری ساحل تعقیب اولندیغی صورتدہ ( پارغہ Parga ) اسکله سنہ تصادف اولنور کہ ساحلدہ برقیہ اتکنندہ مبنی و اطرافی سور ایله چورلمش اولان ( پارغہ ) موقی و قارشو سنندہ ( یا قسوخ Paxos ) آطہ سی واردرد . بعدہ ( قورفو ) آطہ سی ایله ساحل بیندن یعنی ( قورفو ) بوغاز ندن کچیلیر . بو بوغاز ساحلندہ ( غومنیچہ ) ، ( صیادہ ) کوچک اسکله لری

و ( بوترینتو Butrinto ) لیمانی و قریہ سی واردرد .

مذکور بوغاز ندن چیققد قدہ اسکله موقی اولان ( ایاسارانندہ St. Saranda ) قصبہ سنہ ، ( کفالی képholi ) بروندہ ، ( خیمارا Chimara ) موقعہ تصادف اولنور . آندن صوکرہ ( غلوسا Glossa ) دخی دینلن ( لینکنا Lingëtta ) بروندہ واریلہ رق روم ایلی شاهانہ نک یونان دکزی ساحلنہ نہایت ویریلیر . [ ( غلوسا ) برونی دکز سطحیلہ بر تسویدہ بولنان آلچق قیالر ایله محاط اولدیغندن آرہ صرہ سفائنجہ قضا وقوعہ بادی اولمقدہ در . ]

آذربائیجہ دکزی سامی — اوروپای عثمانینک آدریاتیق دکزی ساحلی ( غلوسا ) بروندن بدأ ایله ( دولسینیو ،



Dulcingo) دخی دینان (اولکون) موقعی جنوبیه قدر امتداد ایدر .

اشبو (غلوسا) برونی واسطه سیله (غلوسا) یعنی (دل برونی) شبهه جزیرسی طولاشلدقن صوکره محافظه لی و امین اولان ویرلور بینده (والونه Valona) دینان (آلونیا) لیمانه کیریلیرکه مدخلنده (سزان = Saceno) آطه سی و ساحلدن ۱۶۰ مترو اوزاق اولوب «آلونیا» کولنک جنوبیه کائن (آلونیا) قصبه سی کورینور . مذکور کول دخی طبیعی بر قنال واسطه سیله (آدریاتیق) دکزینه آقار . (آلونیا) لیمانی چیقلاقدنه (ویوسا) ، (سومونی Semen) صولرینک منصبلر . ینه و آره لرنده (لیما Lema) برونه ودها ایلری ده (قراوستا karavasta) کولنه تصادف اولنور . [مذکور الاسامی (قراوستا) ، (آلونیا) کوللری بالقجیلره دالیان اتخاذا اولمشدر .] مذکور کولدن صوکره ینه ساحل تعقیب اولندیفی صورته (اشقومین) [اشقومین کوپوک دیمکدر] نهری منصبی اوکندن کچیلوب (لاکی Laqui) برونی دخی طولاشلدقده (دراج) لیمانه کیریلیرکه ساحلنده قیالقدن عبارت بر برون اوزرینه منی وکار قدیم بر قله هی محتوی (دراج) قصبه سی واردر . [دراج لیمانده موسم شتاده آنجق اوج طونیلاطودن الی طونیلاطویه قدر جسمامده سفینه بارینه بیلیر .] (دراج) لیماندن چیقلاقدن صوکره (پالی Pali) ، (رودونی

( Rodoni ) برونلری طولاشیلہ رق ( درین Drin ) لیمانہ کیریلیر، اورادہ ( درین ) نہری مصبی کورینور، ( لش Lesch ) موقعی دخی ( درین ) نہری اوزرنده کاشندر. آندن صوکرہ ( دراج ) دن درت ساعت مسافہ و واقع واشقودرہ نک اسکله سی اولان ( شنکین ) قصبہ سنہ و بعدہ ( بویانہ ) نہری مصبہ تصادف اولنور. آندن ایلری دہ ( قرہ طاغ ) اداره سنده بولنان ( اولکون ) موقعہ واریلہ رق اوروپای عثمانینک ( آدریاتیک دگری ) ساحلہ نہایت ویریلیر. ( ہرسک ) قطعہ سنک اسکله سی اولان ( قلیق ) لیمانی دخی دولت علیہ عثمانیہ عائددر .

### قرہ دکز بوغازینہ دائر تفصیلات

( بوغاز ایچی ، بوسفور Bosphore ) نامیلہ معروف اولان ( استانبول ) نام آخرلہ ( قرہ دکز ) بوغازی شمال شرقییدن جنوب غربی بہ طوغری ممتد اولہ رق ممالک دولت علیہ عثمانیہ نک ( اروپا ) و ( آسیا ) قطعہ لرنده کی ملکینی یکدیگرندن فصل و تفریق و بحر سیاهی مرمرہ دکزینہ ایصال ایدر .

مذکور بوغازک امر محافظہ سی چون یکدیگری مدافعہ ایدر صورتدہ طرفین سواحلی قلاع عدیدہ و استحکامات متینہ ایلہ احکام و ترصین ایدلشدرکہ: روم ایلی جہتندہ ( کلیوس ) و ( روم ایلی قتاری ) ، ( پاپاس برونی ) ، ( غریبجہ ) ، ( بیوک لیمان ) ، ( صرہ طاش ) ، ( روم ایلی قواغی ) ، ( تللی طایبہ ) ، ( کیرج برونی ) نامندہ کی طایبہ لر و آناتولی سواحلندہ ( ایروہ )

قلعه سی ویا (الماس) طابیه سی و (آناطولی فناری) ، (پویراز)  
 قلعه سی ، (فیل برونی Fil) ، (آناطولی قواغی) طابیه لری  
 و (یوشع) طاغینک چیقندیمی اوزرنده (مجار) قلعه سی واردر.  
 بونلری متعاقب بوغازک ایکی طرفنده بری برینه متناظر (روم ایلی)  
 و (آناطولی) حصارلری نامیله معروف قدیم ایکی حصار دها  
 موجوددرکه : مذکور حصارلردن (بوغاز کسن) دخی دینان  
 (روم ایلی) حصارینی فاتح سلطان محمد خان و (آناطولی)  
 حصارینی ییلدیرم بایزید خان حضراتی بنا و انشا و اولوقتلر  
 قسطنطنیه روم حکومتنه قارشی سطوت قاهره عثمانیه یی تشهر  
 و اعلا ایتدیلر .

اشبو (قره دکز بوغازی) لطافت هوا جهتیه استانبولک  
 صیفیه لریخی حاوی اولمغله سواحلی لطیف قریه لر و مسیره لر تربین  
 ایلمشدرکه : روم ایلی طرفنده (روم ایلی قواغی) دینان محلدن  
 بدأ ایله (یکی محله) ، (مسار برونی) ، (بیوک دره) ، (طرابیه) ،  
 (یکی کوی) ، (استیه) ، (میرکون) ، (بویاجی کوی) ، (بالطه  
 لیمانی) ، (روم ایلی حصاری) ، (ببک) ، (آرنبود کوی) ،  
 (قوری چشمه) ، (اورته کوی) ، (بشکطاش) ، (طولمه باغچه) ،  
 (قبا طاش) ، (فندقلی) ، (طوپخانه) ، (غلطه) موقعلری  
 کاشندر .

آناطولی جهتمده (آناطولی قواغی) نامنده کی محلدن  
 باشلا بهرق (سروی برونی) ، (سلطانیه) ، (بکقوز) ، (اینجیر کوی) ،

( پاشا باغچه سی ) ، ( چبو قلی ) ، ( قاکلیجه ) ، ( آناتولی حصار ) ،  
 ( کوکسو ) ، ( قندیلی ) ، ( وانی کوی ) ، ( چنکل کوی ) ،  
 ( بکلی بی ) ، ( استاوروز ) ، ( قوزغنجق ) ، ( اسکدار ) قصبه  
 و قریه لری و ( قاضی کوی ) ، ( موده برونی ) مواقعی واقعدر .

استانبول بوغازینک روم ایلی طرفنده طولی ۲۷ الی ۳۱  
 و آناتولی جهنده ۲۸ و وسط بحرده ۲۲ کیلومترو اولوب  
 آقندیسنک سرعتی ساعتده ۳ الی ۸ و یا وسطی اوله رق  
 ۵ الی ۶ کیلومترو چکر و غمقی ۳۰ الی ۶۰ مترو بوانور .  
 بوجه مشروح بوغازک فنارلردن ( بکقوز ) ه قدر اولان محلی  
 اک کنیش یری اولوب ( قره دکز ) دن کلن روزکارلره آچیقدر .  
 ( بکقوز ) دن حصارلره قدر اولان محلی شمال و جنوب روزکارلرندن  
 محفوظ و حصارلرن قیز قله سنه قدر اولان یری ایسه قبله  
 و لدوس روزکارلرینه مقتو حدر .

قره دکز بوغازینک منتهاسنده ملل اجنیه نك ( قورن دور  
 Corne d'or ) یعنی ( آلتون بوینوز ) تسمیه ایتدکاری ( خلیج  
 قسطنطینیة ) واقعدر که ایکی ساعت طولی چکن لطیف برلیماندن  
 عبارت اولوب داخنده ( قاسم پاشا ) ( ترسانه عامره ) ، ( کاغذخانه ) ،  
 ( علی بک کوی ) ، ( ایوب ) مثللو مواقع واقع و ( علی بک ) دره سی  
 ایله ( کاغذخانه ) صوبی خلیج مذکوریه جاری و شمال طرفنده  
 ( بک اوغلی ) ، ( خاصکوی ) و مقابلنده ( ایوب ) تپه لری کاشندر .



قلعه سلطانیه بوغازینه دائر تفصیلات

( قلعه سلطانیه ) نام آخرله ( چناق قلعه ) بوغازی که :  
( بحر سفید ) بوغازی اسمیه دخی یاد اولنور .  
اشبو بوغاز ( مرمره دکزی ) ایله ( آطهر دکزی ) بیننده  
واقع و طرف غربیه ( کلیولی ) شبه جزیره سنه و جهت شرقیه سی  
آناطولینک بر قسم اراضی سنه ساحل و اوروپای عثمانی آسیای  
عثمانیدن فاصلدر .

مذکور بوغازک طولی ۵۰ الی ۶۷ و آقندیسنک سرعتی  
ساعتده ۵ کیلومتر و اولوب عمقی دخی ۵۰ الی ۶۰ مترویه بالغ  
اولور .

روم ایلی طرفنده ( کلیولی ) و آناطولی جهتده ( چارداق )  
نامنده کی موقعدن بدأ ایده رک ( سد البحر ) و ( قوم قلعه ) اسمنده کی  
قلعه لر ایله نهایت بولان اشبو بوغازک ( آطهر دکزی ) جهتده  
( سنیچه ) و ( الیس ) برونلری کائن اولوب مذکور برونلرده  
بوغازک مدافعه و محافظه سیچون فاتح سلطان محمد خان حضر تالری نک  
تأسیس کرده لر اولان روم ایلی سمتهنده ( سد البحر ) و آناطولی  
جانبده ( قوم قلعه ) اسملری ایله یاد اولنان قلاع متینه واقعدر .  
بو جهتن بوغازه کیریلیر ایکن آناطولی طرفنده ( قرانلق لیان )  
ویا ( کلس Quèlès ) لیانی نامیه بر قوی مشاهدہ اولنور که :  
بعضاً عکسی اسن روزکار ایله بوغازدن مرور ایده مین سفائن  
تجاریه بوراده بارینه بیلیر ، مذکور قویده بوغاز خیلی وسعت

پیدا ایتش فقط بونک ایلرینده تدریجی طاراشمغه باشلایه رق  
( نغرو Negro ) برونده بوغازک عرضی تقریباً ۲۰۰۰ متر و  
بولنشد. [ بورایه قدر بوغازک سرعت جریانی ساعتده ۲ الی ۳  
میلدر ] .

( سدالبحر ) و ( قوم قلعه ) دن صوکره آناتولی جهتهده  
( قفس برونی ) دینان برچیقندی و روم ایلی طرفنده ( نمازگاه )  
طاییه سی و بونک ایلرینده ( کلیدالبحر ) و آناتولی ساحلنده  
( قلعه سلطانیه ) نامنده کی قلعه لر واقعدر . ( چنلک ) قریه سی ایله  
( چناق قلعه ) دینان مشهور بلده ( قلعه سلطانیه ) نك قریبده در .  
[ ( نمازگاه طاییه سی ) ایله ( کلیدالبحر ) آره سنده ایکی یشیل فنار  
بولدینی کی قارشو سنده و ( قلعه سلطانیه ) نك اوکنده ایکی  
قرمزی فنار واردر . ]

( قلعه سلطانیه ) نك براز شمالنده اصول جدید اوزره انشا  
اولنش اولان ( مجیدیه ) و مقابلنده ( دکرمن برونی ) طاییه لری  
و آنلری متعاقب آناتولی ساحلنده طرز جدید اوزره انشا  
اولنش و امر محافظهده بوغازک اک اهمیتلی نقطه لری بولنش  
اولان ( نغرو برونی ) و مقابلنده ( بیغالی ) طاییه لری واردر که :  
اشبو ایکی طاییه بوغازک امنیتتی اکمال ایدر لر . ( چام برونی )  
و ( بیغالی ) طاییه لری آره سنده پاموق تجارتیله کسب شهرت ایدن  
( مایدوس Maídos ) اسمنده کی روم کوی موجوددر . [ ( بیغالی )  
طاییه سنك اوکنده ایکی یشیل فنار واردر . ( نغرو برونی ) ایله  
( قلعه سلطانیه ) اوکنده بوغازک سرعت جریانی درت میلدر .

الحاصل ( نغرو ) برونی متعاقب بوغاز شرقہ دونوب توسع  
ایلدکده آناتولی جهتندہ ( لاپسکی ) ، ( چارداق ) واقعہ  
ومقابلندہ ( کلیولی ) قصبہ سنہ بالتصادف بوغاز نہایت بولور ،  
[ چارداق قصبہ سی جوارندہ ایکی قرمری فناری واردر . ] ( چارداق )  
ایله ( کلیولی ) آراسندہ بوغازک سرعت جریانی ایکی میلدر .  
اشبو قلعه سلطانیه بوغازی ( مرمرہ دکزی ) جهتند  
( نغرو ) برونہ قدر پویراز وکون طوغیسی و ( نغرو ) برونند  
( سد البحر ) و ( قوم قلعه ) یہ قدر اولان محلی دخی باطی  
ولدوس روزکارلینہ آچیمدر .

### احوال جبال

اوروپای عثمانیک طاغلرینی ایتالیانک سرحد شمالیسنی  
تحدید ایدن ( شرقی آلپ ) جبال متسلسلہ سنک ( آلپ دیناریک )  
شعبہ سی حصولہ کتیرمشدر .

اشبو شعبہ جبال ( اونا ) صونی منہی جوارندہ دولت علیہ  
عثمانیہ نک ( بوسنہ ، ہرسک ) قطعہ سنہ ( دینارا Dinara ) [ ۱۸۱۰  
مترو ارتفاع ] اسمیلہ داخل و ( آلپ دالماچیا ) یعنی ( دالماچیا )  
طاغلری و ( بوسنہ ) طاغلری ناملریلہ ایکی فرعہ منقسم اولور .  
غایت صرپ قیماقدن عبارت اولان ( دالماچیا ) طاغلری  
( قر و طاغ ) اراضیسنہ دکنین غرب شمالیدن شرق جنوبیہ

طوغری ( آدریاتیک ) دگری ساحلہ یقین ممتد اولہرق ( ہرسک )  
 قطعہ سنی ( نرتوہ ) نہرینک محل انصباہ قدر قابلا مش و آوستریانک  
 ( دالماسیا ) ایالتی دولت علیہ عثمانیہ اراضی سندن فصل و تفریق  
 ایلہ مشدر .

( بوسنہ ) ویا ( بوشناق ) سلسلہ سی ایسہ ( آب دیناریک ) دن  
 آریلہرق غرب شمالیدن شرق جنوبیہ طوغری امتداد ایدرہ  
 حین امتدادندہ ( بوسنہ ) قطعہ سندہ یکدیگرینہ موازی و ارتفاع  
 وسطیسی ۱۱۰۰ دن ۲۰۰۰ مترویہ قدر اولان بر جوق جبال حاصل  
 ایتدکن و کیتدجکہ کسب ترفع ایدہرک ( قرہ طاغ ) و ( آرنادلق  
 علیا ) طاغلرینی تشکیل ایلدکن صوکرہ ۳۲۰۰ مترو ارتفاعندہ  
 و ( پرزرین ) ایلہ ( اسکوب ) قصبہ لری بینندہ ( چار طاغ  
 Tchar dagh ) دینان ییغینی حصولہ کتیر مشدر . [۱]

مذکور الاسم چار طاغندن بری شرقہ و دیگر جیبہ  
 طوغری ایکی سلسلہ جبال تفرع ایدرکہ شرقہ کیدن شعبہ سی  
 ( امینہ ) برونہ دکن منتهی اولان ( بالقان ) سلسلہ سنی و جنوب  
 شعبہ سی یونانستانندہ کائن ( ماتابان ) برونندہ نہایت بولان  
 ( الہنیک Helleniques ) طاغلرینی تشکیل ایدرہ .

( بالقان ) طاغلری چار طاغنک ( لیوباترن Lyubatrն )

[۲] سلسلہ مذکورہ نک شمال اتکاری کوزل اورمانلر ایلہ  
 مستور و جنوب اتکاری نباتات و اشجاردن تاری قیالقدن و قوراق  
 و شورہ لردن عبارتدرہ .



اسمنده کی تپہ سندن تفریق اولند قدن و ( کچانیک katchanique ) نام  
 آخرله ( قایماروز kaïmarose ) کچیدنی حاصل ایتدکن صوکره  
 ( اسکوب ) ایلہ ( کیلان ) آرسنده ( چرناغورا ) دیدکاری ( قره  
 طاغ ) اسمنی آلیر . بعده ( ترغوویشته Tergovishté ) موقنک  
 شالنده ( ایسوتی ایلیا = سن ایلیا ) و دوات علیه ایلہ صرب  
 و بلغارستانک خط حدودلرینک نقطه مشترکسنده ( پاناریچہ )  
 اسملریلہ یاد اولنہرق اسمی مختلفہ ایلہ بعد الامتداد صوفیہ نک  
 جنوبنده ( ویطوش ) و دها جنوبنده ( ریلو ) مناسترلینی حاوی  
 اولان ( ریلو Rilo ) طاغنی تشکیل ایدر .

آندن صوکره ( بالقان ) سلسله عظیمہ سی ( صماکو Samako )  
 یقیننده ( بانا bana ) دخی دینان ( قیز دربندی ) نامنده کی کچیدی  
 حاصل ایدر . بعده ( اہمان ) موقعی جوارنده ( قبولی دربند )  
 اسمنده کی کچیدہ قدر ممتد اولہرق ( مریج ) نہری منبعندہ کائن  
 وادیدہ متناظر برطاقم تپہ لر تشکیل واشبو ایکی کچید ( صوفیہ ) ایلہ  
 ( فلہ ) بینندہ مرور و عبوری تسہیل ایدر . بعده مذکور سلسلہ شمالہ  
 طوغری ( قارلی kamarly ) موقعی شمالہ دکن امتداد ایدر .  
 اشبو قارلی موقعی شالنده بر شرقہ و دیگر غربہ  
 کیتمک اوزرہ ایکی یہ آیریلیرکہ : غربہ کیدن قسمی ( بابا قوناغی )  
 کچیدنی حاصل ایتدکن صوکره ( عدلیہ ) جوارینہ قدر کیدہ رک  
 ( تیموق ) نہری حوضہ سنی ( طونہ ) توابعندن تفریق ایلر .

بو جہتہ صریستان اراضیسندہ امتداد ایدن ( صرب ) ویا

(ولیکی) طاغلری دخی (طونه) نهرینک (تیمور قپو) کچیدینه و (اورسووه Orsova) یه قدر واروب نصف دائره شکلی اخذ ایلین مشهور (قارپات) طاغلری ایله برلشیر .

قوجه بالقان سلسله سنک شرقه تفرق ایدن قسمی (بیوک صوفیه بالقانی) دخی دینان (اتروپول) ، (ایزلادی) ، (طوریان) ، (شبهه) بالقانلری اسملری آلتده اولدینی حالده (اسلمیه) بالقانه و (تیمور قپو) کچیدینه واصل اولور .

قوجه بالقان اقسامندن اولان (اتروپول Etropol) بالقانی (صوموغو Sumugu) یعنی (صومونلی) طغانی ایله برلشیر .

بالقانک بوجهتده ایکی کچیدی اولوب بونلردن (اتروپول) کچیدی (اتروپول) دن (ایزلادی) و (صوفیه) یه کیدن طریق اوزرنده واقع و (باباقوناغی) کچیدی ایسه (اورخانیه) دن (صوفیه) یه کیدن یول اوزرنده کائندر .

(لوفچه) دن (قابه) یه کیدن یول اوزرنده (طوریان) کچیدی واردر . (شبهه) کچیدی دخی غایت منتظم شوسه اولوب (غبروه) و (شبهه) موقعلری بیننده در ۱۲۴۵ متر و ارتفاعنده اولان بو کچید غایت طار وایکی طرفی کسمه قیا کبیدر . مسبوق الاسم (تیمور قپو) کچیدی (طرنوی) دن (اسلمیه) یه کیدن شوسه اوزرنده واقعدر .

(تیمور قپو) کچیدنن صوکره بالقان سلسله سی (وودو Vodo) بالقانی (آیدوس) نام آخرله (کوچک بالقان) . (امینه)

بالقانی اسمایلیہ قرہ دگژدہ باشلیجہ چیقندی پیدا ایدن (امینہ) برونندہ نہایت بولور .

سلسلہ مذکورہ اوزرنندہ و (اسلمیہ) قصبہ سی ایلہ (وچرا Veschera) قریہ سی یینندہ و (عذاب بالقانی) اوزرنندہ ہر نوع حملہ نقل اولنور (وچرا) کچیدی بولندینی کچی (کوچک بالقان) اوزرنندہ (قرین آباد) و (دوبرول) موقعی یینندہ ۱۲۱۴ مترو ارتقا عئندہ (دوبرول) نام آخرلہ (قامارلی) و (پراوادی) دن (آبدوس) کیدن یول اوزرنندہ (نادر دربند) نامندہ کی کچیدلر کائن و (امینہ) قریہ سی یقیندہ ایسہ (امینہ) کچیدی واقعہ درکہ بوکچید (وارنہ) دن (برغوس) ساحل طریقہ کشاد ایدر .

اشبو (نادر دربند) دینان کچید ایلہ ایام شتادہ ضرر سن بر حالہ بولنان (دوبرول) کچیدن دخی ہر نوع حملہ کچہ ییلر . مذکور الاسم (بالقان) سلسلہ جبالنک (قبولی دربند) اسمندہ کی کچیدی جواری وسطنہ تصادف ایتدیکندن اورالہ (بالقان وسطی) و مذکور دربند ایلہ (شبقہ) کچیدی یینندہ کی طاغلرہ (یوجہ) و یاخود (بوکسک بالقان) و مذکور کچید ایلہ (تیمور قبو) کچیدی آرمندہ کی صرہ طاغلرہ (بالقان شرقی) و (تیمور قبو) ایلہ (دوبرول) کچیدی میانندہ کی جبال متسلسلہ (کوچک بالقان) و اورادن اعتباراً (امینہ) برونندہ قدر اولان طاغلرہ دخی (امینہ بالقانی) و جملہ سنہ بردن (قوجہ بالقان) نامی ویرلمشدر .

مذکور یکیدلردن ماعدا (بالقان) سلسله‌سی اوزرنده دها  
 پك چوق یکید وار ایسه‌ده اولقدر اهمیتی حائز اولدقلری  
 جهتله تعداد و ذکرندن صرف نظر ایدلمشدر .

بالقان سلسلهٔ عظیمه‌سندن (اسلمیه) قصبه‌سی مقابنده  
 و (تیمور قبو) یکیدی یقینلرنده شمال شرقیه متوجهاً ۶۰۰ الی  
 ۱۰۰ متر و ارتفاع ایله امتداد ایدن سلسلهٔ جبال (عثمان پازاری)  
 موقعی یقینلرینه قدر (اینجه‌بایر) و اورادن (اسکی استانبول)  
 جوارینه دکین (پیکار طاغی) و (شمی) جنوبنده (درویش)  
 بالقانی و (سلستره) جنوبنده (دلی اورمان) اسمی آلیر.

بوسلسله‌نك تپه‌لری دخی اورمان ایله محاط بولندیغندن  
 مرورده صعوبت چکیلیر .

(قوجه بالقان) دینلن اشبو جبال متسلسله‌نك طولی  
 ۳۰۰ و عرضی طرف غربیده ۶۰ الی ۸۰ و جهت شرقیده  
 ۳۰ الی ۱۰۰ کیلومترودر .

(بالقان) سلسلهٔ عظیمه‌سنگ شعبات جنوبیه‌سندن بری  
 (استرانجه) طاغلریدرکه (اسلمیه) یقینندن بدأ ایله (بحر سیاه)  
 ساحانی تعقیب ایدرک استانبوله بعدالوصول صوك شعباتیله  
 (بك اوغلی) و (بوغاز ایچی) تپه‌لرینی حاصل ایدر .

(استرانجه) جبال متسلسله‌سنگ اوزری اشجار مشمره‌دن  
 طاری فقط منبت اولوب آغاج کموری محصولی چوقدر .



سلسله مذکورہ نك شعبات جنوبیہ سنند بریدہ (دسپوت [۱])  
 (Despote) ویا (رودوپ Rhodope) طاغریدرکہ (بالقان)  
 سلسلہ سنك ۳۰۰۰ مترو ارتفاعندہ اولان (ریلو) طاغندن  
 آریلوب استقامتی بر مدت جنوبیہ وبعده شرقیہ تبدیل ایدہ رك  
 (قارلق karlik)، (قرہ شووہ)، (قوشلر بالقانی)، (قولا  
 kola)، (قرہ اوغلان)، (قوجہ یایلا) نامندہ کی تپہ لری  
 تشکیل ایتدکن و (سریج) نہرینہ بر کچید وروب (اینوز)  
 کورفزی نہ طوغری امتداد ایلدکن صوکرہ (قوری طاع  
 kuru dagh) اسمندہ کی جبلہ واصل واورادن (تکفور طاغی)  
 سلسلہ سنہ لاحق اولور.

عرضی ۱۵ الی ۲۰ ساعت قدر بولمان اشبو (دسپوت)  
 جبال متسلسلہ سی (ادرہ) شہری جوارندہ کوچک کوچک  
 تپہ تشکیل و ساحلہ تقرب ایتدجہ جسیم وکوزل کوزل مرعالر  
 و منبت ترلالر احداث ایلر. سلسلہ مذکورہ نك تپہ لری سمت  
 شمالیسنندہ چیللق و وسطندہ اورمانلق و جنوبندہ ایسہ بایراق  
 و بانچہ لکدر.

مسبوق الاسم (تکفور طاغی) سلسلہ سی ایسہ (ساروس)  
 کورفزی شمال ساحلندہ غربدن شرقی طوغری امتداد ایدہ رك  
 مذکور کورفزی ساحلی طولاشدقندن (کایبولی) شبہ جزیرہ سی  
 [۱] اوزرندہ پك جوق مناستری حاوی اولدیفندن اسم مذکور  
 ایلہ یاد اولنور.

تشکیل ایلدکدن صوکره ( مرمره دیزی ) ساحلنده بر چوق  
کوچک تپه لر حصوله کتیرر . بعده ( استرانجه ) سلسله جبال  
ایله برلشیر .

بالقان سلسله سنك جنوب شعبانندن بری دخی ( پانچین )  
ویا ( پانجه ) دینلن طاغلردرکه : ( دیپوت ) طاغلری مثللو ( ریلو )  
بالقاندن آیریلهرق ( آی کدیک ) ، ( یل تپه Yeltépé )  
[ ۲۶۸۱ متر ارتفاع ] ( برین Perin ) ، ( بوز Boz ) طاغلری  
اسمیریه ( قواله ) کورفزینه قدر جنوب شرقیه طوغری  
کیدر . [ برین = پریم ] طاغی اوزرنده ( پایاز کولی ) واردر ،  
( یل تپه ) دخی مذکور کولک شمالنده در . [ بعده ( پیکار )  
طاغی اسمیه ( اورفانو ) کورفزینه قدر ساحلی تعقیب ایدر ،  
( استروما ) نهرینه بر کچید ویردکدن صوکره ( خالکدیک ) شبه  
جزیره سند و واقع طاغلر ایله برلشیر .

بو طاغلر ایسه دکزه طوغری خروج ایتش اولان اوج  
عدد کوچک یارم آطه یی تشکیل ایدر . بونلردن ( آینوروز )  
یارم آطه سند ( مون سانتو Mt. Santo ) اسمیه دخی تسمیه  
قلنان ( آینوروز ) طاغی واردر .

سالف الذکر ( چار ) طاغندن جنوبه طوغری امتداد  
ایدن ( الهنیک ) سلسله جبالی ( آرناوداق ) طاغلری نامیه یاد  
اولنهرق ( مچوه ) قصبه سی اوکنده ( مچوه ) کچیدنی

تشکیل و مذکور کچید یقینندہ اسمنی ( Gramus غراموس ) ہ  
و دھا آشاغیدہ ( ژیفوس ) ہ تبدیل ایدر .

( چار ) و ( غراموس ) طاغلری بینندہ دخی ( قوراب ) .  
( پرستری ) ، ( زچقہ ) ، ( ویچی ) طاغلری واردر .

( ژیفوس ) طاغندن صوکرہ سلسلہ مذکورہ ( بند Pinde )  
[ ۲۵۷۵ مترو ارتفاع ] طاغلر نامیلہ یونانستاندہ کائن ( آغرافا  
Agrapha ) ، ( اوتریس Otris ) سلسلہ سنہ وارر . اوراد ( یونان )  
طاغلرینی حاصل ایدرک ( ماتاپان ) برونندہ نہایت بولور .

( آلولنیا ) کورفزی قیدسندہ واقع ( غلوسا ) برونندہ منتهی  
اولان ( خیارا ) نام آخرلہ ( آقروکرنیان Acrocérénienues )  
یعنی ( بلدیرم ) طاغلری و ( غلوس ) کورفزینہ دکین ( سلانیک )  
کورفزینک ساحل غربیسنی تعقیب ایلین ( اولیمپ Olympe )  
ویا ( اولیمپوز [ ۲۹۸۵ مترو ارتفاع ] ) واتسکرینی جسم اورمانلر  
احاطہ ایتش اولان و ( کیسووہ kissovo ) دخی دینلن  
( اوسا Ossa ) طاغلری ( الہنیک ) جبال متسلسلہ سی شعباتیدر .  
( اولیمپ ) و ( اوسا ) طاغلری بینندہ ( تامپہ ) و یا ( قورت  
آغزی ) اسمیلہ متعارف بر کچید ایلہ کوزل بر وادی دلکشا  
واردر .

### سطح مائلہ

بروجہ بالا ذکر و بیان اولنان صرہ طاغلر اروپای عثمانی  
درت و رسانہ یعنی سطح مائلہ تقسیم ایدر .

برنجیسی (قره دگز) ورسانیدرکه : (بوسنه) ، (باغارستان)  
و آره لرنده (صربستان) اراضیسنی شامل و ایکنجیسی (مرمره  
دکزی) ورسانیدرکه : (استانبول) وجوارینی جامع و اوچنجیسی  
(آطه ل دکزی) ورسانیدرکه : (ادرنه) ، (سلانیک) حوالیسنی  
حاوی و درنجیسی (آردیاتیک دکزی) ورسانیدرکه : (آرناودلق)  
و (هرسک) نواحیسنی محتویدر .

### ❦ احوال میاه و کوللر ❦

❦ قره دگز ورساننده جاری انهار ❦

اوروپای عثمانی داخلندن بحر سیاهه جریان ایدن انهارك  
اك بيوك و مهمی (طونه) نهريد .

طونه نهري — نهري مذکور جغرافیای عمومیده ذکر  
اولندیفی اوزره آلمانیا داخلنده کائن (قره اورمان) نامنده کی جبلدن  
نبعان و آلمانیاك متعدد حکومتلرندن و خصوصاً آوستریا مملکتك  
قسم اعظمندن جریان ایتدکدن صوکره صربستانك مقر حکومتی  
اولان (بلغراد) ه اوغرایه رق (تیوق) نهري ملتقاسنده سرحد  
دولت علیه عثمانیه داخل اولور . [ محل مذکورده کنشلیکی  
تقریباً ۸۰۰ مترویه بالغ اولغله ایچریسنه اك بيوك  
کیلر کیره بیلیر ] بعده غربدن شرقه طوغری جریان ایدرهك  
(ودین) ، (لوم) ، (راحوه) ، (نیکولی) ، (زشتوی) ،  
(روسجق) بلده لرینی اسقا ایدر .

(روسجق) دن صوکره برچوق قوللره تقسیم اولنوب ۵ الی ۵  
ساعت قدر امتداد ایتدکدن صوکره (طوتره قان) موقعنه



و (سلسترم) قصبہ سنہ اوغرایہرق استقامتی شمالہ تحویل ایلہ  
 (رومانیا) ادارہ سنہ بولنان (دوبریچہ) اراضی سنہ داخل اولور .  
 آندن صوکرہ (راسوہ) ، (خرسوہ) ، (ابرائیل) ، (قلاص) ،  
 (ایساجچی) ، (طولچی) مواقعدن بالمرور (کیلیا kilia) ،  
 (سلینہ Sulina) ویا (سنہ Sunne) . (خضر الیاس) اسمارندہ  
 اوج آغز دن بحر سیاہہ آقار . نہر مذکور منبجندن مصبہ قدر  
 درتیوز ساعتدن زیادہ مسافہ قطع ایدر . بو آغزلرک سیر سفائنه  
 قابل اولانی یالکمز (سنہ) در .

(طونہ) نہرینہ صاغ طرفدن (صاوا) ، (تیموق) ،  
 (لوم Lom) ، (ایسقر Iskir) ، (ویت Vid) ، (اوصا Osma) ،  
 (یانترہ Yantra) ، (قرہ لوم Karalom) نامندہ کی صولر جاریدر .  
 (طونہ) نہرندن باشقہ بحر سیاہہ باشلیجہ (پراوادی)  
 (قامچی) نہرلری آققده در .

پراوادی نہری — شنی جوارندہ کی طماغلردن ظہور  
 و بر قاچ چای ایلہ برلشدکن صوکرہ (دونو) کولنک صوینی  
 (وارنہ) لیماندہ دکرہ انصاب ایدر [نہر مذکور (دونو) کولنہ  
 وارنجہ یہ قدر بتاقلق حالندہ بولنور] .

اشبو (دونو) کولی بر بچق ساعت طولندہ و یارم ساعت  
 عرضندہ و اون اتی قولاج عمقندہ اولوب اطراقی بتاقلق  
 و اراضیمی ستمہ علتہ مستعددر .

قامچی نهری — دلی، عقللی قامچی صولرینک اجتماعدن حاصل اولمشدور .

بوتلردن ( عقلی قامچی ) صوینی منبعی ( عثمان بازار ) قضاسی داخلندن آلهرق ( اسکی استانبول ) یقینندن و ( شمعی ) جوارنده کائن تپهلر آره سندن بالمرور ( صندوقلی ) موقعنده ( دلی قامچی ) صوینی آلیر . آندن صوکره ( بود باشی ) موقعنک ایکی ساعت قدر سمت شرقیسنده دکره منصب اولور .

( پراوادی )، ( قامچی ) نهرلرندن ماعدا بحر سیاهه پک چوق چای و دره آقده ایسه ده اولقدر اهمیت حائز دکلدرلر . فقط اکثریسی ( استرانجه ) سلسله جبال ایله بحر سیاه ساحلی میاننده بولنان اراضیدن مرور ایتدیکی جهته بحر الری پک قیصه اولدیغندن مذکور دره لک سرعت جریانلری زیاده بولنه جنی بدیهیدر .

### ( مرمره دگری ورساننده جاری انهار )

اوروپای عثمانی داخلندن مرمره دگزینه جاری و حال و شانی نهر اطلاقه صالح انهار یوقدر . فقط ( طاشلی دره )، ( قره صو ) اسملرند بر قاج چای مذکور دکره آقده در . بونلردن ( طاشلی دره ) ( تر قوس کولی ) قربندن ظهور ایدهرک ( کوچک چکمجه ) کولنه آقار . ( قره صو ) دخی ( بیوک چکمجه ) کولنه صو ویرر . بو کولار محل اتصالرند متین کوپرلر اولدینی حالده برر بوغاز واسطه سیله مرمره دگزینه

جریان ایدرلر . ( تر قوس ) کولنک بالق حاصلاتی ملتزمه احاله اولور .

( آطه لر دکزی ورسا سنده جاری انهار )

اوروپای عثمانی داخلندن آطه لر دکزینه جریان ایدن انهارک اک مشهوری ( مرچ ) [ ۴۰۰ کیلومتر و طول ] نه ریدر .  
 نهر مذکور ( صماقو ) قصبه سـنک سمت جنوبی سـنده کائن ( ریلو ) طاغی شعباتندن ( چادر تپه ) اسخنده کی جیلدن نبعان و سـائر بر قاق قول ایله ملاقی اوله رق مجراسی غایت درین اولدینی حالدہ جنوب غربیدن شمال شرقی یه طوغری جریان ایدوب ( بانا ) موقعی صوانه ترک ایتدکن صوکره ( ناتار بازار جفی ) قصبه سی جوارنده بلغارسـتان داخلنده کائن ( ایزلادی ) قصبه سندن مرور ایدن ( قوزلی دره ) دیدکلری ( طپولقا Topolka ) صوبی صولدن اخذ ایدر . بعده نهر مذکور کسب جـسـامت ایدرک ( چلتیک ) تعبیر اولـسان پرنج ترلارندن ویتاقلق و هواسی آخر اولان یرلردن بالمرور کارگیر کوپریسی بولنان ( فلبه ) شهرینه واصل اولور .

( فلبه ) دن صوکره نهر مذکورک مجراسی کرکی کبی توسع ایدرک ( پاپاسلی ) ، ( چرپان ) ، ( قیالی ) مواقعی آره سندن و ( اوزونجه اووه ) داخلندن بالمرور ( طرنوه ) ایلری سـنده ( قره پیکار ) و ( سیمنلی ) یقینلرندن کچن ( سـازلی دره ) یی صولدن و ( خرمنلی ) قصبه سنده ( خاصکوی ) قصبه سی صولنه ترک و ( اوزونجه اووه )

نهری دخی دینان ( اولو Oulu ) دره‌ی صاغدن آله‌رق  
 ( حرم‌لی ) موقعه‌ی کلیر . بعده ( جسر مصطفی پاشا ) قصبه‌سندن  
 و ( چرمن Tchirmen ) موقعی یقینندن کچوب ( ادرنه ) شهرینک  
 بر ساعت بعدنده کائن ( قره آغاج ) قریه‌سنده صاغدن ( آردا ) [ ۱ ]  
 چایی و بر مقدار آشاغیده صولدن ( طونجه Toundja ) [ ۲ ]  
 نهرینی اخذ ایدرک ( ادرنه ) شهرینه واصل اولور . آندن  
 صوکره نهر مذکور اوافق کیلرک مرورینه مساعد صورتده  
 جسامت کب ایدرک استقامتی جنوبه تحویل ایله ( دیمتوقه  
 Dimetoka ) قصبه‌سی یقیننه کلدکده صاغ طرفدن ( صاری قیز

[ ۱ ] آردا صوبی — دسپوت سلسله‌سی اوزرنده واقع ( قروشوا  
 kruchova ) ، ( قوشلر بالقانی ) دینلن طاغلردن ظهور و ( آردا )  
 قریه‌سندن مرور ایدرک ( اسمیلان Smylan ) موقعنده ( تکرده ) یی  
 و ( مستاملی ) اوستنده ( سکودلی ) و ( آطه ) قریه‌سی جوارنده ( بوغاز )  
 صولرینی اخذ ایلدکدن صوکره ( صریخ ) نهرینه منصب اولور .

[ ۲ ] طونجه نهری — [ ۲۸۰ کیلومتر طول ] ( قالوفر  
 kalofer ) بالقانندن ظهور و بالقان سلسله‌ی اصلیه‌سنه موازی ۲۰۰  
 الی ۵۰۰ مترو ارتفاعی اولان بر طاقم تپه‌لر بینندن و درین بروادیدن  
 مرور ایدوب کل تجارتیه مشهور اولان ( قزانلق ) و عبا و شیاق فابریقه‌لریله  
 کسب شهرت ایدن ( اسلمیه ) قصبه‌لرینی صولنه برافه‌رق ( قرین آباد )  
 یقینلرندن کچن ( آزماق Asmak ) دره‌سی آلوب ( یانبولی ) شهرینه  
 داخل اولور ، بعده استقامتی جنوبه تحویل ایله ( قزیل آغاج ) قصبه -  
 سندن کچوب صولدن ( بیوک دربند ) و ( پاپاس کوی ) قصبه‌لرندن  
 مرور ایدن ( دربند دره ) ایله طرفیندن بر طاقم صولری آله‌رق  
 ( ادرنه ) ده ( صریخ ) نهرینه منصب اولور .



Sarykyz ( بالقانندن ظہور ایدن ) قیزل دلی ( چائی وصول طرفدن ) ارکنہ ( Erkené ) [۱] صوینی آلیر . بعدہ ( اہسالہ Ibsala ) ایلہ ( فرہجک Frédchik ) بینندن بالمرور ( انز ) جوارندہ ایکی قول اولہرق بحرہ منصب اولور .

( مریچ ) نہرندن باشقہ آطہلر دکیزیئہ ( مستا Mesta ) ، ( استروما Strouma ) ، ( واردار Vardar ) ، ( اینجہ قرہ صو ) نامندہ کی نہرلر جاریدر .

مستانہری [ ۱۴۰ کیلو مترو طول ] — بوکا کوچک قرہ ) ویا ( یکیکجہ قرہ صوینی ) دینیر . نہر مذکور ( ریلو ) طاغی شعباتندن نبعان و ( دسپوت ) ، ( پریم ) طاغلری بینندہ شمالدن جنوبہ طوغری جریان ایدمرک ( رازلق Razlyk ) ، ( نورہ قوب Nevrekob ) قصبہ لرینی صاغده براقوب ( بوز ) طاغی قربندن کچمرک ( یکیکجہ ) ، ( صاری شعبان ) قضالرینی

[ ۱ ] ارکنہ صوینی — استرانجہ طاغندن ایکی قول اولہرق نبعان و ( ویزہ ) ، ( سرای ) آرمسندن جریان ایدوب ( چورلی ) جوارینی ترتیب ایلین ( چورلی ) درہسی ایلہ ملاقی اولدقدن و مجراسنی شمال غربیہ توجیہ ایلہ صاغدن ( لولہ برغوسی ) قصبہ سندن کچن برتابی ایلہ ( استرانجہ ) طاغلرندن پیدا اولان و ( قرق کلنسا ) حوالیسنی استقا و ( اسکی بابا ) قضاسنی اروا ایلین ( تکہ Tekeh ) درہسنی وصولدن دخی ( خیرہ بولی ) قصبہ سندن مرور ایدن ( پوجہ ) درہسنی آلہرق استقامتی جنوب غربیہ بالتحویل ( جسرارکنہ ) دینلن ( اوزون کوپری ) قصبہ سندن کچوب ( مریچ ) نہری ایلہ ملاقی اولور .

یکدیگر نندن تفریق ایله صاری شعبان اووه سندن بالمرور ( قواله )  
و ( لاغوس ) لیمانلری ییتنده کی ( صاری شعبان ) بروننده بردلنا  
تشکیل ایدرهك آطه لر دگزینه دوکیلور. [ بو نهرک ( نوره قوب )  
جوارنده عتیق بر کوپریسی اولدینی کبی صاری شعبان اووه سنده  
دخی ۲۶ متره طولنده دیگر بر کوپریسی واردر ] .

استرومانهری — بوکا ( بیوک قره صو ) ویا ( سیروز قره  
صوینی ) اسمنی ویرلر. نهر مذکور منبعنی ( صوفیه ) جنوبنده  
( ویطوش ) طاغی اتکندن اخذ و غایت طار بر وادیدن مرور  
ایدرهك ( رادومیر Radomir ) قصبه سی یقینندن کچدکن  
( کوستندیل ) ی صاعده و ( دوبنیچه Dvbnitza ) یی صولده  
براقوب ( جمعه بالا = سالنیک جمعه سی ) قصبه سنک یارم ساعت  
قدر صاع طرفی آچیقندن مرور ایلدکن ضوکره ( منلک  
Menlik ) یقینلرینه دکن ( پریم )، ( مالش Malech ) طاغلری  
آراسنده مجراسی طارلشیر. بعده کسب وسعت ایدرهك صول  
طرفدن ( استروچه Strolza ) صوینی الیرکه بوده ( اشتیب )  
جهتلرنده ( پلاسقاویچه ) طاغلرندن ظهور و ( رادوویچ )  
موقعندن و برجوق قاپلیجه لری حاوی اولان ( استروچه ) .  
( پتریچ Petritch ) قصبه لرندن مرور ایدر .

آندن صوکره ( استروما ) نهری ( تیمور حصار )، ( سیروز )  
قصبه لرینی صولده براقرق ( ناکنوس ) کولانی بعدالتشکیل پیدا

ایلدیکی بر بوغاز ایله ( اورقانو ) کورفزینه منصب اولور. (چای  
 آغزی ) دیدکاری موقع کولک جنوب کنارنده در.  
 نهر مذکور کجراي بالاسی سریع الاجریان اولوب منبعندن  
 منصبنه دکین ۶۵ ساعت چکر .

( درامه ) دن مرورایدن ( درامه نیجه ) دیدکاری ( آنکیسته  
 Angista ) صوبی ده مذکور کوله آقار. بوکول اوروبای عثمانیک  
 مشهور کوللرندن معدود در .

خالکیدیک شبه جزیره سنده دخی بر آباق واسطه سیله  
 ( اورقانو ) کورفزینه جریان ایدن ( واسیلیوس wassilios )  
 نام دیگرله ( لانغازه ) ، ( بشیک Béchik ) کولاری واقع وبو  
 کوللرده انواع بالق موجود در .

واردار نهري [ ۷۳ ساعت طول ] — نهر مذکور (چار)  
 طاغتك اك مرتفع محلی اولان ( شالف ) تپه سنك اتكنده  
 و ( قوسطووو kostovo ) ناحیه سنك بر بحق ساعت مسافه سنده  
 كائن چایراق بر محلدن متعدد قوللردن ظهور وطار بر بوغازله  
 اطرافى ۳۰۰ مترو ارتفاعنده اولان تپه لر آره سندن و ( قالقان  
 دان ) قصبه سی یقینندن مرورایده رك ( اسكوب ) شهرینه وارد .  
 ( اسكوب ) شهرندن اعتباراً ( واردار ) نهري مجراسنی  
 جنوب شرقیه تحویل ایده رك ( کوپرلی ) قصبه سندن چکر . بعده  
 صاغ طرفدن صرپ طاغلر آره سندن جریان ایدن و ( کوچك  
 قره ) ویا ( زرنا Zerna ) اسملریله دخی یاد اولنان ( قره صو ) بی

اخذ ایدرکه : بوده ( مناستر ) دن مرور ایدن و اوچ درت  
 ساعت قدر مجراسی بولمان ( دراخور Drahor ) چایخی آلیر.  
 آندن صوکره ( واردار ) نهری محل انصبانه قدر سال  
 نقل اولنه بیلجک درجه ده جسامتی حائز اولدیفی حالده جنوبه  
 طوغری جریان ایدر. حین جریاننده ( عورت حصاری ) قصبه سنی  
 صولنه بر اقوب صاغدن ۱۴ ساعت مجرای حاوی اولان ( قره  
 آزمق = قره چای ) نام دیگرله ( قره ارمق ) صوخی آلیرکه :  
 بوصو ( یکیکجه واردار ) نام آخرله ( اینجه کول ) دیدکاری کولی  
 تشکیل ایدر.

بعده ( واردار ) نهری ( سلانیک ) شهرینک سمت غربیسنده  
 سلانیک کورفزینه منصب اولور . [ نهر مذکور اوزرنده  
 یکر میدن متجاوز دکر من ایشلمکده و طولاب و خرق ایله بر چوق  
 اراضی ریان اولمقده در ] .

( یکیکجه واردار ) کولی ایسه کندی اسمیله مسمی قصبه نک  
 ایکی ساعت قدر جنوبنده واقع و اوچر ساعت طول و عرضی  
 حاویدر؛ بو کول دروننده سلوک واسماک اخراج ایدیلیر.

اینجه قره صو — ( ویستریجه ) دخی دینیر. نهر مذکور  
 ( پند ) جبال متسلسله سنک ۱۰۰۰ مترو ارتفاعنده اولان ( بورا )  
 طاعندن ظهور و جنوب شرقیه طوغری نزول ایدر که کندی یه  
 بر آباق ایله آقاز ( کسریه ) کولی ایله قصبه سنی صولنده بر اقدقدن  
 صوکره ( بوغاز کوی ) ، ( ناسلیج ) موقعلری آرمندن و ۸۰۰



متروارتفاعدہ کی (سرانده پروز) یعنی (قرق کچید) اسمیہ  
یاد اولٹان بوغازك آغزنده واقع (سرفیچہ) شہرینی صاغنه  
و (قوزانہ) قصبہ سنی ضولنہ ترك ایدوب (قرہ فریہ) قصبہ۔  
سندن کچن برتابنی آلہرق (سلانیک) کورفزندہ آطہ لر دکزینہ  
منصب اولور۔

مذکورالاسم (کسریہ) کولی مدور برشکلده اولوب طولاً  
۶ وعرض وسطیسی ۴ ودوراً ۲۴ کیلو مترو واك درین محلی  
۲۴ مترودر۔

(یونان و آدریاتیک دکزلری ورساننده جاری انہار)

اوروپای عثمانی داخلندن یونان دکزینہ (نارده)، (قالاما  
kalama)، (پاولا Pavla) و آدریاتیک دکزینہ (ویوسا)  
(سومونی)، (اشقومین)، (ماط)، (درین)، (بویانہ)  
و (نارنتا Narenta) نہر وچایلری جاریدر۔

نارده نہری — (زاغوری) طاغلرندن نزول و (مچوہ)  
یقینلرندن وغایت طار وعمیق بر وادی ایله (پند)، (یانہ)  
طاغلری آرمسندن و (نارده) قصبہ سی پیشکاھندن مرور ایدہرك  
مذکور قصبہك درت ساعت جنوبندہ (نارده) کورفزندہ  
دکڑہ منصب اولور۔

قالاما صوبی — یانیہك جانب غریبسندہ کان بر وادیدن  
نیعان و شمال شرقیدن جنوب غربی یہ طوغری جریان ایدہرك

(فیلات Philate) قصبه سی یقینندن کچد کدن صو کره (قورفو) جزیره سی قارشو سنده (یونان) دکزینہ منصب اولور. بارلا صوبی — (خیمارا) طاغلرندن ظهور و منبت بر وادیدن مرور ایدهرک (دلونیه) قصبه سندن اچکن بر تابغی آلدقندن (لیواری = بو ترنتو) کولنه اوغرا دقندن صو کره (بو ترنتو) قریه سی قرینده بحره منصب اولور.

وبوسانهری — (مچوه) کچدی یقیننده (ژیغوس) دینان (زاغوری) طاغلرندن جیقوب (زاغوری) ناحیه سندن (و قونجه konitza)، (پرمه Premedi) قصبه لرندن بالمرور (دسنيچه Desnitza) ایرماغی صاغدن و (درینو Drino) صوینی صولدن آلدقندن و (تیه دان) قصبه سنی اسقا ایلد کدن صو کره (آلونیه) کورفزینک شمالده (آدریاتیک) دکزینه منصب اولور.

سومونی صوبی — نهر مذکور (اوزومی Usumi) (دوول Devol) صولرینک اجتماعندن حاصل اولمشدر.

بونلردن (اوزومی) صوینی (اله نیک) جبال متسلسله سی اقسامندن (غراموس) طاغدن نبعان و ضرب شماله طوغری جریان ایدهرک (برات) شهرینه واصل اولور. بعده (کویچه) قصبه سی قریندن و (سورینه Svirina)، (مالک Malik) کوللرندن مرور ایدن (دوول) یعنی (دوه لی) صوینی ایلرلشیر. آندن صو کره (لومی) ویا (سومونی) اسمی تحتتده اولدینی حالده

( قراوستا ) کولی ایله ( لیمّا ) برونی بیتندہ ( آدریاتیک ) دکزینہ دوکیلور .

اشقورمین صوبی — بو صویہ ( اسقوم ) ویا ( اسقومی ) دخی دیرلر . مذکور صو ( اوخری ) نامندہ کی کولک سمت ضریبسنده واقع ( باغوره Bagora ) طاغری اقسامندن ( قامنا ) طاغلرندن نبعان و غریبه طوغری جریان ایدہ رک ( ایلبسان ) ، ( یکین ) قصبہ لری قربندن بالمرور ( دراج ) شہرینک اوج ساعت قدر سمت جنوبیسنده ( آدریاتیک ) دکزینہ آقار .

ماط صوبی — بو صو ( باغوره ) طاغلرینک شعبانندن نزول و ( ماط ) قضااسندن و ( میردیتا ) ناحیہ سی جنوبندن مرور ایدہ رک ( درین ) کورفرزندہ بحره دوکیلور .

درین نہری — ( الت درین ) اسمیلہ دخی یاد اولنور ، نہر مذکور ( قرہ درین ) ، ( بیاض درین ) صولرینک اجتماعندن حاصل اولمشدر .

بونلردن ( قرہ درین ) نہری منبعی ( اوستروفا Struga ) قریبہ سی قربندہ ( اوخری ) کولک طرف شمالیسنندن آلوب جنوبندن شمالہ طوغری جریان ایدر . حین جریانندہ غایت مثبت محللاردن و ( دبرہ زیر ) ، ( دبرہ بالا ) یقینلرندن کچہ رک کنیدیسنندن مجراسی قیصہ اولان ( بیاض درین ) نہری ایله برلشیر . اولوقت نامی یالکیز ( درین ) تبدیل و استقامتی غریبه تحویل ایدر .

( بیاض درین ) نہری دخی ( بوسنہ ) جبال متسلسلہ سی  
شعباتندن اولان ( موقرا Mokra ) ط۔اغی جوارندن ظہور  
وقوصوہ اوومسنہ مشابہ بعض اراضیدن مرور ایدر .

آندن صوکرہ ( درین ) نہری غایت محصولدار اولان  
( دوقا کین ) ناحیہ سنی احیا ایدہ رک ( لش ) قصبہ سنے واصل اولور .  
بو قصبہ دن اعتبار آنہر مذکور الہی طونیلاتہ لق کیمارک مرورینہ  
مساعد اولوب بر قاج دلنا تشکیل ایدہ رک ( آدریاتیک ) دکزینہ  
دوکیلور . [ بو نہرک ( بویانہ ) نہری ایلہ اتصالی واردر . ]

مذکور الاسم ( اوخری ) کولی ۷ ساعت طولندہ ۴  
ساعت عرضندہ و ( فراموس ) ، ( باغورہ ) طاغلرینک تشکیل  
ایلدکاری مرتفع بر اراضیدہ واقعدر . مذکور کولک قعری  
قوملی وصوبی ط۔اتلی وبراقدر . درونندہ دخی انواع اسماک  
صید اولنور و سنوی ۲۷,۰۰۰ فروش بدل ایلہ ملترمہ حالہ  
اولنور .

( اوخری ) کولنک شرقندہ و ( اوخری ) ، ( مناستر )  
قصبہ لری بینندہ ( پرسبہ Presba ) و بونک جنوبندہ ( وانتروق  
Wantrok ) نامندہ کی کولر موجوددر . بونلردن ( پرسبہ ) کولی  
۱۸ کیلومتر طولندہ و ۱۲ کیلومتر عرضندہ و ۷۰ کیلومتر  
دورندہ مدور الشکلدر . بعض محللارندہ ۶۰ متر عمقی واردر .  
اشبو کولک اورتہ سندنہ منبت ایکی عدد آطہ موجوددر . مذکور  
کولدن سنوی ۳۵,۰۰۰ فروش صید ماہی رسومی آلیر .



بویانه نهری — ( اشقودره ) کولی داخلندن ظهور  
و ( اشقودره ) شهرندن مرور ایدرک ( اولکون ) موقعی جنوبنده  
بحره دوکیلور . مذکور الاسم ( درین ) نهری ( اشقودره )  
شهرنده ( بویانه ) نهریله برلشیر ، [ بو نهرک مجراسی کوچک  
کیلرک مرورینه مساعدره ]

( اشقودره ) کولی اورویای عثمانینک اکجسیم کولی اوله رق  
بیضی شکلنه شیبیه اولوب ( قره طاغ ) جهتی صرپ قیالقدن  
وجهاً سائرته سی جزئی عارضه یی حاوی اووه لردن عبارتدر .  
مذکور کولک صوبی موسم شتاده طاشمسنندن حاصل اولان  
بتاقلر ایام صیفده تعفن ایلدیکندن حوالیسنک هواسنی توخیم  
ایدر . جوار اهالیسی دخی مذکور کولدن کلیتلی بالق صید  
ایده رک عظیم تجارت ایلر .

نارائنا نهری — ( نرتو Neretva ) دخی دینیر . بو نهر  
بوسنه جبال متسلله سی اتکلردن نبعان و ( کونیچا konitza ) ،  
( موستار Mostar ) ، ( غبله Gabela ) قصبه لرندن جریان  
ایده رک آوستریانک ( دالماسیا ) ایانتنه داخل ودرت قول اوله رق  
( آدریاتیک ) دکزینه واصل اولور .

### تعمیرات ملکیه

دولت علیه عثمانیه نک اورویا قطعه سنده واقع ممالکی  
( استانبول ) ، ( ادرنه ) ، ( سلانیک ) ، ( یانیه ) ، ( اشقودره ) ،

( مناستر ) ، ( قوصوه ) ، ( بوسنه ، هر سك ) ، ( كريد ) نامنده  
طقوز ولايت ايله مختاريت اداره يي حاوی ( روم ايلي شرقی )  
ولايتی و ( بلغارستان ) ايلتی مشتملدر .

ولايات مذكوره دن ( استانبول ) ولايتی مرمره دكزينه  
و ( ادرنه ) ، ( سالانيك ) ولايتلری آطه لر دكزينه و ( يانيه )  
ولايتی يونان دكزينه و ( اشقودره ) ولايتی ( آدریاتيق ) دكزينه  
ساحل و ( مناستر ) ، ( قوصوه ) ولايتلری وسطده و ( هر سك ،  
بوسنه ) ولايتی شمال غربيده و ( كريد ) ولايتی ( بحر سفيد )  
اورته سنده واقع و ( روم ايلي شرقی ) ولايتی ايله ( بلغارستان )  
ايلتی بحر سياه ساحلده كاشندر .

ولايات دن هر بری جسامتنه كوره سنجاقلره و سنجاقلر  
قضالره و قضالردخی جسامتلرينه كوره ناحيه لره تقسيم اولمشدر .  
ولايتلری واليلر و سنجاقلری متصرفلر و قضالری قائم مقاملر  
و ناحيه لری مديرلر نظامی دائره سنده اداره ايلرلر . مستقل  
سنجاقلرك متصرفلری واليلره تابع اوليوب طوغريدن طوغری يه  
داخلیه نظارتيله مخبره ايدرلر .

مذكور ولايتلرك مركزز اداره لری كندی اسملری ايله ياد  
اولنور شهرلر در . فقط ( قوصوه ) ولايتك اداره مركززی  
( اسكوب ) و ( هر سك ، بوسنه ) ولايتك ( سرای بوسنه )  
و ( كريد ) ولايتك ( حايه ) و ( روم ايلي شرقی ) ولايتك  
( قله ) و ( بلغارستان ) ايلتك ( صوفيه ) شهرلر يدر .

## ﴿استانبول ولایتی﴾

حدود — سکنه — تعریفات طبیعیہ — محصولات — اورمان  
و صوبندلری — صورت اداره

استانبول ولایتی ممالک عثمانیہ ولایتک اصغریدر . فقط  
سلطنت سنیہ نیک پای تختی اولان (استانبول) شهر لطیفی حاوی  
اولغله ولایات سائرہ دن معمور و مہمدر .

صمود — ولایت مذکورہ اروپای عثمانیک جنوب  
شرقیسندہ و آسیای عثمانیک غربی شمالیسندہ متشکل اولوب  
شمالاً (بحر سیاه) و شرقاً (ازمید) متصرفلی و جنوباً (مرمرہ  
دکزی) ایله محاط و غرباً (جتالہ) متصرفلی ایله محدوددر .  
سکنہ — استانبول ولایتندہ (۱,۰۰۰,۰۰۰) قدر نفوس  
تخمین ایدلمکده اولوب اهالی موجودہ میانندہ تبعہ اجنبیہ  
دخی وارددر .

تعریفات طبیعیہ — بو ولایتک هوا سی ہر نہ قدر لطیف  
و خفیف ایسده متلون اولوب ایلمک بہارده یک چوق تبدل  
ایددر . یاز موسمندہ استانبولک حرارتی براز شدید اولور . بوغاز  
ایچی سمتلرنده اشجار ایله مستور متعدد طاغیر موجود اولوب  
آرقہ طرفلری کوزل مرعالر ایله تزیین اولنمش و اک مرتفع  
محللری آناتولی جہتندہ و بکقوز حوالیسندہ (علم) طاغی

و روم ایلی طرفنده ( استرانجه ) طاغتك اقسام جنوبیه سی  
بولمشدر.

ولایت مذکوره داخلنده بحر سیاهه ( ایه ) دره سی  
جریان ایتدیکی کبی بوسفوره روم ایلی سمتنده ( کاغذ خانه )  
دره سی ، ( علی بك ) صوی و آناطولی یقاسنده ( کوكسو )  
مسیره سندن جریان ایدن ( کوكسو ) دره سی جاریدر ،

بونلردن باشقه ولایت مذکوره انهارى صره سنده تعداد  
اولنان ( استرانجه ) دره سی ( تر قوس ) کولنه منصب اولدینی کبی  
( قره صو ) بیوک چکمهجه کولنه آقار . ( طاشلی دره ) دخی کوچك  
چکمهجه کولنه صو ویرر . [ بو کوللردن بیوک چکمهجه کوانی بر  
و قتلر تطهیر ایدرک استانبول شهرینه لیمان اتخاذا اولنسی تصور  
اولنش ایدی ] ( تر قوس ) کولنك صوی دخی مجرای مخصوص ایله  
بك اوغلی ، غلطه ، استانبول جوارینه کتیرلمشدر . بو کولك  
بالق حاصلاتی ملترمنه احاله اولنور .

محصولات ارضیه و صناعیه — استانبول ولایتنك ارضی  
محصولات یتشدیرمکه بك صالح اولوب زراعتیه سنین اخیرده  
خیلی اعتنا ایدلمکدهدر .

باشلیجه صنایعی ایپکلی چارشف و حمام طاقلری و انواع  
باقر واکر طاقلری و حروفات عثمانیه و آقشه حریری و قطنیه  
وفس و اعلا فایله و قناویچه و تننه و معمولات حدیدیه و اسلحه

جارجیه و ناریه در. خصوصی فابریقه لوده مارسیا معمولاتنه مشابه طوغله و کره مید اعمال ایدلمکده در. شیشه و کاغذ فابریقه لری دخی وارد در.

اورمانه و صور بندری — مذکور الاسم (استرانجه) جبالی اوزرند استانبول ولایتی داخلنده مختلف الجنس اشجاری حاوی (بلغراد اورمانی) نامیله بنام بر اورمان وارد در.

بو اولمان داخلنده ( روم ایلی ) جهتلرینه، صو ویرمک ایچون (طوپوزلی بند)، (یکی بند)، (والده بندی) ناملریله اوچ و (استانبول) و (ایوب) سمترلرینه صو اجرا و اعطاسنه مخصوص اوله رق (بیسوک بند)، (کرازی بندی)، (طپوز بندی)، (ایواد بندی) اسملریله دوت عدد بند موجود و (قرق چشمه) صوی اشبو دوت بند منسوبدر.

### ✽ صورت اداره ✽

استانبول ولایتی شهر امانتی طرفندن اداره اولق اوزره اون دواثره بندیه بی و (بککوز)، (شیله)، (قرتال)، (ککبوزه)، (آطه لر)، (کوچک چکمهجه) قضالرینی حاویدر.

### ✽ استانبول ✽

استانبول [۱] شهر مشهوری دار الخلافه الاسلامیه و پای تخت

[۱] شهر لطیفک مشتمل اولدینی ابنیه عالیه و مکلفه نیک باشلیجه لری هجرتدن ۳۲۴ سنه مقدم یاپلمش و بعد الفتح جامع شریفه تبدیل بیورلمش



سلطنت سنیہ عثمانیہ اولوب (نفس استانبول) ایله (غلطه مع بک اوغلی) و (اسکدار) سمتلری داخل اولدینی حالده ایوم اون دائرة بلدییه تقسیم اولمش و بونلردن نفس استانبول (بایزید)، (فاتح)، (جراح پاشا) نامنده اوچ عدد دائرة بلدییه حیوی بولمشدرد. (غلطه مع بک اوغلی) و (اسکدار) جهتی خارج طو تلدینی حالده (نفس استانبول) یدی عدد تپه دن متشکل بر برون اوزرنده کائن مثلث الشكل بر محل اولوب بر جهتی قره یعنی (یدی قله) دن (ایوان سرای) قریه سنه قدر ایکی ساعت امتداد ایدن بر سور عتیق ایله محاط و اوچ جهتی بحر ایله محدوددر . یعنی جنوبی

اولان (ایاسوفیه) و اوائلده (ایودروم Hippodrome) اسمیله مشهور اولوب ایوم (آت میدانی) دیمکله معروف اولان میدان داخلنده الی منار ملی (سلطان احمد) و معمار لغندن مهارت کامله مشاهده ایدیلن (سلیمانیه) و (بکی جامع) و ۸۶۷ تاریخنده (ابوالفتح سلطان محمد خان ثانی) حضرت تلیزینک تأسیس و بنا بیوردینی (فاتح) و (سلطان سلیم) و (بایزید) و (نور عثمانیه) و (شهرزاده) و (لاله لی) و ایوب سمتنده ایوب [جامع حولیسنده خالد بن زید ابی ایوب الانصاری حضرت تلیزینک تربۀ شریفه سی بولمغله مقام مذکور زیارتگاه نامدر] و دروننده خرقة سعادت بولمق حبیلله زیارتگاه اولان (خرقة شریفه) کبی واسع و صنعت انشائیہ جه مشهور جوامع شریفه ایله ۳۶۰ دن متجاوز جوامع و مساجد شریفه و تکدر و اکثری جوامع و مساجد جوارنده بانلیزینک تربهلری و علوم و فنونه متعلق کتب معتبره ایله مملو ۴۳ قدر کتبخانه و کتبخانه عمومی و ۱۰۰ قدر مدرسه و ۵۰ مطبعه و ۳۰۰ قدر مکاتب صبیانیه و ابتدائیه و رشدیه ملکیه مذکور مکاتبلره معلم یتشدرمک ایچون (دارالفنون)، (دارالمعلمین)، (دار المعلمات) و مأمورین ملکیه منشأ اولان مکتب فیص مکسب ملکیه شاهانه

(مرمره) دگزینه و شرقی (قره دگز) بوغازینه و شمالی مرمره نك بر قولنه ساحلدر. (كاغد خانه) تعبیر اولنان محله قدر امتداد ایدن بو قوله (استانبول لیانی) ، (خلیج قسطنطنیه) تسمیه اولنور.

استانبول لیانی (غلطه) و (بك اوغلی) جهتی نفس استانبولدن تفریق ایلر، خلیج قسطنطنیه واپورلریده دروننده ایشلر.  
(یکی سرای) و (طوپقو سرای) دینان محل مثلك رأسنه مصادف اولان یرلری اولوب بین الناس (کلیخانه ایچی) دینمکله معروفدر.

و (ملکیه شانه اعدادیسی) و وفا و اسکدار اعدادیلری و (حقوق)، (نواب)، (اورمان)، (زراعت)، (تجارت) مکتبلری و دیلسز بولنان اطفاله مخصوص (دیلسز مکتبی) و دائرة حربیه اقلامنه مخصوص (منشأ کتاب) و ایتم مسلمینک تربیه و تعلیمی ایچون (دارالشفقه) و هر نوع صنایع تحصیلنه مخصوص (مکتب صنایع) و اردوی هایونلره طیب یتشدرمک ایچون (طبیئه ملکیه) و مکاتب عسکریه اعدادیلرینه مخرج اولق اوزره استانبول جهتنده درت عدد عسکری رشديه سی و همان هرکوشه و سوقاق باشلرنده خیرات اوله رق (۴۰) ی متجاوز سییل و ۲۰ قدر عمارت و متعدد خسته خانه لر و ۳۰۰ قدر قره غوخانه و طوپخانه عامریه منسوب (فشنکخانه) و (زیتون برونی) فابریقه هایونلری، (باروتخانه)، (موزه خانه)، (فسخانه)، (باب عالی)، (باب سرعسکری)، (مالیه) جسم بنالری و (سرای برونی) دینان محله متعدد کوشکلر ایله بر عدد فنار و ۷۳ سوقاغی و ۷۷۰ قدر دکان و مغازه یی حاوی بولنان (چارشوی کبیر)، (مصر چارشوی)، مثللو چارشولر موجوددر.

استانبوله دکردن نظر ایدلدیکی حالدہ بر طاقم منارملر ایله جوامع شریفه قبهلری و الوان مختلفه ایله رنگارنگ مرتفع و ظریف بنالر و آرملرنده آغاچلر ایله مستور و ازهار متنوعه ایله مفروش باغچلر نمایان اولمغله نظارت بحریه سی چشمه جلا و قلبه صفا ویرر. داخل شهرده دخی سایه پادشاهیده اولسان اقدامات ثمره سیله چوق سمترلرنده منتظم جاده و میدانلر آچلمش و طرز جدید اوزره خیلی بنالریا پالمشدر .

آثار عتیقه دن اوله رق بو جهتمده ( چنبرلی طاش [۱] ) و دیکیلی طاش [۲] و بورملی ستون [۳] و قیز طاشی [۴] و عتیق

[۱] ( یاتیق دیرک ) دخی دینلن ( چنبرلی طاش ) استانبولک بانئ ثانیسی اولان ( بیوک قسطنطین ) بت پرستلکی زماننده روما ویا آناتولی مضافتندن ( لیدیا ) الکاسنده ایوم ( یموق قلعه سی ) دینلن ( هراپولیس ) بلده سندن نقل و میلادک ۳۳۰ تاریخنده ( دیوان یولی ) جاده سنده موقع معلومنه رکز ایتدیرمشدر . مذکور طاشک ذروه سته بر مشهور و مصنع صنم اقامه ایتمش ایسه ده مرور اوقات ایله صنم مذکوره صاعقه اصابت ایتدیکندن یر طرفی قیرلمش و بعده شدتلی لدوس روزکار ایله بسبتون ییقلامشدر . بو طاش یکپاره اولیوب سکز پارچه قزل سماکی طاشدن عبارت اوله رق باقر چنبرلر ایله بربرینه مربوطدر . مذکور ستونک ارتفاعی ۹۰ و دوری ۳۰ قدمدر .

[۲] ( دیکیلی طاش ) بیوک تتودوسک وضعی اولوب ۳۷۹ تاریخ میلادینده مظفریت و غالبیت واقعه سی ایما ایچون ( آت میدانی ) دینلن محله دیوار خرچیلله انشا ایتدیرمشدر . اشبو اورمه دیرک حالا چیوی یرلرندن آکلاشدینی اوزره ذروه سندن قاعده سته قدر باقر ایله قاپلامش و آنک اوزری دخی آلتون یالیزلی اولدینی حالدہ مؤخرأً قالدیرلمشدر . بونک ارتفاعی ۹۴ قدم و قاعده سی ۷ قدم ۳ پرمقدر .

صہرنجیلردن معدود اولان ( یرہ باتان ) ، ( بیك بر دیرك ) نامیلہ معروف مغارہ لر [ ۵ ] و حریق و قوعنی اخبار ایچون دائرۂ امور عسکر یہ دم بر عدد قلعہ [ ۶ ] وارد ر .

تراموای عربہ لری دخی کوپری باشندن ( اقسزای ) ہ واورادن بری ( طوپقو ) یہ و دیگر ی ( صاتیہ ) ، ( یدی قلعہ ) یہ قدر ایشلر .

بك ارغلی — بوکا اجنبیلر ( قارشو ) معناسنه دلالت ایدن ( پورا ) دیرلر .

بلاد ثلاثہ دن ( غلطہ ) جہتی خلیج درسہ مادتك طرف یسارینی و بوغاز ایچی نك تکمیل روم ایلی ساحانی حاوی والیوم ( بك ارغلی ) ، ( بشکطاش ) ، ( یکی کوی ) ، ( بیوک درہ ) نامندہ درت عدد دائرۂ بلدیہ یہ منقسم واسہ تانبولہ ایکی بیوک کوپری واسطہ سیلہ مربوطدر .

ہیروغلف خطیلہ منقوش دیگر بر دیکیلی طاش دخی وارد رکہ یکپارہ و ہری بر قزل سما کی اولوب ۳۷۲ تاریخ میلادیسندہ ( تئودوس ) نامندہ کی قیصر مصر اسفلدہ واقع ( ہیلیوپولیس ) شہرندن نقل ایتدیرہ رك یاش حالاطلر واسطہ سیلہ اوتوز ایکی کون ظرفندہ اورایہ رکز ایتدیرمشدر . بوطاش تقریباً ۸۰ مترو مکعبندہ و ۲۲۰ طونیلاتہ ثقلتندہ در .

[ ۳ ] طونجندن معمول ( بورملی ) ویا ( ییلانی ) ستون دخی بونک یانندہ اولوب ( بیوک قسطنطین ) ك پت پرستکی زمانندہ و میلادك ۳۳۰ تاریخندہ یونانستاندہ کاش ( دانی ) شہرندن نقل اولنمش و مؤخرأ اوجلرندہ اولان ییلان باشلری قیرلمش و شمیدیکی حالہ موزہ خانہ دہ یالکز بری محفوظ بولنمشدر .

بو جهت دخی ( استانبول ) مثللو معمور و آبادان اوله رق  
( غلطه ) سمتی اجنبی تجاری ایله مسکون و ( بك اوغلی ) ظرفی  
اوروپا - فراسنك اقامتگاهی اولوب مزین کار کیر بنالری و غابه لك  
جاده لری و بیوک باغچه لری حاویدر . [۱]

[۴] قیز طاشنك بانیسی دخی ( تئودوس ) اولوب ۳۷۱ سنه  
میلادیسنده انشا ایتدیرمشدر . ۴۲ متره ارتفاعنده بولان مذکور طاش  
شمیدیکی حالد ( قیزطاشی ) نامیله تسمیه قلمقده اولوب اوزرنده ( وهنوس )  
معبوده سنك تصویر ی اولق اوزره طونجن مصنوع بر قز صورتی بولمغله  
اولوقت ( وهنوس طاشی ) اسمیله یاد اولنور ایدی .

[۵] ( یره باتان ) صهرنجی آیا صوفیه سمندره اولوب ( علی بك )  
کوبی حوالیسندن یر التندن کلن قرق چشمه صولرینك فضله سنی جمع  
ایدر . اشبو صهرنج غایت مکلف و طولاً ۱۶ و عرضاً ۲۸ صره دن  
عبارت ۳۳۶ سماکی ستون ایله مزیندر .

( بیک بر دیرك ) نام قدیم ایله ( فیلقسن ) صهرنجی ایسه فضلی پاشا  
قوناغی موقعنده آت میدانه ناظر در . اشبو صهرنج الیوم ایپک بوکیچی  
اصنافنك دستگاهی اوله رق مبالغه ایله ( بیک بر دیرك ) دینوب ۲۲۴  
صهرم دیرکی واردر .

[۶] حریق قله سنی دخی ۱۲۴۴ تاریخ هجرتسنده سلطان محمود خان  
ثانی حضر تری بنا و انشا ایلدی .

[۱] بوجهتده دخی ۱۲ مطبعه و ۱ رصد خانه و قری و محلات  
سائرده جامعلر و مسجدلر و ملل مختلفه یه مخصوص عبادتخانه لر و علوم  
و معارفك هر صنف تبعه یه نشر و تعمیمی ایچون ( مکتب سلطانی ) و ارمنی  
و روم و یهودی مکتبلری و هر محله ده صبیان مکتبلری ایله مکاتب ابتدائیه  
و ذکور و اناته مخصوص ملکیه رشیدی لری و بری بریه یه و بری بحریه یه



آثار عتیقه‌دن اوله‌رق ( غلطه قله‌سی [۲] ) وارددر .  
 ( قره کوی ) دن ( قله قیوسی ) نه ایشلمکده اولان ( تونل )  
 ایله ینه ( قره کوی ) دن ( شیشلی ) یه و ( عزب قیوسی ) نامنده کی  
 محلدن ( اورته کوی ) ه قدر ایشلمکده بولنان تراموای عربیه-  
 لری سیر و سفری تسهیل ایدر .

مخصوص ایکی عدد عسکری رشديه‌سی وارکان حرب و پیاده و سواری  
 و بیطر ضابطانی یتشدیرمک ایچون ( مکتب فنون حربیه ) و اردولره  
 استحکام و طوپی و مهندس ضابطلری احضارینه مخصوص ( مهندسخانه  
 بری هاپون ) و اتصالنده اعددبسی و ملکیه یه مهندس یتشدیرمک ایچون  
 ( ملکیه مهندس ) مکتبی و طوپیخانه و ترسانه اعمالات حربیه مکتبلی  
 و بالجله سفن هاپونک تعمیر و تجدیدی ایچون ( ترسانه عامره ) و طوب  
 و تفتک مثللو دوات علیه‌نک کافه آلات و ادوات حربیه سیله تفرعات  
 سائره‌سی و آنلره لازم کلن دستکاه و سائره‌بی اعمال ایچون ( طوبخانه  
 عامره ) فابریقه هاپونلری و ۱۰۰ دن متجاوز ( قره قولخانه ) و اسلحه‌نک  
 حفظنه مخصوص ( سلاحخانه ) و بک اوغلنده کی ( غلطه سرابی ) ،  
 ( طوپی ) ، ( مجیدیه ) [ که ( طاش قشله ) اسمیله دخی یاد اولنور ]  
 و ( کموش صوبی ) ، ( پانقالتی ) ، ( اورحانیه ) قشله هاپونلری و خسته-  
 خانه‌لر و ( غازخانه ) ، ( یلدیز ) ، ( طولیه باغچه ) سرای هاپونلری  
 و ( حاجی حسین باغی ) و ( کاغذخانه ) و ( ایاس اغا ) مثللو کوشکلر  
 و نفس نفیس شاهانه یه مخصوص چفتلکار و اهالی‌نک تترهنه مخصوص  
 متعدد مسیره‌لر و بوسمتده ( قلیج علی پاشا ) ، ( نصرتییه ) ، ( فندقلی ) ،  
 ( والده ) ، ( بشکطاش ) ، ( مجیدیه ) ، ( اورحانیه ) ، ( حمیدیه ) ،  
 ( اورته کوی ) و محلاتدن محله جوامع شریفلری موجود و غلطه طرفنده  
 بولنان ( عرف جامی ) و ( یرالتی جامی ) قدم جهتیه مشهوردر .  
 [۲] آثار عتیقه‌دن اولاه غلطه قله‌سی دخی ۵۴۰ تاریخ میلادی‌سنده  
 ایمپراطور ( انستاس دو قوس ) طرفندن اوفاق برقله اولوق اوزره بسا

اسکدار — اسکدار جهتی مستطیل الشكل اولوب غربی (بوسفور) و جنوبی مرمره دکزینہ ساحل و شرقی (قرتال) و شمالی (بکقوز) قضا-الریله محدود اوله رق الیوم (اناطولی حصارى)، (اسکدار)، (قاضی کوی) اسمندہ اوج دائرہ بلدیہ یہ تقسیم اولمشدر [۳].

(اسکدار) ک قارشوسندہ و (سرای برونی) ایله بینندہ (قز قلهسی) [۴] دینمکله معروف وسط بحردہ بر فنار موجوددر.

اسکدار — بلدہ عظیمہ سی آناتولی قطعہ سندہ واقع بلادک معروف و مشہوری اولوب درونی (چاملیجہ) کبی مفرح و دلکشا محللر تزیین ایلمشدر.

مرمره دکزى ساحلندہ و (اسکدار) ک ۳ کیلو متره

و مؤخرأ جنوبزلر طرفدن ۱۴۴۶ تاریخندہ ہیئت معلومہ سی اوزره انشا اولمش و عصر جدیدہ دخی اوست طرفی مشاهدہ اولنان صورتہ افراغ ایداشدر.

[۳] بووجهتده دخی داخلندہ (بکاربکی) و (کوک صو) وامثالی قصر هایونلر و ۱۰۰ دن مجتاوز جوامع و مساجد شریفه و مدارس خیریہ و برجوق مکاتب ابتدائیه و ۳ غدد ذکور و ۲ عدد اناث ایچون ملکیه رشدیه سی و برعدد دخی عسکری رشدیه سی و حربیه و طبیه مکتبلرینہ مخرج اولقی اوزره قله لی ده بررده اعدادیه مکتبلری و جراح مکتبی و بیمارخانه و بر قاچ خسته خانه و یاغخانه و ۵۰ دن متجاوز قره قولخانه و چند عدد قشله و (ایجادیه) دینلن موقع مخصوصده حریق وقوعی اخبار ایچون برکوچک قله ایله ۶ عدد طوب موجوددر.

[۴] قز قله سنی ۲۷۰ تاریخ میلادیسندہ (هراقلیوس) نامندہ کی ایمپراطور بنا ایتدیردیکی مرویدر.

مسافه سنده (قاضی کوی) بلده سی وارد رکه استانبولک صیفیه -  
لرندن معدود و تاریخیجه مشهوردر .

### ✽ شهر امانته ملحق قضاار ✽

شهر امانته ملحق اوله رق یوقاری ده ذکر ی سبق ایلمدیکی  
وجه ایله (بکقوز) ، (شیله) ، (قارتال) ، (ککبوزه) ، (کوچک  
چکمجه) ، (آطه لر) قائم مقام قلماری وارددر .

بو قائم مقام قلماردن (آطه لر) قائم مقام نی برنجی و (شیله)  
قائم مقام نی اوچنجی و دیگر لری ایکنجی صنف قائم مقام لریله  
اداره ایدلمکده در .

(بکقوز) قضااسنک مرکز اداره سی قره دکز بوغازی  
ساحلنده کائن (بکقوز) و (شیله) قضااسنک کرسی اداره سی  
بحر سیاه ساحلنده کائن (شیله) و (قارتال) قضااسنک اداره  
مرکزی (بحر مرمره) کنارنده کی (قارتال) قصبه لیدر .  
(مانته) قصبه سی دخی (قارتال) قضااسنه تابع و (حیدر پاشا) دن  
(ازمید) . کیدن شمندوفر خطی اوزرنده واقعدر .

(ککبوزه) قضااسنک مرکز اداره سی اولان (ککبوزه)  
قصبه سی مرمره دکزی ساحل قربنده و شمندوفر خطنک یارم  
ساعت بعدنده کائندر . [بو قصبه جوارنده قرطاجه امرای  
عسکریه سندن مشهور (آنیبال) مدفوندر] . (داریجه)  
ناحیه سی بو قضایه مربوطدر .

(کوچک چکمجه) قضای دخی شهر امانته ملحق قضااردن

بریدر. مقر اداره سی ( مقری کوی ) قصبه — پندر. مرمره.  
دکزی ساحلنده بولنان ( کوچک چکمهجه ) قصبه سی ایسه نواحی  
مشهوره سندن برینه مرکز اتخاذ ایدلمشدر. ( صویولی ) ( کمر  
برغوس ) ناحیه لری بوقضایه ملحقدر.

آطه لر قائمقامی — آطه لر قضاسی ( قزل آطه لر ) دینلن  
( بیوک آطه Prinkipos )، ( هکبه لی Halki )، ( قنه لی Proti )،  
( بورغاز Antigoni ) — سملرنده دردی مسکون و ( او قزیا  
Oxia ) ویا ( سوری ) و ( پلاتیا Plata ) ویا ( یاصصی ) و ( پیدا  
Pita )، ( نیاندروس Niandros )، ( آتی روویت-وس  
Antirovithoos ) ویا ( صدف ) نامنده بش عدد کوچک وغیر  
مسکون آطه لر دن متشکلدر.

بیوک آطه — اشبو ( بیوک آطه ) قزل آطه لر تسخیه ایدیلن  
جزائرک اک جسم و معروفیدر. اوزون و اکسز اولان بو  
جریره مرکز قضا اوله رق سرای برونندن تقریباً ۱۴ میل  
بعیددر. هواسنک لطافتندن ناشی کرک اغنیا و کرک بک اوغلی  
خلقنک صیفیه سی اولغله معمورددر.

هکبه لی آطه — بو آطه یارم ساعت طولنده و بر چاریک  
عرضنده اولوب داخلنده ( مکتب بحریه شاهانه ) و مکتب  
درونده بر عدد قصر هایون و مرتفع بر محله غایت منتظم بر  
روم تجارت مکتبی و اسکیدن قلله ایکی عدد مناستری و ( چام  
لیمانی ) اسمیله یان اولنور برده لیمانی وارددر.

قەلى آله — جزيرە مذکورە سىراى برونك ۸ ميل قدر  
مىسافە سەندە و ۳ ميل وسەتەندە اولوب بر قريه ايله بر عدد  
مناسەتى حاویدر .

بورغاز آله سى — مذکور آله قەلى آله نك ۳ ميل قدر  
بەدەندە اولوب شەمال وجنوب سەتلىرى صەعب المروور قىمالر ايله  
مستور وجوانب ئلەسى لىمانلر ايله محفوظدر .

بالادە مذکور جزيرە صغیرە لر دخى ھرنە قدر مسکون  
دککلىر ايسەدە بالق محصولاتجە شەرتلىرى واردر .

### ﴿ چتالجه متصرفلىقى ﴾

( چتالجه ) سەنجاغى ويا متصرفلىقى ( كوچك چكەمچە )  
قزاسنك غەربەندە واقع اولەرق شەمالى بجر سياهە وجنوبى مەرمە  
دكزىنە ساحل وغەربى ( ادرنە ) ولايتتە متصلدر .

اشبو مستقل متصرفلىق ( چتالجه ) ، ( بيوك چكەمچە ) ،  
( سلورى ) قزالرىنى حاویدر . بونلردن ( بيوك چكەمچە ) ،  
( سلورى ) قزالرى اوچنچى صنف قزالرندن معدوددر .

( چتالجه ) قزاسنك مەركز اداره سى تيموريولى اوزرندە  
كائن ( چتالجه ) قصبە سیدر . مەركز اداره سى ( قرچە ) قريەسى  
اولان ( تر قوس ) ناحیەسى ( چتالجه ) قزاسنە تابعدر .

( بيوك چكەمچە ) قزاسنك مەركز اداره سى كەندى اسميله ياد  
اولنان قصبەدر . اشبو ( بيوك چكەمچە ) قصبەسى ( مەرمە ) دكزى




ساحلنده بوانه رق اوکنده بر کول تشکل ایتمش وایام شتاده کند ییه  
آقان (قره صو) واسطه سیله صوی تزايد ایتدیکندن مدخلنه متین  
وکار کیر بر کوپری بنا ایدلمشدر .

(سلوری) قضا سنک مرکز اداری دخی مرمره دگری  
ساحلنده کائن (سلوری) قصبه سیدر . بوقصبه نك پنا یری رواجلی  
اولوب تجارتی کلیتایدرد . باشلیجه اخراجاتی (میوه) ، (گور) ،  
(پیاغی) در . (یغورد) ی دخی مشهوردر .

### ﴿ از میدان منصرفی ﴾

(از میدان) مستقل متصرفی (آناطولی) شبه جزیره سنده  
بولندینی جهته (آسبای عثمانی) ولایاتی صره سنده تعریف  
ایدیله جکندن بوراده ذکرندن صرف نظر اولمشدر .



## ﴿ ادرنه ولایتی ﴾

حدود — سکنه — تعریفات طبیعیہ — محصولات ارضیہ  
و صناعیہ — صورت اداره — احوال بلاد مشہورہ

سرود — ادرنه ولایتی اور وپای عثمانیہ کائن ولایتلردن بری اولهرق ( چتالجه ) متصرفلغتك غربنده واقع و شمالنده ( بحر سیاه ) ایله ( روم ایلی شرقی ) و غربنده ( سـلانیک ) ولایتلری کائن و جنوبی ( مرمره دکزی ) و ( قلعه سلطانیہ بوغازی ) و ( آطهلردکزی ) نه ساحلدر .

سکنه — ولایت مذکورہ نك بالجه سکنه سی اکثریسی اسلام و متباقیسی ملل سائرہ دن عبارت اولمق اوزره تقریباً ۸۵۰,۰۰۰ نفوسه بالغدر .

تعریفات طبیعیہ — بو ولایتك هواسی صاعلم و لطیف اولوب داخلنده واسع اوولر واردر .

( استرانجه ) طاغلری شرقنده و ( تکفور ) طاغی سلسله جبالی جنوبنده و ( دسپوت ) طاغلری غربنده امتداد ایدر . بولردن ( تکفور طاغی ) اخلامور آغاجلرینی و ( استرانجه ) طاغلری مختلف الجنس اشجاردن مرکب اورمانلری و ( دسپوت ) طاغلری هر نوع اشجاردن مرکب کثیر العدد اورمانلری و پك جوق مرعاری حاویدر . باشلیجه ( طونجه ) ، ( آردا ) ، ( ارکنه ) صولرینك کندی به جریان ایتسیله کسب جسامت ایدن ( مریج )

نهری ولایت مذکورہ میں احیا ایتمکده و ( قواق ) صوبی دخی  
( ساروس ) کورفزیہ سو ویرمکده در .

بونلردن باشقه ( یارملی دره ) آطہلر دکزینہ و ( قرہ جہ صو )  
ایله ( قوری چای ) ( قرہ آغاج ) لیماندن متشکل ( بورو ) کولہ  
آققده در .

محصولات ارضیہ و صنایع — ادرنہ ولایتک ترابی منبت  
و محصولدار اولغله اراضیسندہ ہر نوع حبوبات یتیشیر . اکثر  
طرفلرندہ دخی ( اوزوم ) ، ( توتون ) ، ( کتان ) ، ( پموق )  
حصولہ کلیر .

ولایتک ( کل یاغی ) ، ( کل صوبی ) ، ( بالومی ) ، ( بینیر ) ،  
( روغن زیت ) محصولات صنایعہ سندن اولوب احتیاجات محلیہ دن  
فضله سی خارجہ صاتیلور .

ادرنہ ولایتک کرک تیمور یوللری و کرک مرمرہ دکزندہ  
واقع ( تکفور طاغی ) ، ( کلیولی ) و آطہلر دکزندہ کائن  
( درہ آغاجی ) ، ( لاغوس ) اسکله ولیمانلری سایہ سندہ تجارتی  
یولندہ اولوب بونلرک مشاہیری ( کلیولی ) و ( ددہ آغاج ) اسکله -  
لریدر . اشبو ( کلیولی ) اسکله سی ( چناق قلعه ) بوغازی ساحلندہ  
بولنگله بحر سیاه و آطہلر دکزندن کلوب کیدن سفائنک مریدر .  
( ددہ آغاجی ) ہر نہ قدر لیمانہ مالک دکل ایسہ دہ ( ادرنہ ) دن  
کلن شمندوفر خطنک اہمیتی موقفیدر .

## — صورت اداره —

ادرنه ولایتک ( ادرنه ) ، ( قرق کلیسا ) ، ( تکفور طاغی ) ،  
 ( کلیولی ) ، ( دده آغاجی ) ، ( کوملجنه ) نامیده آلتی عدد  
 سنجاغی واردر . مقر ولایتی ( ادرنه ) شهری اولوب سنجاغ  
 مرکز لری کندی اسمارنده بولنان قصبه لردر . مذکور سنجاقلره  
 منسوب قضائر آتیله کی جدولده کوسترلشدر .

ادرنه سنجاغی			قرق کلیسا سنجاغی		
ردیف	قضالر	مرکز اداره لری	ردیف	قضالر	مرکز اداره لری
۱	جسر مصطفی پاشا	—	۳	مدیه	—
۲	دیمتوقه	—	۱	طرنوه	—
۱	قرهجه علی	—	۲	بابای عتیق	—
۳	خوصه	—	۲	اخته بولی	واسیلیقو
۲	جسر ارکنه	—	۲	ویزه	—
۲	اورته کوی	—	۲	لوله بورغازی	—
تکفور طاغی سنجاغی			دده آغاجی سنجاغی		
۲	معلقره	—	۳	ایشوز	—
۳	خیده بولی	—	۲	صوفیلر	—
۲	چورلی	—	کوملجنه - سنجاغی		
کلیولی سنجاغی			۲	اسکیجه	یکجه قرهجه صو
۳	کشان	—	۱	سلطان یری	قوشقواق
۳	مرفته	—	۱	انجی چلی	باشماقلی
۳	شارکوی	—	۲	اکری دره	—
۳	آجه آباد	مایدوس	۲	داری دره	—

## — احوال بیود مشهوره —

ادرنه شهری — ( مریچ ) ، ( طونجه ) ، ( آردا ) نهرلرینک  
اجتماع و تلاقی ایتدکاری محله قریب غایت کوزل و خوش منظر  
بر صرت اوزرینه مبنی ۸۵,۰۰۰ نفوسی محتوی و درت طرفی  
باغ و باغچه و بساتین ایله محاط و بر اسکی قلمه یی حاوی و طوپراقدن  
یاپلمش استحقاکلر ایله محدود بر بلده رعنا اولوب آسمانه علیه نك  
۴۴ ساعت شمال غریب سنده کائندر ، استانبوله دخی بر تیمور یول  
خطی واسطه سیله متصلدر.

مذکور شهر سلطان مراد خداوند کازک زمان ساطت لرنده  
فتح و تسخیر و ممالک عثمانیه یه ضم و الحاق اوانوب ابوالفتح  
سلطان محمد خان ثانی حضر تلرینک استانبولی فتح بیوردقلری  
زمانه قدر دولت علیه ابدی الدوامه پای تخت ثانی اتخاذ قلمش  
و بو کونکی کونده ایکنیجی اردوی هایونه مرکز اولمشدر.

( ادرنه ) نك ( علی پاشا چارشوسی ) دینلن کار کیر و جسم  
چارشوسی ایله ( اسکی سرای ) ( طونجه کوپریسی ) مشهوردر.  
اشبو ( علی پاشا چارشوسی ) استانبولده کی چارشوی کیره  
آکدیرر. چارشونک اتصالده برده جامع شریف واردر.  
بونک براز اوزاغنده ( اسکی آراسته ) نامیله معروف اولان  
دیگر کیر چارشوی ( علی پاشا چارشوسی ) قدر معمور دکلدرد.



بونلردن باشقه ادرنده جسم بر بدستان و متعدد کارکیر  
خانلر و بوکا مانند بنالر واردر . ادرنهك ( سرای ایچی  
مسیره سی ) ایام بهارده لطیف اولور . باغلرنده اعلا اوزوم  
و رایحه لی قیصی و آرمود و امثالی فواکه و اشجار کونا کون  
یتیشیر . ادرنهك ( بامیه ) محصولی دخی مشهوردر . رواج  
طیبه یی حاوی ( مسك صابونلری ) ، ( صغیر دلی بصدرمه سی ) ،  
( دواء مسك شکرى ) ، ( قشر پنیری ) هر یرده مقبولدر [ ۱ ] .

[ ۱ ] سلاطین عظام جنت مکان حضرتهك اوان اقامتلرنده آثار حسنه .  
لرندن اولق اوزره احیا و انشا بیوردقلری ( ییلدیرم سلطان بایزید )  
حضرتهلرینك ناملرینه منسوب جامع شریف ایله سلطان محمدخان حضرتهلرینك  
( اسکی جامع ) دیمکله معروف محکم جامع شریفلری و ( سلطان مراد  
ثانی ) علیه رحمة الباری حضرتهلرینك بری اوچ شرفه لی و دیگرى ( مرادیه )  
ناملرله جامع شریفلری و مدرسه و عمارت و مولوی خانه لری و ( طونجه )  
قربنده ( سلطان بایزید ) حضرتهلرینك کذلک ایکی مناره لی جامعلری  
و عمارت و مدرسه لری و ( سلطان سلیم ثانی ) حضرتهلرینك دوت مناره لی  
نام عالیسنه منسوب جامع شریف ایله مدرسه سی و سائر خیرات جلیله لری  
مملکتک اک بیوک شرف وزینتیدر .

سلطان سلیم جامی ایسه جمله سنک جسیمى اولوب کرک متاتی و کرک  
صنایع معماریه جه حائز اولدینی نفاستی جهته نادرالامثالدر . سلطان محمود  
ثانی حضرتهلرینك ( ادرنه ) جوارنده جسیم بر قشله لرله درون قشله ده  
برده جامع شریفی واردر . طوپیجی عساکر شاهانه ایچون دخی مکمل  
بر قشله یامشدور .

جوامع شریفه مذکورهدن ماعدا محلات جوامع و مساجد شریفه سی  
و ایکنجی اردوی هابونه مخصوص بر باب مکتب اعدادی شاهانه و چند

قری کلبا قصبه سی — ادرنه نك ۱۲ ساعت قدر شرقده  
و (استرانجه) طاغندن کچن مشهور طریقك آغزنده در. بو  
قصبه نك اوزوم باغلی کثیر و جویزلی صوجوغی مشهور در.  
تکفور طاغی قصبه سی — مقر ولایت اولان ادرنه نك ۱۵  
ساعت جنوب شرقیسنده و بحر مرمره ساحلنده بر اسکله در.  
(تکفور طاغی) قصبه نك اصل تجارتی فعالیتدر. باشلیجه

سنه مقدم (حمیدیه) نام عالیسی ایله یتیم و بیوایه اطفالك تعلیم و تربیه لری  
ایچون زراعت نمونه چفتلکننده کشاد بیوریلان و (زراعت، صنایع،  
تجارت) شعبه لینه تقسیم اولان مکتب فیض مکسب و بوندن باشقه بر  
عسکری رشدییه سی و ایکسی ذکوره و بری ائانه مخصوص اوچ عدد  
ملکیه رشدییه سی و ابتدائیه مکتب لری و محلاتده برر صبیان مکتبی و ملل  
سائره یه مخصوص مکتب لری و چند عدد مدرسه و تکیه و بر عدد مطبعه  
و بعض اشیانك نسجه مخصوص کارخانه لری و دباغخانه لری موجود در.

ادرنه نك بر ساعت محلنده بولنان (آرناود) قریه سنده جسیم بر طاش  
معدنی موجود اولوب بوندن چیقاریلان طاش کوپری و امثالی کارگیر  
بنالره صرف اولنمقده در.

مذکور قریه جوارنده صوبی غایت خفیف و هاضم بر چشمه وارد در  
بو صو دوام اوزره ایچلکده ضعف معده اصحابنه منافعی مجربدر.  
(ادرنه) شهری جوارنده (تیور طاش) نامنده کی محله میاه  
نفیسه دن (تیور طاش) صوبی وارد در.

(ادرنه) یه ۶ ساعت مسافده کاشن (اورته کوی) ده دخی  
چلیکلی بر صو نبهان ایدر که مذکور صوبی اطبا چلیک ویره جکلی  
خسته یه ایچیررلر.

اخراجاتی چوغی استانبوله کوندریلن ذخیره اولوب (قارپوظ)،  
(قاوون) محصولی مشهوردر .

کلیبولی قصبه سی — ادرنه نك ۲۸ ساعت جنوب بنده  
و کندی اسمیله یاد اولنان شبه جزیره اوزرنده و (قلعه سلطانیه  
بوغازی) ساحلنده در. بوغازدن کلوب کچن کیلرک اشیا و ذخیره  
آلمرینه مخصوص برده ایشلک لیمانی واردر. مذکور لیماندن  
بك چوق ذخیره، (پموق)، (پیاغی)، (حریر) خارجه اخراج  
اولنور.

مواقع مستحکمه دن اولان (بولایر) کلیبولی ملحقه اتندندر.  
دده آغاجی قصبه سی — آطه لر دکزی ساحلنده واقع  
اوله رق مقر ولایت اولان (ادرنه) یه بر تیمور یول خطی  
واسطه سیله اتصال کسب ایتمش مهم بر تجارت اسکله سیدر. (ادرنه)  
ولایتک باشلیجه ادخالات و اخراجاتی (دده آغاجی) قصبه سی  
ایله اولور. (ادرنه) ایله بینی ۱۶ ساعتدر .

دده آغاجی قضا سنک (قره جک) ناحیه سنه ایکی بچق ساعت  
مسافده صوبی حرارتلی و غایت مسهل قره ایلیجه سی، نامیله  
بر عدد ایلیجه موجوددر.

کوملجه قصبه سی — مرکز ولایتک جنوب غربی بنده  
و (استانبول) دن (سلانیک) ه کیدن مشهور طریق<sup>۹</sup> اوزرنده در.  
(قره جه صو) دینان ایرماق حواله سنندن جاریدر.

بو قصبه نك بالی مشهور و دروننده اعمال اولنان سختیانی  
معروفدر . اسكله سی دخی ۶ ساعت بعدنده و ( لاغوس )  
کورفزنده ( قره آغاج ) در [۱]

مبارک قصبه سی — ( اوزون کوپری ) اسمیله دخی یاد  
اولنور . بو قصبه ادرنه نك ۱۰ ساعت سمت جنوبیسه نده  
( ارکنه ) صوبی کنارنده در . ( جسر ارکنه ) قصبه سنك قاوونی  
و بر بقی ۷ کیلومتر و طولنده و ۱۷۴ کمر اوزرنده مبنی  
و ( اوزون کوپری ) دینکله معروف کوپری سی مشهوردر .  
مذکور قصبه ده غازخانه دخی یاپلمشدر .

دیمتوقه قصبه سی — ادرنه نك ۸ ساعت جانب جنوبیسه نده  
و ( قزل دلی ) چای نك ( مریچ ) نهرینه آق دینی محل قربنده در .  
درون قصبه ده ( ییلدیرم بایزید خان ) حضر تلی نك جامی واردر .  
( دیمتوقه ) قضا سنك ( قله لی برغوس ) ناحیه سی معروفدر .  
( استانبول ) و ( دده آغاجی ) شهر لرندن کلن شمندوفر  
خطاری بو ناحیه ده برلشیر .

اوله برغوس قصبه سی — قرق کلیسا قصبه سنك ۱۴ ساعت سمت  
جنوبیسه نده و ( استانبول ) دن ( ادرنه ) یه کیدن طریق  
اوزرنده در . ( ارکنه ) صوبی توابعندن بری قصبه یقینندن میور

---

[۱] هر ولایتک احوال بلا مشهوره سی آتیده بیان اولندی اوزره  
ترتیب اولنشدر شویله که: اولاً سنجاق مرکز لری و بعده او سنجاق لره  
ملحق قضا لر دن مشهور لری ذکر ایدلشدر .

ايدر، دروننده دخي يوندن شياق و طور اقدن يالديزلى كاسه لر  
ويازى طاقلرى و سيغاره اق ولوله كي شيلر اعمال اوانور.

( مديا )، ( اخته بولى ) قصبه لرى — ساحل بحر سياهده برر  
اسكله در.

بونلردن ( مديا ) قصبه مي قضا مركزى اوله رق پيشكاهنده  
تطهيره محتاج برليمانه مالكدرد. قصبه نك كمور محصولى مبذول  
واها ليسى بالقجىلق ايله مشهوردر .

( اينه آطه ) قريه سى ( اخته بولى ) قضا سنه مربوطدر .

چورلى قصبه سى — ( تكفور طاغى ) قصبه سنك ۶ ساعت  
سمت شمال شرقى سنده و كندى اسميله مسمى صويك قريبنده  
و ( استانبول ) دن ( ادرنه ) به كيدن شمندوفر خط نك اوچ كيلو  
مترو قدر جنوب بنده در . ( چورلى ) قصبه سنك پينرى و هر  
سنه ۱۲ نيسانده بدأ ايله ۱۰ كون امتداد ايدن پنايرى مشهوردر .  
چورلى اووه سنده بولنان قورى هايون دروننده بر چوق  
صو منبعلى و ذخير انبارلرى و بيوجك بر عدد اخشاب قله  
وارددر .

سار كوى، مرفه قصبه لرى — بو قصبه لر مقر لوا اولان  
( كليولى ) قصبه سنك سمت شرقى سنده و ( مرمره دكزى )  
ساحلنده در . پينلرى ۲ ساعت اولان مذ كون قصبه لك باغلرى  
مشهوردر .



بولنردن ( مرقته ) قصبه سنده طوغله و کیرمید اعمالنه  
مخصوص فابریقه وارددر. کوچک کیملرک بارنمسنه مساعد لیمانی  
دخی موجوددر. ( مرقته ) نک یکمزی مشهوردر.

اینوز قصبه سی — ( کلیولی ) نک ۲۰ ساعت قدر غربنده  
و ( مریچ ) نهرینک اغزلرندن بری قربنده و کندی اسمیله یاد  
اولنان کورفزک کنارندهدر. بوقصبه نک مملحه سی جوار قصبه  
وقضالریخی احیایدر. ( انز ) ک کوپلری مشهور اولوب درساعات  
ومحال سائرهمه نقل اولنور.

صوفیلر قصبه سی — ( مریچ ) نهری کنارندهدر. بوقصبه  
ادرندن دده آغاجی قصبه سنده کیدن شمندوفر خطی اوزرنده  
بولندیغندن تجارتگاهدر.


اسکیه قصبه سی — ( اسکچه ) قصبه سی مرکز لوا اولان  
( کوملجنه ) نک ۸ ساعت غربنده و ( دسپوت ) سلسله سنک اتکنده  
و ( اسکچه ) دره سنک قربندهدر. ( قرهجه یکیکچه سی ) ناحیه سی  
معروفدر.

مذکور قصبه نک اووه سی مشهوردر.

منسوب اولدینی قضاده دخی اعلا توتون حصوله کلهرک  
کلیسی تجاری معرفتیه مالک اجنیهیه و برمقداری درساعاته نقل  
اولنور. هرطرفده مقبول اولان یکیکجه توتونی بو قضانک  
محصولیدر.

قوشقوراق قصبه سی — کوملجنه سنجاغی ملحقه اتندن  
( سلطان یری ) قضااسنک اداره مرکزیدر. مذکور قصبه  
مرکز لوایه ۷ ساعت اوزاقدرد. ( آطه ) ناحیه سی بوقضایه  
مربوطدر.

باشماقلی قصبه سی — بودخی کوملجنه سنجاغی ملحقه اتندن  
( آنخی چایی ) قضااسنک مقر اداره سیدر. ( ایسمیلان ) ناحیه سی  
نواحی مشهوره سندن بریدر.



## ﴿سلانیک ولایتی﴾

حدود — سکنه — تعریفات طبیعیہ — محصولات ارضیہ و صناعیہ —  
صورت اداره — احوال بلاد مشہورہ .

مردود — سلانیک ولایتی شمالاً ( بلغارستان ) ابالتی  
و ( قوصوہ ) ولایتی و شرقاً ( ادرنہ ) و روم ایلی شرقی ولایتلری  
و جنوباً ( آطہلر دگزلی ) و غرباً دخی ( مناستر ) ولایتی اراضیسی  
ایله محاطدرہ .

سکنہ — ولایت مذکورہ نک مقدار سی سکنہ سی اکثریسی  
اسلام و متباقیسی ملل مختلفہ دن عبارت اولہرق ۸۵۰,۰۰۰  
قدر تخمین ایدلمکده در .

تعریفات طبیعیہ — سلانیک ولایتنک هواسی معتدل  
واراضیسی طاغلق و اورمانلق اولوب شرقندہ ( یل تپہ ) ،  
( پریم ) ، ( بوز ) و جنوبندہ ( بیگار ) و ( خالکیدک ) شبہ  
جزیرہ سندہ ( قورتاج Kortatsch ) و غربندہ ( بابونا Babouna )  
( نیجہ ) و شمالدہ ( ریلو ) ، ( مالش ) ، ( پلاجقاویجہ Plaskavitza )  
ویا ( بلوسقہ ) طاغلری کائندر .

( مستا ) ، ( استروما ) ، ( واردار ) ، ( اینجہ قرہ ) نامندہ کی  
نہرلر سلانیک ولایتی اسقا و احیا ایتدکدن صوکرہ صولرینی  
آطہلر دگزینہ اجرا ایدرلر .

(تا کینوس)، (بشیک)، (واسیلیوس)، (پراویشته)  
 (بوتقووه Butcova)، (آجی کول)، (طویران)، (اوسترووه)  
 اسمندہ کی کولار ولایت مذکورہ داخلندہ در.

محصولات ارضیہ و صنایعہ — ولایت مذکورہ نیک اراضیسی  
 ہر نوع حبوبات یتشہدیر مکہ صالح اولوب حاصلات ارضیہ سی  
 انواع حبوبات ایله شروبی غایت معتبر اولوب بوکورتانہ مشابہ  
 برنوع دوت و (اوزوم) (ککتان)، (پموق) و انواع میوہ  
 و کلیتی تو توندن عبارتدر.

محصولات صنایعہ سی آقمشہ حریریہ و قطنیہ و خصوصیلہ  
 (چوراب)، (قالیجہ)، (سجادہ)، (حمام طاقلری)، (ککتان  
 حولیمی) و دوشمہ لک انواع قماش و (کوملکلک بز)، (برومجک)،  
 (سختیان)، (کون)، (مشین) و باقر و تونج ادوانی مثللو شیلردر.  
 ولایت مذکورہ (سلانیک) کورفری کی ایشلک بر لیمانہ  
 مالک و (واردار) نہرینی تعقیب ایدن شمندوفر خطہ و غایت  
 غیور و مقدم اہالی یہ صاحب اولدینی جہتله تجارت خصوصندہ  
 ولایات سائرہ فائق اولوب باشلیجہ اخراجات (توتون)،  
 (پموق) و (سختیان) در.

### — صورت ادارہ —

سلانیک ولایتی (سلانیک)، (سیروز)، (درامہ) نامندہ  
 اوچ عدد سنجاغہ منقسمدر. مقر ولایتی (سلانیک) شہری اولوب

سنجاق مرکز لری همنامی اولان قصبه لر دره . بوسنجاقلر بروجه  
آتی جدولده بیان اولان قضالری مشتملدر .

سیروز سنجاقی			سلانیك سنجاقی		
مرکز اداره لری	قضالر	نومبر	مرکز اداره لری	قضالر	نومبر
=	منلك	۲	پولیروز	کسندره	۲
ذخوه	زیخنه	۳	=	قره فیه	۲
=	رازلق	۳	=	یکیمه واردار	۲
=	پترج	۳	=	قاترینه	۲
=	نوره قوب	۳	=	وودینه	۲
=	چورحصار	۳	=	لنقطه	۳
جمعه بالا (دوبینجه جمعه می)			=	کوکیلی	۳
درامه سنجاقی			قیلقیش	عورتحصاری	۲
=	قواله	۳	=	طویران	۳
=	صاری شعبان	۳	=	استروجه	۲
=	پراویشته	۳	قوادار	تکوش	۳
دولن	رویجوز	۲	=	اینه روز	۱

### — احوال بلاد مشهوره —

سلانیك شهری — آطه لر دکنندن حاصل اولان واوچ یوز  
قدر سفینه نك اقامتنه کافی بولنان (سلانیك) دیه معروف اعلا  
برکورفرك ایجریسندده ومرتفعجه برتیه نك انکنده دره .

شهر شرق جهتنه طوغری کوندن کونه توسع ایتمکده دره .



داخل شهرده (حورتاج) صوبی جاریدر. بو صو شهرک خانه و حماملرینی و جامع و سائر محللرینی اسقا و احیا ایتمکده در. دروننده تقریباً ۱۵۰,۰۰۰ نفوس موجوددر. استانبولدن سوکره دخی روم ایلی شاهانه ک تجارتجه مهم بر اسکله سی و (واردار) نهری طریق و شمندوفر خطی ایله روم ایلی و سلطانک ادخالات و اخراجات مرکزیدر.

(سلانیک) شهری اوروپانک اکثر جهتلیله مناسبات تجاریه سی بولندیغندن مرکز تجارت اولغله لیمانده دائمی صورتده کلیتی تجارت کیملری بولنور. [۱]

[۱] داخل شهرده مقدا (ایودروم) دینلن میدان ایله ۶۰ دن متجاوز جوامع شریفه و ۱۷ کلیسا و پیاده و طوبجی قشله لری و خسته خانه و مطبعه لر و مکاتب صیانیه و ایکسی ذکوره و بری انانه مخصوص اوج عدد رشده و مکتب فیض صبیان و مکتب ترقی و حمیده صنایع مکتبی و مکتب اعدادی و ۷۰ قدر خان و هر دولته مخصوص قونسلسخانه و اون ذکرمنلری و کچه و کلیم کارخانه لری و ایبلک فابریقه سی و متعدد فابریقه لر موجود و منسوجات حریره و قطنیه سی و سختیانی مشهوردر. شهره بر ساعت مسافده برده زراعت مکتبی یاپلمشدر.

سلانیک یارم ساعت مسافه سنده طاشلق بریارک تپه سنده اسکیدن قاله خراب بر عدد قلعه و آنک التنده زمین ایله برابر اویولمش ایکی باب صغیر مغاره ایله بر ساعت بعدنده و بر طاغ تپه سنده و (ماریه) چفتلکی جوارنده (کلریه) نامیله بر قصر عتیق و درون سلانیکده (کلریه) قپوسی جاده سی اوزرنده آنار عتیقه دن اوله رق صورت مکله ده بر کر و سلانیک قلعه سنده حالا (واردار) قپوسی دینلن قپونک ایچنده منقش صر مردن ینه بر کر وارددر. کذلک (کلریه) ده (بیاض قله) نامیله دخی بر قله موجود در. سلانیک قضا سنده (کلر) یه ناحیه سنده بر نوع یومشاق طاش چیقار و کلیت اوزره سلانیکه کتیریلر ابنیه یه قوللانیلیر.

سیروز شهری — (سیروز = سهرس) شهری سالانیک  
 ۱۵ ساعت قدر سمت شمال شرقیسنده (اس-تروما) نهری  
 قربنده واس-تانبولن سالانیکه کیدن مشهور طریق اوزرنده  
 بر صحراده در.

مذکور قصبه جوارنده معادن واپور کموری وارد در.  
 (سیروز) ک اووه سی مشهور در. درندن دخی (قره صو) کچر.  
 سیروز اهالیسی ایک بوجکی یتشدر مکله مشغول اولدقلری  
 کبی یوک ویموق وخصوصیه توتون تجارتی ایله شهرت کسب  
 ایتملدر در.

(سیروز) قضاسی داخلنده و (تاکینوس) کولی حوالیسنده  
 بولنان بتاقلقلر ورنج ترالری اول طرفک هوا-نی توخیم  
 ایتلکده در.

درامه شهری — (سالانیک) ک شرقنده و تقریباً ۳۰ ساعت  
 بعدنده در. مذکور شهرک اکثر محلی اور مانلق اولوب هر جنس  
 اشجار حسیسه موجود در. (درامه) نک چوراب و یون  
 منسوجاتی معروف در.

بلکیمه داردار قصبه سی — سالانیک سنجاغک حاوی اولدینی  
 قضا مرکز لرندن بری اوله رق (سالانیک) ک ۸ ساعت قدر  
 غربنده و (مناستر) کیدن طریق اوزرنده در.

بو قصبه ده (کلیم)، (چوراب)، (شیاق)، (کتان بزی)  
 اعمال و درون قضا و داخل ولایتده استعمال اولنور.

ابنیه ده قوللانی-لان (کفکی) طاشی منسوب اولدینی  
قضاده دخی چیقار. (پللا Pella) خرابه سی مذکور قضا  
داخنده در.

قره فریه قصبه سی — سلانیک سنجانی ملحقاننده داخل  
اولان (قرفریه) قصبه سی — الانیک ۱۲ ساعت غربنده  
و (اینجه قره) نامنده کی صویک بر ساعت قدر صولنده در.  
مذکور قصبه سلانیکدن مناستره کیدن شسمندوفر خطی  
اوزرنده بولندیغندن اهمیتی حازدر.

قره فریه قضا سنک میری به عائد وقابل استفاده اورمانلری  
چوقدر.

(اغستوس) ناحیه سی (قره فریه) نک نواحی مشهوره -  
سندندر. (قره فریه) ایله بینلری ۴ ساعتدر.

قازینه قصبه سی — سلانیک سنجانی ملحقانندن اوله رق  
سلانیک ۱۶ ساعت سمت جنوبیسنده و (سلانیک) کورفری  
ساحلنده در. مذکور قصبه ساحل بحرده بولاندینی و کور  
اخراجاتی کثیر اولدینی جهتله حائز اهمیتدر. (بلیقاس) صوی  
دخی درون قضاده جریان ایتکده در.

وردینه قصبه — سلانیک ۱۴ ساعت جهت غربیه سنده

و مناستیریولی اوزرندہ و مرتفع بر موقعہ در۔ قصبہ درونندن  
( قرہ آزمق ) ۔ آقان ( ولادوہ Wladova ) صوبی جزیان  
ایدر ۔

قصبہ نک ( کلیم ) ، ( شیاق ) ، ( چوراب ) ی سلانیک و محال  
سائرہ کوندہ ریلیر۔ ایپک حاصلاتی دخی مشہوردر۔  
( وودینہ ) یہ ( قرہ قایا ) نامندہ کی صو کتیرلمشدر ۔

بو ادارہ یہ مربوط ( استرووہ Ostrova ) ناحیہ سی واردر کہ  
( وودینہ ) قصبہ سنہ ۷ ساعت قدر اوزا قدر ،

مذکور ناحیہ دہ ( استرووہ ) تعبیر اولنور بر کول موجوددر۔  
بو کول مقدما ۷۷ چک بر کول ایکن صو کرہ لری جسمات  
کسب ایدہ رک کندی اسمی ایلہ مسمی قصبہ بی صویہ غرق ایلمش  
اولدیفندن اہالیسی ینہ او نام ایلہ یاد اولنان شمیدیکی ناحیہ نک  
بولندینی محلہ ہجرت ایدہ رک اصرار وقت ایتہ کدہ درلر ۔

قدیم قصبہ نک منارہ سی ایلہ بعض خرابہ لری الیوم کولک  
اورتہ سندہ مشاہدہ اولتہ قدہ در ۔

عورتھصاری قصبہ سی — سلانیک ۶ ساعت بعد شمالی سندہ  
و ( واردار ) نہرینہ آقان بر ایرماق کنارندہ در ۔ منسوب  
اولدینی قضا داخلندہ کی ( میا Maja ) طاغندہ عبا نسج و اعمال  
اولنور ۔

(عورتحصاری) قضاسی داخانده ایام خارمه طوز  
استحصال ایدیلان (آجی کول) واردر .  
عورتحصاری قضا: سنه مرکز اتخاذا ایدیلان (قلقیش)  
قصبه سنک جامع محله سی مشهوردر .

طوبیراهه قصبه سی — سلانیک ۱۲ ساعت جانب شمالیسنده  
وهمنامی اولان کولک غرب ساحلنده مبنیدر . دده آغاچندن  
سلانیکه کیدن تیمور یولی مذکور قصبه دن مرور ایدر .  
(طویران) کولی ایسه برر ساعت طول و عرضی حاوی  
اولوب دروننده انواع نقیس بالقلر موجود در .

اینوروز قائم مقاملی — اشبو قائم مقاملق سلانیک سنجانی  
ملحقانندن اولان (خالکیدیک) شبه جزیره سنک شرق جنوب .  
ییسسنده طولاً ۱۴ و عرضاً ۲ : ۳ ساعت امتداد ایدن  
و (آینوروز) یارم آطه سی دنیلن محلدن عبارتدر .

ایتالیانلرک (مون سانتو) دیدکاری (آینوروز) طاغی  
شبه جزیره مذکور. سنک منتهاسنده در .

(آینوروز) قائم مقاملی داخانده سلانیک ولایتک سائر  
قضالری مثللو قصبه و قریه لر یوق ایسه ده ۲۸ قدر مناستر  
اولوب اشبو مناسترلرده (یایاس) ، (دیاقوس) ، (کشیش) کی  
یدی سکر بیک رهاپین موجوددر .



شبه جزیره مذکورده یالکیز ۳۰۰ خانه و ۱۰۰ دکانی  
و ۶۰۰ نفوسی حاوی اولان (قاریس Karice) ویا (قریسو)  
قریه سی واردرد. بو قریه ده مسکون اهالی اکمکچیلک و بقاللق  
و سائره مثللو اصنافلق ایله امرار وقت اتمکده درلر .  
مذکور قریه ده رسوم سته و کمرک و قرتته طرفلرندن برر  
مأمور بولندی کی استحصال اسباب انضباطیه ضمنده ضابطانیله  
برابر مقدار کافی ضبطیه و ژاندارمه دخی موجوددر .  
رهایینک معیشتلری ایچون سالانیک سنجاغی داخلنده  
(متوح) تعبیر اولنان اللی سکر قدر چفتلکات واردرد .  
شبه جزیره مذکورده دیشی اوله رق هیچ بر مخلوق  
بولندیرلماقده در .

منلیک قصبه سی — سپروز لواسی ملحقانندن اوله رق  
(استروما) نه ری حوضه سنده در. (پریم) طاغنده کی (شاطر)  
یا یلاغی بوقضا داخلنده در .

پتریمج قصبه سی — (استروما) نه ری توابعندن (استروجه)  
صوبی کنارنده در. (سیروس) . اولان بعدی ۱۰ ساعته در .  
(پتریمج) قضا سنده دخی (اوزوم) و بروسه کستانه سنه  
مشابه (کستانه) چیقار .

نوره قویب قصبه سی — سپروز سنجاغک قضا مرکز لرندن  
اوله رق (مستا) نه ری حوضه سنده در. مرکز لویاه اولان

بعدی ۱۶ ساعت. قصبه‌نک ۳ ساعت بعدند (آشوه  
Techeva) قریه‌ستند چیقان بر نوع یوزک طاشی مشهور  
و توتون حاصلاتی کثیر در.

رازلی قصبه‌سی — (بلغارستان) ایالتی و (روم ایلی<sup>۱</sup>  
شرقی) ولایتی حدودند اولان (رازلق) قضااسنک مرکز  
اداره سیدر. (بابا) ناحیه‌سی نواحی مشهوره‌سندن بریدر.

قواله قصبه‌سی — مقر لوا اولان درامه‌نک ۶ ساعت  
قدر جنوب شرقیستند و کندی اسمیله مسمی اسکله‌نک ساحلند  
و استانبولدن سلانیکه کیدن طریق مشهور اوزرنده در.  
درونده ۹۳ اوطه‌دن عبارت بر مدرسه‌ایله برده عمارت وارد.  
مذکور مدرسه و عمارت مصارفی (طاشوس) آطه‌سی حاصلاتی  
ایله تسویه اولمقدده در.

قواله قضااسنده (قره اورمان) نامیله معروف احتطایه  
صالح و کراسته اعماله مستعد بر اورمان موجود در.

پراویشته قصبه‌سی — دارمه سنجانی قضاالنندن هنامی اولان  
قضایه مرکز اولمشدر. مذکور قصبه‌دن قواله‌یه اوچ بحق  
ساعته کیدیلیر یولی وارد.

اراضیسی منبت و محصولدار اولوب داخلند حبوبات متنوعه  
ایله (توتون)، (اوزوم) و انواع میوه حاصل اولور. خیلی  
مقدار بال دخی بولنور.

( پراویشته ) قصبه سی جوارنده کمور و حطب و ابنیه  
 کراسته سی اعمالنه صالح ( پراویشته اورمانی ) نامیله براورمان  
 واردر.

( درامه ) شهری ایله ( پراویشته ) قصبه سی بیننده صرضی  
 اوچ چاریک و طولی بر بحق ساعت امتدادنده ( برکتلی کول )  
 دنیلن ( پراویشته ) کولی واردر. سازلقدن عبارت اولان بو  
 کول بتاقلق حالنده اولوب ( آنکیسته ) صوبی واسطه سیله  
 ( تا کینوس ) کولنه آقار، مذکور کولدن بعضاً ( سازان )  
 و ( طاتلی کفال ) بالقری صید ایدرلر .



## ﴿ یانیه ولایتی ﴾

حدود — سکنه — تعریفات طبیعیہ — محصولات ارضیہ  
 وصناعیہ — صورت اداره — احوال بلاد مشہورہ

مہرور — آرناودلغک حصۂ جنوبیہ سندن عبارت اولان  
 (یانیه) ولایتی شمالاً (مناستر) ، (اشقودره) ولایتلری ایله  
 محاط اوله رق شرق و شمال شرقیسنده (مناستر) ولایتی و جنوب  
 شرقیسنده (ترحالہ) قطعہ سی و جنوبینده (نارده) کورفزی  
 کائن و غربی (اوطرانت) بوغازی و (یونان) ، (آدریاتیک)  
 دکزلرینہ ساحلدر.

سکنہ — ولایت مذکورہ ده اکثر اہالیسی (آرناود)  
 و مقدار باقیسی (ترک) و بر از یہودی اولمق اوزرہ  
 ۵۳۰,۶۸۰ نفوس تخمین ایدلکده در.

تعریفات طبیعیہ — بو ولایتک هواسی صاعلم و اراضیسی  
 طاغلق اولوب (میچوہ) کچیدینی تشکیل ایدن (الہنیک)  
 سلسلہٴ جبالی شمالدن جنوبہ طوغری تمتد اولور . (برات)  
 قصبہ سی جوارنده (تومور = تیمور) و (غلوسا)  
 برونندہ منتهی اولان (خیمارا = چیقا) و (یانیه) کولانی  
 محیط اولان (یانیه) و (زاغوری Zagori) ناحیہ سنده کی  
 (ژیغوس Jigos) و (قونیچہ) قضاہ سنده کی (غراموس)

طاغاری ولایتک باشلیجه طاغاری صره سنده تعداد اولنه بیلیر .  
(سومونی Semenî)، (ویوسا)، (پاولا)، (قالاما)، (لوروس  
Luros)، (نارده) صولری (یانیه) ولایتی احیا ایتمکده در.

ماصورت ارضیه و صنایع — یانیه ولایتک حاصلاتی هر  
نه قدر (ادرنه) و (سلا نیك) ولایتلری مثللو برکتلی دکل  
ایسه ده قابل زراعت اولان محللری منبت و محصولدار اولوب  
کلیتلی (بغرای)، (اوزوم)، (زیتون)، (لیمون)، (پورتقال)  
حصوله کتیرر. خصوصیه (موزاکیه اوومسی) قوه انباتیه جه  
برنجی درجه ده در.

(کتان)، (ایک)، (یوک)، (پموق)، (جبل توتونی)،  
(بال) محصولاتی دخی مشهوردر. اول طرفده اغنام و صغر  
سوریلری بسلمه که مخصوص مرعالریده واردر. بونلردن باشقه  
اراضیسنده (سبزه) و هر نوع اشجار و میوه یتشدیرلمکده  
و دکزلرندن (سونکر) و (طوز) چیقارلمقده در.

باشلیجه صنایعی دخی (عبا)، (کلیم)، (پموق بزی) و اعلا  
صرمه ایشلری و کموش تلدن معمول توتون طبقه سی و (سیفاره لق)  
کبی ذیقیمت اشیادن و کوزل سلا حلدن عبارتدر.

### صورت اداره

یانیه ولایتی — (یانیه)، (ارکری)، (برات)، (پروزه)  
نامنده درت عدد سنجاغه منقسمدر. مقر ولایتی (یانیه) شهری



اولوب سنجاق مرکز لری کندی اسمارنده کی قصبه لر در .  
 مذکور سنجاقلرک حاوی اولدینی قضالری بروجه آتی جدوله  
 مندرجدر .

ایانیه سنجاقی			ارکری سنجاقی		
ق. پ.	قضالر	مرکز اداره لری	ق. پ.	قضالر	مرکز اداره لری
۲	لسقویک	=	۲	دلونیه	=
۳	قونیجه	=	۲	پرمدی	=
۳	آیدونات	=	۳	پوغون	ووشنه
۳	فیلات	=	۳	تیه دین	=
۳	میچوه	=	۳	قودره اش	قوج
پرهوزه سنجاقی			برات سنجاقی		
ق. پ.	قضالر	مرکز اداره لری	ق. پ.	قضالر	مرکز اداره لری
۱	لوروس	=	۱	آولونیه	=
۲	مارغلیچ	=	۲	لوشنه	فییری
			۳	غوستیجه = اسقارپار	

### — احوال بلاد مشهوره —

یانیه شهری — شهر مذکور مقر ولایت اوله رق ۴۰,۰۰۰  
 نفوسی حاویدر. مذکور قصبه ایکی طرفی اووه و جانب غربیمی  
 طاعلق و آب و هوایی لطیف مفرح بر محله در . قصبه  
 کنارنده بوستانلر و اکثری خانه لرد و واسع باغچلر واردر .  
 شهر مذکورک شر قنده ( مشکل Michikil ) طاعلی دینکله  
 معروف جبل ایله قصبه ییتنده ( یانیه ) کولی کائندر . مذکور

کولک ایکی بچق ساعت قدر طولی و قرق بش دقیقه قدر  
صرضی و یکریمی قولاجدن اوتوز قولاجسه قدر عمقی واردر  
و صوینی دخی طائیدر.

جبل جهتنده کولک و سطنده یوز قدر خانیهی و چند عدد  
مناستری حاوی بر عدد آطه موجوددر. آطه اهاالسنی کوتوروب  
کتیرمهک مخصوص التاری دوز یوز یکریمی قدر قایق مذکور  
کوله بولنور. شهرک ۳ ساعت بعد شمالیسنده واقع (لایشیسته)  
کولی دخی بر آفاق ایله (یانیه) کوانه صویرمکدهدر.

( یانیه ) کولک تحت التراب یونان دکزینه بر مجرا ایله  
صویردیکی سویلنمکدهدر.

مذکور قصبه خلیججه رصین و متین بر حصار ایله محفوظ  
اولوب دروننده بولنان ۱۹ جامع و مسجد ایچنده سلطان بایزید  
ولی حضر تلرینک چارشی جامی و (ارسالان) پاشانک  
نمازگاه جامی مشهور و بر جسم کتبخانه و عسکری قشلهلری  
وملل ساکنیه مخصوص عبادتخانه لروبوکا مانند ابنیه و مدارس  
واعدادی و رشديه مکتبی ایله اسلام و خرسیتیان و یهودی  
صبیان مکتبلری موجوددر.

بانیه اهاالسنک باشلیججه تجارتی ( ذخیره ) ، (زیتون) ،  
(پنیر) و پیاغیدن عبارتدر. یانیه نک اسکله سی ۱۹ ساعت بعدنده  
(آیاسرانده) ، و ۱۷ ساعت مسافده ( پروزه ) قصبه لریدر.

ارگری قصبه سی — مقر ولایتك ۱۷ ساعت سمت شمال  
غریبسنده و (ویوسا) نهرینه منصب اولان ( درینو Dryno )  
صوبی قریبنده و ذروء جبلده در .

قصبهك هواسی لطیف اولوب بر عتیق قلعه سی واردر .  
( ارگری ) قصبه سی طاشلی اولدیغدن باغ و باغچه و بوستانی همان  
یوق کیدر . فقط توتون تجارتی ایله مشهوردر .

بو قصبهك منسوب اولدیغی ( ارگری ) قضاةك ساحل  
بحر ده اسکله سی یوقدر . معمولات صناعیه سی دخی مفقود  
حکمنده در .

برات قصبه سی — مقر لوا اوله رق یانیهك ۳۶ ساعت جانب  
شمالیسنده برطاغ اتکنده و ( اوزومی ) نهری کنارنده در .  
( برات ) قصبهك هواسی بعض مرتبه آفر ایسه ده باغ  
و بوستانی مینولدر .

قصبهك ایکی ساعت بعدنده اوزرلری اینه دن عاری و دمر  
و کوگرد معدنی صولرینی حاوی و علل متنوعیه نافع ایکی عدد  
ایلیجه واردر .

قوة انباتیه جه مشهور اولان ( موزاکیه اووه سی ) ( برات )  
ایله ( آلولویه ) ییننده در .

( برات ) ك ( آدریاتيك ) دكزی ساحلنده اسکله لری وار

ایسه ده مسدود اولدیغندن معاملات تجاریه سی (دراج) و (آلونیه) اسکله لرندن (تریسته) ایله جریان ایتمکده در.

پروژه قصبه سی — پروژه متصرفانک مرکز اداره سی اوله رق (یانیه) نک سمت جنوبیسنده (نارده = پروژه) کورفی بوغازی ساحلنده دوز بر موقعه در. قصبه نک قره طرفی بیوک بر خندق ایله محاط اولدینی کبی بوغاز دخی ایکی طایفه ودرت قلعه ایله محفوظدر.

بقصبه نک هواسی لطیف و (لیمون)، (پورتقال) آغاچلری و بوستانلری کثرتلیدر. (پروژه) نک دالیانلرنده یک نفیس بالقی یورطه سی چیقار.

قصبه نک بر ساعت شمالنده بین الانام (اسکی پروژه) دینمکله معروف (نیقوپولیس Nicopolis) نامنده کی خرابه موجوددر. (پروژه) نک معاملات تجاریه سی ممالک شاهانه نک ایجری طرفلری و یونانستان ایله جریان ایتمکده در.

آبدونات قصبه سی — (یانیه) سنجاغنک قضا مرکز لرندن بری اولان (آیدونات Aïdonat) قصبه سی (یانیه) نک ۱۲ ساعت جانب جنوب غربیسنده مرتفع بر محله در. قصبه نک آب و هواسی کوزل و باغ و بوستانی کثیردر.

میوه قصبه سی — یانیه نک ۱۲ ساعت سمت شرقیسنده و ذروه جبلده واقع اوله رق شمالنده (ژیغوس) طاغی و جنوبنده

( پرستری ) تپه‌سی کاشندر . ( مچوه ) قصبه‌سَنك باغ و بوستانی  
مبذول اولوب اهمیت موقعیه‌سی دخی وارددر . قضا داخلنده  
( باقل ) تعبیر اولنان ( صو فوجیسی ) ایله ( چاریق ) یاپیلیر .  
( کلیم ) ( چوراب ) دخی نسج ایدیلیر .

سَقْرَبَك قصبه‌سی — ( یانیه ) نك طرف شمالیسه‌نده بر  
طاغ اتکنده‌در . ( ویوسا ) نه‌ری توابعندن بری قضا داخلنده  
جاریدر . درس‌عادتده ( آرناور پینری ) تعبیر اولنان پینر  
مذکور قصبه‌ده کلیمتی یاپلمقدده‌در .

قصبه‌نك دوت آغاجلری کثیر اولدیغندن ایك قوزه‌سی  
برکتلیدر .

قوْنِجِه قصبه‌سی — ( یانیه ) لواسَنك حاوی اولدیغی قضا  
مرکز لرندن بری تشکیل ایدن ( قونجه ) قصبه‌سی ( یانیه ) نك  
۱۲ ساعت جهت شمالیه‌نه برجیل اتکنده‌در .

قصبه‌نك آب وهواسی لطیف و باغ و بوستانی کثیردر .  
سلطان سلیمان خان حضر تلرینك بنا و احیا کرده‌لری اولان  
جامع شریفی مشهوردر . منسوب اولدیغی قضا نك ( و نجه )  
تعبیر اولنان کلیملری ایله ساده یاغ ، پینری مشهوردر .

قضانك ( قوکش Kukes ) قریه‌سی جوارنده ایکی کوز  
دکرمین ایشایه‌جك درجه‌ده ( کوکرت ) ، ( تیمور ) ، ( چلیك )  
معدتی حاوی ایلجق برصو نبغان ایتکده و اصحاب علل و امراض



اورایه کیدوب اون بش یکرمی کون قدر دوام ایله استحصال  
صحت و عافیت ایلمکده در. مذکور ایلیجه ده استحصال اسباب  
رفاقت و استراحت ایچون ذکور و انانه مخصوص تنفس او طه.  
لری ایله حاملر و اتصالنده کارگیر اوله رق یکرمی ایکی او طه یی  
حای بر او تل موجود در.

ایلیجه یه نیدسانک اون بشنده کلوب کیده جک ذواتک امنیتی  
ایچون اوراده باشقه جه انشا اولنان قره قوخلانده طرف  
حکومتدن ضبطیه لر بولندیرلمقده در.

دلوینه قصبه سی — ارکری سنجاغنک حای اولدینی  
قضالردن (دلوینه) قائم مقاملغنک اداره مرکزی اولان (دلوینه  
Delvino) قصبه سی (ارکری) نک ۶ ساعت ضرب جنوبیسنده  
(آدریاتیک) دکزی ساحلندن ایکی ساعت قدر ایچروده وایکی  
طاغک اتکاردنه و (پاولا) صوبی توابعندن بری کنارنده در.

قصبه نک باغ و بوستانی مبذول و هواسی لطیفدر. (دلوینه)  
قضاسنک منسوجاتی (کلیم)، (سجاده)، (بز) کبی شیلردن  
عبارتدر. منسوب اولدینی قضانک ساحل بحرده درت عدد  
اسکله سی موجود و ایچلرنده (آیاسراند) اسکله سی مشهوردر.

مذکور (آیاسراند) اسکله سندن (یانیه) یه قدر منتظم  
شوسه بولندیغندن بهر هفته لوئید قومانیه سی واپورلرندن

بری مذکور اسکله یه اوغزار وخیلی یولجی ایله اشیای تجاریه نقل ایلر .

پرمدی قصبه سی — کندی اسمی ایله مسمی قضا-انك كرسى اداره سی اوله رق ( ویوسا ) نه ری کنارنده بر ط-اغك اتکننده در . ( پرمدی ) قصبه سنك هوا سی کوزل اولوب باغ و بوستانی چوقدر . ایکی ساعت مسافه سنده ( قاضی کوپریسی ) دینان محله انواع امراضه نافع کوکرت و تیمور معدنلرندن صولر جریان ایتمکده در . ( پرمدی ) اهالی سنك زراعتدن باشقه صنعتلری یوقدر .

( پرمدی ) ساحل بحره مالک اولمدینی جهتله امتعه تجاریه وسائره ۲۰ ساعت اوزاق اولان ( آلولویه ) و ۱۶ ساعت بعدده بولنان ( آباسرندا ) اسکله لرندن نقل اولنمقده در .

تیه دان قصبه سی — ( اکرى ) قصبه سنك ۷ ساعت سمت شمالیسنده و ( ویوسا ) صوی کنارنده در . قصبه نك هوا سی و صوی ابو ایسه ده باغ و بوستانلری آذر در . ( تیه دان ) قصبه . سنك ( یانیه ) طریققی مدافعه ایدر صورتده استحکاملری واردر .

درون قصبه ده بری سلطان بایزید ولی حضرتلرینك و دیگر تیه دانلی علی پاشا-انك احیا کرده لری اولان جامعلری موجوددر .

آلولوئی قصبه سی — بوکارلر (والونه) دیرلر . بو قصبه  
سنجاق مرکزی اولان (برات) شهرینه ۱۴ ساعت و (آدریاتیک)  
دکزی ساحلنه ۲۰ دقیقه مسافه ده در . دروننده نورک بالنی  
صید اولنان بر دالیانه دخی ساحلدر . بودالیانک و سطنده بولنان  
آطه ده ( سورنجه Surernedje ) اسمنده بر مناستر واردر .

بو قصبه نك هوا سی وخم وزیتون آغاچلری کثیردر .  
( آلولوئی ) قصبه سنك اوچ ساعت شرقده و (ویوسا) نه ری  
کنارنده ( سلا نیچه Selenitza ) قریه سی جوارنده زفت معدنی  
اولوب عثمانلی بانکه سی طرفندن اداره اولنمده و سنوی دوت  
یش یوز بیک قیه مقداری زفت اخراج ایدلمکده در . بونکله  
برابر نه قدر مصرف اختیار اولنور ایسه اولقدر زفت  
چیقاریله بیلیر .

( آلولوئی ) نك شمال جهتنده دالیان خدمتی ایفا ایدن  
( آلولوئی ) ویا ( آرتا ) کولی بر آیاق ایله دکزه آقار .  
( آلولوئی ) جوارنده ( پاشا لیانی ) نامیله بر لیان موجوددر .  
منسوب اولدینی قضاده دخی بر ملیون قیه قدر حاصل اولان  
( روغن زیت ) ( تریسته ) ، ( یونانستان ) و ( درسعات ) ه نقل  
اولنهرق فروخت ایدیلیر مملحه سی دخی خیلجه حاصلات  
ویرمکده در .

( آلولونیه ) نك معاملات تجاریه سی ( ایتالیا ) ، ( قورفو ) ،  
( تریمقه ) ایله جریان ایتمکده در .

( آلولونیه ) قصبه سندن ساحل بحره دکین غایت منتظم انشا  
اولمش بر طریق موجود اولدیغندن اوروپادن جلب اولنان  
صربله ایله ساحلدن امتعه تجاریه و سائر مذکور قصبه یه نقل  
اولنور .


( آلولونیه ) لیانی مدخلنده وقصبه نك بحرأ بر ساعت بعدنده  
۳۵ میل درونده ( سزان Cazans ) نامیله خالی بر جزیره واردر .  
بو جزیره ده اشجار غیر مثمره و ماء لذیذ موجوددر . مذکور  
لیانه کلوب کیدن سفن تجاریه یه مدار تسهیلات اولق اوزره  
مذکور آطه ده طرف دولت علیه دن برقرار رکز و ایقاد اولمشدر .  
مار غلیج قصبه سی — ( پروزه ) سجاغنگ قضا مرکز لرندن  
بریدر .

بو قصبه ( پروزه ) نك سمت شمالیسنده و ( لوروس ) طریقیه  
۱۵ ساعت بعدنده و ذروه جبلده و اکثر یرلری زیتونلق  
بر محله در

( مار غلیج ) قضا سنك ( حنطه ) و حبوبات سائرده دن باشقه  
( روغن زیت ) حاصلاتی محال سائر یه نسبتله غایت خالص  
ولذیذ اولدیغندن هر طرفه شهرتی واردر .

مذکور قضانك ساحل بحر ده اسکله لری وار ایسه ده پوسته  
 واپورلری یناشه مامقده اولدینی جهتله اشیای تجاریه قایقلر  
 واسطه سیله نقل ایدلمکده و معاملات تجاریه سی دخی جزائر  
 سبعة یونانیه و (تریسته) ایله جریان ایدلمکده در .

(مارغلیج) قصبه سنك جنوبنده کائن (پارغه) مدیر لکنك  
 (کیتره) دنیلن برنوع آفاج قانونی محصولی اوروپانك هریرنده  
 اعتباری اولوب اکثریسی ویانه یه نقل اولتمقده در .





## ﴿ اشقودره ولایتی ﴾

حدود — سکنه — تعریفات طبیعیہ — محصولات ارضیہ  
و صناعیہ — صورت اداره — احوال بلاد مشہورہ

مرور — اشقودره ولایتی روم ایلیٰ شاهانہ نک طرف  
غریبسنہ تصادف ایدن ولایات جلیلہ لرندن اولوب شمالندہ ( قرہ  
طاغ ) مملکتی و شرقندہ ( قوصوہ ) ، ( مناستر ) و جنوبندہ  
( یانیہ ) ولایتلری واقع و غربی ( آدریاتیک ) دکزینہ ساحلدر .  
سکنہ — ولایت مذکورہ نک بالجملہ سکنہ سی ( اسلام ) ،  
( روم ) و بر مقدار قبطی اولوق اوزرہ ۲۵۰,۰۰۰ نفوسہ بالغ  
وسلاحشور و جنگاور لکہ مائل اولوب عموم سکنہ سی میانندہ  
جبللردہ متمکن و مسکون ( ماليسا ) و ( ماليسور ) تعیر اولنان  
اهالی موجوددر . بونلر موسم شتادہ قضا و قصبہ لردہ قیشلارلر  
واثنای صیفندہ جبللردہ اقامت ایدرلر .

تعریفات طبیعیہ — اشقودره ولایتک ارضی پک طاغلق  
اولوب اکثری محاندہ هوایی و خیمدر و موسم صیفندہ ستمہ  
عائی کثرت اوزرہ ظهور ایتکدہدر . جبال مشہورہ سی دخی  
ماليسورلرک یا یلاقلری [۱] اولان جبللردر .

[۱] ( خوط Hotti ) ، ( قلمند klemend ) ، ( غرودہ ) ،  
( Gruda ) ، ( تمال Temali ) نامندہ کی جبللرایلہ ( چوقال ) ،  
( کوملا kumula ) ، ( وولیا Wolja ) ، ( غراب Grab ) ، ( غوری  
Gurri ) و امثالی طاغلردر .

( بویانه ) ، ( درین ) ، ( ماط ) ، ( ایشمی ) ، ( آرزان Arsen ) و ( اشقومین ) نهرلری ولایتك انهار مشهوره سندن معدوددر. ولایتك آدریاتيك دكزی ساحلنده باشلیجه اسكله سی اولان ( شنکین ) نامنده کی محل تجارتگاهدر .

ولایت مذکورده ( اشقودره ) ، ( قراوستا ) نامنده کی کولار واردر . بونلردن ( اشقودره ) کولی ( بویانه ) نهری واسطه سیله ( آدریاتيك ) دكزینه آقار [۱] ( درین ) نهرينك بر آیاغیده ( اشقودره ) ده ( بویانه ) نهری ایله برلشیر . یانیه ولایتده کی ( تربوف ) کولیده ( قراوستا ) کولنه صو ویرر .

محصولات ارضیه و صناعیه — ولایت مذکورده نك هرجهته موسم شتاده زیاده جه قاریاغمز ایسه ده یغمورلر برقاچ آی دوام ایتدیکندن اکثری سنلر ( درین ) نهری طاشوب مملکتی صو استیعاب ایدره ك برمدت مرور و عبوری تصعیب و محصولات واشیایه مضرت ایراث ایدر . بونکله برابر درون ولایتده جاری انهار سایه سنده اراضی سی منبت و محصولدار اولوب فقط اهالیسی زراعته لایقیله اعتنا ایتماکده در . باشلیجه حاصلات ارضیه سی ( حنطه ) ، ( آرپه ) ، ( پرنج ) ، ( قوقوروز ) کی حبوبات و ( کتان ) و امثالی محصولاتدر .

[۱] بو کولك شمال شرقی جهتنده قره طاغه ناظر ( علکساندر ) وجهت غربیه سنده کذا قره طاغه ناظر ( قیرماچور ) نامریله ایکی عدد قلعه موجود اولدینی کی منهای شمال شرقیسی کنارنده ( زیبان ) اسمنده بر قلعه دها موجوددر .

مصنوعات و معمولاتی ( ایپکلی چارشف )، ( بز )، ( کلیم )،  
( نحاس ) و تیمور معمولاتی ایله اسلحه دن عبارتدر.

### — صورت اداره —

اشقودره ولایتی ( اشقودره )، ( دراج ) نامنده ایکی  
سنجاغه منقسمدر. مقر ولایتی ( اشقودره ) شهری اولوب  
( دراج ) سنجاغنگ اداره مرکزی هنامی اولان قصبه دره.  
حای اولدینی ( اشقودره )، ( دراج ) سنجاقلرینه ملحق  
قضالر جدول آتیده کوسترلمشدر.

اشقودره سنجاغی			دراج سنجاغی		
ق.م.	قضالر	مرکز اداره لری	ق.م.	قضالر	مرکز اداره لری
۳	اش	=	۲	تیران	=
۳	آچمه حصار	قوریه	۲	قوایه	=
۳	مردیتا	اودوش	۲	شیاق	=
۳	پوقه	=			
۳	طوز	=			

### — احوال بلاد مشهوره —

اشقودره شهری — روم ایلی شاهانه نك سمت غریبسنده  
و کندی نامنده اولان کولک جنوبنده واقع و ساحل بحره ۶  
ساعت مسافه ده کائن و اکثری اسلام و نصف مقداری لاتین

واقلیت اوزره روم قتولیک اولق اوزره تقریباً ۲۶۰۰۰ نفوسی  
جامع مشهور بر بلده در.

( اشقودره ) نك اطرافى جبال ايله محدود وسطاى اووه  
شکلنده غایت بسیط و دلکشا آب و هواسی بی همتا اولوب  
ملحقاتیله برابر اراضیسی هر درلو محصولات یتشدرمکه قابل  
واورویا قطعه سنده واقع مشهور کوللارک بریسی اولان ( اشقودره )  
کولنه ( بویانه ) نهری واسطه سیله متصلدر. ( اشقودره ) کولی  
اوزرنده شهره کیریلیر یوکسک و اخشاب بر کوپری واردر.  
دروننده جوامع متعدده و مدارس منیفه ايله ملل ساکنه یه  
مخصوص معبدلر و مکمل چارشو و بنالر و حماملر و پوسته خانه  
ورشدیه و صبیان مکتبلری و بر عدد مطبعه موجوددر. بوشهرده  
غایت کوزل اسلحه اعمال اولنور. پموق و ایپکلی چارشفلر  
نسج ایدیلیر. شهر اهالیسی کولدن کلیت اوزره صید ایتدکلی  
بالق یوزندن عظیم تجارت ایدرلر. قصبه یه ۸ ساعت مسافده  
و ساحل بخرده ( شنکین ) نامیله براسکله سی واردر.

در اچ قصبه سی — مذکور قصبه مقر ولایتک تقریباً ۲۲  
ساعت جنوبنده و ( آدریاتیک ) دکزی ساحلنده در. اسکی بر  
سور ايله محصور برلیمانی دخی مشتملدر.

شهرک شمالنده ( دراج ) کولی و غربنده ( دراج ) برونی  
واردر. ( دراج ) قصبه سی ساحل بخرده و آچلق بر موقعه  
بولندیغندن هواسی و خیم و ستمه علتی داعیدر.

دراجك اخراجاتی ذخائر متنوعه و (زیتون یاغی) ،  
(دری) وسائر دره . ادخالاتی ایسه (کوریمچه) ، (ایلبصان) ،  
(اوخری) ، (یکین) ، (قوایه) ، (تیران) ، (برات) کبی آرناودلنک  
بر چوق قصبه لرینه کوندریلن عموم اوروپا اشیا سیدر .

(دراج) قصبه سی کیغالقدده داخل وثلثانی (اورتودوقس)  
و بر ثلثی مسلم اوله رق ۶۰۰۰ قدر نفوسی محتویدر .

مردیتا قضا سی - (مردیتا Mirdita) ناحیه سنک بولندیغی  
یرلردن عبارت اولوب مرکز اداره سی (اوروش) ویا (واروش  
Waroshe) قصبه سیدر که مقر لوا اولان (اشقودره) یه ۱۸  
ساعت مسافه دره . قضا داخلنده ۱۱,۰۰۰ قدر قتولیک  
موجوددر .

مذکور ناحیه اهالیسی فقیر اولوب مملکتلری دخی  
اوچوروم طاغیر و قیالردن عبارتدر . کندیلری ادیان مختلفه دن  
قتولیک آیینی قبول ایتشلر و شجاعت و جسارتلری ایله کسب  
شهرت ایلمشلردر .

له قصبه سی - اشقودره نك ۶ ساعت جنوبنده  
و (آدریاتیک) دکزی ساحلندن بر بحق ساعت ایچروده و بر  
بایر اتمکنده کائن و دروننده (درین) نهری جاریدر .

مذکور نهرک قصبه دن اعتباراً دکزه اولان جهتی واسع  
و اولدجه کمی سیرینه کافی اولدیغندن قصبه یه قدر کمی کیره بیلیر



ایدی. شم‌دیکی حالده (درین) نهرینک کتیرمش اولدینی قوملر  
کی سیرینه مانع اولشدیر.

آچه حصار قصبه‌سی — (قروبه kruya) دیدکلری (آچه  
حصار) قصبه‌سی (لش). (مردیتا) قضالینک جنوبنده بولنان  
(آچه حصار) قضاسنک کرسی اداره‌سی اوله‌رق مقر ولایتک  
۱۵ ساعت جنوبنده‌در. بوقصبه‌دن مناسیره ۴۳ ساعتده کیدیلیر.  
قصبه‌نک اطرافنی زیتونلقدر. منسوب اولدینی قضانک جسم میشه  
اورمانلری واردیر.


طوز قصبه‌سی — اشقودره سنجاغنک حاوی اولدینی قضا  
مرکز لرندن بری اوله‌رق (اشقودره) دن (پودغوریچه) یه  
کیدن طریق اوزرنده و (حوط)، (غروده) طاغلری آره‌سنده‌در  
بوقصبه (قره‌طاغ) حدودنده اهمیتلی بر محلدر. اشقودره‌یه اولان  
بعدی ۸ و (پودغوریچه) ایله آره‌سی ۴ ساعتدر.

تیرانه قصبه‌سی — (اشقودره) ولایتک (دراج) سنجاغنک  
مشمک اولدینی قضا مرکز لرندن بری اوله‌رق (دراج) ک  
۷ ساعت شرقتده بر طاغ اتکنده هواپی لطیف و اطرافنی  
زیتونلق و جنوبی اوولاق بر محله‌در. مقدار نفوسی قسم اعظمی  
اسلام اوله‌رق ۱۵۰۰۰ راده‌سنده‌در.

(تیران) ده کوزل عبا اعمال اولنور، مشین و سختیانی ممالک

محروسه نك هر جهته و ممالك اجنبیه به نقل ایدمکده در. و حاصل  
اولان بموقلرک و سائطدن محرومیتی سببیله عملیات کورمکسزین  
خام اوله رق صائلمقده در.

قوابه قصبه سی — دراجک ۳ ساعت سمت جنوبیسنده بر  
طاغ اتکنده و کندی اسمی ایله مسمی صویک کنارنده منبت  
براراضی داخلنده در. قصبه جوارنده بیوک برملاجه موجود در.  
شیای قصبه سی — نفس شعیاق کوچک بر کویدن عبارتدر.  
( دراج ) ک شرقنده یارم ساعت مسافه سنده در. اهالیسی همان  
اسلام اولق اوزره ۴۰۰۰ راده سنده در.



## ﴿ مناستر ولایتی ﴾

حدود — سکنه — تعریفات طبیعیه — محصولات ارضیه  
و صناعیه — صورت اداره — احوال بلاد مشهوره

مرور — مناستر ولایتی اوروپای عثمانیک و سـطـنـده  
و (سلانیک)، (اشقودره)، (یانیه) ولایتلری آرهـسـنـده  
بولنه رق شمالنده (قوصوه) ولایتی وجنوبنده (ترحاله) قطعـهـسی  
واقعدر.

مکنه — ولایت مذکورہ نك سـكـنـهـسی آرنـاودلغـك قسم  
شمالیسندہ مسكون (کیغا) و (طوسقا) دنیلن آرنـاودلردر.  
۵۵۰,۰۰۰ قدر تخمین ایدلمکده اولان ولایت اهاالیسنك  
اکثریسی اسلام و خرسیان و متباقیسی قبطی و یہودیـدر.

تعریفات طبیعیه — بو ولایتك اکثر محلی طاغلق و صرپ  
قیالق اولوب داخل ولایتـده بولسان کولر هواسی توخیم  
ایتمکده در.

شار طاغنه متصل یالچین قیالردن عبارت اولان (قوراب  
kurab) طغانی قوصوه ولایتی و (بابونه Babuna)،  
(نیجه Nitza) طاغلری (سلانیک) ولایتی و (کسریه)  
قصبه سنك غرب جنویسندہ واقع اولوب اکثری یرلری  
اوتلاق وبر از محاندہ آغاج بولسان (گراموس Grammos)  
طغانی (یانیه) ولایتی و (غراب Grape) طغانی (اشقودره)

ولايتى حدودى اوزرنددر. ( پرسبە ) نامندەكى كولك شرق شىمالىيىنىدە و( مناستر)ك جانب جنوبيىنىدە و خيلى يايلاقلىرى بولان ( پرستى Pristéri ) و ( كسرىه ) قصبەسىنىك جانب شرق شىمالىيىنىدە و تقريباً ۲۰۰۰ متره ارتفاعندە اولوب اوزرى كوركن و مېشە آغاچلىرى ايله مستور اولان ( وىچ Vitzzi ) و ( دبر ) قصبەسى شرقندە حيوانات رعینە صالح ( قرچين kartschin ) طاغلىرى مناستر ولايتىنىك طاغلىرى صرەسندە تعداد اولنە بېلىر .  
( واردر ) نهرينىك ( كوچك قرە ) اسمندەكى قولى ايله ( درين ) و ( طوسقالق ) ايله ( كيغالق ) يېنىدە بر خط فاصل حكمنده اولان ( اشقومين ) ، ( اينجه قرە صو ) نامندەكى نهرلر ك قسم اعلالىرى بو ولايت داخلندە جاريدر .

( پرسبە ) ، ( وانتروق ) و ( قرە درين ) واسطەسىيله ( آدرىياتىك ) دكزينە آقان ( اوخرى ) و ( دوول ) صويى ايله مذكور دكزه جريان ايدن ( صو ويرينا Svirina ) ، ( مالك ) و ( اينجه قرە صو ) دنيلن نهر ايله . ( سلاينىك ) كورفزينە دوكيلن ( كسرىه ) كوللىرى مناستر ولايتىنىك باشلىجه كوللريدر .  
( بېلشتە ) ناحيەسىنىك جانب شىمالىيىنىدە اولان ( وانتروق ) كولى طولاً ۱۸ و عرضاً ۳ و دوراً ۴۵ كيلومترودر . بو كول طغيان مياہ زمانندە ( پرسبە ) كوليله برلشیر . درونندە بر آطه دخى واردر . مذكور كولك آياغى قورد بوغازندن كچوب ( دوول )

نهرینه داخل اولور. ( صو و برینا ) کولی ایسه باشقه بر کول اولیوب ( مالک ) کولنک بر قسمیدر. ( مالک ) کولی ( صو و برینا ) نامیله دخی یاد ایدلمکده در. ( مالک ) کولنک طولی ۱۳ و عرض وسطیسی ۲ کیلومترودر. اشبو کولدن ۳۴۰۱۶ غروش صید ماهی رسمی آنور.

مذکور کولاردن ( اوخری ) کولنک ( اولونیه ) ایله ( قوایه ) آره سنده دکزه قاریشان ( اشقومین ) دره سی ایله برلشدرلمسی و ( مالک ) کولنک اهالی طرفدن قوریدلمسی تصور اولنش ایدی.

محصولات ارضیه و صنایع — مناستر ولایتک اکثر محلی طاغلق اولوق حسینله اولقدر حاصلات و پره میوب قابل زراعت اولان محللرنده انواع حبوبات و میوه ، ( پرنج ) ، ( دخان ) ، ( افیون ) و ( اپیک ) حصوله کلیر.

( چارشف ) و ( کلیم ) ، ( کتان ) ، ( کبه ) ایله ایپکدن منسوج قماشلری و ( طبانجه ) ، ( تفنک ) و کموش تلدن اعمال اولنان ظرفلر و توتون طبقه لری و جویر اوزرینه صدف ایشلمه لی ماصه ، صندالیه ، قبه کبی شیلری و تیموردن معمول ادوات عادیه سی باشلیجه صنایعندندر.

### — صورت اداره —

مناستر ولایتی ( مناستر ) ، ( کوریجه ) ، ( دبره ) ،



(ايلبسان)، (سرفیچه) نامند بش عدد سنجاغه تقسیم اولنمشدر.  
مقر ولايتی (مناستر) شهری اولوب سنجاق مرکز لری همنامی  
اولان قصبه لردر، مذکور سنجاقلره ملحق قضالر دخی آتیده کی  
جدولده مذکوردر .

کوریچه سنجاغی			مناستر سنجاغی		
مرکز اداره لری	قضالر	ک.پ.	مرکز اداره لری	قضالر	ک.پ.
=	کسریه	۲	=	پرلیه	۲
=	استاروه	۳	=	فلورینه	۳
هرسک = ارسک	قولونیه	۳	=	قره چوه	۲
			=	اوخری	۲
سرفیچه سنجاغی			دبره سنجاغی		
=	قوزانه	۲	=	ماط	۲
=	جمعه (قیالر)	۲	=	پسقبویه	۲
=	ناسلیج (لبیستا)	۳	=	زبرنانیچه	۲
=	کربشه	۲	ايلبسان سنجاغی		
=	آلاصونیه	۲			
			=	غرامش	۳
			=	بکین	۳

### — احوال بلاد مشهوره —

مناستر شهری — (واردار) نهرینه جریان ایتمکده اولان  
(کوچک قره) ایرماغنه آقان (دراخور) چاینک اوزرنده

وسلانیكك ۲۹ ساعت شمال غریبسنده در. شهرك و سطندن  
كجن (دراخور) چاینك ایکی جهته مستقیماً یاییلان ریختمار  
اوزرنده مفروش اشجار مذکور بلدهنك اك بیوك  
معدود در. شهرك هواسی معتدل و یاز موسمی غایت  
طراوتنادر .

( مناستر ) ك كلم و عبا و سائر منسوجاتی مشهور و كموش  
تلدن هر نوع مصنوعاتی معروف و مرغوب اوله رق در سعادت  
و بلاد سائرده حائز رواج اولمقده در . بهر سنه فی ۳۳  
نیسانده كشاد اولنان پنایری اوچ کون دوام ایدر .

قصبه نك اوچ چاریك مسافه سنده ( اكنشی صو ) نامیله  
غایت هاضم بر صو نیمان ایتدیكندن برای تزه اهالیدن پك  
چوغی اورایه كیدر .

مناستر قضاسی طاغلرنده ( آهودودی ) تعبیر اولنان  
چیلکی و مناستر جوارنده كائن ( بروسنك ) قریه سنك  
كرازی مشهور در .

مذكور الاسم ( دراخور ) چای شهره قریب محللرده سقیه  
خدمت ایتدیکی کبی اوزرنده کی دكرمنلر ( مناستر ) قضاسنك  
حوایج ضروریله ریخی دفعه كافیدر. مذکور قضانك ۱۳۵ قریه سی  
و ۹۰۰۰ نفوسی وارد در .

( رسنه ) ، ( پرسبه ) ، ( قره جوه ) ناحیه لری مناستر قضاسنه

نواحی مشهوره لریدر . بونلردن (رسنه) ۶ و (پرسبه) ۱۱  
ساعت مقر ولایت اوزاقدردر.

دبره بالا قصبه سی — مذکور قصبه (دبره) لواسنك  
مرکز اداره سی اوله رق (مناستر) ۲۵ ساعت شمال  
غریب سنده و (قره درین) نه ری توابعندن (رادیقا) صوی  
کنارنده وبر طاغ اتکننده در .

مذکور قصبه نك موسم صیف و شتاده هوای معتدل  
وصولی لذیذدر. (دبره) یه بر ساعت مسافده خستگان ایچون  
فوائد کثیره سی مجرب اولان کوکرتلی، شابی صیجاق صولری  
واردردر .

(دبره زیر) قصبه سی دخی (دبره بالا) نك ۴ ساعت  
شمالنده و (قره درین) نه ری کنارنده در. (دبره زیر)  
قضاسنه (پسقیویه) قریه سی مرکز اولمشدر. منسوب اولدینی  
قضانك ضربنده (ماط) و شرقنده (رقه لر) قضای واردردر .

کوریمجه قصبه سی — مقر ولایت اولان مناستر ۱۸  
ساعت جنوب غریب سنده وبر قاچ جاده نك برلشدیکی محله در  
(کوریمجه) (مالک) کولنه جوار اولوب اولدجقه تجارتگاه بر  
موقعدر.

کوریمجه ده شایاق، عبا، قالیمجه وچوراب نسج واعمال  
اولنور. قصبه نك آرناوودکله پینری مشهوردر .

ایلبه‌نامه قصبه‌سی — همنامی اولان متصرفلک اداره  
مرکزی اوله‌رق (اشقومین) نه‌ری ککنارنده محصولدار  
و اورمانلری کثیر بر اووده و (مناستر) دن (اشقودره) یه  
کیدن طریق اوزرنده‌در . قصبه‌نک هواسی موسم صیفده  
صیجاق ایسه‌ده موسم شتاده معتدلدر . صولری دخی اولدجه  
لذیددر . زیتون آغاجلری دخی مبدولدر .

مذکور قصبه‌ده حریره متعلق (هزاران) تعبیر اولنور  
غایت ظریف چارشفلق و کوملکک بزلر چیقارکه متاسته اورویا  
متاغنه و صنعت و ظرافتده بروسه بزلرینه حقیقه فائق ومدحه  
لایقدر .

سرفیه قصبه‌سی — مناسترک ۲۲ ساعت جنوبنده  
و (قرق طاش) نامنده برطاغ اتکننده کاش و هواسی وخیمدر  
وصولری دخی نک لذید دکلدر .

نفس قصبه‌ده قرق اوطه‌یی حاوی بر حکومت قونانی وبر  
عدد قشله وقصبه‌نک خارجنده مملکت بانچه‌سی واردر . منسوب  
اولدینی قضایی (اینجه‌قره) نه‌ری اروا واحیا ایدر . (سرفیچه) نک  
اریکی مشهور اولوب هدیه اوله‌رق اطرافه کوندریلیر .

برلیه قصبه‌سی — (مناستر) سنجانی ملحقانندن اوله‌رق مقر  
ولایتک ۸ ساعت سمت شرق شمالیسنده و (مناستر) دن (کوپرلی) یه

کیدن طریق اوزرنده در. هواسی دخی لطیفدر. داخل قضاده  
صدف ایشلمه لی و صنعتلی قنیه و صندالیه و ماصه اعمال و چوراب  
و کوملک بزی نسج ایدلمکده در .

( پرله Pirlépe ) قضاسنده ادوات نحاسیه، ( بیاق )  
کبی شیر اعمال و دباغ ایدیلان سخیان و مشینلر وقتیه  
کوره خارجه ارسال اولنور . توتون و افیون دخی زرع  
ایدلمکده در .

اوغری قصبه سی — ( مناستر ) سنجاغی ملحقاننده داخل  
اوله رق مناسترک ۱۲ ساعت بعدنده و کندی اسمیه مسمی  
کولک شرق ساحلنده و دامن جبلده و ( اوغری ) کولنه طوغری  
چیقمش اولان بر برون اوزرنده مینیدر .

قصبه نک هواسی لطیف و باغ و باغچه سی کثیر و کرازی  
مشهور در . ( اوستروغه ) ناحیه سی بو اداره یه مربوطدر .

کسریه قصبه سی — کوریجه سنجاغنه مربوط قضا مرکز لردن  
برینی تشکیل ایدن ( کسریه ) قصبه سی ( مناستر ) ک ۱۴ ساعت  
جنوبنده و کندی اسمیه مسمی کولک ساحلنده و کولدن متحصّل  
بر شبه جزیره اوزرنده در . بو کولک صوینی اکثریا  
یوصون طوتدینی جهتله شربه پکده صالح دکل ایسه ده قصبه ده  
قینارجه و چشمه لر اولمدیغندن اهالیسی بالضرور کولک صویندن



ایچرلر. اشبو کولک سنوی ۲۸,۰۰۰ غروش صید ماهی رسمی  
واردر.

مذکور قصبه نك اوچ طرفی کوله ناظر اولدیغندن هواسی  
موسم صیفده آغیر اولور.

کسریه اهالیسی ( کورک ) اخذ و اعطاسیله مشهوردر.  
بونلرک اجراسی اکثریا خارجدن جلب اولنور. درون قصبه ده  
یاسیلور و بو یوزدن سهنوی خیلی تجارت ایدیلیر . ( کسریه )  
قصبه سنك نسج اولنان کلیملری کوزللیکی ایله مشهوردر.

ماط قصبه سی — مقر لوا اولان (دبره) نك ۹ ساعت  
غرب شمالینده و کندی اسمی ایله مسمی بر صویك کنارنده  
کائندر. بو قضانك هواسی لطیف و صولری چوقدر.

آلاصونیه قصبه سی — سرفیجه لوانسك حاوی اولدیغی قضا-  
لردن برینك کرسی اداره سی اولوب یونانستان حدودی  
جوارنده در. مقر لوا بولسان ( سرفیچه ) نك دخی سکر بچق  
ساعت جنوبنده در.

مذکور قصبه جزئی مرتفع بر بایر اوزرنده ایسه ده هواسی  
موسم شتاده معتدل و ایام صیفده وخیمدر.

آلاصونیه قضا سنده حاصل اولان حریر قوزهلری (طرنوه) به  
نقل اولنهرق اوراده بولان منکنهلر واسطه سیله ایك اخراج

ایدیلیر . ( شیاق ) ، ( فانیله ) ، ( چوراب ) و ( طرنوه  
 باصمه سی ) تعمیر اولنور اوطه دوشمه سی و یرلی بزلری اعمال  
 اولنور .

آلاصونیه قضا سنده یاپیلان قشقوال یینری تجاری معرفتیه  
 ازمیر و سلانیک و در سعادته دخی نقل ایدلمکده در .  
 اشبو آلاصونیه قضاسی ۵۷ قرا و چفتلکاتی حاوی اولوب  
 اطراف اربعه سی ۶۰ ساعتده طولانیلیر .

کربنه قضاسی — ( سرفیچه ) سنجانی قضا مرکزندن  
 بری اوله رق ( سرفیچه ) نک ۱۳ ساعت غربنده در .  
 منسوب اولدینی قضانک هواسی وخیم وباغ و بوستانی قلیل  
 ایسه ده قرق قدر صبیان مکتبی واردر . قضا داخلنده چیقاریلن  
 تره یاغی سائر قضالرک یاغنه مرجحدر .

ناسلیج قصبه سی — ( لپسیستا Lapsista ) دخی دینیر .  
 مذکور قصبه بر تپه جک اوزرنده واقع اولمغله هواسی کوزل  
 ولطیف اولوب صولری لذیذ و سوقاقلری منتظم و کنشدر .  
 منسوب اولدینی قضانک شرقنده اکثر اوقات قار ایله مستور  
 ( سناچقو ) جبلی بولندینی کبی غربنده دخی میشه وقاین آغاجلری  
 ایله مفروش ( ژوبان ) طانغی و ناحیه سی واردر .

( ناسلیج ) ک اهالی اصلیه سی اسلام ایسه ده برای تجارت

روم و یهودی دخی بولنور. اهالی مذکورہ ترکیه، آرنادوجه ،  
روجه تسکلم ایدرلر.

( ناسلیج ) ک یارم ساعت بعدنده وقضا داخلنده ( اینجه قره )  
نهری جریان ایتکله بری کارگیر و دیگرى اخشاب اوله رق ایکی  
عدد کوپری موجوددر.

مذکور قضا داخلنده حبوبات و انواع میوه حاصل اولور .  
( آرناد پینری ) ، اعلا تره یاغی ، ( طلوم پینری ) یاپیلور .  
قوزه محصولی دخی وارددر. ( کلیم ) ، ( کبه ) ، ( سجاده ) ،  
( چوراب ) دخی نسج ایدلمکدهدر .

قوزانه قصبه سی — ( سرفیجه ) متصرفلغنه مربوطدر. مذکور  
قصبه مرکز لوا اولان ( سرفیجه ) نک ۶ ساعت طرف شمالیسنده  
( مناستر ) ک ۱۸ ساعت بعد جنوبیسنده دوز بر محلهدر.

بو قصبه نک هواسی اولقدر ایو دکل ایسهده ( سرفیجه ) ،  
( ناسلیج ) ، ( جمه ) قصبه لری بیننده بولندیغی جهتله تجارتی  
یولندهدر. هر نه قدر سوقاقلری طار ایسهده اولان سی  
و همت ایله روز بروز تسویه و توسیع اولنمقدهدر. باغلری کثیر  
اولدیغندن اهالیسی بویوزدن خیلی تجارت و تمتع ایدرلر.

( قوزانه ) قضاسنی تشکیل ایدن قراده نسج و اعمال اولنان  
و ( صاری کول کلیمی ) نامیله معروف اولان بر نوع الوان کلیم

ایله بو نوعدن سجاده لر اوروپا کایملرینه تفوق ایدر صورتده معروف و متانتیله مشهوردر .

( قوزانه ) قزاسنک ( ونجه Vendjé ) ناحیه سنده ( ونجه )  
 تعبیر اولنور ( یونلی احرام ) ، ( چوراب ) نسج و اعمال اولنمقدهدر .  
 جمعه قصه سی — بوکا ( سرفیچه جمعه سی ) دخی دینیر .  
 بو قصه ( قوزانه ) قزاسنک شمالنده و سلانیک ولایتی حدودی  
 اوزرنده اولان ( جمعه ) و نام آخرله قیالر قزاسنک کرسی  
 اداره سیدر .



## ﴿ قوصوه ولایتی ﴾

حدود — سکنه — تعریفات طبیعیہ — محصولات ارضیہ  
و صناعیہ — صورت اداره — احوال بلاد مشهورہ

صرد — ولایت مذکورہ شمالاً ( صربستان ) مملکتی  
و شرقاً ( بلغارستان ) ایالتی ، ( سلانیک ) ولایتی و جنوباً ( سلانیک )  
( مناستر ) ولایتلری و غرباً ( اشقودرہ ) ولایتی ، ( قرہ طاغ )  
مملکتی ایله محاط اوله رق شمال غربی سینده ( بوسنه ، هر سگ )  
ولایتی وارددر . اراضیسی دخی ۲۸۰۰۰ کیلومتر و تربیعنددر .

سکنه — بو ولایتده مسلم و غیر مسلم اوله رق ۳۵۰،۰۰۰  
زیاده نفوس موجوددر .

تعریفات طبیعیہ — قوصوه ولایتنک هوا سی سمت جنوبیده  
خفیف و اکثر محلی طاغلقدر . باشلیجه سلسله جبالی ( شار )  
طاغیدر . بو طاغ ۳۲۰۰ مترو ارتفاعده اولوب ذروه لری  
دائما قار و بوز ایله مستور و اکثر محلی جبلاق و یالچین قیالردن  
عبارتدر .

( شار ) طاغندن شرقه طوغری آریلان و ( چانیک )  
کچیدینی تشکیل ایلین ( قرہ طاغ ) نامنده کی جبل ولایتک باشلیجه  
طاغلرندن بریدر . ( غولایا ) ، ( قوپانیک ) طاغلری صربستان



مملكتى و ( اكرى صو ) ، ( دوايچه ) طاغلرى بلغارستان  
 ايالتى و ( مالش Malech ) طاغى سلانيك ولايتى ايله ولايت  
 مذكوره حدودى اوزرنده بولندينى كې ( غوسينه ) ، ( روغوا  
 Rugova ) طاغلرى قره طاغ جهتنده و ( بشتريق Bichtrik )  
 طاغى ( اشقودره ) ولايتى طرفنده در . ( موقرا ) طاغى ايله  
 ( راغوزنه ) بالقانى ( ايك ) ، ( يكي بازار ) سنجاقلىرى  
 سمته در .

چانيك كچيدندن ( متروپچه ) يه قدر امتداد ايدن وادى  
 كبره ( قوصوه اووهسى ) اطلاق اولنور .

( واردار ) نهرينك قسم اعلاسى ايله ( صربستان موراواسى )  
 يعنى ( موراواى خربى ) نهرى توابعدن اولان ( ايبار Ibar )  
 و ( صاوا ) نهرينه منصب اولان ( درين ) نهرى توابعى تشكيل  
 ايلان ( اوواج ) ، ( ليم Lim ) ، ( تارا Tara ) نهرلى قوصوه  
 ولايتى اسقا واحيا ايلمكده و ( درين ابيض ) ايله ( بلغارستان  
 موراواسى ) يعنى ( موراواى شرقى ) نهرى بو ولايت داخلىدن  
 نبعان ايلمكده در .

ماصوت ارضيه و صنايعه — قوصوه ولايتنك ارضى  
 عموميتله طاغلق ايسه درونندن متعدد نهرلر جريان ايتديكندن

منبت و محصور و فقط ( راغوزنه ) بالقاننك شمال جهتی  
چورا قدر .

ارضنده ذخائر متنوعه ایله اراضی حارمیه مخصوص اولان  
( لیمون ) ( خرما ) کبی میوه دن ماعدا اولدجیه نفیس هر نوع میوه  
و باخصوص ( ایشلیوه ) تعبیر اولنان ( اریک ) و بعض قضالرنده  
جنوه پرنجندن قیمتی پرنج ، ( توتون ) حاصل اولور .

مصنوعات و معمولاتی ( عبا ) ، ( کبه ) ، ( شیاق ) ، ( کلیم )  
و غایت اینجه و ظریف ( کوملکک بز ) و سیمکاری ادوات  
ایله ادوات حدیدیه دن ( بیچاق ) ، ( قلم تراش ) ، ( اسلحه ) دن  
عبارتدر .

### — صورت اداره —

( قوصوه ) ولایتی ( اسکوب ) ، ( پرشته ) ، ( یکی بازار ) ،  
( ایپک ) ، ( پرزرین ) ، ( طاش-لیجه ) نامنده التي عدد سنجاغی  
حاویدر . مقر ولایتی ( اسکوب ) شهری اولوب سنجاغ مرکز لری  
همنامی اولان قصبه لردر . فقط ( یکی بازار ) سنجاغنك اداره  
مرکزی ( سنیجه ) قصبه-سیدر . حاوی اولدینی سنجاقلره  
ملحق قضاالر آتیده کی جدوله مذکوردر .

اسکوب سنجاغی			یکی بازار سنجاغی		
م.م.	قضار	مرکز اداره لری	م.م.	قضار	مرکز اداره لری
۲	اشتیب	=	۱	یکی بازار	=
۳	قوچانه	=	۳	قولاشین زیر	=
۳	قره طوه	=	۳	یکی واروش	=
۳	قومائوه	=	۲	آتوه	=
۳	رادویشته	=	ایک سنجاغی		
۲	پلنقه	=			
۲	عثمانیه (مالش)	بہجوه	۳	یاقوه	=
۳	اورخانیه (چچانیک)	=	۳	برانه	=
۲	کوپریلی	=	۳	غوسینه	=
پر شتنه سنجاغی			۲	ترغویشته	=
			پر زرین سنجاغی		
۳	کبلان	=			
۳	پره شوه	=	۳	قالقاندلن	=
۲	ولچترین	=	۳	لومه	=
۲	متروپچه	=			
طاشلیبچه					
۱	پره پول	=			

### — احوال بلاد مشهوره —

اسکوب شہری — (واردار) نہری اوزرندہ واقع و تقریباً ۱۵,۰۰۰ نفوسی حاوی اولہرق ۳۸ ساعت بعدندہ اولان (سلانیک) شہرینہ بر تیمور یول خطی واسطہ سیلہ مربوطدر.

شهرک موسم صیفده هواسی وخیم ایسهده ارضی هر نوع  
محصول یتشدیرر ، جنوب جهتلرنده توتون دخی حصوله کلیر.  
درون شهرده بر ساعت قلهسی واردر. اسکوب جوارنده  
دخی بری بحارلی اوله رق الی عدد دقیق فابریقهسی موجوددر.  
( اسکوب ) قصبه سنک بش ساعت سمت شرقیسنده  
( قیلان ) قریه سنده ذکور و اناثه مخصوص ایکی عدد ایلیجه  
واردر.

پرشته قصبهسی — مناسترک ۴۴ ساعت بعد شمالیسنده  
قوصوه صحرای وسیه سنک وسطنه طوغری متمد اولان بیوک  
بر وادیدهدر. قصبه نك اوج طرفی خفیف میلی بایر لرله محاط  
اولدیغندن منظرهسی لطیفدر.

( پرشته ) نك اوج چاریک بعدنده اولان خداوندکار غازی  
حضر تلرینک تربته عالیبری زیارتگاه خواص وعوامدر. جوار  
قصبهده بك چوق معدن بولندیگی کبی شایان تحری آنارعتیقنك  
وجودی مرویدر.

سینیه قصبهسی — ( یکی بازار ) سنجاغنك اداره مرکزی  
اوله رق ( پرشته ) نك ۲۶ ساعت سمت شمالیسنده و ( اوواج )  
صوبی توابعندن بری کنارنده و اطرافی آجیق دوز براووهدهدر.  
درون قصبهده ( دباغلق ) و ( سراجلق ) ، ( باقرجیللق ) کبی

صنايع اربابى موجود در . منسوجاتى دخی اهالیسنی اداره ایلمکده در .

(یکى بازار) قصبه سی ایسه سنیچه نك ۱۰ ساعت شرقده و (ایبار) نهري توابعدن (راجقه) صوی کنارنده در . مذکور قصبه اطرافى طاغیر ایله محاط بر موقعده بولمسی و صربستانه قریقى جه تریله حائر اهمیتدر . منسوجاتى دخی اهالیسنی اداره ایلمکده در . (یکى بازار) . یارم ساعت مسافده (ایلیجه) قریه سنده چلیک و کورتللى بر ایلیجه وارددر .

ایک قصبه سی — (پچ Petch) اسمیله دخی یاد ایدیلن بو قصبه پرشته نك ۱۵ ساعت جانب غربیسنده و (بیاض درین) نهري توابعدن (بشتریچه) صوی اوزرنده و (لیه) بالقانى اتکنده لطیف بر محله در .

منسوب اولدینى قضاده يتشديريلن توتون (بوسنه) و (صربستان) . نقل ایلمکده در .

سیمکاری طبانجه و هر درلو ادوات نفیسه ایشلنهرک هر طرفده فروخت اولمقده و غایت اینجه و ظریف ایپکلى چارشف و کوملك بزلى نسخ ایلمکده در .

پرزرین قصبه سی — مناسترك ۴۶ ساعت شمالنده و (درین ابیض) توابعدن (ماريچه) صوی کنارنده در . نفس قصبه بر طرفى طاغ اتکنه مستند و اولدجه متین بر قلعه نی محتویدر . منظره سی



دخی کوزلدر. (برزین) ک منتظم جوامع و مساجد و مدارس و مکاتبی واردر. مذکور قصبه بر قاج یولک برلشدیکی محله بولندینی جهتله مواقع مهمه دن معدوددر. درون قصبه ده کموش تلدن ظرف و سیغاره لقی یایلیر تیمور آلتنه دخی زر و سیمدن تل قاقه سیله صورت مطبوعه ده نفوش متنوعه ایشلنیر. (عبا)، (کلیم) و حریر کوملکه دائر مصنوعاتی کار قدیم دستکاهلر واسطه سیله چیقاریلیر. معمولات دباغیه سیده ممالک محروسه دن بعض جهتلرینه و آوستریا و صربییه طرفلرینه سوق اولنه رق فروخت اولنور.

قصبه نک بر ساعت بعدنده (روک) قریه سی قربنده بر چنار آغاجی واردرکه بو آغاج دنیاده بولنان آغاجلرک اک بیوکلرندن معدود اولوب اوزرنده برنوع صو آققده و خرسیانلر نزدنده مقدس طائمه قده اولدیفندن مذکور آغاجی خرسیانلر دائما زیارت ایدرلر و آقان صویندن آلوب ایچرلر.

طاشلیجه قصبه سی — (طاشلیجه) متصرفلخنک کرسی اداره سیدر. مذکور قصبه مرکز لوا اولدینی جهتله کوندن کونه کسب عمران و انتظام اتمکده در. (سنیچه) یه اولان بعدی ۱۴ ساعتدر.

اشتیب قصبه سی — (اسکوب) ک سمت جنوبیه سنده و (واردار) نهرینه منصب اولان (بره غانیچه Brégalnitsa) صوبی قربنده در. منسوب اولدینی (اشتیب) قضائک نصف

اراضيسى تماماً منبت و محصولدار اولوب اهالى قضانك باشليجه  
تجارتلىرى زراعت يوزندن والى مهم اخراجى افىون حاصلاتندن  
عبارتدر. قصبه نك ( اسكوب ) ۵ اولان بعدى ۱۴ ساعتدر.  
( اشتىب ) قضاسى ايله ( كوپرىلى ) قضاسنك شمالنه مصادف  
اولان اراضى يه ( مصطفى اووه سى ) دينير .

كوپرىلى قصبه سى — مقر ولايت اولان اسكوبك سمت  
جنوبيسنده و ( واردار ) نهرى اوزرنده در. مذكور قصبه نهرك  
ايكى طرفنده بولنديغندن بربرينه كچمك اوزره كوپرىسى  
موجوددر.

قومانوه قصبه سى — اسكوبك ۶ ساعت بعد جنوب  
شرقيسنده و ( اوزونجه اووه ) داخاندده و ( ويچينا ) نهرى  
توابعدن برى كنارنده در.

( قومانوه ) ده سيمدن تل كارى بعض معمولات وارددر.  
( قومانوه ) قضاسنك ( ارواح ) قريه سندن ( كىكى ) تعبير  
اولنور بر نوع طاش معدنى موجوددر.

پلانقه قصبه سى — ( اسكوبك پلانقه Egri Palanka ) دخى  
دينير. اشوقصبه اسكوبك ۱۸ ساعت شرقنده و ( اسكوبك دره )  
نامنده كى صويك كنارنده و ( كوستنديل ) دن ( اسكوبك ) ۵  
كيدن طريقك اوزرنده در.

( پلانقه ) قضاسنك تيمور معدنلى غايت مقبول و صاغلم

اولدیفندن اشبو تیمورلردن کلیتله بارگیر و سائرہ نعللری اعمال  
اولہرق ہر طرفہ نقل و فروخت اولنور.

قرمانہ قصبہ سی — اسکوبک ۱۶ ساعت شرقندہ ( و برہ غالنچہ )  
صوبی توابعندن بری کنارندہ در.

منسوب اولدینی قضا داخندہ ( بانہ Banja ) ناحیہ سندہ  
صوبی چلیک خاصہ سی حاوی ایلچہ واردر. مذکور قضاہ  
سنوی کلیتلی و جنوہ پرنجندن قیمتلی پرنج حصولہ کلیر.

قرہ طوہ قصبہ سی — اسکوبک ۱۴ ساعت قدر شرقندہ  
( پچینا ) نہری توابعندن بری کنارندہ و برطرفی دیک اولہرق  
قیالقدن عبارت بر موقعدہ در. قضا اہالیسنک بر قسمی  
زراعت و تجارت ایلہ دیگر قسمی دباغلق و چوبانلق ایلہ مشغول  
اولدقلرندن قیون و کچی دریلرندن ہر نوع مشین و سختیان  
یایلہرق داخل ولایتدہ صرف و فضلہ سی ممالک اجنبیہ نقل  
اولنور.

مذکور قضاہ کموشلی قورشون و کوکرت معدن اوجاقلری  
بولندینی و دکرمن طاشلری چیقارلدینی کی برقروم معدنی  
دخی کشف اولنمشدر.

قولاشین زبر قضا سی — ( یکی بازار ) سنجاغنک حاوی  
اولدینی قضالردن بری اولان ( قولاشین ) قضا سی ولایتک  
( قرہ طاغ ) مملکتی ایلہ اولان حدودندہ بولنسی حسبیلہ اہمیتی

حائزدر. مرکز اداره سی اوج طرفی طاغلق و بر طرفی اووه لوق  
بر محله واقع ( قولاشین ) قصبه سی ایسه ده حکومت قونانی  
( شاهویک = روشیه Rochie ) قریه سنده در. مذکور قصبه نك  
هوایی لطیف اولوب جهت نلثه سنی محیط اولان اوج عدد  
تیه ده دخی متین برر قله واردر .

قصبه داخلنده جریان ایدن ( تارا ) صوبی اوزرنده مکمل  
واخساب بر کوپری موجوددر .

( قولاشین ) قصبه سنك بر بچق ساعت قدر شمالنده ( لیپورا  
Lippora ) نامیله اوج ساعت محیطنده منبت بر قطعه اراضی  
موجود و بوقطعه قوه انباتیه سی جهتیله مشهوردر .

اهالی قضا عموماً سلاحشور لقله اشتغال ایدر لر . نسوانی  
دخی اعمال واستعمال سلاحه مقتدردر لر .

آقوره قصبه سی — ( آق اووه ) دخی دینان ( بیهلوپولیه  
Biélopolié ) قصبه سی ( لیم ) صوبی کنارنده و ( سنیجه )  
قصبه سنه ۸ ساعت قدر مسافه ده در. ( آقوه ) قصبه سنك منسوب  
اولدینی ( آقوه ) قضاسی ( قره طاغ ) حدودینه ملاصق اولان  
یرلردن و مرتفع طاغ و یایلاقردن عبارت اولدیغندن مزروعاتی  
محدوددر .

یکی واروسه قصبه سی — سنیچه نك ۶ ساعت شمال غریب سنده  
وطاغلق بر محله منیدر .

مذکور قصبه صربستانه قریبیتی و ( اسکوب ) دن ( بوسنه ) یه  
کیدن طریق اوزرنده بولنسی حسبیه اهمیت حائزدر .

( بانه ) قریه سنده کی ایلیجه سی دخی انحراف مزاجه و ضعیفیدن  
عارض اولان امراض مزمنه و جلدیه یه نافعدر .

منسوب اولدینی قضانک بیوجک اورمانلری اولدینی کی  
( نیم ) صوینه منصب اولان متعدد چایدر دخی قضای اروا  
واحیا اتمکده در .

ترغویشته قصبه سی — سنجیک ۱۲ ساعت شرق  
جنوبی سنده و ( یکی بازار ) ۴ ساعت غربنده و ( ابره ) نه ری  
توابعدن ( راجقه ) صوبی قوللرندن بری کنارنده در .

( ترغویشته ) اورماننده دخی هر نوع اعمالات و صنایعه  
الویرشلی کراسته موجوددر . انهالی محلیه نك اختیاجاته صرف  
اولئانلردن فضله قالان کراسته بعضاً ( ترغویشته ) قضاسندن  
نبعان ایدوب ( مترویچه ) دن مرور ایدن ( ایبار ) نه ری واسطه  
سیله ( مترویچه ) استاسیوننه و قطرانلی چام آغاچلرندن چیقاریلان  
قطران دخی ولایتک هر طرفه نقل و فروخت اولور .

برانه قصبه سی — ایپک لوانسک مشتمل اولدینی قضالردن  
برخی تشکیل ایدن ( برانه Brana ) قضاسنک اداره مرکزیدر .  
بوکوچک قصبه ( ایپک ) قصبه سنک ۶ ساعت بعد شمال غربی سنده  
( ایم ) صوبی کنارنده و ( قره طاغ ) حدودی قریبنده در .



اهالي سينك معيشت و مشغوليتلری رنجيرلك و چوباناق كې  
فواندى محدود صنايع عاديہ در.

ياقوه قصبہ سى — مقدا (ياقويچہ) اسميله معروف برقريہ  
ايدى. بوقصبہ مقر لوا اولان (ايپك) ك سمت جنوب شرقى سينده  
و (بياض درين) توابعدن (ارنيك Ernik) صويي كنارنده در.  
مذكور صو (درين ابيض) ايله قصبہ نك ايكي ساعت جنوبنده  
براشير.

اشبو قصبہ نك منسوب اولدينى (ياقوه) قضا سينده دخى  
(ايپك) قضاسى مثالو سيم كارى اسلحه و هر درلو ادوات نفيسه  
ايشلنمكدہ و فايت اينجه و ظريف ايسكلى چارشف و كوملك  
بزلرى نسج اولمقدہ در.

غوسينه قصبہ سى — (ليم) صويي كنارنده كندى اسميله  
مسمى قضانك اداره مركزيدر. (ايپك) قصبہ سينه دخى ۱۲  
ساعت اوزاقده در.

قراى ملحقه سى مياننده (بلاوه) نامنده بيوجك بر كوى  
و اتصالده يارم ساعت امتدادنده طولانى بر كول واردر. بو  
كولدن اوفاق تفك بالق صيد اولنور.

جوار قصبہ ده دخى پك چوق معدن بولندينى كې شايان  
تجرى آثار عتيقه نك وجودى مرويدر.

ولچترين قصبہ سى — (ولچترين Woltzetn) ويا  
(ولچترين Vultzitrn) قصبہ سى مقر لوا بولنان (پرشته)

قصبه سنک ۷ ساعت بعد شمالیسنده وقوصوه اووه سنک منتهاسنده  
و (ایبار) نهری قولارندن (ستنیچه) صوبی کنارنده  
(مترویچه) به کیدن شمندوفر خطی قربندهدر.

اهالی قصبه زراعتله معیش اولوب اراضیسنک قوه  
انباتیه سی درجه مکملهدهدر.

کیلوه قصبه سی — پرشتهنک ۸ ساعت جنوب  
شرقیسنده و (بلغارستان موراواسی) دینان نهرک توابعدن  
بری کنارندهدر.

منسوب اولدینی قضانک شمال شرقیسی جهتلرینه تصادف  
ایدن محللارنده اورمانلر موجوددر.

(کیلان) ک اوج ساعت غرب شمالیسنده (نواپرده)  
نامنده کی قلعه خرابه سی (قوصوه) محاربه مشهوره سنده اردوی  
هایونه بر استنادگاه اتخاذ اولنمشیدی.

یره شوه قصبه سی — مقر لوا اولان پرشتهنک سمت  
شرق جنوبیسنده وحده یقین بر موقعهدر. (اسکوب) ه  
اولان بعدی ۱۱ ساعتدر.


(پره شوه) اورمانلردن چیقاریلن کراسته احتیاجات  
داخلیه صرف اولندقدن فضله شمندوفر خطنه و محال سائره به  
نقل اولنور.

مترویچه قصبه سی — (ستنیچه Sitniza) صوبنک (ایبار)

نهرينه منصب اولدينى محل قريبنده در. مذکور قصبه سالانيك  
شمندوفر خطك نهايت موقفى اولدينى جهتله اهميتى حائزدر .  
( متروپچه ) قصبه سى جوارنده دكرمن طاشى اعمال اولنور .  
سائر قضالرده نقل اولنور . ( بانسقه Baniska ) قريه سننده كى  
ايلهجه سى معروفدر .

قالقانه دلى قصبه سى — ( پرزرين ) لوانسك مشهور قضا  
مرکز لرندن برى اوله رق ( پرزرين ) قصبه سنك ۸ ساعت بعد  
جنوب سينده و ( شار ) طاغتك ۴ ساعت اوزاغنده و ( واردار )  
نهرى صول توابعدن برى كنارنده در. بوقصبه ( پرزرين ) دن  
( اسكوب ) ه كيدن مشهور طريق اوزرنده بولندينى جهتله  
حائز اهميتدر . ( غوستوار ) ناحيه سى بو اداره يه مربوطدر .  
( غوستوار ) قريه سى ايسه ( قالقان دلى ) قصبه سنه ۴ ساعت  
اوزاقددر .

بره بول قصبه سى — ( ايم ) صوبى كنارنده بر كوچك  
قصبه در. مرکز لوا اولان ( طاشليجه ) نك ۶ ساعت  
شرقنده در .



## ﴿ بوسنه وهرسك ولايتي ﴾

حدود — سکنه — تعریفات طبیعیه — محصولات ارضیه  
 وصناعیه — صورت ادارہ — احوال بلاد مشهوره

صدد — ولایت مذکورہ ( صربستان ) ایله اوستریانک  
 ( دالماسیا ) ایالتی بیننده واقع اوله رق شمالاً ( صاوا ) نہری  
 وجنوباً ( قوصوہ ) ولایتی و ( قرہ طاغ ) مملکتی ایله محدوددرہ.  
 ( آدریاتیک ) دکزنده کائن ( قلیق ) لیانی بو ولایتہ منسوبدرہ.  
 مساحتہ سطحیہ سی ۱۵,۶۶۵ کیلو مترو مربعہ مساویدرہ.

سکنہ — ( بوسنه، ہرسک ) ولایتندہ مسلم و غیر مسلم  
 اوله رق ۱,۵۶۸,۰۰۰ دن زیادہ نفوس تحمین ایدلکدہدرہ.

تعریفات طبیعیہ — ولایت مذکورہ نک اکثر محلی طاعلق  
 اولوب باشلیجہ سلسلہٴ جبالی ( آپ دیناریک ) دن آریلن  
 ( بوشناق ) طاغلریدرہ. بوسلسلہٴ جبمال شمال غربیدن جنوب  
 شرقیہ طوغری امتداد ایدہرک ولایتی ( بوسنه )، ( ہرسک )  
 اسملریلہ ایکیہ تفریق ایتمش و ( بوشناق ) طاعنی شعبات جنوب  
 بیہ سی ( ہرسک ) قطعہ سنی احاطہ ایلماشدرہ.

مذکورالاسم ( بوشناق ) طاغلرندن منبعی آلہرق بوسنه  
 قطعہ سندن جریان ایدن ( اونا )، ( ویرباص )، ( بوسنه )، ( درینا )  
 صولری ( صاوا ) نہرینہ و مجرای اسفلی دالماسیادہ اولان  
 ( نرتوہ ) نہری ( آدریاتیک ) دکزینہ آقمقدہدرہ.

محصولات ارضیه و صناعیه — بو ولایتک طاشلق و غیر منبت اولان ( هر سگ اوومسی ) خارج طوئلدینی حالده اراضیسی قوه انباتیه جه وسط درجه ده بولندیغدن هر نوع محصول زرغنه مساعددر. محصولات ارضیه سی ( بغدادی ) ، ( آربه ) ، ( قومپیر ) یعنی ( پاتاس ) ، ( کتان ) ، ( پرنج ) ، ( توتون ) و هر نوع میوه و سبزه و ( ایشلیوه ) دینان ( اریک ) ایله کلیتلی کراسته دن عبارتدر . محصولات صناعیه سی کومل سگک و چارشفلق بزلر ایله ( عبا ) ، ( کبه ) ، ( کلم ) ، ( سجاده ) مثللو منسوجاتدن و ( ییجاق ) ، ( قلیچ ) ، ( اسلحه ناریه ) کبی آلات حربیه و ادوات نحاسیه دن و ( مشین ) ، ( سختیان ) ، ( کاوساله ) مثللو لوازم سراجیه و بونلره تمثیل معمولات سائرده عبارت اولوب بونلردن بر قسمی صربستان و آوستریایه نقل و فروخت اولنه رق متباقیسی داخل ولایتده صرف و استهلاک ایدیلیر .

### — صورت اداره —

بوسنه ولایتی ( سرای بوسنه ) ، ( بنالوقه ) ، ( ایزوورنیک ) ، ویا ( طوزله زیر ) ، ( تراوتیک ) ، ( بهکه ) ، ( هر سگ ) نامنده اتی عدد متصرفانه منقسمدر . مقر ولایتی ( سرای بوسنه ) در . بو متصرفلرک اداره مرکزی کندی اسمایله مسمی قصبه لر ایسه ده ایچلرندن ( ایزوورنیک ) سنجاغنک اداره مرکزی ( طوزله ) و ( هر سگ ) متصرفلرک مقر اداره سی ( موستار ) قصبه لیدر . مذکور سنجاقلرک قضالری بروجه آتی کوستریله جک جدولدن مستبان اولور .



بنالوقه سنجاغی		سرای بوسنه سنجاغی	
مرکز اداره لری	قضالر	مرکز اداره لری	قضالر
=	در بند	=	جانیه
=	غرادشقه	=	فوجه
=	پریدور	=	فونیه
=	پراوو (پرنیاوور)	=	چلی بازار
=	تشنه	=	ویسوقه
=	قوستانیچه	=	ویسغراد
تراونیک سنجاغی		طوزله زیر سنجاغی	
=	زنیچه	=	ابزورنیک
=	غلاموج	=	بلنه
چانیچه	اهلونه	=	برچقه
=	ژیچه	=	غراچانیچه
دومنه	ژویانیچ	=	مغلای (ماغلای)
اسقوبله	بوغوینه (تخصار)	=	قلادینه (قلادانی)
=	پروزور	=	ولاسنیچه
=	پایچه	=	صربرنیه
=		=	غراداچاچ
هرسک سنجاغی		بهکه سنجاغی	
=	خاچقه	=	قروپه
=	نوه سین	=	پتروواج
=	بیله که	=	سانسقی موست
=	کیره بین	=	سارین
=	لو بین	=	قلوچ
=	لیووشقه	=	
=	استولیچه (استولاج)	=	
=	قونیچه	=	

## — احوال بلاد مشهوره —

سرای بوسنه شهری — شهر مذکور منبت و محصولدار بر قطعه نك و سطنده و ( بوسنه ) نهرينك قوللرندن بريني تشكيل ايدن ( ميلاسقه Milaska ) چاي كنارنده در. اليوم ( بوسنه ) قطعه سنك اك جسيم و معمور يردر. شمندوفر خطي واسطه. سيله دخی ( صاوا ) نهری كنارنده كائن ( برود Brod ) قصبه سنه و ( موستار ) طريقي ايله ده ( متقوويچه ) يه متصلدر.

شهر مذکورك هواسی كوزل و صولری لذیذ اولوب استانبولدن پوسته يولی اعتباريله ۲۱۸ ساعت بعدی وارددر. اطراف شهر بر سور ايله چورلشددر. ۶۰,۰۰۰ قدر نفوسی دخی حاویدر.

درون شهرده فاتح سلطان محمد خان مرحومك بنايتدير مش اولديني سراي عالی ولايتك الكميزين بناسندن معدوددر. بعض اشيا نك نسج و اعمالی ایچون کارخانه لر دخی موجوددر.

نفس شهرده هر بر اصناف بولنور. نفیس چارشفلر ، کوملكلك بزلر ، پشکیرلر و ( عبا ) ، ( کبه ) ، ( سختیان ) ، ( مشین ) ، ( اکر طاقلری ) ، ( عربيه ) ، ( قنیه ) ، ( صنداليه ) و امثالی شیلر یاییلیر.

( سراي ) قضا سنك هر جهته كوزل و جسيم اورمانلر دخی وارددر.

بالوقه قصبه سی — مقر ولایت اولان ( سرای بوسنه ) نك  
 ۳۶ ساعت بعد شمال غریب سنده در . درون قضا دن ( ویر باص )  
 نه ری جریان ایتمکه اوزرنده اخشاب بر کوپری وارد . بو  
 قضانك یولاری دخی اولدجه منتظمدر . قوه انبایه سی دخی  
 درجه مطلوبه ده اولدیغندن هریرنده هر نوع محصول و خصوصیه  
 بوستانك اعلاسی یتیشیر . قضا داخلنده تیموردن بعض آلات  
 و ادوات اعمال اولنور . موجود اولان اورمانلرنده میشه  
 وقاین آغاچلری بولمقدهدر .

ایزوورنیق قصبه سی — مقر ولایتك ۲۰ ساعت شمال  
 شرقی سنده در . منسوب اولدینی قضا دن ( درین ) نه ری  
 جریان ایتمکه قضای بیوک و کوچك ( ایزوورنیق ) نامیه ایکی به  
 تفریق ایلمشدر .

( ایزوورنیق ) نام آخرله ( طوزله ) قضا سنده ( خطه ) ،  
 ( قوقوروز ) یعنی ( مصر بغدادی ) ، ( شعیر ) ، ( عاف ) ، ( کتان )  
 ( ایشلیوه ) تعبیر اولنور ( اریك ) حصوله کلیر . ( مایوویچه ) نامنده  
 اولان بیوک بالقانده دخی جسیم میشه و کورکن آغاچلری بولنور .  
 قضا داخلنده جریان ایدن ( درین ) نه ری اوزرنده قایقلر  
 ایله اشیای تجاریه ( صاوا ) نه ری کنارنده و اون ایکی ساعتك  
 مسافه ده بولنان ( راجه ) اسکله سنه قدر نقل اولنه یایر .

تراویك قصبه سی — ( سرای بوسنه ) نك ۱۸ ساعت قدر

شمال غريبسندده در. قصبه نك ابدیه سی غیر منتظم ایسه ده اطرافى  
اسكى برسور ايله چورلشدر.

منسوب اولدینى قضانك قوه انباتیه سی بعض محللارنده  
اعلادر. حبوبات متنوعه و خصوصیه ( اريك )، ( چودار )،  
( هله ) یعنی ( داری )، ( علف ) کبی محصولات یتشدیر مکده در.  
اورمانلرنده دخی چام و میشه آغاچلری بولنور. ( بوسنه )،  
( ویرباص ) صولری قضانك باشلیجه نهرلرنده معدوددر.

بهنگه قصبه سی — ( سرای بوسنه ) نك شمال غريبسندده  
۳۴ ساعت بعدنده واسكى برسور ايله محاطدر.

منسوب اولدینى قضانك ارضی حبوبات متنوعه یتشدیرر.  
درون قضادن ( اونا ) نهری جریان ایتمکله اوزرنده جسمیم دکرمنلر  
وارددر. ( اونا ) نهری اوزرنده دخی واپور ایشلتدیر یله بیلیر.

موسمار قصبه سی — هر سڪ سنجاغنك اداره مرکزی  
اوله رق مقر ولایتك ۲۴ ساعت قدر جنوب غريبسندده و طاشلق  
بر محله مبنیدر. قصبه نك خارجاً کورینیشی هر نه قدر کوزل  
ایسه ده داخلی غیر منتظمدر.

## ﴿ کرید ولایتی ﴾

حدود — سکنه — سواحل — احوال طبیعیہ — محصولات ارضیہ  
و صناعیہ — صورت اداره — احوال بلاد مشہورہ

صمد — روم ایلیٰ شاهانہ نک حاوی اولدینی ولایاتدن  
( کرید ) ولایتی ( اروپا )، ( آسیا )، ( آفریقا ) قطعہ لرینک  
مرکزنده بولنہرق اطرافی (بحر سفید) ایله محاط و طولانی الشکل  
بریبوک آطہ دن عبارتدر. مذکور آطہ نک ۲۶۵ کیلومترو طولی  
۱۰۰ الی ۵۰ کیلو مترو عرضی واردر. مذکور آطہ (ردوس) دن  
۱۵۰ و آفریقا ساحلندن ۴۰۰ و (مورہ) دن ۹۵ کیلو مترو  
اوزا قدر .

سکنہ — ولایتک نفوس موجودہ سی مسلم و روم، یہوی،  
ارمنی اولق اوزرہ ۲۵۰,۰۰۰ قدر تخمین ایدلمکہ در.

سواحل — کرید آطہ سنک سواحل غیر منتظم و خصوصیلہ  
سواحل شمالیہ سی امواج دریانک تصادمندن درین درین لیمان  
و کور فلز و برون و کوچک شبہ جزیرہ لر پیدا ایلہ مشدر .

ازجملہ سواحل شمالیہ سی شرقدن غربہ طوغری تعقیب  
اولدینی حالہ (سیدروس Sidros) ویا (تیمور)، (لانیس Lanis  
= آیایانی)، (پاناغیا Panagia = فراسکا)، (درہ بانوس) ویا  
(کفالہ)، (اسپاٹہ Spatha) ویا (قلیج)، (بوزا Busa)  
برونلری و (میرابللا Mirapella = میرامیلو)، (آرمیرو



(Armiero) ، (سوده Suda) ، (حانیه) ، (کیسامو Kisamo) کورفزلری و (میرابللا) کورفزی داخلنده (پسیرا Psyra) کوچك آطه‌سی و (قندیه) قوی قارشوسنده (دیا Dehia) ویا (طوشان) آطه‌سی و (سوده) ایله (حانیه) لیمانلری آره‌سنده (آقروتیری Akrotiri = آقروطور) یارم آطه‌سی کورینور. جزیره مذکورہ نك شرقندہ (سالمون = سایمان) (اسکی برون) وجنوبنده (لیتنوس Lithunos) ویا (مانالا) وجنوب غریب‌سندہ (قریو Krio) برونلری و (لیتنوس) برونی شمالنده بحر سفیدك آفریقا صولرندن حصوله کتیردیکی (مسارا) کورفزی موجوددر. (مساوا) کورفزی مدخلنده (پکساد) آطه‌سی وارددر.

مذکورالاسامی کورفزلر دخی بروجہ آتی بیان اولن‌ان قلاع متینہ و رصینہ ایله مدافعہ و محافظہ اولنور شویله‌که: (میرابللا) کورفزی برکوچك آطه اوزرینہ مبنی (اسپرلونقه) قلعہ‌سی و (سوده) لیمانی (سوده) قلعہ‌سی و (حانیه) لیمانی (حانیه) قلعہ‌سی و (کیسامو) کورفزی (کیسامو) قلعہ‌سی ایله برکوچك آطه اوزرینہ مبنی (غرابوسا Granbusa) قلعہ‌سی مدافعہ و محافظہ ایدر. (سوده) لیمانده (سوده) قلعہ‌سندن باشقه برده (عزالدین) طایبہ‌سی وارددر.

(کرید) آطه‌سی منسوب‌اتندن اوله‌رق سواخلنده کوچك

آطه‌لر موجود ایسه‌ده اولقدر اهمیتی حائز اولمقدقلری جهتله  
مذکور آطه‌لرک ذکرندن صرف نظر ایدلمشدر.

احوال طبیعی — کرید آطه‌سنی غربدن شرقه طوغری  
جبال متسلسله قاپلامشدر. بوسلسله جبالک تپه‌لری دائماً قار  
ویوز ایله مستوردر. سلسله مذکورهنک اقسام مشهوره‌سی  
( آق طاغ )، ( اسفاکیه )، ( ایدا )، ( لاشید )، ( استیه )  
اسملریله اسمیه اولنمشدر. بونلردن ( لفقاورلی ) اسمیه یادایدیلن  
( آق طاغ ) و ( اسفاکیه ) طاغلاری آطهنک جانب جنوب  
غربیسنده واقع اوله‌رق ذروه‌لری بتون سنه قار ایله مستور  
وصعب‌المروردر.

( پسیلوریتیس Psiloritis ) دینلن ( ایدا ) طاغی ایسه  
۲,۵۰۰ مترودن زیاده مرتفع اوله‌رق بیوک برکومه تشکیل  
ایتمش و ( لاشید )، ( استیه ) طاغلری جزیره‌نک سمت شرقیسنی  
احاطه ایللمشدر.

بروجه مشروح طاغلرک ساحلله قدر امتداد ایتمی  
جهتیه ( کرید ) آطهنک شایان ذکر اهاری همان یوق کبیدر.  
هنه‌قدر ( تیره پوتاموس )، ( میلوپوتاموس )، ( آرمیرو )، ( پلاتانیا )  
کبی صولر موجود ایسه‌ده بونلر یاز موسخنده یوق منزله‌سنه  
تنزل ایدرلر. مذکور صولردن ( تیره پوتاموس ) دینلن  
( هیرو پوتاموس ) صوبی ( مسارا ) اووه‌سی داخلندن بالمرور

(مسارا) کورفرزنده دکزه آق دینی کبی (میلو پوتاموس) صوی  
(رتمو) کورفرزی شمالنده و (آرمیرو) صوی دخی محصولدار  
براراضی داخاندن کچهرک (دره بانو) برونی جنوبینده و (پالاتانوس)  
دینان (پالاتانیا) صوی دخی (اسپاطه) برونی جوارنده دکزه  
آقارلر.

محصولات ارضیه و صناعیه — کرید آطه سنک هوا سی اعتدال  
دائمی اوزره یابس و حار و اضیسی اولدججه منبت و محصولدار  
اولوب فقط شمالنه نسبتله سواحل جنوبیه سی مرتفع قبالر  
واوچورم بایرلردن عبارتدر.

جزیره مذکور سنک (زیتون)، (کستانه)، (لیمون)،  
(پورتقال) آغاجلری کثیردر. اهالیسنی اداره ایده بیله جک  
درجه ده دخی حبوبات حاصل اولور.

(زیتون یاغی)، (صابون)، (بال)، (بال مومی)، (پینر)  
(و چیچک صوی) کبی شیلردن عبارت اولان محصولات صناعیه سی  
یوزندن دخی اهالیسی پک چوق استفاده ایتمکده در.

سواحلنده ایسه کثرت اوزره (بالق) صید اوانور و (سونکر)،  
(مرجان) چیقاریلیر. (کرید) آطه سنک آت و قیونی مشهوردر.

### صورت اداره

(کرید) ولایتی (حانیه)، (اسفهاکیه)، (رتمو)،  
(قندیه)، (لاشید) نامنده بش عدد سنجاغه منقسمدر. مقر  
ولایتی (حانیه) شهری اولوب سنجاغ مرکز لری همنامی اولان

قصبه لر در . فقط ( اسفاکیه ) سنجاغفک مقر اداره سی  
( واموس ) و ( لاشید ) سنجاغفک اداره مرکزی ( یکی شهر )  
قصبه لر در . مذکور سنجاقلری تشکیل ایدن قضالر ایله مرکز  
اداره لری آتیده کی جدولده ذکر اولمشدر .

حایه سنجاق		رسمو سنجاغی	
قضالر	مرکز اداره لری	قضالر	مرکز اداره لری
سلینه	قدانو	میلوپوتاموس	پراما
کیسامو قاستیل	=	آماویا	مرونه
کیدونیا	=	لاشید سنجاغی	
قندیه سنجاغی		یره پتره	=
مالویر	چتال کوی	اویانو	=
پدیہ	=	استیه	عونیہ
کنوریومع پیریوتکیه	میرس	اسفاکیه سنجاغی	
ریزو مع منوفاچ	=	اسفاکیه	آناپولیس = بالیوره (سلطانیہ)
		آیا واسیل	=

### — احوال بلاد مشهوره —

هانیہ شهری -- جزیره نك شمال غربیسنده و کندی اسمی  
ایله مسمی متین و تجارتیله مشهور برلیمانك ساحلنده کائن واجبی  
قونسوسلرینك مقر و آرامگاهیدر . بوبلده نك سوقاقلری چاقل  
طاشلری ایله دوشنمش و اطرافی دیوار ایله چورلمش اولوب  
نیاننده دخی ۴۰۰ مترو قدر طوانده بر سد یاپلمشدر .

بو سد مذکور لیانی فورطنه دن محافظه ایدر. سدك نهایتنده  
بر قنار وقارشوسنده بر قلعه واردر .

(حانیه) نك یارم ساعت شمال شرقیسنده (سوده) مستحکم  
لیانی وقصبه سی ومکمل بر ترسانه سی موجوددر .

اسفاکیه قصبه سی — مقر ولایتك ۳۵ کیلومترو قدر جنوبنده  
صرب وطاشلق بر موقعه در . (آرقادیا) نامنده بر مناستری  
دخی واردر .

(اسفاکیه) سنجاغك اداره مرکزی (واموس) قصبه سیدر.  
(آناپولیس Anapolis) دیدکاری (سلطانیه = پالیو خوره) قصبه سی  
دخی اسفاکیه قضاسنه اداره مرکزی اولمشدر .

رغمو قصبه سی — (رتمو) ویا (رسمو) قصبه سی همنامی  
اولان سنجاغك اداره مرکزی اوله رق (حانیه) نك ۴۵ کیلومترو  
شرقنده ومنبت بر اووه داخلنده وکندی اسمیله مسمی  
لیانك ساحلنده در . بو قصبه نك (زیتون یاغی) هر طرفده  
مقبولدر .

رسمو لیانی هر نه قدر واسع ایسه ده قومسال اولسی حبسیله  
دروننه سفائن جسیمه داخل اوله مامقده در . فقط لیانندن کلیتلی  
سونکر چیقارلمقده در .

قندیه قصبه سی — (مغالو قاسترو) دینلن (قندیه) قضاسنك  
اداره مرکزیدر . بو قصبه (رسمو) نك سمت شرقیسنده و (قندیه)



لیمانی ساحلنده در . قصبه قارشوسونده مرمر طاشی چیقار یایر  
( طوشان ) آطه سی واردر . بو آطه نك فورطنه زماننده کیملرک  
التجاکاهی اولان لیمانی موجود در .

( قندیه ) نك ( زیتون یاغی ) ، ( سابون ) و اوزومی مشهور  
و ( حانیه ) نك کندن مقبولدر .

یکشهر قصبه سی — ( لاشید ) سنجاغ نك اداره مرکزی  
اوله رق ( میرابللا ) کور فزی کنارنده در .

سینه قصبه سی — مقر ولایتک ۳۵ کیلومتر و جنوب غربی سنده  
ولب دریاده در .

کسامو قصبه سی — ( حانیه ) نك ۳۵ کیلومتر و غربی سنده  
و کندی اسمی ایله مسمی کور فزک جنوب ساحلنده میندر .  
قلعه سی دخی معروفدر .

استیه قصبه سی — ( لاشید ) سنجاغ نك شرقنده تشکیل  
اولنشددر اداره مرکزی ( عونیه ) قصبه سیدر .

برایترا قصبه سی — آطه نك شرق جنوبی سنده ولب دریاده در  
بو قصبه همنامی اولان قضایه مرکز اتحاد ایدلشددر .



## ﴿ روم ایلی شرقی ولایتی ﴾

حدود — سکنه — تعریفات طبیعیه — محصولات ارضیه  
و صناعیه — تجارت — صورت اداره — احوال بلاد مشهوره

مرور — روم ایلی شرقی ولایتی شمالاً ( بالقان ) سلسله  
جبالی ایله ( بلغارستان ) ایاتمدن تفریق اولندیگی کبی شرقاً  
قره دکز و جنوباً ( ادرنه ) و غرباً ( سالانیک ) ولایتلری  
و ( بلغارستان ) ایالتی ایله محاط و محدوددر . مساحت سطحیه سی  
۳۵,۹۰۱ کیلومترو مربعه مساویدر .

سکنه — ولایت مذکورہ نك مقدار سکنه سی اکثریسی  
بلغار و متباقیسی اسلام و ملل سائرمدن عبارت اولوق اوزره  
۹۹۲,۰۰۰ نفوسه بالغ اولور .

ولایتك بحر سیاه ساحلی ( قزاق ) کوبندن ( آت لیمان )  
موقعنه قدر امتداد ایدر .

تعریفات طبیعیه — روم ایلی شرقی ولایتی ( بالقان ) سلسله  
عظیمه سنك سمت جنوبیسنه مصادف اولمغله شرقنده ( استرانجه )  
وغربنده ( دسپوت ) صره طاغلری واقع و ( چادر تپه Tchadirtépe )  
دخی ولایت مذکورہ نك ( سالانیک ) ولایتی و ( بلغارستان ) ایالتی  
حدودی اوزرنده کاشندر .

ولایت داخلنده بالقان سلسلهٔ عظیمه سنه موازی اوله رق  
ایکی جسیم جبال امتداد ایدرکه بری (سرانتاغورا Sérantagora)  
دینلن (اورته طاغ) و دیگر (جرناغورا) اسمیه بنام اولان  
(قره طاغ) در .

(بالقان) سلسله سنک روم ایلی شرقی ولایتی داخلنده اولان  
قسمی ایسه (اسلمیه) جوارنده (وودو Wodo) بالقانی نامیه  
بدأ ایدرک (قرین آباد)، (آیدوس) قصبه لری شمالنده (آیدوس  
بالقانی) ویا (کوجک بالقان) اسمنی آیر . بعده (امینه بالقانی)  
نامیه یاد اولنه رق (امینه) بروننده و (قره دکن) ساحلنده  
نهایت بولور .

ولایت مذکورینی (سریچ) ، (طونجه) نهرلرینک قسم  
اعلاری ایله توابعی احیاء واسقا اتمکده و (برغوس) کورفزینه  
دخی (آیدوس) صوبی ، (فقه) دره سی و امثالی صولر جربان  
ایلمکده در .

ماصوت ارضیه رصناعیه — روم ایلی شرقی ولایتک هواسی  
صاغلم و لطیف و اراضیسی محصولدار و منبت اولوب هر نوع  
حبوبات و نباتات زرعه الویرشلیدر . هر طرفنده اشجار منمره  
و آصمه یتشدیریلیر ، (توتون) ، (پموق) دخی حصوله کلیر .  
حیوانات رعینه مساعد پک چوق مرعاری ده واردر . (قز ائلق) ،  
(اسلمیه) طرفلرنده (کل) و (فلبه) ، (تاتار بازار جنی) جه تلمرنده  
(پرنج) یتشدیریلیر .

( کل ) ، ( کل یاغی ) ، ( چوقه ) ، ( شایاق ) ، ( سجاده ) ،  
 ( احرام ) ، ( اسلحه ) و ( دسپوت ) طاعلری جوارنده کی کویلرده  
 ( بالقان پینری ) دیه مشهور اولان ( پینر ) محصولات صناعیه -  
 سندندر .

تجارت — روم ایلی شرقی ولایتی ( بحر سیاه ) ساحلنده  
 غایت ایشلک اولان ( برغوس = بورغاز ) لیمانه مالک و ( یانبولی )  
 و ( بلوه ) شمندوفر خطیرینه صاحب اولدینی جهتله تجارت  
 خصوصنده خیلی ترقی ایلمشدر .

### — صورت اداره —

روم ایلی شرقی ولایتی دولت علیه عثمانیه نك طوغریدن  
 طوغری به حکومت سیاسیه وعسکریه سی التمه اوله رق سنوی  
 مقطوعاً ویرکوسنی اعطا ایتک شرطیله برلین معاهده سنه  
 تطبیقاً صورت مخصوصده تشکیل اولمشدر .

( روم ایلی شرقی ) ولایتی ( فلبه ) ، ( تاتار پازاجنی ) ،  
 ( خاصکوی ) ، ( اسکی زغره ) ( اسلمیه ) ، ( برغوس ) نامنده اتی عدد  
 متصرفلغه منقسمدر . مقر ولایتی ( فلبه ) شهریدر . سنجاق مرکز لری  
 دخی همنامی اولان قصبه لردر . مذکور متصرفلقلره منسوب  
 قضالر آتیده کی جدولده ذکر اولمشدر .

فلبه سنجاغی		اسکی زفره سنجاغی	
قضا	مرکز اداره لری	قضا	مرکز اداره لری
استانیه	=	یکی زفره	=
روپوز	=	قراللق	=
قالوفر	=	چریان	=
قارلوه	=	قرپیکار	=
قرهجه طاغ	=		
جیلی	=	برغوس سنجاغی	
تاتار بازار جنی سنجاغی		آیدوس	=
پشتر	=	میسوری	=
اهتمان	=	آخیولی	=
اوللق کوی	=	قرین آباد	=
بانان	=	امور قفیه	=
پتیش	=	اسلمیه سنجاغی	
خاسکوی سنجاغی		یانبولی	=
خرمالی	=	قزان	قوتل
اوزونجه اووه	=	قیزل آناج	حسن بکلی
حاجی الیاس	پوریسوف غراد	قواقلی	=

### — احوال بلاد مشهوره —

فلبه شهری — روم ایلی شرقی ولایتک مرکز اداره سی اوله رق  
 (ادرنه) نك ۳۸ ساعت سمت غربیسنده وفلبه اووه سنك اوزرنده،  
 (سریج) نهري وادیسنده کائن اوج عدد قیالقی تپه اوزرینه مبنی



ودرونده نهر مذکور جاری بر بلدة لطیفه اولوب ( ادرنه ) به  
بوشمندوفر خطی واسطه سیله متصلدر.

اکثر اهالیسی بلغار و متباقیسی اسلام، روم، ارمنی  
قوملرندن مرکب اولمق اوزره ۸۵,۰۰۰ نفوسی حاویدر.

شهر مذکور تجارت و صنایع جهتلریله ( ادرنه ) دن آشاغی  
قالمیوب نسج اولنان آقمشه حریریه و قطنیه سی و ( عبا )، ( چوراب )  
( یون )، ( پرنج ) اخراجاتی و ( چوقه قابریقه سی ) مشهور و ( مملکت  
باغچه سی ) و ( سریج ) نهری اوزرنده کی کوچك آطه لر مثللو  
مسیرلر معروفدر.

( فلبه ) شهری جوارنده کائن ( کویس ) ناحیه سنك ( قزل  
حصار ) دینلن محلنده کی کارگیر قاپلیجه سی ( بادن بادن ) و ( بروسه )  
قاپلیجه لرینه رقابت ایتمکده در.

تاتار بازار جفنی قصبه سی — کندی اسمی ایله تسمیه  
ایدیلان سنجاغك اداره مرکزی اولوب فلبه نك ۶ ساعت سمیت  
غریبسنده و ( سریج ) نهری صول ساحلنده و ( قوزلی ) دره نك  
( سریج ) نهری ایله برلشدیکی محل قربنده و شمندوفر خطی  
کنارنده در.

اشبو تاتار بازار جفنی قصبه سی ( بالقان ) سلسله عظیمه سنك  
قوللری آغزنده برلندیفی جهته مواقع مهمه دن معدود و ( عبا  
پنایری ) مشهوردر. ( طونجه ) نهری قصبه نك منسوب اولدیفی  
قضا داخلنده نبعان ایدر.

مناصلکوی قصبه سی — (قلبه) نك ۱۲ ساعت جانب جنوب شرقیسنده و (قلبه) دن (ادرنه) یه کیدن طریق اوزرنده کائن مهم بر بلده در.

منسوب اولدینی قضانك (قره آغاج) قریه سنده حرارتی شدید و کوگردلی اوله رق اوج عدد غیر منتظم ایلیجه وارد.

اسکی زغره قصبه سی — روم ایلی شرقی ولایتك مشتمل اولدینی سنجاق مرکز لرندن بری اوله رق مقر ولایتك ۱۶ ساعت سمت شمال شرقیسنده اطراف ای اسکی بر سورایله چورلمش مشهور بر بلده در. مذکور قصبه نك آب وهواسی لطیف وباغ وباغچلری کثیر در. مرعالرنده دخی کلیتلی قویون بسلنیر.

(اسکی زغره) قضا سنده کل محصوانك کثرتی جهتیه (کل یاغی) و (کل صوی) چیقاریلوب هر سنه اورویایه و محال سائر یه کلیتله نقل ایدیلیر.

(اسکی زغره) یه ایکی ساعت مسافده صوی چلیکلی اوله رق بری ذکوره و دیگر ای انا نه مخصوص کارگیر ایکی عدد قابلیجه وارد. بو قابلیجه لرك اخشابدن متعدد اوطه لری موجود.

اسلمیه قصبه سی — (طونجه) نه ری ایله (بالقان) سلسله عظیمه سی بیننده و (تیمور قیو) کچیدی قارشوسنده واقع اوله رق روم ایلی شرقی ولایتك مواقع مهمه سندن معدود در. طاشلقدن عبارت اولان (چتال) طشاغلری دخی (اسلمیه) ایله (قزانلق) آره سنده در. (وودو) بالقانی دخی قصبه نك شرقنده در.

منسوب اولدینی قضانک ( اسلحه )، ( عبا )، ( سجاده )  
وقالیهلری و صوف فابریقه سی مشهوردر.

بورغاز قصبه سی — ( آخیولی بورغازی ) دخی دینور .  
مذکور قصبه روم ایلی شرقی ولایتک سنجاق مرکز لرندن  
اولوب بحر سیاهک منتهای غریب سی تشکیل ایدن و اوروپای  
عثمانیک ( قره دکز ) ساحلنده کی لیمانلرینک اک جسیم واک امینی  
بولنان ( بورغاز ) کور فزی کنارنده در. اوروپای عثمانی داخلنده  
بولسان شمندوفر خطنک بر شعبه سی ( بورغاز ) اسکلله سنه منتهی  
اولمشدر. بویوزدن روم ایلی شرقی ولایتک ادخالات و اخراجات  
مذکور قصبه ایله جریان ایتدیکی جهتله تجارتی بولنده در.

استانیقه قصبه سی — فله سنجاغنی تشکیل ایدن قضالردن  
( استانیقه Stanimaka ) قضا سنک کرسی اداره سی اولان  
( استانیقه ) قصبه سی ( مریچ ) نهری توابعندن ( استانیقه ) چاینک  
فله اووه سنه داخل اولدینی محله در. نفوس موجوده سی کاملاً  
رومدر .

روچوز قصبه سی — ( فله ) نك جانب جنوبیسنده و ( دسبوت )  
طاغی اتکننده در. ( استانیقه ) قضا سیله هم حدوددر. سکنه سی  
بوماق جنسندن اولان ( روچوز Raubdjoz ) قضاسی اهالیسی  
قوی البنیه و جسور مسلماندرلر. بوقضاده ( بدن ایلیجه سی )  
نامیله لطیف بر ایلیجه وارددر.

قارلور قصبه سی — کندی اسمیله مسمی بالقانك اتکنده  
طاغلق بر موقعه در . فلبه یه اولان بعدی ۱۰ ساعتدر .  
( مریچ ) نهرینك باشلیجه قوللرندن بری اولان ( طونجه ) نهری  
منسوب اولدینی قضا داخنده جریان ایدر . ۱۹۳۰ مترو  
ارتفاعده بولنان ( مارا کدیکی ) اسمنده کی کچید منسوب اولدینی  
قضانك شمالنده در .

قارلور قصبه سی — بالقان سلسله جبالی اتکنده و کندی  
اسمنده کی اووه نك شمالنده در . بوقصبه نك دخی ( فلبه ) یه اولان  
بعدی ۱۰ ساعتدر .

قارلور قضا نك ( ایلایجه ) قریه سیله ( فلبه ) یه ۸ ساعت  
مسافه ده بولنان ( قیون تپه ) ناحیه سمده کی ایلایجه لرك صوبی غایت  
سیجاق و قوملی و کو کردی حاویدر .

پشتر قصبه سی — ( پریسترا ) ویا ( پشتر Pechtra )  
قصبه سی ( قارلق ) دره سی کنارنده در . ( تانار بازار جفی )  
قصبه سینه اوچ ساعتدر .

منسوب اولدینی ( پشتر ) قضا سمده تحته فابریقه لری موجود در .  
بوفابریقه لرده نهرده یوزمك اوزره چام تحته لرندن التی دوز  
صاللر اعمال اولنور . مذکور صاللر ایله ( فلبه ) ، ( بازار جق ) ،  
( اسکی زغره ) ، ( چریان ) ، ( خاصکوی ) ، ( ادرنه ) قضا لری ایله  
جوار قریه لرندن مباحه اولنان هر نوع ذخائر ( مریچ ) نهری ایله

( انز ) اسکلہ سنہ قدر نقل اولنور . مذکور صالار ( ادرنه )  
و ( اینوز ) ده بوزیلوب ابنیه به صرف ایدیلیر .

اهتمامه قصبه سی — کندی اسمندہ کی قضانک اداره مرکزیدر .  
( فلبه ) یہ اولان بعدی ۱۴ ساعتدر .

بوقصبه ( قبولی دربند ) نامندہ کی کچیدک آغزندہ بولندی  
و ( فلبه ) دن ( صوفیه ) یہ کیدن طریق اوزرندہ اولدینی جہتله  
مواقع مهمہ دن معدودر .

فہرمنلی قصبه سی — مقر لوا ( اولان خاصکوی ) قصبه سنک  
۴ ساعت شرقندہ و ( اولو ) درہنک ( مریچ ) نہرینہ منصب  
اولدینی محل قربندہ در ( ادرنه ) شمندو فری مذکور قصبہ دن  
مرور ایتدیکی جہتله اہمیتی حائر در . ( فلبه ) ، ( یانبولی ) قصبہ لرندن  
( ادرنه ) یہ کیدن شمندو فر خطاری قصبہ نک منسوب اولدینی  
قضادہ برلشیر .

اوزونجہ اووہ قصبه سی — ( اوزونجہ آباد ) دخی دینلن  
( اوزونجہ اووہ ) قصبه سی کندی اسمیلہ مسمی اووہ داخلندہ در  
( خاصکوی ) قصبہ سنہ شمال شرقی جہتندہ ۹ کیلومترو اوزا قدر .  
( اوزونجہ اووہ ) نامیلہ مشہور اولان اووہ دہ ہر سنہ  
ایلولک اون بشندہ کشاد اولنہ رق سکز کون امتداد ایدن پیاری  
جمعیتی اولور .

ہامی الباس قصبه سی — ( مریچ ) نہری کنارندہ و شمندو فر  
خطی اوزرندہ بولنہ رق اہمیتی حائر در .



یکی زغرہ قصبہ سی — (اسکی زغرہ) لواسنک مشتمل  
اولدینی قضاالردن (یکی زغرہ) قضااسنک مقر اداره سی اوله رق  
(اسکی زغرہ) نک ۶ ساعت شرقندہ و (سریج) نہری صول  
توابعدن (سازلی درہ) وادیسنہ ناظر بر موقعہ در . (یانبولی)  
شمندوفر خطی دخی منسوب اولدینی قضا داخلندہ و قصبہ  
یقینندن کچر (یکی زغرہ) قضااسندہ ایکی عدد قاپلیجہ واردر.  
قزانلق قصبہ سی — (قابہ) نک ۱۸ ساعت بعدندہ و (طونجہ)  
نہری صول توابعدن بری اوزرندہ و شبکہ کچیدی اغزندہ در .  
بو قصبہ نک اطرافی بر ساعت قدر امتدادندہ باغ و بساتین ایله  
محاطدر .

منسوب اولدینی قضا داخلندہ و (شبکہ) بالقانک جنوبندہ  
و (قرہ طاغ) ایله ییتندہ و (طونجہ) نہری وادیسندہ ( قزانلق  
اووہ سی ) نامیله معروف بر محل واردر. مذکور اووہ  
(روم ایلی شرقی) ولایتک اک محصولدار یرلرندن بری و بلکہ  
برنجیسیدر .

قزانلق قضااسنک کل محصولی (اسکی زغرہ) یہ ترجیح  
اولنور. قضا اہالیسی کل زراعتی وکل یاغی و صوبی تجارتی ایله  
اشتغال ایدرلر. (قزانلق) دہ اوچی کو کردلی وایکیسی تیمور  
معدنی اوله رق بش عدد ایلیجہ واردرہ

چمریہ قصبہ سی — (قابہ) نک ۸ ساعت سمت شرقیسندہ  
و (سریج) نہری صول طرفی آچینندہ واقع و مواقع مهمہ دن

معدود وهرسنه ایلول ابتدا سنده کشاد اوانان پنایری مشهوردر.  
 (چریان) ده چیقان معدن صوینی (قارلسباد) معدن صوینه معادلدر.  
 قره یطار قصبه سی — مقر لوا اولان (اسکی زغره) نك  
 سمت جنوبی سنده و (سازلی دره) نامنده کی صویك قربنده  
 و شمندوفر خطی اوزرندهدر.

یانبولی قصبه سی — مقر لوا اولان (اسلمیه) نك ۴ ساعت  
 بمونده و (طونجه) نهری کنارندهدر. شمندوفر خطی واسطه سیله  
 دخی (بورغاز)، (ادرنه)، و (قلبه) یه مربوطدر. (یانبولی) نك  
 (کلیم)، (کبه)، (بادم)، و قوز حلواسی مشهوردر.


قزانه قصبه سی — (قزان Kasan) ویا (کوتل kotel)  
 قصبه سی مقر لوا اولان (اسلمیه) نك ۶ ساعت شمال شرقی سنده  
 و کندی اسمیله مسمی بالقان سلسله سنی آشان کچید اوزرندهدر.  
 آیدوس قصبه سی — (برغوس) سنجاغنی تشکیل ایدن قضالردن  
 (آیدوس) قضا سندنك اداره مرکزی اوله رق مقر لوا اولان  
 (برغوس) نك ۶ ساعت شمال غربی سنده و بالقان سلسله عظیمه سنك  
 (نادر دربند) دیدکلری کچیدی آغزندهدر. (اسلمیه) یه اولان  
 بعدی ۱۴ ساعتدر.

(آیدوس) نك (کوپری کولی)، (ایلیجه) پنایری رواجلی  
 اولور.

(آیدوس) قضا سنده ایکی عدد قاپلیجه موجود و قصبه ده  
 اولانك صوینی چلیکلی و غایتله مرغوبدر.

میسوری قصبه سی — ( قره دکز ) ساحلنده اسکله موقعی  
اولوب ( رواده ) لیمانی حصوله کتیرن بر برون اوزرنده در .  
( میسوری ) ده روز حضرتك آلتش ایکنجی کونی آچیلان  
پنایر رواجلی اولور .

آغیولی قصبه سی — ( میسوری ) مثلاً ( قره دکز ) ساحلنده  
اسکله موقعی اوله رق مقر لوا اولان ( برغوس ) ك شرق  
شمالیسنده و ( برغوس ) لیمانك منتهای شمالیسنی تشکیل ایدن بر برون  
اوزرنده مبنیدر . آخیولی ده آچیلان پنایر روز حضرت مصادفدر .  
قریب آباد قصبه سی — ( قرناباد Karnabad ) اسمیله یاد  
اولنان ( قرین آباد ) قصبه سی برغوسك شمال غربیسنده و ( دو برول )  
کچیدینی مدافعه ایدر صورتده بنا ایدلمشدر . ( اسلمیه ) یه اولان  
مسافه سی و ( آیدوس ) یولی ایله ( بورغاز ) اولان بعدی اونر  
ساعتدن عبارتدر . قصبه نك غربنده ( استرانجه ) ( کولی ) نامیله  
بربطاقلق وارددر . بوقصبه مواقع مهمه دن اولدینی کبی قیویرجق  
قویونی ایله دخی کسب شهرت ایللمشدر .



## ﴿ بلغارستان ایالتی ﴾

حدود — سکنه — سواحل — تعریفات طبیعیہ — محصولات  
ارضیہ وصناعیہ — صورت اداره — احوال بلاد مشہورہ

مردود — بلغارستان اراضیسی طونہ نہری ایلہ (بالقان)  
طاغلری آرہ-ندہ مستطیل الشکل برقطعہ اولوب شمالاً (رومانیا)  
وضرباً (صربیہ) مملکتلری وجنوباً ولایات شاہانہ دن (قوصوہ)،  
(سلانیک)، (روم ایلی شرقی) ولایتلری ایلہ محدود وشرقی  
بحر سیاہہ ساحلدر.

بلغارستانک (تیوق) صوینک (طونہ) نہرینہ منصب اولدینی  
محلدن (ساسترہ) قصبہسی شرقہ قدر (طونہ) نہری واورادن  
(مانغالیہ) قصبہسی جنوبندہ کائن (ییلانلق Yılanlik) قریہسی  
جوارینہ قدر کلن خط مشروط (رومانیا) مملکتی ایلہ اولان  
حدودینی تشکیل ایتدیکی مثللو مذکور قریہ دن (قزاق) کوینہ  
قدر اولان (بحر سیاه) ساحلی حدود شرقیہ سنی (بالقان) جبال  
متسلسلہسی (روم ایلی شرقی) ولایتی ایلہ بیننی و (ریلو) طاغی  
شعباتی و (دوبنیچہ) طاغلری (سلانیک) ولایتی ایلہ آرہ سنی  
تفریق ایدر. (صربستان) ایلہ اولان حدودینی دخی (تیوق)  
صونی و (استارا پلانینا) دینان (قوجہ بالقان) و (استول Stole)  
وامثالی تپہ لر تحدید ایلر.

بلغارستانک مساحتہ سطحیہ ارضیہسی ۶۳۹۷۲ کیلومترو

مربعندن و مقدار سکنه سی اکثریسی بلغار و متباقیسی اسلام،  
روم، یهودی، قبطی اوله رق ۲,۳۲۰,۰۰۰ نفوسدن عبارتدر.

تصریفات طبیعیہ — بلغارستان اراضیسی (بالقان) سلسله سی  
ایله (طونه) نهری بیننده کی یرلردن و (صوفیه) حواله سیسندن  
عبارتدر.

(بالقان) طاغلری ایسه یوقاروده جبال بحثنده ذکر و بیان  
اولدینی اوزره آرهلرنده برطاقم کچیدلر حاصل ایدرک غربدن  
شرقه طوغری امتداد ایدر. شعبات شمالیه سندن (اینجه بایر)،  
(پیکارطاغی)، (درویش بالقانی) اسملریله حصوله کلش اولان  
طاغلر (شمی) جوارینه قدر وارر. (هزارغراد = رازغراد)  
ایله (سلستره) بیننده کی طاغلروده (دلی اورمان) نامی ویرلر.

(بالقان) طاغلرینک شمالیه مصادف اولان (بلغارستان)  
اراضیسنک قسم اعظمی (طونه) مائله سنی و شرقه تصادف ایدن  
قسمی بحر سیاه حوضه سنی حصوله کتیرمش اولدیغندن اراضی  
مذکوروده جاری انهارک برطاقی (طونه) نهرینه و برطاقی دخی  
بحر سیاهه آقارلر. (ویطوش) طاغی جنوبنده کی (بلغارستان)  
اراضیسی (آطهلردکزی) ورساتی حصوله کتیرمشدر.

بالقانلردن نبعان ایله بری برینه موازی کبی برصورتده  
(طونه) نهرینه جریان ایدن و یوقاروده نهرلر بحثنده بیان



اولنان ( تیموق ) ، ( لوم ) ، ( چمبره ) ، ( اوگوست Auguste ) ،  
 ( ایسقر ) ، ( وید ) ، ( اوصما ) ، ( یانتره ) ، ( قره لوم ) ، ( طبان  
 دره ) و امثالی صولر اینه بحر سیاهه آقان ( پراوادی ) ( قامچی )  
 نهرلری و ( ویطوش ) طاغندن نبعان و آطه لر دکزینه جریان  
 ایدن ( استروما ) نهرینک قسم اعلاسی ( بلغارستان ) اراضیسی  
 اروا واسقا اتمکده در .

محصولات ارضیه و صنایع — بلغارستان بروجہ بالا بیان  
 اولنان انہار سایہ سنده طوپراغی منبت و محصولدار اولوب پک  
 چوق اووه و مرعایی دخی حاویدر . باشلیجه حاصلاتی ( بغدادی ) ،  
 ( آرپہ ) ، ( قوقوروز ) ، ( چودار ) ، ( یولاف ) و امثالی شیلردر .  
 محصولات صنایعہ سی ایپکدن نفیس چارشف ، ( کوملکک بز )  
 ( احرام ) ، ( شیاق ) ، ( عبا ) ، ( کلیم ) ، ( حیوان طاقلری ) ،  
 ( سختیان ) ، ( مشین ) ، و ( سیاه طاشدن سیغاره ، فنجان ، ظرف )  
 و ( سانه و چوریش و ترہ ) یاغی و ( پصدیرمه ) دن عبارتدر .  
 بلغارستان ( روسجق ) دن ( وارنہ ) یہ قدر کیدن شمندوفر  
 خطنہ مالک و ( وارنہ ) لیمانہ صاحب اولدیفندن تجارتی خیلی  
 ایلری کیتمشدر .

### — صورت اداره —

بلغارستان ( براین ) معاهده نامہ سی موجبہجه دولت علیہ  
 عثمانیہ نک حقوق مقدسہ حکمرانیسی تحتہ بر ایالت ممتازدر .  
 بو ایالت فرانسرلک دپارتمانلرینہ مشابہ اوله رق ( صوفیہ ) ،

( کوستندیل ) ، ( ایزنوبول ) ، ( برقمچه ) ، ( وراجه ) ،  
 ( پلونه ) ، ( لوچه ) ، ( اورخانیه ) ، ( طرنوی ) ، ( عثمان پازاری ) ،  
 ( شمنی ) ، ( پراوادی ) ، ( هزار غراد ) ، ( حاجی اوغلی بازار جنی ) ،  
 ( وارنه ) ، ( سلستره ) ، ( روسجق ) ، ( زشتوی ) ، ( نیکبولی ) ،  
 ( لوم پلقه ) ، ( ودین ) نامنده کی ( غوبرنایا ) یعنی متصرفله  
 منقسمدر .

### — احوال بلاد مشهوره —

صوفیه شهری — ( بلغارستان ) ایالتک مقر اداره سی  
 اولوب در سعادتك ۱۰۸ ساعت شمال غربیسنده و ( ویطوش )  
 طانغی شمال اتکنده و ( ایسقر ) نهري توابی ایله اروا واسقا  
 اولنور واسع و محصولدار بر اووده مبنی و ۵۰,۰۰۰ دن متجاوز  
 نفوسی متشمل مشهور بر بلده در . درون شهرده حکومت قوناغی  
 و بلغارستانه ضابط یتشیدیر مک ایچون مکتب حریبه و مکتب  
 ملیکه و مکاتب سائره و جوامع شریفه و مدارس عدیده و ملل  
 ساکنه به مخصوص معبدلر و چوقه و حریر دستکاهلری و اسلحه  
 ناریه و جارحه اعمالنه مخصوص فابریقهلر موجوددر .

( صوفیه ) دن روم ایلی شرقی ولایتسنده کاشن ( اتمان )  
 حدودینه ۷ ساعت کیدیلیر . ( صوفیه ) طاعلرنده ( طوز ) و انواع  
 معادن آثاری کورلمکده در .

( صوفیه ) وحوالیسندہ وجود انسانہ نافع متعدد بانہ  
موجوددر.

( صوفیہ ) نك ۱۲ ساعت بعد جنوبیسیسندہ و ( استروما )  
نہری توابعدن ( دکرمن درہ سی ) ساحلندہ کائن و آب و ہواسی  
لطیف اولان ( دوبنیچہ ) قصبہ سی ( کوستندیل ) دن ( صماقو )  
طریقہ روم ایلی شرقیہ کیدن یول اوزرندہدر.

( صماقو ) قصبہ سی ایسہ مقر ایالت اولان ( صوفیہ ) نك ۹  
ساعت جنوبیسندہ ( بانا ) کچیدنی مدافعہ ایدر صورتہ ( ایسقر )  
نہری کنارندہ مبنیدر. ہواسی ہرنہقدر بارد ایسہدہ غایت  
صاغلامدر. اہالیسی ( شیاق ) ، ( چوراب ) ، ( کوملک بزی )  
اعمال ایدرلر. قصبہ جوارندہ کی تیمور اوجاقلرندہ دخی  
چالیشیرلر.

( رادومیر ) قصبہ سی دخی ( صوفیہ ) نك ۶ ساعت جانب  
غربیسیسندہ و ( استروما ) نہری کنارندہ مبنیدر.

( حلقہ لی ) یعنی ( اسلیونیچہ Silivniltza ) قصبہ سی  
( صوفیہ ) نك شمال غربیسیسندہ و ( ایسقر ) نہری توابعدن  
( حلقہ لی ) صوبی کنارندہدر.

کوستندیل قصبہ سی — کوستندیل متصرفلغنت ادارہ  
مرکزی اولہرق مقر ایالتک ۱۴ ساعت جنوب غربیسیسندہ

و ( صوفیه ) دن ( قوصوه ) ولایتنه کیدن طریق اوزرنده  
و ( استروما ) نهری توابعندن بری کنارنده اوولق بر  
محله در .

( کوستندیل ) ک توتون حاصلاتی مزروعات سائر سینه  
فائق و میوه سی کثیر و ایپکدن کوملکک و چار شفلق بزلی  
و غیطانی مشهور در . موجود اولان ۹ عدد بانهک صولری  
غایت صیجاق و کوکردلی اولدیفندن امراض جلدییه و سیزی  
کی شیلره نافع در .

ترن قصبه سی — ( ایزنوبول Ysnébol ) متصرفلغک مرکز  
اداره سی اولان ( ترن Terén ) قصبه سی مقر ایالتک غربنده  
و ( موراوای بلغار ) نهری توابعندن ( نیشاوا ) صوبی قوللرندن  
بری کنارنده و ( صوفیه ) دن ( صربستان ) ه کیدن یول  
اوزرنده در .

برقوفجه قصبه سی — کندی اسمی ایله تسمیه ایدیلن  
متصرفلغک اداره مرکزی اوله رق ( صوفیه ) نک ۲۰ ساعت  
شالنده ( اوکوست ) صوبی توابعندن بری کنارنده در .

وراجه قصبه سی — ( ایوراجه ) دخی دینلن ( وراجه )  
قضاسنک مرکز اداره سی اوله رق ( اوکوست ) نهری توابعندن

بری کنارنده در . ( بر قوچہ ) نک دخی ۶ ساعت بعد  
شرقیسندہ در .

پلونہ قصبہ سی — بلغارستانک مواقع مستحکمہ سندن بری  
اولوب مسئلہ زائلہ کسب شہرت ایتمش وتاریخ عثمانیدہ نام  
براقشدر . ( پلونہ ) نک ( صوفیہ ) یہ اولان بعدی ۳۲ ساعتہ در .  
( پلونہ ) متصرفانی داخلہ بر قاج محلہ کور معدنی  
اولدینی آثاریلہ آکلاشیلمقدہ در .

لوفچہ قصبہ سی — ( اوصما ) صوبی کنارندہ و ( طونہ ) دن  
( بالقان ) طاغرینہ کان یوللرک محل تلاقیسندہ در . معدود  
( لوفچہ ) نک شمال و ضرب وجنوب جہتتری اورمانلق و خصوصیلہ  
( قوجہ بالقان ) سمتی طاغلقدر .

( لوفچہ ) نک ۶ ساعت سمت جنوبیسندہ بولنہان ( نوریان )  
موقعی دخی ( نوریان ) کچیدینی مدافعہ و محافظہ ایدر .

اورمیانہ قصبہ سی — ( قوجہ ) بالقان اقسامندن ( اتروپول )  
بالقانی دیدکاری ( بیوک صوفیہ ) بالقانہ قدر امتداد ایدن  
( اورخانہ ) متصرفلنک ادارہ مرکزیدر . مذکور قصبہ  
( صوفیہ ) نک ۱۲ ساعت جہت شمال شرقیسندہ محصولدار  
بر اووہ در .



( صوفیه ) دن ( اورخانیه ) قصبه سینه کیدر مشهور بر یول  
واردرد. ( اتروپول ) کچیدی دخی بو متصرفلق داخلنده در.

طرنوی قصبه سی — ( یانتره ) صوبی کنسارنده قیالق بر  
محلده در. مذکور قصبه بلغارستانک بلاد مشهوره وهست حکمه سندن  
بریدرد.

( طرنوی ) قصبه سی ( طونه ) نهری ساحلنده بولنان  
قصبات مشهوره دن کان یوللرک موقع اجتماعنده بولندینی جهتله  
اهمیت فوق العاده سی واردرد.

( طرنوی ) متصرفلغنه تابع ( طراونه Travna ) ده کشف  
اولسان معدن کمورندن کلیتی کمور اخراج اولنهرق  
( زشتوی ) یه صربه لر ایله نقل ایدیلیر.

( طرنوی ) نک ۶ ساعت جنوب شرقیسنده واقع ( الہنا  
Eléna ) قصبه وقضاسی ( طرنوی ) متصرفلغنه مربوطدر.

( غبروه ) قصبه سی ( شبقه ) کچیدینک آغزنده و ( یانتره ) صوبی  
اوزرنده در. بو قصبه نک ( طرنوی ) یه اولان بعدی ۹  
ساعتدر.

( طرنوی ) نک ۸ ساعت جنوب غربیسنده واقع وایپک  
اخذ و اعطاسیله مشهور اولان ( سروی ) قصبه سی دخی

( غیروہ ) نك ۶ ساعت شمالی غریبہ سمنده و ( یانترہ ) نہری  
توابعندن ( رویتہ ) صوبی کنانده در .

عثمانہ یازاری قصبہ سی — بلغارستانك تجارت مرکز لرندن  
بری اولہرق ( طرنوہ ) قصبہ سنك ۱۴ ساعت شرقندہ ، ( بالقان )  
طاغارینك شمال تپہ لرندن ( اینجہ بایر ) نامیلہ معروف اولان  
قسمنك شمال تنگندہ و ( طونہ ) دن ( قزانلق ) قصبہ سمنہ کیدن  
طریق اوزرنده در .

شمئی قصبہ سی — بلغارستان داخلندہ کی مهم جادہ لرك محل  
اجتماعندہ و اطرافی قیالر ایلہ محاط مستحکم بر بلده در . اهمیت  
فوق العادہ سمنہ مبنی ( وارنہ ) دن ( روسجق ) قصبہ سمنہ کیدن  
شمند و فر خطنہ بر قول ایلہ متصلدر . اووہ سی دخی مشہوردر .  
( وارنہ ) یہ اولان بعدی ۱۶ ساعتدر . ( شمئی ) متصرفانی  
داخلندہ خیلی اورمانلر و قوری بالطہ اقلر وارددر .

( شمئی ) قصبہ سنك ۶ ساعت غربندہ کی ( اسکی جمعہ )  
و ۴ ساعت شرقندہ کی ( یکی بازار ) موقعلری شمئی جوارندہ  
مشہور قصبہ لرددر .

برارادی قصبہ سی — ( وارنہ ) نك ۸ ساعت غربندہ  
و کندی اسمیلہ مسمی صویك کنارندہ اطرفی مرتفع و کسمہ  
قیالر ایلہ محاط بر محلدہ مبنیدر . مذکور قصبہ ( وارنہ ) ،

(شمی) قصبه لری بیننده و (وارنه) دن (روسجق) قصبه سینه کیدن  
شمندوفر خطی اوزرنده بولندینی جهتله اهمیتی حائزدر.

هزار غراد قصبه سی — (راز غراد) دیه مشهور اولان  
(هزار غراد) قصبه سی (روسجق) ۱۲ ساعت جنوب  
شرقیسنده و (آق لوم) چایی کنارنده و محصولدار براووه ده در  
(وارنه) دن (روسجق) کیدن شمندوفر خطی مذکور  
قصبه دن مرور ایدر. سو قاقلری دخی کنش و منتظمدر.  
(روغن ساده)، (چوریش یاغی) و (غراد یصدیرسی) مشهور  
و کهرچله فابریقه سی معروفدر.

(راز غراد) متصرفلنده خیلی اورمان واردر. (دلی اورمان)  
دخی (راز غراد) ایله (سلسیره) بیننده در.

بازار صبی قصبه سی — بوکا (حاجی اوغلی بازارجینی) دیرلر.  
بو قصبه (وارنه) ۷ ساعت شمالنده در.

وارنه قصبه سی — بحر سیاه ساحلنده کندی اسمیله مسمی  
بر لیان ایله (دونو) کولی بیننده مهم و مستحکم بر شهر اولوب  
اورویای عثمانیک استانبول و سلاویکدن صوکره الک ایشلک  
اسکله سیدر. (روسجق) قصبه سینه دخی شمندوفر خطی  
واسطه سیله مربوطدر. بلغارستانک ادخالات و اخراجاتی شهر  
مذکور ایله جریان ایدر. (وارنه) دن (رومانیا) اداره سنده  
بولنان (منقالیه) قریه سینه ۱۸ ساعتده کیدیلیر بر یول واردر.

( وارنه ) متصرفلغنده دكزه قدر ۴ ساعت امتدادنده  
(باطوره) و ۳ ساعت طولنده (قامچی) بالقانلری نامیله اورمانلر  
واردر.

( وارنه ) نك ۶ ساعت شمال شرقیسنده و بحر سیاه  
ساحلنده بولنان ( بالچق ) و ( قورانہ ) قصبه لری مهم اسكله  
موقعلریدر.

بروجه مشروح قصبه لردن ماعدا ( سلستره ) ، ( روسجق ) ،  
( زشتوی ) ، ( نیکبولی ) ، ( لوم پلنقه ) ، ( ودین ) نامنده کی قصبه لر  
( طونه ) نه ری کنارنده مستحکم اسكله موقعلریدر .

بولاردن ( سلستره ) قصبه سی بلغارستانك شمال شرقیسنده  
و ( طونه ) نه ری ساحلنده و رومانیا حدودی جوارنده در .  
قارشو طرفنده و ( طونه ) نه ری ساحل یسارنده و ( رومانیا )  
اداره سنده ( قالاراش Kalarache ) موقعی موجوددر .

اشبوی سلستره قصبه سی ۱۲۶۹ محاربه سنده عساکر  
عثمانیه نك روسلره قارشی مدافعه ایلدیکی موقع اولغله محاصره -  
سیله مشهوردر .

مذکور محاربه ده کسب شهرت ایلین ( صرب طابیه سی )  
( سلستره ) قصبه سنك جانب شرقیسنده و ( رومانیا ) اداره سنده در .  
معاهده سیله مشهور اولان ( قینارجی ) موقعی دخی ( سلستره )  
متصرفلنی داخلنده و ( طبان دره ) نامنده کی صویك کنارنده در .  
روسی قصبه سی — ( طونه ) نه ری ساحلنده در .

( وارنه ) ایله میانلرنده ایشلمکده اولان شمندوفر تجارتی توسیع ایلمشدر. قارشوسنده رومانیاداره سنده ( یر کوکی ) قصبه سی واردر. ( روسجق ) قصبه سنک درسعادتن اوزاقلنی ۱۱۲ و ( بکرش ) دن بعدی ۱۶ و ( وارنه ) یه اولان مسافه سی ۳۶ ساعتدر. ( صوفیه ) یه دخی ۶۰ ساعتده کیدیلیر یولی واردر . ( اولتانیچه ) موقعی ایله ( طوتره قان ) قصبه سی ( طونه ) نهری کنارنده در ( ساستره ) ایله ( روسجق ) قصبه لرینه اولان بعدلری اون ایکیشر ساعتدر . ( اولتانیچه ) موقعی نهر مذکورک صول ساحلنده در.

روسجقه ایکی ساعت مسافده کائن ( فراسنه Frassina ) قریه سنده یومشاق بر طاش معدنی واردر که دستره ایله کیسلیر وکلیت اوزره ابنیه یه قوللانیلیر . بو طاش کونش و یغمور طوقوندقچه کسب صلابت ایدر. بوندن صو سوزکیلری یاسیلیر ، ( طونه ) صوینی سوزمک ایچون سواحلك هر طرفنه کوتوریلیر. زشتوی قصبه سی — بلغارستانک ( طونه ) نهری ساحلنده تجارتکاه اسکله لرندن بری اولوب قارشوسنده ( زمینجه Siminitza ) موقعی واردر. قصبه نک منسوب اولدینی متصرفلق داخلنده اورمانلر موجوددر . روسجقه اولان بعدی ۱۲ ساعتدر .

مواقع مهمه عسکریه دن معدود اولان ( بله Bela ) موقعی ( زشتوی ) قصبه سنک ۳ ساعت جنوب شرقی سنده و ( یانتره ) نهری وادی سنده در.



نیکیولی قصبه سی — بلغارستانک ( طونه ) نهری کنارنده  
متصرفلیق مرکز لرندن بری اولوب ( روسجق ) ك ۱۸ ساعت  
غریبنده در .

لوم یلقه قصبه سی — (ودین) ك ۱۲ ساعت شرقنده و (طونه)  
نهری کنارنده در . نهر مذکور ساحلنده بولنان ( راحوه  
Rahova ) قصبه سی لوم متصرفلغنه تابعدر .

( لوم ) متصرفلغنی داخلنده کلیتلی چناق و چوملك یاپیلوب  
طونه سواحلی قصبه لرینه کوندریلیر .

ودین قصبه سی — (ودین) متصرفلغنك اداره مرکزی  
اولوب (طونه) نهری ساحل ییئنده كاڻ و (صوفیه) ك ۴۹  
ساعت بعد شمالیسنده واقعدر . قارشوسنده رومانیاك ( قلفات )  
موقعی و ( قلفات جزائری ) نامیله یاد اولنور چند عدد مستحکم  
آطه لر واردر .

(ودین) شهری مواقع مستحکمهك باشلیجه لرندن بری  
اولوب ساحلده کی ریختم بویجه اوللاری و کزنی محللاری  
واردر . بو قصبهك (چناق) ، (چوملك) ، (ذحیره) ، (طوز) ،  
کی شیلری مشهوردر .

(عدلیه) قصبه سی دخی (ودین) متصرفلغنی ملتحقاتنددر .  
(ودین) اولان بعدی ۶ ساعتدر . ( بلغرادجق ) موقعی  
ایسه (ودین) قصبه سنك ۸ ساعت قدر جنوبنده در .

— اوروپای عثمانیده بولنان پوسته یوللری —

— ایله تیمور یوللر —

پوسته یوللری

اوروپای عثمانی داخلنده پوسته یوللری کثیر ایسه ده بوراده  
بالکز ولایت مرکز لرینی بری برینه وصل ایدنلر ذکر اولنمشدره.  
(استانبول) ده (ادرنه) به کیمره یوللر — استانبولدن (ادرنه) به  
ایکی طریق ایله کیدیلیر .

برنجیسی [۴۴ ساعت طول] — (آستانه علیه) دن (ادرنه) به  
(مرمره) دکنیزی تعقیب ایدره استانبول ولایتده (کوچک  
چکمجه)، (بیوک چکمجه) (سلوری) قصبه لرینه و (ادرنه) ولایتده  
(چورلی)، (قارشیدیران)، (لوله برغوس)، (اسکی بابا)، (حوصه)،  
قصبه لرینه اوغرایه رق کیدیلیر .

ایکینجیسی — درسمعادتن ۱۴ ساعته (چتالجه) به واریلیر،  
اورادن (ادرنه) ولایتده کائن (سرای)، (ویزه)، (پنگار حصار)،  
(قرق کلیسا) قصبه لرینه اوغرایه رق کیدیلیر.

(استانبول) ده (سلانیك) ه کیدن یول (سلوری) ایله (چورلی)  
(استانبول) دن (سلانیك) ه کیدن یول (سلوری) ایله (چورلی)  
قصبه لری آره سنده (استانبول) دن (ادرنه) به کیدن طریقدن  
آریله رق (تکفورطاغی)، (اینه جک)، (معلقره)، (کشان)،

( ابصاله ) و ( مریچ ) نہرنی بر کوپری واسطہ سہیلہ کچوب  
 ( قرہ جک )، ( ددہ آغاجی )، ( مگری )، و ( یارد ملی درہ ) کچیلہ رک  
 ( کوماجنہ ) و ( قرہ آغاج ) لیماتی صولنہ براغوب ( یکیجہ ) قصبہ لرینہ  
 و ( مستا ) نہرنی بر کوپری واسطہ سہیلہ کچوب ( سالانیک )  
 ولایتہ داخل اولور. بعدہ ( صاری شعبان )، ( قوالہ ) قصبہ لرینہ  
 دخی اوغرایوب ( پراویشتہ ) یہ واصل اولور. اورادہ یول ایکی یہ  
 آریلیر. [ قوالہ ایلہ پراویشتہ بینی ۳ ساعتدر ] .

بری ( زینخہ )، ( سیروز ) و ( استروما ) نہرنی اخشاب بر  
 کوپری ایلہ کچوب ( لانتقازہ ) واقعہ و ارہرق کیدر.  
 دیگر ( پراویشتہ )، ( اورفانو )، ( کلیسالی ) واقعہ  
 اوغرایہرق سالانیکہ وارر.

( قوالہ ) دن ( پراویشتہ ) کولی شمال طرفی طولانیلہرق ۶  
 ساعتدر ( درامہ ) بہ کیدر بریول دخی واردر .

( ادرنہ ) درہ ( سالانیک ) بہ کیدرہ یول [ ۸۰ ساعت طول ] .  
 ( ادرنہ ) دن ( سالانیک ) بہ ( مریچ ) نہری صاغ ساحلی تعقیب  
 ایدرک ( دیمتوقہ )، ( صوفیلی ) قصبہ لرینہ اوغراقدن صوکرہ  
 ( قرہ جک ) درہ ( استانبول ) دن ( سالانیک ) بہ کیدن یون ایلہ برلشیر  
 [ ادرنہ ایلہ قرہ جک آرہ سی ۱۸ ساعتدر ] .

( ادرنہ ) درہ ( فلہ ) بہ کیدرہ یول [ ۲۸ ساعت طول ]  
 ( ادرنہ ) دن ( فلہ ) بہ کیتمک ایچون اولو ۶ ساعتدر ( جسر  
 مصطفی پاشا ) قصبہ سنہ کلوب بعدہ ( روم ایلی شرقی ) ولایتی

حدودینی کچہرک ( مریچ ) نہرینک صاغ ساحانی بالنعقیب  
( خرمئی )، ( خاصکوی ) قصبہ لرینہ واورادن ( پاپاسلی ) یہ  
اوغرایہرق ( فلہ ) یہ کیدیلیر . [ خرمئی ایلہ خاصکوی آرمہ  
۴ و خاصکوی ایلہ پاپاسلی بینی ۸ و پاپاسلی ایلہ فلہ آرمہ سی دخی  
۴ ساعتدر ]

( ادرنہ ) درہ ( وارنہ ) بہ کیرہ بول [ ۶۲ ساعت طول ] .  
( ادرنہ ) دن ( وارنہ ) یہ کیتک ایچون ۱۲ ساعتدہ ( قرق  
کلایسا ) قصبہ سنہ کلدکن صوکرہ اورادہ ( ادرنہ ) دن ( استانبول ) ہ  
کیدن یولدن آریلہرق ( روم ایلی شرقی ) ولایتہ داخل  
و ( امور فقیہ ) قصبہ سنہ واصل اولدقن صوکرہ ۲۶ ساعتدہ  
( آیدوس ) ہ کلینیر . ( نادر در بند ) نامندہ کی کچید واسطہ سیلہ ( بالقان )  
سلسلہ سنی دخی آشہرق و ( قاجی ) نہرینی کچہرک ۱۶ ساعتدہ  
( پراوادی ) یہ واورادن ۸ ساعتدہ ( وارنہ ) شہرینہ واریلیر .  
( امور فقیہ ) ایلہ ( آیدوس ) آرمہ سنہ ۱۲ ساعتدہ ( برغوس )  
کیدر بریول واردہ .

( وارنہ ) دن ( روسجق ) قصبہ سنہ ( پراوادی ) ، ( یکی بازار ) ،  
( شمنی ) ، ( ہزار غراد ) موقع لرینہ اوغرایہرق ۴۰ ساعتدہ  
کیدیلیر . مذکور الاسم ( یکی بازار ) دن ( سلسلہ ترہ ) یہ ۲۰  
ساعتدہ کیدر منتظم یول واردہ .

( سونیک ) درہ ( فلہ ) بہ کیرہ بول [ ۷۰ ساعت طول ] .  
( سلائیک ) دن ۱۸ ساعتدہ ( سیروز ) کلدکن و ( زینخہ ) ،

(درامہ)، (نورہ قوب) و (قرہ صو) نہریں کچوب (باروتین) موافقہ اوغرا دقن صو کرہ روم ایلی شرقی ولایتہ داخل اولور۔  
 بعدہ (دولان Dowlen)، (طمراش) قریہ لرندن بالمرور (فلبہ) یہ  
 کیدیلیر۔ [ (سیروز) ایلہ (درامہ) آرہ سی ۱۲ (درامہ) ایلہ  
 (نورہ قوب) بینی ۱۴ (نورہ قوب) ایلہ (دولان) آرہ سی ۲۰  
 (دولان) ایلہ (فلبہ) یئندہ کی مسافہ دخی ۳۶ ساعتدر۔ ]

(سلا نیك) درہ (مناستر) کیرہ بول [ ۲۹ ساعت طول۔ ]  
 (سلا نیك) دن چیقہ دقن و (واردار) نہریں بر کوپری  
 واسطہ سیلہ کچوب (یکیکجہ واردار)، (وودینہ) قصبہ لرینہ  
 و (اوستروہ)، (ترہلی) ناحیہ لرینہ اوغرا دقن صو کرہ (مناستر)  
 شہرینہ واصل اولور۔

(سلا نیك) دنہ (باتیہ) کیرہ بول [ ۵۵ ساعت طول۔ ]  
 بویول (قرہ فریہ) قصبہ سنہ اوغرا دقن صو کرہ (مناستر)  
 ولایتی اراضی سنہ داخل و ۱۲ ساعتہ (قرہ فریہ) دن (قوزانہ)  
 قصبہ سنہ واصل اولور۔ (قوزانہ) قصبہ سنی متعاقب (اینجہ قرہ  
 صو) نامندہ کی نہری کچہ رک ۱۳ ساعتہ (کربنہ) بہ و (میچوہ)  
 کچیدنی دخی کچہ رک ۱۲ ساعتہ (میچوہ) قصبہ لرینہ اوغرا یہ رق  
 کیدر۔

(یانہ) دن (پروزہ) یہ کیدن یول دخی (لوروس) قصبہ سندن  
 مرور ایدر۔ [ (لوروس) ایلہ (یانہ) بینی ۱۰ و (پروزہ) آرہ سی  
 ۸ ساعتدر۔ ]



( یانیہ ) دنہ ( اشقودرہ ) بہ کیرنہ یول [ ۷۷ ساعت طول . ]  
 ( یانیہ ) دن ( اشقودرہ ) بہ کیدن یول ( لسقویک ) ، ( پرمدی ) ،  
 ( برات ) ( ایلبصان ) قصبہ لرینہ و ( اشقودرہ ) ولایتنہ داخل  
 اولدقدن صوکرہ ( تیران ) ، ( لش ) واقعنہ اوغرایہرق مذکور  
 شہرہ واصل اولور . [ ( یانیہ ) ایلہ ( لسقویک ) یئندہ ۱۲  
 ( لسقویک ) ایلہ ( برات ) آرہ سندہ ۲۶ ( برات ) ایلہ ( ایلبصان )  
 آرہ سندہ ۱۲ ( ایلبصان ) ایلہ ( تیران ) آرہ سندہ ۹ ( تیران ) ایلہ  
 ( اشقودرہ ) آرہ سندہ دخی ۱۸ ساعت مسافہ واردر . ]

( تیران ) دن ( دراج ) قصبہ سنہ دخی ۷ ساعتہ کیدیلیر بر  
 پوستہ یولی موجوددر . ( یانیہ ) دن ( آلونہ ) بہ کیدن یول دخی  
 ( ارکری ) ، ( تپہ دلن ) قصبہ لرندن مرور ایدر .

( مناستر ) دنہ ( یانیہ ) بہ کیرنہ یول [ ۴۵ ساعت طول ]  
 ( مناستر ) دن ( یانیہ ) بہ کیدن یول ( فلورینہ ) قصبہ سندن  
 بالمرور ( نرچقہ ) بالقائی آشوب ( کسریہ ) ، ( ناسلیج ) ، ( کربنہ )  
 قصبہ لرینہ کلدکلدن صوکرہ ( یانیہ ) ولایتنہ داخل و ( میچوہ )  
 کچیدینی کچہرک ( میچوہ ) قصبہ سنہ واصل اولور . بعدہ ۱۲ ساعت  
 یول یوری بہرک شہر مذکورہ کیدیلیر .

( مناستر ) دنہ ( اشقودرہ ) بہ کیرنہ یول [ ۵۶ ساعت طول ]  
 بویول ( رسنہ ) ناحیہ سنہ و ( اوخری ) قصبہ سنہ اوغرادقدن  
 صوکرہ ( اوستروغہ ) ناحیہ سندہ ( قرددرین ) نہرینی بر کوپری  
 واسطہ سیلہ کچوب ( ایلبصان ) قصبہ سندہ ( یانیہ ) دن ( اشقودرہ ) بہ

کیدن یوله داخل اولور . بو یول اوزنده بولنان قصبه اتدن  
(اوخری) قصبه سی ایله (مناستر) آره سی ۱۲ و (ایلبصان)  
قصبه سی بینی دخی ۱۷ ساعتدر .

(مناستر) ده (اسکوب) ه کیرمه یول [۲۸ ساعت طول]  
(مناستر) دن (اسکوب) ه کیدن یول (پرله) ، (کوپریلی) قصبه -  
لرینه اوغرار . بو قصبه لر دن (پرله) ایله (کوپریلی) بینی ۱۲  
و (کوپریلی) ایله (اسکوب) آره سنده کی مسافه دخی ۸ ساعتدر .

(اسکوب) ده (سلانیك) ه کیرمه یول  
بو یول (واردار) نهرینی تعقیب ایدهرک (کوپریلی) ، (یانیه) ،  
(غراد یحقا) ، (عورتحصاری) قصبه لرینه اوغرایه رق سلانیكه  
کیدر .

(اسکوب) ده (استانبول) ه کیرمه یول [۱۳۸ ساعت طول]  
اش-بو طریق (کوپریلی) قصبه سنده (اسکوب) دن  
(سلانیك) ه کیدن طریق دن آریله رق (اشتیب) ، (رادویشته) ،  
(استرومیچه) ، (پتریچ) قصبه لر دن بالورور (استروما) نهرینی بر  
کوپری واسطه سیله کچهرک (تیمور حصار) قصبه سنه اوغرادق دن  
صوکره (سیروز) ده (استانبول) دن (سلانیك) ه کیدن یول  
ایله برلشیر . مذکور الاسم (اسکوب) ایله (سیروز)  
آره سنده کی مسافه ۴۵ ساعتدر .

(اسکوب) ده (بوسنه) به کیرمه یول [۸۰ ساعت طول]  
(اسکوب) دن (بوسنه) به کیدن یول (چچانیك) قصبه سی و کچیدندن

کچوب (پرستانه)، (ولچترین)، (مترویچیه)، (یکی بازار)، (سندیجه)،  
(یکی واروش)، (پره بوی)، (ویشغراد)، (چابی پازاری) قصبه-  
لرینه اوغزار.


(فلبه) ده (اسکوب) ۵ کیلومتره بول [ ۵۱ ساعت طول ]  
بویول (فلبه) دن (مریج) نه ری صول ساحلی تعقیب ایدهرک  
(تاتار بازارجی) قصبه سی ایله (بانا) قریه سنه و (بانا) کچیدن  
کچوب (باغارستان) ایالتنه و (صماقو) قصبه سنه و (دوبنیچه)،  
(کوستندیل) مواقعندن بالورور (قوصوه) ولایتنه واصل  
و (اکری پانقه)، (قومانوه) قصبه لرینه اوغرایه رق (اسکوب) ۵  
داخل اولور.

(صوفیه) دن (اسکوب) ۵ کیدن بول دخی (رادومیر)  
قصبه سندن مرور ایتدکن صوکره (کوستندیل) ده (فلبه) دن  
(اسکوب) ۵ کیدن طریق ایله برلشیر. (کوستندیل) ایله  
(رادومیر) آره سی ۸ و (رادومیر) ایله (صوفیه) بینی ۶  
ساعتدر.

(صوفیه) ده (فلبه) ۵ کیلومتره بول [ ۳۰ ساعت طول ]  
(صوفیه) دن (فلبه) ۵ کیلومتره ایچون (بالقان) سلسله سی (پولی)  
دربند نامنده کی کچیدوا سله سیله کچهرک (روم ایلی شرقی) ولایتنه  
کیریلوب (اهمان)، (تاتار بازارجی) قصبه لرینه اوغراتیلیر.  
[ (تاتار بازارجی) ایله (اهمان) آره سی ۸ (تاتار بازارجی)  
ایله (فلبه) بینی ۶ ساعتدر. ]

( صوفیه ) ده ( ودین ) ه کیده بول [ ۴۰ ساعت طول ]  
 ( صوفیه ) دن حرکت اولندیغی حالده ( بابا قوناغی ) کچیدنی کچهرک  
 بلغارستانک ( برقوقجه ) ، ( لوم ) مواقع مشهوره سندن بالمرور  
 ( ودین ) قصبه سنه داخل اولور . [ ( صوفیه ) ایله ( برقوقجه )  
 آره سی ۱۸ و ( برقوقجه ) ایله ( لوم ) بینی ۱۶ و ( لوم ) ایله  
 ( ودین ) آره سنده کی مسافه دخی ۱۰ ساعتدر . ]  
 ( صوفیه ) دن ( لوججه ) یه کیدن طریق اوزرنده ( اتروپول )  
 بالقانی و کچیدی و قصبه می واردر .

( سلاستره ) ده ( ودین ) ه کیده بول [ ۸۲ ساعت طول ] .  
 ( سلاستره ) دن ( طونه ) نه ری صاغ ساحلی تمقیب ایدمرك  
 ( روسجق ) ، ( زشتوی ) ، ( نیکبولی ) ، ( راحوه ) ، ( جبره ) ،  
 ( لوم ) مواقع مشهوره لرینه اوغرایه رق ( ودین ) ه کیدیلیر .



اورویای عثمانی داخلند بولنان قصبات مشهوره نك در سعادتن برآ قاجر  
ساعت اوزاق اولدیغنی کوستر جندولدر

در سعادتن قصبات مشهوره	در سعادتن قصبات مشهوره	در سعادتن قصبات مشهوره
۱۲۸ قره قریه	۱۰۲ تیور حصار	۴۴ ادرنه
۸۲ قواله	۵۰ جسر مصطفی پاشا	۱۳۷ اسکوب
۳۷ قله لی	۳ چکجه صغیر	۲۰۷ اشقودره
۷۵ قرانلق	۲۰ چکجه کبیر	۶۶ اسلیه
۱۲۸ قومانوه	۲۰ چورلی	۱۱۵ اوخری
۷۰ قرین آباد	۷۷ جریان	۹۶ اتمان
۱۲۵ قاقان دلی	۴۰ حوصه	۱۷۳ ایلحصان
۱۴۵ کوریل	۶۲ خاصکوی	۱۹۴ ارگری
۶۶ کولجه	۵۷ خرملی	۲۳۵ زونوق
۴۰ کشان	۱۶۷ دره بالا	۸۰ اخیولی برغوس
۱۵۵ کسریه	۱۹۱ دراج	۳۷ اوزون کور
۴۸ کلپولی	۹۰ درامه	۱۹۷ آلولیه
۱۶۱ کوریه	۵۰ دیتوقه	۱۵۹ اپک
۲۰۱ لاش	۱۱۲ روسجق	۴۸ اینوز
۳۰ لوله برغوسی	۱۲۳ راحوه	۲۱۷ بوسنه سرای
۱۰۵ لوفه	۷۳ زغرہ جدید	۱۱۸ برات
۱۳۵ لوم	۶۹ زغرہ عتیق	۳۴ بابای عتیق
۱۴۳ مناستر	۹۴ زیتنه	۱۲۴ بالچیق
۳۶ معلقره	۱۱۹ زشتوی	۲۴۹ پشالوقه
۲۴۱ موستار	۱۱۴ سلا نیک	۹۴ پانا
۱۳۲ مانقالیه	۱۵۸ سر قیه	۲۳۵ پیکه
۱۰۰ مثلك	۱۲ سلوری	۱۵۳ یرشتنه
۱۰۲ نوره قوب	۱۷۹ سنجیه	۱۵۷ پرلیه
۱۱۵ نیکولی	۹۸ سیروز	۱۹۳ پره پوی
۱۲۸ وودیشه	۱۱۰ ساستره	۱۱۷ پلانفه
۱۲۵ وارنه	۹۲ شنی	۱۱۱ پلونه
۱۲۵ و دین	۹۸ صماقو	۱۵۳ یزرین
۱۷۵ ولجترین	۱۰۸ صوفیه	۱۹۰ پرمدم
۱۰۰ هزار غران	۱۹۰ طاشلیه	۱۰۴ پراوادی
۶۲ یانبولی	۱۲۸ طوبران	۲۱ بروزه
۱۹۲ یانیه	۹۱ طونوی	۸۴ تانارپازوجنی
۱۲۲ یکجه واردار	۲۳۳ طرانیک	۲۴ تکفورماغی
۱۶۹ یکی بازار	۸۳ غبروه	۱۸۵ قیران
۱۸۵ یی واروش	۷۸ قله	۲۵۹ قیره بین
۷۴ یکیه	۳۷ قرق کلیسا	۱۴۸ تکوش



## ﴿شمندوفر خطلری﴾

اوروپای عثمانیده موجود اولان شمندوفر خطلری بروجہ آتی بیان اولنور .

استانبول — قله لی برغوسی — ادرنه خطلی [۳۱۸ کیلومترو ۳۸۷ مترو طول، ۲۲ موقف] .

(استانبول) دن (ادرنه) یه کیدن شمندوفر خطلی (سرکه جی) اسکله سندن بدأ ایله ساحلی تعقیب ایده رک (قوم قیو)، (یکی قیو)، (صماتیہ)، (یدی قله)، (مقری کوی)، (آیاستفانوس)، (کوچک چکمجه)، (اسپارطه قله)، (خادم کوی)، (چتالجه)، (قباچه)، (سینکلی)، (چرکس کوی)، (چورلی)، (مرادلی)، (سیدلر)، (لوله برغوس)، (بابا اسکی)، (پاولو کوی)، (اوزون کوپری)، (قوله لی برغوسی) نامنده کی قصبه و قریه لره اوغرار، اوراده (دده آغاجی) قصبه سندن کلن خط ایله برلشیر . بعده (اورلی Ourly) قریه سینه و (ادرنه) شهرینه واصل اولور .

دره آغاجی — قله لی برغوسی خطلی [۱۱۲ کیلومترو ۹۶۹ مترو طول، ۷ موقف] .

اشبو خط (دده آغاجی) قصبه سندن باشلایه رق (فره جک)، (بیدیکلی)، (صوفیلی)، (دیمتوقه) اسکله لرینه اوغرایوب بعده (قله لی برغوس) قریه سنده استانبولدن ادرنه یه کیدن خط ایله برلشیر .

ادرنه — بلوہ فطی [۲۴۲,۵ کیلومترو طول ۱۳ موقف].  
 (ادرنه) دن (بلوہ) یہ کیدن شمندوفر خطی اورویا خطی  
 تشکیل ایدر. مذکور خط (ادرنه) دن باشلایهرق (سریج)  
 نہر ساحلی تعقیب ایدر ۱۸ کیلومترو ۴۹۲ مترو بعدندہ  
 اولان (قاضی کوی) قریہ سنہ و اورادن (جسر مصطفی پاشا)  
 قصبہ سنہ اوغرایوب (روم ایلی شرقی) ولایتہ داخل وصوکرہ  
 (حرمنلی) و بشنجی موقف اولہرق (طرنوی — سیمنلی)  
 استاسیوننہ واصل اولور. آندن صوکرہ (خاصکوی)، (یکی محلہ)،  
 (پاپاسلی)، (قاطونچہ = استانیقہ)، (فلہ) [اونبرنجی موقف]  
 (تاتار بازار جق)، (صارم بک) استاسیونلرینہ واصل و (بلوہ)  
 قریہ سنہ داخل اولور.

بلوہ — بلغارستان فطی [۴۶ کیلومترو ۳۸۷ مترو طول ۵ موقف].  
 بو خط (بلوہ) استاسیونندن باشلایهرق (بانیہ = قوستانیچہ)،  
 (فندقلی = قبا آلی)، (اہمان) واقعہ و بعدہ (بلغارستان)  
 حدودینہ واصل اولور. اورادن (صوفیہ) یہ اغرایوب  
 (صربستان) دہ واقع (پیروت = شارکوی) قصبہ سنہ و (نیش)  
 شہرینہ، (بلغراد) طوغری کیدر.

طرنوہ — بانیچ — برغوس فطی [۲۱۳ کیلومترو ۸۵۳ مترو طول]  
 بو خط (ادرنه) دن (بلوہ) یہ کیدن شمندوفر خطی  
 اوزرندہ بوانسان مذکور الاسم (طرنوی — سیمنلی)  
 استاسیونندن شمالہ طوغری (سازلی) درہ وادیسنی تعقیب

ایده رک (قره پیگار) . (رادنه محله سی) ، (یکی زغره) ، (اسلمیه — کرمنلی) قصبه و قریه لرینه اوغرایه رق (طرنوی) دن ۱۰۵ کیلومتر و ۳۲۰ مترو بعدنده اولان (یانبولی) قصبه سنه و اورادن دخی (آیدوس) اوزرندن (برغوس) . کیدر . (یانبولی) ایله (برغوس) آره سی ۱۰۸ کیلومتر و در .

سولنیک — متروویچه خطی [۳۶۲ کیلومتر و ۸۰۹ مترو طول و ۲۲ موقف]

(سلانیک) دن (متروویچه) یه کیدن شمندوفر خطی (واردار) نه ری وادیسنی بالتعقب (طوپجیلر = طوپسین) . (احمدلی = آماطووه) ، (قره صولی) ، (کومنجه Goumendja) ، (کوکلی) ، (متروویچه Mtrovtsé) ، (استرومیچه) ، (تیمور قیو) ، (قریوولاق Krivolak) ، (غراچقو) یه اوغرایه رق اون اوچنچی موقف اولق اوزره (کوپریلی) یه و اورادن (قوصوه) ولایتنه داخل اولور . بعده (زه لانیقو) ، (اسکوب) ، (اله سحان Elleshan) ، (چقانیك) ، (وریسوویچ Vërissovitz) ، (لیپلیان Liplian) ، (پرشته) ، (ولچترین) مواقعه اوغرایه رق (متروویچه) یه واصل اولور .

اسکوب — صرب خطی [۸۴ کیلومتر و ۶۰۰ مترو طول ، ۱۰ موقف] .

بو خط دخی اوروپا خطیدر . (اسکوب) دن صربستانه

کیدن شمندوفر خطی ( آجارلر ) ، ( قومانونه ) ، ( طوبانونوجه ) ،  
 ( پردهشوه ) ، ( بوقارووجه ) ، ( بویانونوجه ) ، ( زببفجه ) مواقفه  
 اوغرادقدن صوکره ( صرستان ) حدودینه وارر .

دده آغاج — سولیک [ ۴۱۲ کیلومتر ۲۵۳ مترو طول  
 ۲۸ موقف ] .

دده آغاجدن حرکت اولندیغی حالده ( بادومه Badoma )  
 دنیلن برنجی موقفه واصل اولور . [ دده آغاج جهتی قره آغاجلر  
 ایله مزیندر ] ( بادومه ) دن صوکره ( حرقه کوی ) ( عیبی کوی  
 Aïbi-keuï ) . ( دمر بك = دمر بکلك ) ، ( کوملجنه )  
 مواقفه واریلیر . [ ( بادومه ) موقفی ایله ( حرقه کوی ) ایستاسیونی  
 آره سنده چند عدد تونل واردر . ] ( کوملجنه ) ایستاسیونندن  
 صوکره ( نارکی کوی ) ، ( قز لجه کوی ) ، ( اسکجه ) ، ( اوچییلر ) .  
 ( یکی کوی ) ایستاسیوننه و اورادن ( بوك Buck ) موقفه وارر .  
 [ ( اوچییلر ) ایله ( یکی کوی ) موقفی آره سنده طار بر بوغاز اورتہ  
 سنده ( مستا ) نهری جریان ایتدیکی کبی خط اوزرنده دخی  
 بیوک کوچک ۱۸ تونل واردر . ] بعده ( مستا = قره صو )  
 نهری اوزرینه قورلمش بر تیمور کوپری و صوکره بر برینی متعاقب  
 ۴ بیوک تونل کچیلیر ( نصرتلی ) ، ( درامه ) ایستاسیونلرینه واصل  
 اولور . [ ( درامه ) موقفی خطک اورتہ یرنده بولندیغندن ( دده آغاج )  
 و ( سلانیک ) دن کلن ترلره محل تصادف اتخاذا ایدلمشدر . ]  
 ( درامه ) دن صوکره ( اوتہ لیقوس Otéligos ) ، ( آنجستا ) ، ( بورنه

(Borna) استاسیونلرینه اوغرایه رق سیروز اووه سنه و (سیروز) موقفه وارر [ درامه اووه سنده مزروعادن خالی بعض یرلر وار ایسه ده سیروز اووه سنده برقاریش بیله زراعندن خالی محل یوقدر. ] آندن صوکره (برسنیک) ، (دس حصار) ، ( حاجی بکک) ، (پورای Poray) ، (آقجه لی) آراسنده (استروما) دیه یاد اولنان (قره صو) مجراسی اولوب بیوک بر کوپری ایله نهر مذکور کچایلر . یوقاروده مذکور (کوملجنه) قصبه سی ایله (طویران) آره سنده کی خط بر اووه اوزرنده اولدینی حالدیه بورادن آشاغیسی یقوس آشاغیدر. ] (طویران) دن صوکره (کلیندر Kilindir) ، (صاری کول) ، (صالمانلی) استاسیونلری کچیلهرک (سلانیک) شهرینه واریلیر ،

سولنیک - مناستر خطی [ ۲۱۸ کیلومتر و ۵۵۶ متر و طول ،

۱۲ موقف. ]

سلانیکدن مناستره کیدن بو خط (سلانیک) دن باشلایه رق (قیرجه لر) ، (قاپسوحورا) ، (قره فریه) ، (اغستوس) ، (ورتقوپ) ، (وودینه) ، (اوسترووه) ، (سارووچ) ، (اکشی صو) ، (فلورینه) ، (قنه لی) مواقعه اوغرادقن صوکره (مناستر) . واصل اولور .

بوسنه سرای — برود خطی [ ۲۶۹ کیلومتر و طول ] .

بو خط (ویسوقه) ، (زنیچه) ، (مغلای) ، (دبور) ، (دربند) مواقعدن مرور ایدر .



کذا (سرای بوسنه) دن (موستار) . اوغرایه رق دالماچیا  
 حدودی اوزرنده کی (متقوویچه) یه کیدر شمندوفر خطی  
 واردر . بو خطک (موستار) ایله (متقوویچه) آراسنده کی بعدی  
 ۴۳ کیلومترودر .

(بنالوقه دن) دن (نوی) یه ۱۰۱ کیلومترولق تیموریولی  
 واردر .

(وارنه) ایله (روسجق) آرمسندمه ایشلمکده اولان  
 شمندوفر خطی اوزرنده (پراوادی) ، (هزارغراد) قصبه لری  
 موجوددر .



## — ❧ آسیای عثمانی ❧ —

مردود — مسام و نفوس و اهناس

مردود — سلطنت سنیة عثمانیه نك اجزای اصلیه سندن  
معدود اولان آسیای عثمانی الكاسی ( آسیا ) قطعه سـنك طرف  
غریبه سنده واقع اوله رق شمالاً ( بحر سیاه )، ( استانبول  
بوغازی )، ( مرمره دكزی )، ( چناق قلمه بوغازی ) و غرباً  
( آطه لر دكزی )، ( بحر سفید ) و آفریقـای عثمانی یه منسوب  
( العریش )، ( عقبه ) محافظه قلمری و ( بحر احمر ) و جنوباً ( عدن )  
قطعه سی و ( بحر عمان ) و ( مسقط ) اماملغی، ( بصره ) کور فزی  
و شرقاً ( ایران ) مملکتی و ( قفقاسیه ) اراضی سی ایله محدود در. [۱]

---

[۱] قفقاسیه ایله اولان حدود — آسیای عثمانیه نك روسیه ایله  
اولان حدودی ( بحر سیاه ) ساحلنده ( خوپه ) نك شمالنده واقع ( قویمش )  
برونندن باشلا یوب ( آرات ) طاغنه قدر امتداد ایدر.


مذکور الاسم ( قویمش ) برونندن حدود جنوبه طوغری ( خوپه  
Khopa )، ( چوروج ) صولری آره سندن کچوب ( لیوانه ) نام دیگرله  
( آرتوین Artevine ) و ( باردیز Bardise ) قصبه لرینی روسیه ده  
براقوب ( آراس ) چایی قطع ایلدکدن صوکره ( کوسه ) طاغنه وارر.  
اورادن ( آراس ) و ( مراد ) صولرینی یکدیگرکندن تفریق ایدرک  
( آرات = ماسیس ) طاغنده ایران حدودینه واصل اولور.

ممالك شاهانهك بوحودود داخلنده بولنان ( آسیای عثمانی )  
 الكاسی ( آسیای صغری ) دینان ( آناطولی ) شبه جزیره سی ایله  
 ( سوریه ) ، ( الجزیره ) ، ( جزیره علیا ) اراضیسی و ( حجاز ) ،  
 ( یمن ) قطعهلرینی محتویدر .

مسام ونفوس واهناس — آسیای عثمانیک مسافه طولی  
 مرمره دکزی ساحلندن ( بصره ) کورفزینه قدر ۲,۲۰۰  
 کیلومتر واک طارمخلنده یعنی ( آارات ) طاغندن ( اسکندرون )  
 کورفزینه قدر عرضی ۷۸۰ واک کنیش محلی بولنان ( قره دکز )  
 بوغازندن ( باب المندب ) ه قدر ۳,۴۰۰ کیلومترودر . مساحه  
 سطحیهسی بحساب تخمین ۴,۱۴۰,۰۰۰ کیلومتر مربعی اولوب

ایران مملکتی ایله اولان خط حدود — ایران مملکتی ایله  
 اولان حدود ( آارات ) طاغندن ( بصره ) کورفزینه قدر وارر .  
 مذکور حدود ( آارات ) طاغندن جنوبه طوغری کیده رک ( ناندراق  
 Nandrak ) طاغنه واورادن ( چالديران ) و ( قطور ) اراضیسی ایرانده  
 براقوب ( زاباعلا = زاب الکبیر ) صوینک ورسائی ( رومیه ) کولی  
 ورسانندن تفریق ایدن طاغلردن کچهرک ( زاب سفلا = زاب الصغیر )  
 صوینی قطع ایدر . آندن صوکره حدود ( اردلان ) اراضیسی ایرانه ترک  
 و ( دجله ) نهری توابعندن ( دیاله Diala ) صوینی قطع و مذکور صوینک  
 مجراسنی برمدت تعقیب ایدر . بعده ( دیاله ) نهرینی ترک ایله ( خانقین )  
 حلوان ) و ( مندلی ) قصبه لری شرقندن کچهرک ( طیب ) صوینی و ( سامیه )  
 بتاقلغنی قطع و ( بصره ) نک سمت شرقیسنده کاشن ( غمره Mouhmira )  
 قصبه سی جوارنده ( شط العرب ) ه واصل و مذکور نهرك مجراسی ایله  
 ( بصره ) کورفزینه لاحق اولور .

اهالی موجوده سی تقریباً ۱۳,۰۰۰,۰۰۰ قدری (آناطولی) ،  
 (سوریه) ، (الجزیره) ، (جزیره علیا) قسم‌لرنده و درت بش  
 ملیون مقداری دخی (حجاز) و (یمن) طرف‌لرنده اولق  
 اوزره ۱۸,۰۰۰,۰۰۰ قدر تخمین ایدلمکده در . بو نفوس  
 (ترك) ، (تاتار) ، (کرد) ، (چرکس) ، (عرب) ، (لاز) ،  
 (روم) ، (ارمنی) ، (یهودی) کبی اجناس عیدده دن مرکب اولدینی  
 حالده جمله سی (عثمانلی) نامی تحتنده اتفاق واتحاد ایله مفتخر در .  
 ترک‌لرک (یوروک) ، (ترکمن) ، (آوشار) اسمنده کی قسم‌لری  
 آناطولی داخلمده کزکنجیلک ایله اصرار وقت ایتمکده در .  
 بونلردن یوروکلر آناطولینک سمت غربیسنده وترکمنلر ایله  
 آوشارلر شرق طرف‌لرنده کورینیرلر . تاتارلر دخی قریم  
 مهاجرلریدر .



## ﴿ سواحل ﴾

آسیای عثمانی یوقاریده ذکر اولندیغی کبی ( بحر سیاه ) ،  
 ( استانبول بوغازی ) ، ( مرمره دکزی ) ، ( قلعه سلطانیه  
 بوغازی ) ، ( آتلهر دکزی ) ، ( بحر سفید ) ، ( بحر احمر ) ،  
 ( بصره کور فزی ) ساحلارینه مالک و صاحب اولدیغندن سواحل  
 مذکوریه دائر ایضاحات بروجه آتی ذکر و بیان اولنور .

بحر سیاه ساحلی — آناتولی شاهانه نك بحر سیاه ساحلی  
 ( قویمش ) برونندن ( اروه ) موقعنه قدر امتداد ایدر .

( قویمش ) برونندن غربه طوغری ساحل تعقیب اولندیغی  
 حالده کندی اسمی ایله مسمی بر لیمان حاصل ایدن [ باطی  
 روزکارلرندن محفوظ اوراق بر لیماندر . ] ( ریزه Rize ) قصبه سی  
 اوکندن کچیلرک ( بحر سیاه ) لك اك تجارتگاه بلده سی اولان  
 ( طربزون ) شهرینه و ( یلاتانه = پولتخانه ) لیمان موقعنه واریلیر .  
 [ پولتخانه لیمانی باطی و قره یل روزکارلرندن مصون اولدیغی  
 ایچون ( طربزون ) لیماننده بارینه مین کیلر مذکور لیمانه النجا  
 ایدرلر ] بعده ( یروس Iyeros ) برونی طولاشیلرک ( کشخانه  
 = حارشید Haachid ) ایرمنی منصبی و ( تیره بولی ) ، ( کره سون )  
 قصبه لری و ( وونه ) ، ( یاسون ) برونلری کچیلرک ( اونیه  
 Unie ) قصبه سی و ( ترمه Terma ) چایی آغزی و ( چالتی ) برونی  
 و ( یشیل ایرمق ) منصبی مشاهده اولنور . آندن صوکره ( صامسون )



لیمانی [باطی و قره یل روز کارلرندن مصون ایسه ده عمقی آزدر].  
 و قصبه سی و (انجیر) بروننده آناتولی شبه جزیره سنک بیوک  
 نهرلرندن اولان (قزل ایرمق) منصبی و چفته لیمانی بولنان  
 (سینوب = سیناب) شهری کورینیر. مذکور ایکی لیمان بیننده  
 (بوزتیه برونی) وارددر. [سینوب لیمانی] (قره دکز) سواحلنک  
 برنجی لیمانیدر [آناتولی شبه جزیره سنک اک شمالی نقطه سی  
 اولان (اینجه برون) طولایشیله رق (قطمون) نك اسکله سی  
 اولوب انشات بحریه دستکاهلریخی حاوی بولنان (اینه بولی)  
 قصبه سنه و (کرمبه karembé) برونی دخی کچیلره رک (دوره کانی)  
 (Devrekani) دره سی مصبنه و چفته لیمانی اولان (اماصره)  
 بلده سنه تصادف اولنور. بعده (بارطین)، (فیلیوس = فیلیاس)  
 صولری مصبلری یقینندن و (بابا برونی) اوکندن مرور اولندقد  
 (بولی) نك اسکله موقعی اولان (ارکلی) قصبه و کوچک لیمانه  
 [بولیمان پویراز، کون طوضریسی روز کارلرندن محفوظدر]  
 و (آلابلی)، (آچقه شهر)، (اینجیرلی) نامنده کی قریه لره و (سقاریه)  
 نهری مصبنه و (کفکین Kefkin) آطه سی ایله (کرپه Kerpe)  
 برونی آره سنندن و (شیله) قصبه سی یقینندن و (خرمان قیا)  
 اوکندن بالورور (ریوا = ایرواه) مستحکم موقعنه واریلیر.  
 بوراده (قره دکز) ساحلنه ختام ویریلره رک استانبول بوغازینک  
 آناتولی ساحلنه بدأ اولنور. [۱]

[۱] قره دکز سواحلی شرقدن اعتباراً (چالطی) بروننه دکن  
 جنوبی قوس پیدا ایدر. بعده شمالی برقوس رسم ایدره رک (بابا) بروننه  
 کلیر. اورادن (ایروه) یه قدر ساحل دوز بولنور.

استانبول بوغازی ساحلی — استانبول بوغازینک آناتولی  
ساحلی مذکور الاسم (ایروہ) موقعندن (اسکدار)، (قرقله سی)  
حداسنه قدر امتداد ایدر.

مذکور بوغازک ساحلی بوغازلر بچمنده مفصلاً بیان  
اولندینی اوزره متین استحکام و طایفه لر و لطیف قصبه و قریه لر  
ایله مزیندر .

مرمره دکنی ساحلی — آناتولی شاهانه نك مرمره دکنی سا-  
حلی (قرقله سی) . (اسکدار) دن باشلا یه رق (قلعه سلطانیه بوغازی) نك  
مبدئی اولان (چارداق) ، (لاپسکی) موقعلرینه دکن امتداد ایدر .  
(اسکدار) - ن صو کره (مرمره) دکنی ساحلی تعقیب اولندینی حالده  
آناتولی ساحلنده آناتولی شمندوفر خطنك مبدئی اولان (حیدرپاشا)  
موقعی و (قاضی کوی) بلده سی کورینیر . بعده (موده برونی) ،  
(مالته) ، (قرتال) ، (پندک) قصبه و قریه لر ایله (قنالی) ، (بورغاز)  
(هکبه لی) ، (بیوک آطه) نامنده کی آطه لر آره سنندن کچلد کده طقوز  
ساعت قدر طولی چکن (ازمید) کورفزی مشاهده اولنور که  
مذکور کورفزک ایچریسنده (ازمید) شهری ، (قره مرسل) ،  
(یالوه) قصبه لری واقعدر . [۱] بعده (بوزبرون) طولاشیله رق  
(آرمودلی) موقعنه تصادف اولنور . انی متعاقب ۵۰۰ قدر کمی  
استیعابنه کافی (کملیک) لیماننه کیریلیر که (بروسه) نك اسکله  
موقعلری اولان (کملیک) ، (مدانیه) قصبه لری ساحلنده واقع

[۱] (ازمید) کورفزی (هرسک) دیلی واسطه سیله مدخلی قیالی  
اولدبغندن هر روز کاردن محفوظ برکول کییدر .

و (امیر علی = امرالی) دنیان آطه مدخلنده کاشندره (ازنیق) کولی دخی بر آیاق ایله مذکور لیمانه آققده دره. [۱]  
 (مدانیه) قصبه سندن صوکره مذکور ساحل تعقیب اولندی  
 حالد (میخالیج = ماغلیج) ویا (صوصورلی) نهری منصبه  
 و (باندومه) قصبه سنه و ایکی لیمان حاصل ایدن (اردک Erdek)  
 نام آخرله (قبوطاخی) شبه جزیره سی ایله اوچی بیوک و برقاچی  
 کوچک اولان (مرمره) آطه لرینه تصادف اولنور. بو آطه لرك  
 بیوکارندن بری (نفس مرمره) و دیگر (پاشا لیمانی = آلو)  
 نامیله یاد اولنور. بعده اسکیدن (غرانیکوس Granicus) دینلن  
 (قوجه چای) و نام دیگرله (قاز طاغی صوی) منصبه و (چارداق)  
 موقعه تصادف اولنورق (مرمره دکزی) ساحلنه ختام ویریلیر.  
 (قلعه سلطانیه) بوغازینه کیریلیر.

قلعه سلطانیه بوغازی ساحلی — قلعه سلطانیه بوغازینک  
 آناتولی ساحلی بوغازلر بحثنده مفصلاً بیان اولندی  
 متین قلعه لر و استحکاملر ایله احکام ایدلش و سنیچه برونی  
 ایله نهایت بولمشدیر.

آطه لر دکزی و بحر سفید ساحلی — آسیای عثمانینک آطه لر  
 دکزی ساحلی (سنیچه) بروندن بدأ ایله (ردوس) آطه سی  
 قارشوسنه و (مکری) لیمانی یقینلرینه قدر امتداد ایدر.

(سنیچه) برونی مرور اولندوقده (تندوس Tenedos)

[۱] (مکلیک) کورفزی یالکز باطی ولدوس روز کارلرینه آچقدیر.

دینلن (بوزجه آطه bazdja ada) ایله ساحل بیننده کی  
(بشیکه = بشیکلر) قوی و (اسکی استانبول) موقعی اوکندن  
کچیلرک و بابا قلعه سی و برونی طولاشیلرک (مدلولو) آطه سی  
قارشوسنده واقع (ادرمید) و بر آزا یلروده (چادارلی) کورفز-  
لرینه کیریلیر. (باقر چانی) ، (چادارلی) کورفز لرینه دو کیلور .  
دها ایلروده ۶۵ کیلومتر و طوانده و ۴۰ کیلومتر عرضنده  
اولان مشهور (ازمیر) لیمانه تصادف اولنور .

آناطولینک بغایت معمور و تجارتگاه اولان (ازمیر)  
شهری و (سرآباد) نهری منصبی مذکور لیمانک ایچریسینده در .  
(ازمیر) لیماندن چیقیلیر ایکن عهد قدیمده (قلازومن) اسمیه  
یاد اولنان (اورله) ویا (چشمه) شبه جزیره سی ساحلی تعقیب  
اولنور. مذکور شبه جزیره نک شمالنده (قره برون) و ضربنده  
(چالطی) لیمانی و (چشمه) قصبه سی واردر .

(اورله) یارم آطه سنک جنوبنده (صیغه جق) لیمانی ایله  
(قوش آطه سی) قصبه و لیمانه تصادف اولنور. (کوچک مندرس  
= کوچک مندره) نهری بو آچیق لیمانه دو کیلور . بعده  
(سیدسام) آطه سی ایله ساحل بینندن یعنی (سیدسام) بوغازندن  
کچیلیر ایکن (صامسون طاغی) برونی طولاشیلیر. صوکره (بیوک  
مندرس = بیوک مندره) نهرینک محل انصبابنه و (ماندالیه) ،  
(استانکوی) کوزل لیمانلرینه تصادف اولنور . بو ایکی لیمان  
آره سنده (بودروم) شبه جزیره سی واقع و مذکور الاسم

(استانکوی لیمانی) مدخلنده (استانکوی Küis) آطه‌سی کاشندر.  
 مذکور لیماندن چیقیلیر ایکن (قریو Krio) برونی ایله  
 نهایت بولان (دورید) شبه جزیره‌سی ساحلی طولاشیلیر.  
 و (سیمی = سومبکی Sombequi) قوینه کیریلیر. بعده (ردوس)  
 آطه‌سی ایله (آلیپو Alipo) برونی آره‌سندن مرور اولاندقده  
 (مرمریس Mermeris) لیمانه [بو لیمان هر نوع روزکاردن  
 مصوندر] و (کویجکز) کولی آياغنه و (کرنیس Kernis) چایی  
 منصبه و (مکری Mekri) قوینه، (قوجه‌چای) منصبه  
 تصادف اولنور.

[مذکور مرمریس و مکری لیمانلری آره‌سنده کی ساحل ۸۰ میلدر]  
 بحر سفیر ساحلی — آسیای عثمانیک بحر سفید ساحلی (مکری)  
 لیمانی ساحلندن باشلایه‌رق (العریش) موقعنه قدر امتداد ایدر.  
 (مکری) لیماندن صوکره بحر سفیدک تشکیل ایلدیکی  
 (آنطالیه = آطالیه) آچیق لیمانه کیریلیر که ساحلنده (قونیه) نک  
 اسکله لرندن عد اولنان (آنطالیه) قصبه‌سی واردر. (آق صو)  
 و (کوپری چایی) مذکور لیمانه دوکیلور. [۱]

بو لیمانک ایلریسنده (آناتولی) شبه جزیره‌سنک اک جنوب  
 نقطه‌سی ارانه ایدن (آنامور) برونی و دها ایلروده (سلفکه  
 Selefke) قوی کورینور. بعده (مرسین) کورفینه کیریلیر.  
 بو کورف ساحلنده (کوکصو) منصبی و (طاش اوچی) اسکله‌سی

[۱] (آنطالیه) لیمانی جنوب روزکارلینه آچیق ایسه‌ده (ازمیر) دن  
 صوکره ایشلک لیمانلردن بریدر.



و آناتولینک ایکنجی درجه ده ایشلک اسکله سی اولان (مرسین)  
 قصبه سی، (طرسوس) چانی و (سیحان) نه‌ری آغز لری و (چقور  
 اووه) بتاقلقلری و (قره طاش) برونی مشاهده اولنور .

مذکور (قره طاش) برونی ایله (رأس الخنزیر) نامنده کی برون  
 آره سنده بولنان و شرق شمالی به طوغری کیرمش اولان کورفزه  
 (اسکندرون لیانی) دینیرکه ساحلنده (جیحان) نه‌ری منصبی  
 و (یورطهلق) لیانی و (بیاس) و (اسکندرون) مشهور قصبه لری  
 کوریلور . [۱]

(اسکندرون) کورفزدن صوکره جنوبه طوغری ساحل  
 تعقیب اولندیغی حالده سوریه نك الك بیوک نه‌ری اولان (عاصی)  
 صوبی منصبنه و (لاذقیه)، (طرابلس شام)، (بیروت)، (صیدا)،  
 (صور)، (عکه)، (یافه)، (غزه) اسکله نرینه تصادف اولنور .  
 بعده (العریش) اسمنده کی موقعه آسیای عثمانی نك (بحر سفید)  
 ساحلی ختام بوله‌رق (آفریقای عثمانی) حدودینه واریلیر .

[۱] (اسکندرون) کورفزی هر نه قدره به طوغری زیاده کیرمش  
 ایسه ده غرب و جنوب روزکارلرینک تحت تأثیرنده بولنسمدن محفوظ بر  
 کورفزه عد اولنه میوب عادتاً آجیق بر دکز مثابه سنده در .

### ﴿طاغلر﴾

آسیای عثمانیدہ بولتان طاغلر آسیای غربی جبال  
متسلسلہ سنک اک مرفع محلی اولان و (عجمستان) بلہ (روسیہ)  
حدودی اوزرنده بولتان (آارات) [ ۵۴۱۰ مترو ارتفاع ]  
اسمنده کی جبلدن آرلیر .

(آارات) طاغلر غریبہ طوغری مفارقہ قسمی  
(آنتی طوروس Anti Taurus) ویا (آنتی طاوروس) اسمی  
التندہ بولتان آناطولی سلسلہ اصلیه سیدر .

بوسلسلہ حمال سمت غربی بہ طوغری حین متدادندہ  
(شاه کول) ، (کوس) ، (شریا) ، (بیک کول) [ ۴۲۴۰ مترو  
ارتفاع ] ، (قو بحان = درسم) ، (موزور) صعلری  
تشکیل ایتدکن و (کین) قصه سی شمالندہ (فرات) نهرینه  
برکچید و یروب (چات) ، (طوخ) صولری یئندہ کاش (ساری  
چیچک) طاغلری اصل ایلدن صوکره یری جنه به دیگر  
جنوب غربی به و او جیحیسی شماله متوجه اوله رق امتداد ایدر .  
جنوبه کیدر و حی (فرات) (جیحان) نهر لرد به سندن  
و (مرعش) قصبه سی یقینندن کچهرک (جبل رک) [ ۱۴۰۰ :  
۲۰۰۰ مترو ارتفاع ] (المطاغی = جبل الکام) ، (جبل احمر)  
اسملری التندہ اولدن حالده (سکندرون) کو فزیست منهای  
جنوبیسنی تشکیل (رأس الخنزیر) اسمندہ کی برونده  
نهایت بولور .

سلسلہ مذکورہ مک (سوریہ) ساحلہ موازی اولان شعبہ سی  
(جبل لبنان) اسمنی آلیر . (جبل لبنان) دخی (بعلبک)  
جوارندہ (آنتی لبنان) نامندہ کی طاغلری حاصل ایدر .

جبل لبنان (اسکندرون) کورفزی جنوبندہ کائن (آقہ)  
طاغندن بدأ ایله بحر سفیدک ساحلی بویجہ جنوبہ طوغری  
(بحر احمر) ہ قدر امتداد ایدن ایکی سلسلہ در .

(لبنان) سلسلہ سنک شمالی قسمہ (جبل الاکراد) ، (جبل  
نصیری) دینیر . (صیدا) جنوبندہ (جبل لبنان) بر طاقم  
تپہ لرہ تحول ایدر کہ باشلیجہ لری (جبل کرمل) ایله (طابور)  
طاغیدر . بعدہ (جبل لبنان) (قدس شریف) جنوبندہ تکرار  
طاغ ہیئتہ کیروب (سویش) ایله (عقبہ) کورفلرینی یکدیگرندن  
تفریق ایدن طاغلرہ نہایت بولور . بو سلسلہ نک انک یوکسک  
یری (طرابلس) قربندہ (عاصی) نہرینہ منبع اولان (جبل  
خطیب) در . (عاصی) نہرینک (آق دکنز) کولنہ طوغری  
تشکیل ایتدیکی دیرسک محاندہ دخی (جبل موسی) واردر .

آنتی لبنان باشلیجہ (جبل الشیخ) ، (جبل حوران) ،  
(جبل عجلون) ، (جبل شرا) دن عبارت اولوب کسیک کسیک  
اولہرق جنوبہ طوغری بعد الامتداد (یمن) طاغلری ایله  
نہایت بولور .

بو سلسلہ نک قوللری (برالشام) و (صربستان) صحرالزندہ  
باییلوب بریسی (بصرہ) کورفزینہ قدر کیدر .

مذکور الاسامی ایکی سلسلہٴ جبال آردہ سندھ ( جبل الشیخ )  
جوارندہ سطح دریادن ۲۵۰۰ قدم ارتفاعندہ ( البقاع ) دینان  
غایت منبت بر وادی وارد . بونک شمالندہ ( عاصی ) وجنوبندہ  
بحر لوطہ آقان ( آردن ) نہر لری وادیلری موجوددر .

مذکور الاسم ( آتی طوروس ) سلسلہٴ اصلیه سنک ( صاری  
چیچک طاغندن شمالہ طوغری آریلان شعبہ سی ( فرات )  
توابعدن ( چالتا ) صوینک منبئی جہتندن ( قرہ بل ) سلسلہٴ سی  
و ( قوچکیری ) . ( کر جانیس ) . ( آق طاغ ) یایلارینی بعدالتشکیل  
( کلکیٹ ) . ( کشخانہ ) طاغلرینہ کسب ارتباط ایدر .

( طوروس ) اسمی التندہ بولنان سلسلہٴ جبال دخی ( آتی  
طوروس ) جبال متسلسلہٴ سنک غرب جنوبیہ طوغری آریلان  
و ( آظنہ ) ولایتہ و ( سیحان ) نہرینک منبعلری طرفہ کیدن  
قسمندن تفریق ایلمشدر .

بوسلسلہٴ جبال مذکور نہرک کنارندہ واقع ( آلا ) طاغندن  
غربہ طوغری حین امتدادندہ ( قیصریہ ) قربندہ چییلاق اوج  
تپہ دن متشکل و ذروہ سی دائمی صورتہ قار و بوز ایلہ مستور  
و آناتولی شبہ جزیرہ سنک ۴۰۰۰ مترو ارتفاعندہ اولان  
( ارجیاس ) طاغنی و مرکز یایلاسنگ حدود شمالیہ سنی تشکیل  
و ( حیمانہ ) یایلاسندہ یایلہرق و ( پاشا ) . ( امیر ) . ( مراد ) .  
( شاپخانہ = سماو ) طاغلرینی و ( اوزونجہ یایلا ) ایلہ ( قاز ) طاغنی  
حاصل ایدہرک ( قلعهٴ سلطانیہ ) بوغازندہ نہایت بولور .

( طه روس ) سلسلهٔ جبالنک ( ارچیا ) طاغندن جنوب غربی به طوغری آریلان جنوب سلسلهٔ سی ( صماتی ) یایلاسی تعقیب ایتدکن صوکره ( آلا طاغ ) ایله ( بلغار = بوغاز ) ، ( صوماق ) ، ( کوک = کیك ) [ ۳۵۰۰ مترو ارتفاع ] ( دیب پوراز ) ، ( آغلاسون ) طاغلری ایله ( عاصی قره آج ) یایلاسی ( بك ) طاغنی بالتشکیل ۳۰۰۰ مترو ارتفاعده کی ( آق ) طاغنه واصل اولور. مذکورالاسم ( کیك ) طاغندن آریلان ( قره کدیک ) طاغی ( آنامور ) بروننده نهایت بولور.

مذکورالاسم ( طوروس ) سلسلهٔ سنک ( مراد ) طاغندن بدأ ایله شمال غربی به طوغری کیدن شعبهٔ سی ( کیرمیان ) یایلاسی و ( دومانیج ) و ( بروسه ) اوستنده ( کشیش ) [ ۲۵۰۰ مترو ارتفاع ] طاغلرینی حاصل ایلدکن و ( ازمید ) ایله ( کملیک ) کوفزلری آره سندن بالورور ( قاطرلی ) طاغنی تشکیل ایتدکن صوکره ( بوز برون ) ده نهایت بولور.

آناطولی شبه جزیرهٔ سنک سمت غربیسنده ( اورله ) یارم آطهسی حصوله کتیرن ( بوز ) طاغی واردور. بو طاغندن آریلان ( مغنیسا ) طاغلری آطهلهر دکزی ساحلی بویجه شماله طوغری متوجه اوله رق مذکورالاسم ( قاز ) طاغی ایله برایشیر.

( بوز ) طاغندن جنوبه طوغری تفرق ایدن شعبهٔ سی دخی ( جمعه ) ، و ( سیدسام ) آطهسی قارشوسنده ختام بولان ( صامسون ) طاغلرینی تشکیل ایتددر.



مذکور الاسم (بوز) طاغندن شرق جنوبیہ طوغری  
 آریلان قسمی (بیوک مندرهس) نہرینہ برکچید و بردکدن  
 و (بابا) طاغنی و اورمانلقدن عبارت (جنوبی بوز) دینان جبلی  
 حصولہ کتیردکدن صوکرہ (کویچکز) کولہ واصل اولور .  
 آسیای عثمانیک حدود شرقیہ سندہ (آارات) طاغندن  
 جنوب شرقیہ طوغری آریلان قسمی (ایران) طاغری اسمی  
 آلیر . بو طاغیر ایسہ (آسیای عثمانی) پی (ایران) مملکتندن  
 فصل و (وان) کولی ایلہ (دجلہ) حوضہ لرینی (رومیہ)  
 حوضہ سندن تفریق ایدر . بو طاغیرک باشلیجہ قسمی (جبل  
 خمرین) تشکیل ایتشد .

(آارات) طاغندرک نہایتندہ کائن (کوسہ) طاغندن  
 و (مجنکرد) حذاسندن ۲۵۹۰ متر و ارتفاعی ایلہ آریلان  
 (صوغانلی) نامندہ برسلسلہ جبال (فرات) و (چوروخ)  
 صولری حوضہ لرینی بری برندن تفریق ایتک و (کمشخانہ)  
 طاغری ایلہ برلشمک اوزرہ غربہ طوغری امتداد ایدر .

آناطولینک سمت شمالیسنده (آناطولی سلسلہ شمالیہ سی)  
 نامندہ برسلسلہ جبالدها واردر . بو طاغیر (چوروخ) صوینک  
 منصبی صولندہ (لازستان) طاغری نامیلہ بدأ ایدرک غربہ  
 طوغری بحر سییاهہ قریب و موازی اولہرق ممتد اولور . حین  
 امتدادندہ (قولات) ، (کمشخانہ) ، (کومبت) ، (جانیک)  
 طاغری حصولہ کتیردیکی کی (یشیل یرمق) نامندہ کی نہرہ

و ( نیبیان Nibian ) ایله ( قطران ) طاغلیری ییتنده دخی ( قزل ایرمق ) ه برر کچید ویردکدن و ( قسطمونی یا ییلاسی ) ایله اوزرندکی ( ایلغاز ) طاغنی حاصل ایتدکدن سوکره ( بارطین ) و ( فیلیاس ) صولرینه دخی کچید و یروب ( بولی )، ( عباس ) طاغلیری و ( سقاریه ) نهرینه دخی کچید و یروب ( قوجه ایلی یا ییلاسی ) ایله ممتد اوله رق ( علم طاغی = عالم طاغی ) فی تشکیل ایدر. و قره دکز بوزازی ساحلنده ( یوشع ) تپه سنده نهایت بولور.

مذکور الاسامی ( بارطین )، ( فیلیاس ) صولری آره سنده ( طورنا ) و ( فیلیاس ) صوی صول وادیسند ( اووه ) طاغلیری واردر. ( بولی ) نك جنوب شرقیسنده ( بیوک آلا طاغ ) نامیله بریغین موجوددر. بونك شرقنده ( ایشیق ) و ( قوش ) طاغلیری واردر. بوسلسله جبال ( قوش ) طاغندن سوکره ( قزیل ایرمق ) دینان نهره بر کچید ویردکدن و ( طوشان ) طاغنی حصوله کتیردکدن سوکره جنوب غربییه طوغری امتداد ایدر. بعده ( قرق دلیم )، ( کوسه ) طاغلیری و ( بوزق ) یا ییلاسی ده حصوله کتیردکدن سوکره ( آق طاغ ) معدنی واسطه سیله ( چاملی بل ) ه واصل اولور. بعده شرقه طوغری کیده رک ( کوسه ) طاغنی بعدالتشکیل ( قوچکیری ) یا ییلاسی واسطه سیله ( قره بل ) سلسله سینه برلشیر.

### مطرح مائله

یوقاریده مذکور طاغلرک وضعیت ( آسیای عثمانی ) یی اطرافنی احاطه ایدن دکزلره تابع و رسلانله تقسیم ایلیمشدر.

## ❦ احوال میاء وکولر ❦

### ❦ بحر سیاه در سائنہ ہاری انہار ❦

آناطولی شاہانہ داخلندہ بحر سیاہہ پک چوق نہروچای جریان ایتمکدہ ایسہدہ باشلیجہلری (یشیل ایرمق)، (قزل ایرمق)، (فیلیاس)، (سقاریہ) اسخندہ کی نہر لر در .

بشیل ایرماق — (طوزانلی Tozanli)، (چیقریق) نامندہ ایکی قولدن مرکبدر .

بونلردن (طوزانلی = توقاد) چای [۲۳۰] کیلومترو مجرای حاوی] — مذکور چای (کوسہ طاغی) نک شمالدن منبعی آلوب غربہ طوغری جریان ایدہرک لطیف بر وادی داخلندہ اوج تپہ نک میلاری اوزرینہ مبنی (توقاد) شہرینی صولندہ بر اقوب (قاز اووہ سی) دینان محلدن کچدکدن صوکرہ (چیقریق) چایی ایلہ بر اشیر .

(چیقریق) چایی [۲۲۰ کیلومترو طول] — (توقاد) قصبہ سنک جنوبندہ کی (چاملی بل) دن چیقوب غربہ طوغری (آرد اووہ = آرتق آباد) دن و (صولی سرای) یقنندن بالوزور صولدن (آق طاغ معدنی) طرفندن کلن بر قاچ تابعی آلدقن صوکرہ شمال شرقیہ متوجہ اولور . بعدہ صول طرفندن (چوروم) قصبہ سندن کچن بر تابعی و (مجید اوزی) قصبہ سنک مرکزی

اولان ( حاجی کوی ) دن مرور ایدن بردر پی آله رق ( طوزانی )  
چایی ایله برلشیر .

بو ایکی جای یکدیگری ایله برلشدن صو کره ( یشیل ایرماق )  
نامنی اخذ ایدر . بورادن محل انصبابه قدر ۱۶۰ کیلومتر و مجرای  
حاوی بولنور . آندن صو کره ( یشیل ایرماق ) ۵۰ متر و عرض  
پیدا ایدرک ( اماسیه ) شهرندن کچوب صول طرفدن ( مرزیفون )  
قضاسی داخلند جریان ایدن ( ترس آقان ) چایی آلیز . بعده  
( طاش اوودی ) قطع ایدرک صاغ طرفدن کلن ( کلکیت )  
و یاخود ( کرملی ) چایی ایله برلشیر . [ ۱ ]

( یشیل ایرماق ) ، ( کلکیت ) چایی آلدقن صو کره شماله  
طوغری طار . بوغازدن کچوب صاغنه بر اقدینی ( چهارشنبه )  
قصبه سی اوکنده درت قوله آریله رق ( چالتی Tchalti ) برونی  
جوارنده بحر سیاهه دوکیلور .

قزل ایرماق [ ۲ ] [ ۹۶۰ کیلومتر و طول ] — ( کوسه ) طاغی  
اتیکارندن نیجا و غربه طوغری جریان ایدرک ایکی دره

[ ۱ ] ( کلکیت ) چایی [ ۳۴۰ کیلومتر و مجرای حاویدر ] ( آق طاغ ) دن  
نجان و ( کلکیت چفتلیکی ) قصبه سندن غربه طوغری جریان ایدرک  
بر اووه اوزرنده کاشن ( قره حصار شرقی = شبین قره حصار )  
و قویلحصار = قیونلی حصار ) ، ( نیکسار ) قصبه لرینی صاغه بر اقدقن  
صو کره ( طاش اووه ) ده ( یشیل ایرماق ) ایله برلشیر .

[ ۲ ] بونهرک مجراسی چامورلی و رنکی قرمزی اولدیغندن بین الناس  
( قزبل ایرماق ) اسمیله متعارف اولشدور .

اوزرینہ مبنی ( سیواس ) شہرینہ واصل اولور. بعدہ مجراسنی جنوب غربیہ تحویل و طرفیندن (دلیکلی طاش) چانی و (چاملی بل) دن چیقان (خان) سوینی و (قیصریہ) شہری یقینندن کچن (قرہ صو) اسمندہ کی چانی اخذ و (نوشہر) قصبہ سنی صولنہ و (حاجی بکتاش) قصبہ سنی صاغنه ترک ایدہ رک مجراسنی غرب شمالیہ تبدیل ایدر. بعدہ (قیر شہری) قصبہ سنی صاغ تابعندن بری اوزرندہ بر قوب مجراسنی شمالہ تبدیل و (کسکین) ایلہ (حیمانہ) یابلاسی آرمیندن (قلعہ جک) حذاسنہ دکن مرور ایدر. آندن سوکرہ نہر مذکور شرق شمالہ دونوب (کنگری) = چنغری) شہرند کچن (شباب) درہ پی ویا (یاپراقلی) چانی صولدن و (دلیجہ) چانی صاغدن آلہرق (اسکلب) قصبہ سنی صول طرف تابعی اوزرندہ ترک ایدر. بعدہ (قوش) طاغی ایلہ (قرق دایم) طاغلر آرمیندہ طولاشوب طار بر وادیدن جریان ایدہ رک (عثمانجق) قصبہ سنی اوکندہ غربہ طوغری بر دیرسک پیدا ایلر. بر محلدہ صول طرفدن (قوجحصار) قصبہ سندن کچہ رک (طوسیہ) قصبہ سنی صولنہ براقان و لطیف و غایت منبت اراضیدن کچن (دورک Devrek) و (ایلغاز) طاغندن ظہور و (قسطنونی) جوارندن و (طاش کوپری) قصبہ سنی یابندن و (بوی آباد) قربندن کچن (کوک ایرماق) چایلرینی آیلر.

آندن سوکرہ (قرل ایرماق)، (وزیر کوپریسی) قصبہ سندن



مرور ایدن ( بردانه Birdané = بیدانه Bidané ) صوینی صاغدن  
 آلوب ( قطران ) ، ( نیبیان Nibian ) طاغلری آره سنده کی طار  
 بوغازدن کچوب ( بافره ) اوکنده دوز بر اووه یی قطع ایله بحر  
 سیاهه منصب اولور.

فیلبوس یابی — بو چای باشلیجه ( بولی ) ، ( صوغانلی )  
 نامنده ایکی صویک اجتماعدن حصوله کلمدر .

بولی صوبی [ ۱۳۰ کیلومترو طول ] — ( عیاس ) طاغی  
 جنوبندن نبعان و شمال شرقیه طوغری جریان ایدره ک ( بولی )  
 شهری اوکندن بالورور ( منکن Menguen ) قصبه سنی صاغنده  
 ترک ایدر . بعده ( دورک Durek ) قربنده صاغدن کان ( صوغانلی )  
 صوبی ایله برلشیر .

صوغانلی صوبی [ ۱۹۰ کیلومترو طول ] — ( آلا طاغ ) ک  
 شمالندن نبعان و شرق شماله طوغری ( اولو صو ) نامیله جریان  
 ایدوب ( کروهه Guéréde ) قصبه سنی صولنه ترک و ( بایندر  
 Baindir ) قصبه سی اوکنده صاغدن کان ( میلان ) صوبی ایله  
 برلشدکن صوکره ( حماملی صو ) نامیله یاد اولنه رق ( آراج ) دن  
 کچن ( آراج ) صوینی آلیر . بعده ( صوغانلی صو ) نامیله غربه  
 دونوب صاغدن ( زعفران بولی ) قصبه سنی سقی و اروا ایدن  
 ( صارب Sarb ) صوینی وصولدن ( چغا Tzaga ) کولنک آیاغنی  
 آله رق ( بولی ) صوبی ایله برلشیر .

( بولی ) ، ( صوغانلی ) صولری یکدیگری ایله برلشدکن

صوکرہ (فیلیوس) [۵۰ کیلومترو طول] چابی نامیلہ یاد اولنہرق شمالہ طوغری جریان ایدرہ (فیلیاس = حصار اوکی) قرہسی اوکنده بحر سیاہہ منصب اولور .

مقاربہ نہری [۵۶۰ کیلومترو طول] - (بیاد) یا یلاسندن نبعان و (بیاد) ، (سید) صولرینی آلدقن صوکرہ شمالہ دونہرك (حایما) یا یلاسنی صاغنہ براقوب صولدن (پورصوق) [۱] و صاغنن (انقرہ) [۲] چایلرینی اخذ ایدر .

(سقاریہ) نہری (پورصوق) ، (انقرہ) چایلرینی آلدقن صوکرہ جسمات کسب ایدہرك شمالہ طوغری جریان ایدر . بعدہ صاغنن (ایشیق) طاغلرندن ظہور وغرب جنوبیہ طوغری مرور ایدن (قرمر Kirmir = امیر) چابی آلیرکہ بو چای صولدن (آیاش) قصبہ سندن کچن (قرہ بوغا) صوینی و صاغنن (بکبازاری) قصبہ سندن کلن (بکبازاری) چابی اخذ ایدر . آندن صوکرہ (سقاریہ) نہری غربہ دونوب جسم (میخالیج) اورماتی صولنده و (نعللو خان) قصبہ سنی صاغنده ترك ایدوب صاغنن (طوربہلی = کوینک) ، (طراقلی)

[۱] (پورصوق) چابی منبعی (مراد) طاغنن آلوب (کرمان) یا یلاسنی قطع و (کوتاہیہ) شہرینی صولنه ترك و (سلطان اوکی) یا یلاسنک جنوبی تعقیب ایدہرك (اسکی شہر) دن بالمرور (سقاریہ) یہ قاریشیر . [۲] انقرہ چابی ایسہ (انقرہ) شہرنده اوچ صویک برلشمسیلہ حاصل اولہرق غربہ طوغری جریان و (حیمانہ) یا یلاسنک شمائی تعقیب ایدہرك (سقاریہ) نہری ایلہ برلشیر .

قصبه لرندن کچن ( طراقلی ) و صولدن ( دومانیج ) طاغنک  
شرقندن چیقان و ( بوزاویوک = بوزاوق ) دن کچن و ( سکود )  
قصبه سنی صاغنه و ( بیله جک ) قصبه سنی صولنه ترک ایدن  
( چلتیک ) صولرینی آلیر .

آندن صوکره ( سقاریه ) نهری ( لفاکه ) موقعی صاغندن  
کچرک غربه طوغری بر دیرسک پیدا ایدر . بوراده ( دومانیج )  
طاغندن ظهور و ( اینه کول ) . ( یکی شهر ) قصبه لری یقینندن  
مرور ایدن ( کوک صو ) بی اخذ ایدر .

( سقاریه ) نهری ( کوک صو ) بی دخی آلدقین صوکره  
مجراسنی شمال شرقیه تبدیل ایدوب ( کیوه ) بی صاغنده  
و ( کوک طاغ ) ایله ( قومارلی Kumarlu ) طاغنک حاصل  
ایتدیکی ( قره قیا ) بوغازندن کچرک ( صابانجه ) کولی ایله آطه .  
بازاری ) قصبه سنی اسکی مجراسی جهتمده ترک و ( مدرنی =  
مودورنی ) قصبه سندن کچوب ( خندق Khndak ) قصبه سنی صاغنه  
براقان ( مدرنی ) صوینی صاغندن اخذ و ( قوجه ایلی ) یا یلاسفی  
قطع ایدرک ( انجیرلی ) موقعی غربنده بحر سیاهه دو کیلور .

( مرمره دگزلی و رساننده جاری انهار )

آناطولی شاهانه داخلندن مرمره دگزینه بنشلیجه  
( صوصورلی ) دینان ( میخالیج ) صوینی جاریدر .

نهر مذکور ( شاپخانه ) طاغندن ظهور و غربه طوغری  
( سماو ) نامیه مرور ایدرک ( سماو ) کولنی تشکیل و ( رنجیرلی )

قریہ سی جوارندہ مجرا سی شمالہ تحویل ایلدکن صوکرہ  
( میخالیج ) قصبہ سی صاغنه ترك و صولدن ( بالیکسری ) شہری  
بر اووہ اوزرندہ براقان ( اوزونجہ ) درہ یی اخذ واسمی  
( صوصورلی ) یہ تبدیل ایدر .

بعده ( صوصورلی ) نہری ( صوصورلی ) موقعی یقینندن  
بالرور ( میخالیج ) قصبہ سی اوکنده صولدن ( مانیاس ) کولنک  
صوینی آلان ( قرہ درہ ) یی و صاغدن ( اولو آباد = آبولونیا )  
کولنک آیانی اولان ( اولو اووہ ) صوینی اخذ ایدر .

( اولو آباد ) کولنہ دخی ( دومایج ) طاغندن ظہور  
و ( اطرانوس ) ( کرمانتی ) قصبہ لرندن مرور ایدن ( اطرانوس )  
چانی آقار . بعده ( صوصورلی ) نہری صاغدن ( اولفر = نیلوفر )  
چانی آیر .

( اولفر ) چانی ایسہ ( کشیش ) طاغی شمالندن منبعی آلوب  
بر جوق قاپلیجہ لری حاوی اولان ( بروسہ ) اووہ سی اروا  
و ( بروسہ ) شہری صولنہ ترك ایدر .

آندن صوکرہ ( میخالیج ) نہری کنیش بر وادی داخلندہ  
جریان ایدہ رك ( امیر علی ) آطہ سنک قارشوسندہ ( مرمرہ )  
دکزیئہ قازیشیر . [ بونہرك جریان ابتدکی اراضی غایت منبت  
و محصولداردر . ]

( آطہ لر دکزی ورسانندہ جاری انہار )

آباطولی شبہ جزیرہ سی داخلندہ آطہ لر دکزیئہ ( باقر )

چای، (سرآباد)، (کوچک مندرس)، (بیوک مندرس) چایلی  
جریان ایتمکده در.

باقیمایی [ ۱۱۰ کیلو مترو طول ] -- بوچای (اوزنجی  
یا یالا) نك جنوبیدن چیقوب غربیه طوغری جریان ایله (باقیر)  
اووه سنی قطع و (صومه) قصبه سنی صولنده و (برغمه) شهرینی  
صاغنده ترك ایدهرک (چاندارلی) کورفرزنده آطه لر دکزینه آقار.

کدوولی یایی [ ۳۰۰ کیلو مترو طول ] -- بوکا (سرآباد)  
دخی دیرلر. بوچای (شایخانه) طاغنك اتکندن ظهور و (کدوز  
= کدیز) قصبه سندن غرب جنوبیه و بعده غربیه طوغری  
مرور ایدهرک (قوله) قصبه سنی صولنه براقوب (تیمورجی)  
قصبه سندن کچن (تیمورجی) صوینی صاغدن و (اینه کول)،  
(آلاشهر) قصبه لرینی صولنه ترك ایدن (قوزی چایی) صولدن  
آلوب (مرمره) کولی ایله (سارد) شهری خرابه سی آره سندن  
بالرور (صاری اووه = صاری آباد) ی قطع و (طورغولی  
= قصبه) موقعی صاغندن کچوب صاغدن (قوم) چایی اخذ  
ایدر. بعده (کدیز) چایی (مغنیسا)، (منمن) قصبه لری  
یقینندن کچهرک (ازمیر) کورفرزنده آطه لر دکزینه منصب اولور.

کرمک مندرس یایی [ ۱۱۰ کیلو مترو طول ] -- بوچای  
(بوز Bose) طاغندن نبعان و غربیه طوغری جریان ایدهرک  
صاغنه (اوده مش) و صولنه (جمعه) طاغنك اتکندن مینی (تیره)  
قصبه لرینی ترك و (بایندر) قصبه سنی صاغ وادیسندن براقوب



( آیاتلوغ ) قصبہ سندن بالمرور ( قوش آطہ سی ) لیمانندہ آطہ لر  
دکزینہ دوکیلور.

بیوک مندرسی یابی [ ۳۳۰ کیلو مترو طول ] —  
مذکور چای ( بش پرمق ) طاغی اتکندن چیقوب صاغدن  
( صندوقلی ) چانی آلدقندن صوکرہ غربہ طوغری ( چال ) اووہ سندن  
جریان ایدہ رک صاغدن ( مراد ) طاغندن نبغان ایدن و ( عشاق )  
قصبہ سنی صاغنه براقوب ( باناز Banaz ) موقعندن کچن ( باناز )  
چانی ایله صولدن کذا ( بش پرمق ) طاغندن ظهور و ( بابا )  
طاغدنک اتکنہ مبنی ( دکزلی ) قصبہ سنی صولنه و ( پموق قلعه )  
خراہہ سنی صاغنه ترک ایدن ( چوروک ) صوینی اخذ و ( آیدین )  
اووہ سنی قطع و ( نازللی ) ، ( آیدین = کوزلحصار ) قصبہ لرینی  
صاغندن ترک ایدوب مجراسنی غرب جنوبی بہ تحویل ایتدکدن  
و ( باقی = پالاتیہ ) اسم لر یلہ یاد ایتدکاری ( آغیز Akiz ) کولنک  
آیاغنی دخی صولدن آلدقندن صوکرہ ( پالاتیہ ) قریہ سی یقینندن  
بالمرور آطہ لر دکزینہ منصب اولور.

### ( بحر سفید و رسانندہ جاری انہار )

آسیای عثمانی داخلندن بحر سفیدہ پک چوق چای ودرہ لر  
آقارایسہدہ باشلیجہ لر ( کوکھو ) ایله ( طرسوس ) ، ( سیحان ) ،  
( جیحان ) ، ( عاصی ) نہر لریدر .

کوکھو [ ۱۸۰ کیلو مترو طول ] — بو صو ( کیک ) طاغی  
جوارندن نبغان وشرق جنوبی بہ طوغری ( ایچ ایل ) یایلا سندن

جریان ایدوب (ارمناك) قصبه‌سنی صولنه و (سافكه) قصبه‌سنی  
صاغه بر اقدقدن سوكره (آق دكن) آقار .

طرسوس یابی [۱۰۶ کیلومترو طول] — بو جای ایکی  
قولدن نبعان و جنوبه طوغری اورمانلق و منبت اراضیدن  
جریان ایدوب (طرسوس) قصبه‌سنی صاغه براقه‌رق (مرسین)  
کورفزنده بحر سفیده دوکیلور .

سجانه نه‌ری [۳۵۰ کیلومترو طول] — نهر مذکور  
(کوکسو) ایله (قزل صو) نامنده کی چایلك اجتماعدن حصوله  
کله‌شدر. بونلردن (کوکسو) ، (صاران صو Saran Sou) نامیله  
(تنوز) یا یلا‌سندن ظهور و (بيك بوغا) طاغی ایله (قوزان)  
طاغلری آره‌سندن جنوب غربیه طوغری مرور ایدرك  
(کوکسو) اسمیله یاد اولنور. بعده صاغده بر قیالق محله  
(حاجین) قصبه‌سنی ترك ایدرك (قزل صو) ویا (صماتی = این)  
ایرماغی ایله برلشیر .

(صماتی) ایرمنی ایسه (خنزیر) طاغندن نبعان و (قوزان)  
طاغلری صولنه براغوب غرب جنوبیه طوغری جریان  
ایدرك (کوکسو) ایله برلشیر .

(صماتی) . (صاران) صولری برلشدکن سوكره (سیحان)  
اسمنی آلوب بر چوق چای و ایرمقلر ایله ده .لاق اوله‌رق  
(چقور اووه) دن و (آطنه) شهرندن بالورور (طرسوس) چایی  
محل انصبابی یقیننده بحر سفیده دوکیلور .

مچانہ نہری — ( سکودلی ) ، ( خرما ) اسمندہ کی ایک  
چایدن مرکبدر .

بونلردن ( سکودلی ) چایی ( چتال تپہ ) نک شمال سمتندن  
ظہور و ( البستان Elbistan ) قصبہ سندن مرور ایدہ رک  
( خرما ) صوبی ایلہ برلشیر .

( خرما ) صوبی ایسہ ( بیک بوغا ) طاغندن منبعی آلوب  
شرق جنوبیہ طوغری جریان ایدہ رک ( پالانقہ یا یلاسی ) دینان  
محلی بالمرور ( سکودلی ) چایی ایلہ برلشیر .

بو ایکی صو یکدیگری ایلہ برلشہ دکن صو کرہ اسمنی  
( جیحان ) • تبدیل و استقامتی اولاً جنوبیہ بعدہ غربہ تحویل  
ایدر • جنوبیہ طوغری حین جریانندہ ( مرعش ) قصبہ سی  
جوارندہ صول طرفدن ( آق صو ) نامندہ بر چای آلیرہ . ( آق  
صو ) دینان چای دخی ( چتال تپہ ) نک جنوبیہ دہ کی ( باش  
کول = کول باشی ) دن نبعان و غربہ طوغری جریان ایلہ ( معدن ) ،  
( چنار ) کولارینک صولرینی آلدقندن و ( بل ویرن ) ، ( بازار جق )  
یا یلالریتی صولنہ براقدقندن صو کرہ ( شکر اووہ سی ) اسمیلہ  
تسمیہ ایدیلن اووہ نی بالمرور جیحان نہر بنہ قاریشیر .

( جیحان ) نہری ( آق صو ) یی دخی آلدقندن صو کرہ ( بولانیق )  
یا یلاسنی صولنہ ترک و ( ذوالقدریہ ) و ( سیدس ) قصبہ لری قربندن  
مرور ایدن توابعی صاغدن و ( جبل برکت ) دن کلن ( آغا ) چایی  
صولدن آلوب ( چقور اووہ ) یہ داخل و ( یمورطہ لق ) لیانی  
جنوبندہ ( اسکندرون ) کور فزینہ واصل اولور .

عاصی نهری [ ۳۰۰ کیلومتر و طول ] — بو نهر (بعلبک)  
جوارنده (شرقی لبنان) طاغلرندن ظهور و جنوبدن شماله  
طوغری مرور ایدرک (حصص) کولنی تشکیل ایله (حصص)  
قصبه سنی یارم ساعت مسافده بر اوووده ترک ایدر. بعده (حما)  
شهرندن و (جسر شعور) قصبه سنی صولته و (جسر جدید)  
قصبه سنی صاغه براغوب (عمیق = آق دکز) کولنک آیاغنی  
دخی آلهرق مجرائنی جنوب غربیه تبدیل ایدر.

مذکور کوله دخی (کرد) طاغی طرفدن کله رک (عمیق)  
اوووه سنی قطع ایدن (عفرین Afrin)، (قره صو) نامنده کی  
چایلر منصب اولور.

آندن صو کره (عاصی) نهری (آنطاکیه) شهری اوکنندن  
بالرور (سودیه) فربنده بحر سفیده دوکیلور.

(بصره کور فزی و رساننده جاری انهار)

بصره کور فزینه (فرات)، (دجله) نهرلرینک اجتماعندن  
حصوله کلن (شط العرب) اسمنده کی نهر جریان ایتمکده در.

فرات نهری — (قره صو = فرات غربی) و (مراد =  
فرات شرقی) چایلرینک اجتماعندن حاصل اولمشدر.

قره صو [ ۴۰۰ کیلومتر و طول ] — بو چای (دوملی  
Doumlou) طاغلندن ظهور و غربه طوغری مرور ایدرک  
صول طرفدن (پالان دوکن) طاغلرندن ظهور و (ارضروم)  
شهری ایله جوارینی اروا ایدن (یغمور) دره یی آلوب (ارزنجان)  
اوووه سندن مرور ایدرک صاغ ساحلی اوزرنده (ارزنجان) شهر

مشہورینی براقوب (کاج) قصبہ سی قارشوسندہ بر کو پریدن  
 چکر. سوکرہ نہر طارلا شمعہ باشلا یہرق مجراسنی جنوبہ تبدیل  
 ایله صاغدن (دیوریک) طرفندن کان (چالنا) صوینی اخذ  
 و (اکین) قصبہ سی صاغ ساحلی اوزرنده ترك ایدر. سوکرہ  
 (عربکیر) قصبہ سی یقینندن کچن (عربکیر) جانی دخی صاغدن  
 آلوب (کبان معدنی) قصبہ سندہ وارمزدن اول (مرات) چانی  
 ایله بر اشیر. [بو صویک کما حدن آشاغیسی اوفاق قایقلرک سیر  
 و حرکتہ مساعد ايسه ده مجراسندہ کی قبالقلرک قردیرلمسی  
 و دونک محللارندہ کی کردابلی حصولہ کتیرن مواقعک بر طرف  
 ایدلمسی لازمدر.]

مرات مابی [۵۲۰ کیلو مترو طول] — بوچای بری  
 (شیریان) طاغدن چیقوب (الشکرد) اووه سنی قطع و دیگری  
 (اکری) طاغنک جنوب شعبه لرندن منبعی آلهرق (دیادین) دن  
 مرور ایدوب (قره کلیسا) قصبہ سی صاغنه ترك ایدن ایکی قولدن  
 حاصل اولمشدر.

بوایکی قول یکدیگریله برلشدکن سوکرہ (مرات) چای  
 نامیله مجراسنی جنوب غربیہ تحویل ایدر. بعدہ عارضہ لی  
 و منبت اراضی داخلندن بالمرور (ملازکرد) قصبہ سی کچدکن  
 سوکرہ صاغدن بر قاج قولدن مرکب اولان (خنس Khnis)



صویتی اخذ و (بولانیق) قصبه‌سی صولنه بر اقوب صولدن آلدینی  
(قره‌صو) وادیسنده (موش اووه‌سی) ایله (موش) قصبه‌سی ترک  
ایدر. بعده (مرات) چایی (کنج) اراضی‌سی قطع و (بالو) قصبه‌سی  
اوکنده کی کچیدنن کچوب صاغدن (پری) چایی آله‌رق (خرپوت)  
قصبه و اووه‌سی صولنده ترک و (چشمک‌زک Tchimisheguezek)  
چایی دخی صاغدن اخذ ایله (فرات) چایی ایله برلشیر .

مذکور الاسامی (قره‌صو) ، (مرات) چایلری یکدیگی  
ایله برلشدکن صوکره (فرات) نامیله [۱۸۰۰ کیلومتر و مجرای  
حاوی] یاداولنه‌رق (کبان معدنی) کوپریسندن بلرور (موزور)  
طاغی اوکنده غربه طوغری بیوجک بر دیرسک پیدا ایدره‌رک  
صاغدن (قوری‌چای) نامنده کی چایی و (ملاطیه) قصبه‌سی صاغنه  
ترک‌ایدن (طوخه) صوینی آلوب مجراسنی جنوب شرقی به تبدیل  
و (ایزولی Izoli) قریه‌سی اوکندن مرور ایتدکن صوکره یوز  
کیلومتر و لوق بر محله درت عدد چاغلان حاصل و (Telék تلک)  
موقعی اوکنده مجراسنی سمت غرب جنوبی به تحویل ایدر. [ایزولی  
موقعنه قدر (فرات) نهری اوزرنده قایق‌لر ایشلر ایسه‌ده اورادن  
آشاغی به چاغلانلر اولدینندن کچه منزلر] آندن صوکره (فرات)  
نهری طرفدن (قره‌چای) ، (کاخته) صوینی کی بر قاق صو  
آله‌رق (روم قلعه) بی صاغنه و (بیره‌جک) قصبه‌سی صولنه  
ترک و صاغدن (زیب) طرفدن مرور ایدن (جواد) و (عیناب)

قصبہ سی یقینندن کچن ( ساچور Sadjour ) چایلرینی اخذو ( قلعة النجم )  
 خرابہ سنی و ( بالیس = مسکنہ ) قلعہ سنی صاغنه ترك و مجراسنی  
 جنوب شرقیہ توجیہ ایدمرك ( جمبر ) قلعہ سی خرابہ سی جنوبندن  
 کچوب ( رقه ) قصبہ سنی صولنه براقور . بعدہ صولدن ( الجزیره )  
 قطعہ سنك کلیدی مشابہ سنده اولان ( اورفه ) و ( حران )  
 قصبہ لرندن مرور ایدن ( بلیدج Belidje ) چانی آلیر . آندن  
 صوکره ( زور ) سنجاغنك مرکزی اولان ( دیر ) شہرینی صاغ  
 ساحلی اوزرنده تركو ( البصیر El-bouseir ) قریہ سی جوارنده  
 صولدن ( خابور ) چانی اخذ ایدر .

( خابور ) چانی ایسہ باشلیجه ایکی قولدن مرکبدر . آنلردن  
 بری ( رأس العین ) قصبہ سی یقینندن و دیگر ( مار دین ) قصبہ سی  
 جوارندن مرور ایدر . مذکور چای دخی صولدن ( نصیدین )  
 قصبہ سی یانندن کچن بر تابعی آلیر .

( فرات ) نہری ( خابور ) چانی آلدقندن صوکره غایت واسع  
 اووہ لرہ داخل اوله رق صاغ ساحلی کنارنده ( عشارہ ) ، ( ابو کمال ) ،  
 ( القائم ) و ( بغداد ) ۶۵ ساعت مسافہدہ اولان ( عنہ Anah )  
 نامندہ کی کوی و قصبہ لری ترك ایدر . صوکره داخلندہ بولنان  
 بر طاقم اوقاق آطلر اوزرینہ مبنی مواقعدن بالمرور کذا صاغ  
 ساحلی اوزرنده ( حدیشہ ) موقعی وشام کارباننك آرامکاهی اولوب  
 داخلندہ زفت منبہ لری وطوزله بولنان ( ہیئت Hit ) قصبہ سی ایله  
 ( قلعة الرماد ) موقعی براقورق ( فلوجہ Féloudje ) قلعہ سنے

کلیر [۱]. بعده ( فرات ) نهری صول ساحلی اوزرنده ( مسیب Mouseyyib ) قصبه سنی ترك ایدوب مشهور ( بابل ) خرابه سنی صولنه و ( حله Hillé ) قصبه سی کنارندن مرور ایدهرک ( حسینیه ) قنالی اوزرنده کائن ( کربلا = مشهد حسین ) قصبه سنی و ( هندیه ) بتاقلغنی و ( بحر ابو نجم ) نامنده کی کولی و ( بحر نجف ) دینان کولک کنارنده واقع ( نجف = مشهد علی ) قصبه سی ایله جوارنده کی ( کوفه ) مشهور خرابه سنی صاغنه ترك و ( شنافیه Chinafiye ) طرفندن کلن ( شط الرماهیة ) نامیله برقول اخذ ایدهرک ( دیوانیه ) قصبه سنه کلیر . بعده صاغ طرفدن آدینی ( شط العطشان ) نامنده کی برقول اوزرنده ( سماوه ) قصبه سنی براقوب ( قلعة الخضر ) اوکندن کچهرک ( ناصریه ) جوارنده صولدن ( شط الاماره ) ویا ( الحی El-hai ) نامنده ( دجله ) نهری قوللارندن برنی آیر . صوکره ( فرات ) نهری ( سوق الشیوخ ) قصبه سنی صاغنه و ( منتفک ) بتاقلقلرینی صولنه ترك وبر طاقم اوفاق قریه لردن مرور ایدهرک ( قورنه ) قصبه سنده ( دجله ) نهری ایله برلشیر .

دومده نهری [ ۱۶۰۰ کیلومتر و طول ] — ( شط ) اسمیله دخی بنامدر . نهر مذکور ( شط غربی ) ، ( شط شرقی ) قوللارندن مرکبدر .

[ ۱ ] ( فلوجه ) دن ( مسکنه ) یه قدر صولرک چوشغنانی زمانی واپورلر و ( بیره جک ) قصبه سنه دکن کلکلر ایشلیه بیلیر . ( فلوجه ) دن آشاغی ( فرات ) نهری برطاقم قنالره تقسیم اولمشدر .

بوناردن (شط غربی) منبعی (صاری میشه) طاغٹ شرقیہ واقع (کولجک Gueuldjik) نامندہ کی کولک جنوبین آلوب [بو موقع (تہلک) موقعہ ۱۰ کیلومترو اوزاقہ در.] (ارغی معدنی) اوکندن کچہرک مجرا سی شرقیہ تبدیل و سولدن (سیوان) معدنندن کلن (زیبانہ Zibané) چائی بالاخذ جنوبیہ طوغری جریان ایدر. بعدہ صاغ طرفندہ (دیاربکر) شہری براقوب اوکندہ کی اونبر کوزلی کوپریدن کچدکدن سوکرہ مجرا سی شرقیہ چویروب سولدن (موش) شہری جنوبیندن کلن (بطمان) چائی و (رضوان) دن کلن دیگر بر تابعی اخذ ایدہرک (تیل Til) قریہ سی اوکندہ (شط شرقی) ایلہ بر اشیر.

(شط شرقی) نہری ایسہ (وان) کولنک جنوبیندہ ایکی منبعین تنبع ایدوب (سعد) قصبہ سندن کچہرک صاغدن (بتایس) چائی اخذ ایدر.

شرقی و غربی شط نہری یکدیگری ایلہ بر اشدکدن سوکرہ (دجلہ) یعنی (شط) اسمیلہ یاد اولنہرق غایت طار بریتاقدن جنوبیہ طوغری جریان ایدوب (جزیرہ ابن عمر) اسمندہ کی قصبہ دہ بر آطہ تشکیل ایدر. بعدہ (دجلہ) نہری وادیسی کنیشلیہرک سولدن (زاخو Zakho) دن کلن (خابور) صوینی آلوب (بو تما Boutma) طاغٹ اطرافنی طولاشدقدن سوکرہ (موصل) وادیسنہ داخل اولور. آندن سوکرہ نہر مذکور (موصل)

شهری صاغ ساحلنده و (نینوا) خرابه‌سی صول طرفنده  
 براقوب صولدن (زاب الکبیر) نامنده کی صوی اخذ ایدر [۱].  
 (دجله) نه‌ری (بیوک زاب) صوی آلدقن صوکره جنوبه  
 طوفری طرفینی چول اولق اوزره جریان ایدر. حین جریانده  
 صاغدن یاز موسمنده صوسنر قالان بر قاج ایرمنی و صولدن  
 (کوچک زاب) صوی اخذ ایلر.

(دجله) نه‌ری (کوچک زاب) صوی دخی آلدقن  
 صوکره (جبل هم‌رین) ک حاصل ایتدیکی بوغازدن کچر ایکن  
 (قلعه الجبار) ی صاغنه و (تکریت) قصبه‌سی یانندن بالمرور  
 (اسکی بغداد) خرابه‌لرینی و (سامرا) قصبه‌سی صولنه ترک  
 ایدوب صولدن (کرکوک) دن و (شهرزور) یایلاسنندن کچن  
 (شط‌الادهم) نامنده بر تابعی آلوب (بغداد) شهر ی اورته‌سندن  
 بالمرور صولدن ۵۰۰ کیلومترو امتدادنده اولان (دیاله) صوی  
 اخذ وصول ساحلی اوزرنده (عزیزیه = قلعه‌الشمر) موقعی

---

[۱] (زاب الکبیر) دینلن (زاب اعلا) صوی [۴۳۰ کیلومترو  
 طول] منبعی (قطور) طاغلرندن اخذ و (الباق) ، (کوار) یایلا‌لرینی  
 وغایت طاغلق و عارضه‌لی اولان (حکاری) اراضی‌سی مرور ایده‌رک  
 صاغنده (باش قلعه) و (چوله‌مرک) قصبه‌لرینی و صولنده (چال)  
 قصبه‌سی براقوب مرتفع بر وادیده کائن (عمادیه) قصبه‌سی یقینندن  
 کچن بر تابعی صاغدن و (رواندز) قصبه‌سندن مرور ایدن (رواندیز)  
 صوی حولدن آلوب (عقره) موقعی صاغنه و (ارییل) قصبه‌سی  
 صولنه ترک ایده‌رک (دجله) نه‌ری ایله برلشیر.



ایله ( کوة الاماره Kout el - Amara ) [ ۱ ] قصبہ سنی ترک  
ایتدکن و ( فرات ) نہری ایله اتصال کسب ایدن ( شط الاماره =  
الحی ) نامندہ کی قول تفریق اولندقدن صوکرہ ابتدا مجراسنی  
شرقہ و صوکرہ جنوبہ تبدیل و اورادہ ( امام علی الغربی ) قصبہ سنی  
صاغہ و ( امام علی الشرقی ) قصبہ سنی دخی صولنہ ترک و ( عمارہ )  
قصبہ سنی یقینندن مرور ایدر . بعدہ بر طاقم بتاقلقدن کچوب  
( قورنہ ) قصبہ سندی ( فرات ) نہرینہ ملاقی اولور [ ۱ ] .

شط العرب [ ۱۸۰ کیلومتر ] — ( فرات ) ، ( دجلہ ) نہرلری  
یکدیگری ایله براشدکن صوکرہ ( شط العرب ) اسمنی آلہرق  
جنوب شرقیہ طوغری جریان ایدر . حین جریانندہ صولدن  
۶۸۰ کیلومترو مجرای حاوی اولوب ممالک ایراندن کلن و ( سامیدہ  
Samida ) بتاقانی درونندہ یاییلان ( کرخا Kerkha ) نہرینی  
اخذ و صاغ ساحلندن اوچ کیلومترو اوزاغندہ ( بصرہ ) شہرینی  
ترک ایدر . بعدہ ( شط العرب ) چبلاق و دوز براوودن کچہرک  
باشایمجه ایکی قول ایله ( بصرہ ) کور فزینہ دوکیلور . مذکور

[ ۱ ] ( کوت ) لسان ہندیہ حصار وقلعہ معناسنہ کلوب عراقک  
اول سمتلرنندہ طوپراقدن یاییلان قلعلرہ ( کوت ) اطلاق ایدرلر .

[ ۲ ] ( دجلہ ) نہرندہ واپورلر ( بغداد ) دن ( موصل ) ہ زورقلعہ  
ایشلیہ بیلیر . ( دجلہ ) نہری ( فرات ) نہرینہ نظراً دھا طولامباح بر مجرا  
دروندن جریان ایدر ایسہدہ ( فرات ) دہ تصادف اولتان قوم بیغیلری  
وقامشقلر بوندہ موجود اولمدیغندن ( دیاربکر ) دن اعتباراً آشاغیہ  
طوغری کلکلر ہر وقت کیدہ بیلیر .

قوللرندن ایران طرفنده اولانی (نخمره) قصبه سی یقیننده ممالک  
ایراندن کان ۵۴۰ کیلومتره طولی بولسان (کارون = قارون)  
نهرینی اخذ ایدر. بو قولک بصره کورفزینه منصب اولدینی محله  
(قار) آغزی دیرلر. بو ایکی قول آره سنده تشکیل ایتمش  
اولان آله دخی (جزیره الکعب) اسمی آیر.

### ❖ کوللر ❖

آسیای عثمانیده کوللر کثیر اولوب سطحاً (اسویچره)  
کوللرندن زیاده در. باشلیجه لری (وان) کولی ایله (بحرلوط)  
(طوزلی کول)، (اکردیر)، (بک شهر)، (اق شهر)، (سبانه)،  
(ازنیق)، (آرلونیای = میخالیج)، (مایاس) کوللریدر.

راه کولی — بو کول آسیای عثمانیده بولنان کوللرک ال  
بیوکی اولوب تقریباً ۶۵ فرسخ محیطنده اوچ طرفی سرتفع  
طاغلر و یوکسک یا بلالر ایله محاط و شرق جهتی بر یا بلا ایله  
محدوددر. سطح محردن دخی ۶۲۵ متر و قدر ارتفاعی ۲۵۰ متر  
قدر دخی درین لرلی واردر. کندی به متعدد چای و دره لر جریان  
ایتمکده در. باشلیجه لری (بند ماهی = صغوق صو) و (مارمید  
= قره چای) در. کولک صونی طوزلیدر. دروننده (سازان)،  
(کفال) بالقلری صید ایدلکده در. بو بالقلر کولک صوینک  
ترکیبنده کو کردلی سوده بولندیغندن موسم صیفده یشایه میوب  
چایلرک بحرالرینه هجوم ایدرلر.

کول داخلنده واپور ایشلتمک تصور ایدلمشدر. فقط ایوم

یاں کن کیلری ایشلک اسکله لره اوضرایه رق مذکور کولک  
محیطی طولاشمقدہ دره ایشلک اسکله لری دخی ( وان ) ،  
( آخلاط ) ( ارجیس ) ( طاطوان ) دره ( وان ) ایله ( آخلاط )  
آره سی ۱۷۰ میل بحریدر ( وان ) کولی داخلندہ چند عدد  
آطه جق موجود وباشلیجہ سی ( واسطان ) اسکله سی قارشوسندہ  
( آقطمار ) نامیلہ مشهوردر .

بحر لوط — بوکا ( بحر میت ) دخی دیرلرہ مذکور کولک  
صوی دخی آجی اولوب عمقی زیادہ اولدیغندن بحر — فیددن  
کوله قدر بر قنال آچلمش اولسه بحرك صوی مذکور کوله  
جریان ایدہ حکمی طبیعیدر . ( بحر لوط ) ۶۴ کیلومترو طولندہ  
و ۸ الی ۱۳ کیلو مترو عرضندہ در .

بوکول ۵ کیلومترو عرضندہ ۶ کیلومترو طولندہ مثلث  
شکلنہ مشابہ اولان ( حوله Houle ) و ( طبریہ ) کوللرینک صوی  
( جبل الشیخ ) ک طرف غریبسنندن حاصل اولان ( اردن =  
زوردن ) نہری واسطہ سیلہ آیر .

( طبریہ ) کولی دخی ( سوریہ ) قطعہ سندہ بولنان کوللارک  
( بحر لوط ) دن صوکره اک بیوکیدر . مذکور کولک ۲۰ کیلومترو  
عرضی و ۲۱ کیلومترو طولی اولوب — سطح بحردن ۲۳۰ مترو  
مرتفعدر

طوزلی کول — بوکا ( طوزلی کول ) ویا ( قوچحصار ) کولی  
دیرلرہ مذکور کول مرکز یا یلاسنک شرق شمالیسنده و ۱۱۰۰

کیلومتر و تربیعده اولوب (وان) کولندن سوکره ممالک عثمانیهده بولنان کوللرک اک بیوکیدر. سطح بچردن دخی ۹۵۰ مترو قدر مرتفعدر. مذکور کولده صوی آجی و طوزلی اولدیغندن بهر سسنه حزرانده صوی چکیلوب طبیعی پک چوق طوز حاصل اولور. بوملجهنک سنوی اوچ مایون قیهدن زیاده صرفیات واردر. کولک شرق شمالیسنده واقع (قوچحصار) قصبهسی بو یوزدن خیلی استفاده ایتمکدهدر. اشبو طوزلی کوله جهت غربیهدن (سلطان) طاغندن کلن (این) صوی و سم جنوب شرقیدن (حسن) طاغی انکلرندن چیقان (بیاض) سو دو کیلور. غربینده دخی (مرات) صونامنده برکول واردر. کول داخلنده برقاج عدد آطه جق موجوددر. بو آطه لک برنده طاتلی سو و بعض ابنيه عتیقه آثاری مشاهده ایدلمکدهدر.

اکردیر کولی — بو کولک جنوبینده (اکردیر) قصبهسی بواندیغندن اونام ایله یاد ایدلمکدهدر. اطرافی بتون سنکستان و جبال اولان مذکور کول ایکی طرفنده بولنان عوارضدن طولانی ایکیه تفرق ایلیمشدر که شمال قسمنه (حویران Haviran) و جنوب قسمنه (اکردیر) کولی اسمی ویرمشلردر. بونلردن حویران کولی مدور و (اکدیر) کولی بیضی شکلندهدر. کلیملی بالق صید ایدیلن مذکور (اکردیر) کولی ۴۵۰ کیلومتر و مسافه استیعاب ایتمشدر.

بکشری کولی — طولانی الشکل اولان بو کول (دیب پوراز) طاغنک شرقنده ۶۰ کیلومتر و طولنده و ۶۰۰ کیلومتر و

مترو تربیعندہ اولہرق درونندہ دالیان خدمتی ایفا ایدر آطہ جقلر  
موجوددر . بوکول ( بکشہری ) صوی واسطہ سیلہ ( کولک =  
کیک ) طاغنگ جنوبندہ واقع ( صوغلہ Soghla ) کولنہ اتصال  
کسب ایتشددر . ( بکشہری ) کولنک صوی دخی زیادہ لشدہ رک  
قونیہ اووہ سندنہ واقع ( وارساق ) تعبیر اولنان بیوک بتاقلغہ  
جریان ایدر . اشبو قونیہ بتاقلنی ایسہ ۷۰ : ۸۰ کیلومترو  
طوانندہ جسم بر بتاقلقدرد .

آق شہر کولی — بوکول (سلطان) طاغنگ سمت شمالیسنندہ  
کندی اسمنندہ کی شہرک قربندہ و ۱۸ کیلومترو طوانندہ اولوب  
( ابر Eber ) نامندہ کی کولک صوینی بر آباق واسطہ سیلہ اخذ  
ایدر .

( آق شہر ) کولنک جنوب شرقیسنندہ صیغ طولانی الشکل  
( ایلغین ) کولی وارددر ،

ازنیہ کولی — مذکور کول ۲۰ ساعت محیطندہ و ۱۰۰  
مترو عمقندہ اولوب ( کملیک ) کورفزیہ بر آباق ایلہ متصلدر .  
( ازنیق ) قصبہ سی دخی کولک ساحل شمال شرقیسنندہ کائندر .

آبولونیا کولی — بو دخی ( ازنیق ) کولی وسعتندہ  
اولوب درونندہ آطہ جقلر وحصر سازی وکثیرالمقدار بالق  
بولنور . مذکور کولہ ( سنجان Sendjan ) صوی ایلہ برلشن  
( اطرانوس ) صوی جریان ایتشددر . بو کولک بالق حاصلاتی  
کثیردر .



مانیاس کولی — ۲۳۰ کیلومترو تربیغنده اولان بو کول  
اوزونجه یایلادن چیقان ( قره دره ) حصوله کتیرمشدیر .

صولرک جوشقونلانی زماننده ( مانیاس ) کولی اطراف  
اراضی بی باصه رق صولری چکدکن سو کره جوارنده پک  
چوق بتاقلق حاصل ایدر .


آسیای عثمانیده مذکور الاسامی کوللردن باشقه پک چوق  
کول موجود و آنلر منسوب اولدقلری ولایات داخلنده  
مذکوردر .

### — تعریفات ملکیه —

آسیا قطعه سنده بولنان ممالک شاهانه ( ۲۲ ) ولایت ایله  
( جبل لبنان ) مستقل متصرفلغی و ( سیدسام ) بکلیکنی حاویدر .  
ولایات مذکورددن ( قسطنیونی ) ، ( طربزون ) ولایتلری  
بحر سیاهه و ( خداوندکار ) ولایتی ( مرمره ) دگزینه و ( آیدین ) ،  
( جزائر بحر سفید ) ولایتلری و ( سیدسام ) بکلیکی آطالر دگزینه  
و ( قونییه ) ، ( آظنه ) ، ( حلب ) ، ( بیروت ) ولایتلری بحر سفیده  
و ( بصره ) ولایتی ( بصره ) کورفزینه ساحلدر . ( بغداد )  
( موصل ) ، ( وان ) ، ( ارضروم ) ولایتلری حدود شرقیده  
و ( بتلیس ) ، ( دیاربکر ) ، ( معموره العزیز ) ، ( سیواس ) ،  
( انقره ) ، ( سوریه ) ولایتلری وسط ممالکده و ( حجاز ) ،  
( یمن ) ولایتلری ( بحر احمر ) ساحلنده واقعدر .

ولایات مذکورہ مقرر ادارہ لری کنندہ اسماریہ مسمی  
 شہر لردر۔ فقط (خداوندکار) ولایتک ادارہ مرکزی (بروسہ)  
 و (آیدین) ولایتک مقرر ادارہ سی (ازمیر) و (معمورۃ العزیز)  
 ولایتک کرسی ادارہ سی (خرپوت) و (سوریہ) ولایتک  
 (شام شریف) شہر لریدر۔

(جبل) لبنان متصرفی و (بیت الدین) دہ و (سیسام) یکی  
 (حورا Hora) قصبہ سندہ او طور مقدمہ در۔  
 (حجاز) ولایتک مقری (مکہ مکرمہ) و (طائف) و (یمین)  
 ولایتک (صنعا) شہر لریدر۔



## — بحر سیاه ساحلندہ واقع ولایات —

### ﴿ قسطنمونی ولایتی ﴾

حدود — سکنہ — تعریفات طبیعیہ — محصولات ارضیہ  
 وصناعیہ — صورت ادارہ — احوال بلاد مشہورہ

صہر — آناتولی شاهانہ نك حاوی اولدینی ولایادن  
 (قسطنمونی) ولایتی شمالاً (بحر سیاه) ساحل اولہرق شرقندہ  
 (طر بزون) ، (سیواس) وجنوبندہ (انقرہ) ولایتلری واقع  
 وغربندہ (خداوندکار) ولایتی و (زمید) متصرفانی کاندرد.

سکنہ — قسطنمونی ولایتنك مقدار سکنہ سی مسلم و غیر  
 مسلم اولہرق ۹۵۱,۰۰۰ قدر نفوس ذکور وانات تخمین  
 ایدلکدہ در.

تعریفات طبیعیہ — ولایت مذکورہ ارضی طاغلق  
 واورمانلری کثیر وعارضہ لی بریایلا اولوب طاغلرندہ معادن دخی  
 موجود وباشلیجہ واپور کموری ایله باقر معدنی کثرتایدرد.

طاغلرک باشلیجہ سی آناتولی سلسلہ شمالیہ سیدرد. (ایلغاز) ،  
 (بولی) ، (عباس) طاغلری مذکور سلسلہ جبالك  
 اقسام مهمہ سندندرد. (ایشیق) ، (آلا) ، (قوش) طاغلری دخی

( انقره ) ولایتی حدودینک بر قسمی تشکیل و ( فیلیوس ) ،  
 ( سقاریه ) نهرلری حوضه لرینی بری برندن تفریق ایدرلر .  
 ( قزل ایرماق ) ایله ( دوره کانی ) ، ( بارطین ) ، ( فیلیوس ) ،  
 ( میلان ) ، سولری ( قسطنونی ) ولایتی انهارنده داخل و بونلردن  
 ( قزل ایرماق ) ولایتک شرقنده و ( میلان ) صوبی غربنده  
 جاریدر .

محصولات ارضیه و صنایع — ( قسطنونی ) ولایتک هواپی  
 لطیف ، رضی منبتدر . سمت غربیسنده پرنج یتیشیر وادیلری  
 دخی واردر .

محصولات ارضیه سی حبوبات ایله ( کراسته ) ، ( کتان ) ،  
 ( یور ) . ( ارکلی ) ده کی ( معدن کوری ) مشهوردر . مرغالرنده  
 دخی ( کچی ) ، ( قیون ) کلیت اوزره بسلییر . باقر معدنلرینک  
 کثرتدن ناشی اهاالینک باقر جیلق صنعتنده مهارتلی واردر .  
 ولایتک تجارتی ( اینه بولی ) ، ( سینوب ) ، ( ارکلی )  
 شهرلری ایله جریان ایتمکده در .

### — صورت اداره —

( قسطنونی ) ولایتی ( قسطنونی ) ، ( بولی ) ، ( سینوب ) ،  
 ( کنغری ) نامنده درت عدد منصرفلغه منقسمدر . مقر ولایتی  
 ( قسطنونی ) شهری اولوب سنجاق مرکزلی همنامی اولان  
 شهرلردر . مذکور سنجاقلری تشکیل ایدن قضالر بروجه آت  
 جدوله کوسترلشدیر .

بولی سنجاغی			قسطمونی سنجاغی		
مرکز اداره لری	قضالر	ن. پ.	مرکز اداره لری	قضالر	ن. پ.
	ارکلی	۲	=	اینه بولی	۲
	بارطین	۲	=	زغفرانبولی	۲
	کویٹک (طوربالی)	۳	=	طوسیہ	۲
=	کرده	۳	یازی کوی	آراج	۳
	دوزجه	۲	=	طاش کوپری	۳
	مدرنی	۳	پازار محلی	طاطای	۳
صو چاقی	حمیدیه	۳	حمیدنه قریه سی	جیده (کرپه)	۲
	زورقولداق	۳	=		
سینوب سنجاغی			کنگری سنجاغی		
=	بوی آباد	۳	=	چرکش	۲
=	استفان (یا عیالبحق)	۳			


### — احوال بلاد مشهوره —

قسطمونی شهری — مقر ولایت اوله رق اسکلہ سی اولان  
 (اینه بولی) قصبه سنک ۱۸ ساعت جانب جنوبیسنده ایکی طاغ  
 آرمه سنده کائن و آب و هواسی لطیف بر بلده دره شهرک شمالنده  
 مزروع ترلار و دروننده اشجار مشمره نی حاوی متعدد باغچہ لر  
 وارد در . ( قسطمونی ) نک ( عریانی ) تعبیر اولسان اریکی  
 مشهور در .

قسطمونی قضاسی داخاندن ( قیزل ایرمق ) توابعندن ( کوک



ایرمق) نامنده کی صو جزیان ایتدیکی جهته ارضی منبت  
و محصولاتی برکتلیدر.

معمولات صناعیه سی اکثر محله ره  وندولمکده اولان  
اونانی نحاسیه و دوشمیه الیورشی کوزل باصمه لر و پاموقدن  
یتاقلق چارشف، بشکیر، وکوملک بزی مثللو شیلردر.  
معاملات تجاریه سی تفتیک و اورغان و سائر در.  
مذکور قضاده بش قطعه اورمان بولندیغندن کراسه  
اخراجی چوقدر.

مع نواحی قسطمونی شهرینک ۳۴ محله سی و ۳۳,۰۰۰  
قدر نفوسی وارد.

بولی قصبه سی — متصرفلق مرکزی اوله دن مقر ولایتک  
غرب جنوبیسنده و ۶۰ ساعت مسافه سنده اطرافنی اوچ درت  
ساعت قدر امتداد ایدن طاغلر ایله محاط اووه نک وسطنده  
قدیم بر بلده در.

قصبه نک منظره سی کوزل و هواسی معتدل اولوب خارجی  
اشجار و بساتین ایله مزیندر.

آثار عتیقه دن یازولی و اویمه لی مرمر طاشلر موجوددر،  
قصبه نک وسطنده (حصار) تعبیر اولنان یوکسک محله عموم  
ایچون بیوک بر ساعت وارد.

(بولی) قصبه سنک بر ساعت جانب جنوبیسنده واقع  
طاغ اتکلرنده علل و امراضه نافع وابنیه سی عتیق ایکی باب

کارگیر ایلچه موجود و بونلرک صوبی کو کردلی و تیمورلی اولدینی مرویدر .

قضاءنک معاملات تجاریه سی ( تفتیک ) ، ( کراسته ) ، ( افیون ) و حبوبات یوزندن اولوب بونلر اسکلہ سی اولان ( ارکلی ) ، ( آچہ شهر ) و ( ازمد ) ه کوتوریلیر .

مینوب قصبہ سی — متصرفلق مرکزی اوله رق مقر ولایتک ۳۶ ساعت جانب شمال شرقیسنده و ساحل بحر سیاهده در لیمانی دخی هر درلو سفائن بارینه جق صورته محفوظدر .  
قصبہنک هواسی کوزلدر ، محصولات صناعیه سی کموش تلدن معمول ظرفلر و سائر شیلردر .

( کرزه Gerze ) ناحیه سنده دخی یوکدن الدیون وقوشاق اعمال اولنمقده در .

کنقری قصبہ سی — متصرفلق مرکزی اولوب مقر ولایتک ۲۳ ساعت جنوبنده دوز بر محله در . خارج شهر دخی ایکی بحق ساعت امتدادنده باغ و باغچه ایله مزیندر ،  
( کنقری ) ویا ( چنقری ) قصبہ سنک میوه سی کثیر و طاتلی و آجی صولری چوقدر . قصبہنک هواسی اولقدر ابو اولدینی جهتله اهلایسی ایام صیفده باغلینه کیده رک یاز موسمنی اورالرده امراز ایدرلر .

قصبہنک محصولات صناعیه سی غایت طیانقلی و مغنیسا تقلیدی الاجه و بزدن معاملات تجاریه سی تفتیک و سائر اخذ واعطایندن عبارتدر .

قصبه یه اوچ ساعت مسافه ده بر دره ایچنده کائن مغارده  
 قیا طوزی مملحه سی واردر. بوملحه نك طولاً ۱۰ عرضاً ۷  
 ساعت مسافه سی اولوب بومسافه نك هانکی محلی حفر اولنسه  
 طوز ظهور ایدر. مذکور مملحه دن سنوی اوتوز بیک حیوان  
 یوکی طوز اخراج اولنور.

کذا قصبه یه ۵ الی ۶ ساعت مسافه ده ( کول طوزی )  
 مملحه لری اولوب بونلردن سنوی تقریباً قرق بیک قیه یه قریب  
 طوز حصوله کلیر.

اینه بولی قصبه سی — ( اینه بولی ) قضانک اداره مرکزی  
 اوله رق مقر ولایتک جهت شمالیه سنده و بحر سیاه ساحلنده طاغ  
 اتکنده کوزل بر موقعه در. قصبه نك آب وهواسی لطیف  
 و داخل و خارجی اشجار مشمره بی طوی باغچه لر ایله مزیندر.  
 ( اینه بولی ) قصبه سی سواحل بحر سیاه اسکله لرندن معدود  
 اولدینی جهته ( اداره مخصوصه ) و ( لوید ) و سائر قومپانیا واپورلری  
 اوضرار، بووسائط ایله ایجری طرفلرندن ادخالات واونسبتده  
 اخراجات وقوع بولور.

قصبه ده ( صندال )، ( کمی ) انشا و ( کتان بزی ) اعمال اولنور.  
 ( اینه بولی ) نك اورمانلری کثیر اولوب معاملات تجاریه سی  
 ( نفتیک )، ( کراسته )، ( الما )، ( کستانه ) و سائر در.

زغفرانبولی قصبه سی — قسطنونی سنجاغنک قضا مرکز.  
 لردن بری اوله رق مقر ولایتک ۲۴ ساعت سمت غریب سنده

ایکی طرفی قیالوق بر دره ایچنده کائن و (زغفران) تجارتی ایله مشهوردر. اسکلهسی اولان (بارطین) قصبه سنه دخی ۱۴ ساعتده کیدریولی واردر. قصبه نك هواسی معتدلدر. زغفرانبولینك غرب جهتمده بولنان باغ و باغچه لر دوت ساعت طولنده اولان بر مغاره دن چیقان صو ایله اروا و سمت شرقیسنده کی یرلر (آراج) صوبی واسطه سیله اسقا اولنور.

زغفرانبولینك اورمانلری کثیر اولوب بوندن سفینه یه الویرشلی کراسته لر اعمال ایدیلیر. قضانك معاملات تجاریه سی ایسه (تفتیک)، (کاو ساله)، (سختیان)، (حبوبات)، (اوزوم) کی شیلردر.

طوبه قصبه سی — مقر ولایتیه مربوط قضا مرکز لرندن اوله رق (قسطمونى) نك ۱۲ ساعت سمت جنوبیسنده و (ایلغاز) طاغنك جهت شرقیه سی اتکلرنده وایکی تپه آره سنده مینیدر. قصبه نك آب وهواسی معتدلدر.

مذکور قصبه نك خارجاً اوج طرفی باغ و باغچه لر ایله محاط اولدیغندن ایام صیفده اهالیسی اورالرده بولنان صیفیه لرینه نقل ایدرک ایشلریله مشغول اولدقلری کی قصبه جه معاملاتى اولانلر دخی صباحلری قصبه یه واقشام اوستی باغلرینه کیدرلر.

مذکور قضانك اورمانلرندن حاصل اولان کراسته اسکله یه بمدیتی جهتله محالنده صرف اولنور.

طوس۔ یہ نك پر نجی مشہور در . معاملات تجارتی سی دخی  
محصولات ارضیہ و صناعیہ سنك جوار قصبہ و شہر لرہ نقل ایلہ  
اجرا ایدیلیر .

دوزیم قصبہ سی — (بولی) متصرفلغتك قضا مرکز لرندن  
اولہرق (بولی) نك ۱۲ ساعت جہت غربیہ سندنہ دوز بر اووہدہ در .  
قصبہ نك درت طرفی دوز و بعض محللری بتاقلق اولدیغندن  
ہواسی یاز موسمنده آخر جہ در .

(دوزجہ) قضا سنہ تابع (آچہ شہر) ساحل بحر سیاہدہ  
بولندیغندن او جوارك اسکلہ سیدر (دوزجہ) یہ اولان بعدی  
۶ ساعت در . (آچہ شہر) ناحیہ سنك ساحلنہ ہوارك مساعدہ لی  
وقتندہ تجار کیلری یناشمقدہ در .

ارکلی قصبہ سی — ارکلی قضا سنك مرکز ادارہ سی اولہرق  
مقر لوانك جہت شمالیہ سندنہ ۴۲ ساعت بعدندہ و بحر سیاہ  
ساحلندہ در . (بولی) نك دخی اسکلہ سیدر .

(ارکلی) حوالی سندنہ پك چوق کمور معدنلری اولوب سفن  
ہایون و تجار سہ فائنی اورالردن کمور آلورلر . (ارکلی) نك  
معمولات صناعیہ سی سفائن خلایطی ایلہ (سختیان) وکتان بزندن  
عبارتدر .

(ارکلی) قضا سندنہ بولنان اورمانلرک بعضی سندن کسیلان  
کراستہلر جوار اسکلہ لرہ نقل اولنمقدہ در .

(آبلی) ناحیہ سی (ارکلی) قضا سنہ مربوطدر .



( دورك )، ( چهارشنبه ) ناحیه لرندن تشکیل اولنان ( حمیدیه )  
 قضایای دخی ( ارکلی )، ( زعفرانبولی ) قضایای آره سنده در .  
 اداره مرکزی ( صوچاق ) قریه سیدر . بو قریه نك ( بولی ) به  
 اولان بعدی ۱۶ ساعتدر .

بارطین قصبه سی — بواسطه کی قضایانك مرکز اداره سیدر .  
 مذکور قصبه ( بولی ) نك شرق شمالیسنده و کندی نامنده کی  
 صویك کنارنده در .

بحر سیاهدن کلن کیلر ( بارطین ) صوبی اوزرنده یارم  
 ساعت مسافه به قدر کیروب مذکور صو کنارنده بولنان  
 ( کراسته ) انبارلرندن کراسته اخذ ایدرلر .

( بارطین ) قصبه سنه ۵ ساعت مسافه ده ( قالوس ) اسکله سی  
 واردر . ( اماسری ) ناحیه سی نواحی مشهوره سندن بریدر .

بوی آباد قصبه سی — ( بویواد ) نامیله یاد ایدیلن بو قصبه  
 مرکز لوا اولان ( سینوب ) نك ۱۹ ساعت جنوبنده و ( کوك ایرماق )  
 وادیسنده در . قضاده کثرتله یرنج زرع اولنور . قضایانك  
 شرقنده واقع ( طورآغان ) ناحیه سی بو اداره به مربوطدر .  
 مذکور ناحیه نك ( اودلیق ) نامنده کی محالنده آرسنیک معدنی  
 کشف اولمنشدر .

## ﴿ طربزون ولایتی ﴾

حدود — سکنه — تعریفات طبیعیہ — محصولات ارضیہ  
و صناعیہ — صورت اداره — احوال بلاد مشہورہ

ممرور — طربزون ولایتی قرہ دکنز ساحلینک قسم شرقیسی  
بویجہ امتداد ایدہ رک شرقندہ روسیہ دولتک (قافقاسیا) قطعہ سی  
وجنوبندہ ولایات شاهانہ دن (ارضروم) ، (سیواس) وغربندہ  
(قسطمونی) ولایتلری کائندر .

سکنہ — ولایت مذکورہ ده اکثریسی اسلام ومتباقیسی  
ملل سائرہ دن عبارت اولہ رق ۷۵۷,۰۰۰ قدر نفوس ذکور  
واناث واردر .

تعریفات طبیعیہ — بو ولایتک هواسی معتدل و ارضی  
طاغلقدردر . صرہ طاغلری (لازستان) طاغلری نامیلہ (قافقاسیا)  
طاغلرندن بدأ ایله ضربہ طوغری بحر سیاهہ موازی امتداد  
ایدرد . باشایجہ قسملری (چال) ، (قولات) ، (کمشخانہ) ،  
(کومبت) ، (قطران) طاغلریدر .

(یشیل) ، (قزیل) ایرمقلر ایله (مرات) ، (خارشیط)  
چایلری (طربزون) ولایتک انہارندن معدوددر .

بونلردن (مرات) ایرمق (سیواس) ولایتی داخلندن  
و (خارشیط) چایی (کمشخانہ) طاغلرندن ظهور ایدرد . (مرات)

ایرمق ( صامسونده ) ( خارشید ) چایی ( تیره بولی ) شرقنده دگزہ  
دوکیلور .

محمولات ارضیه و صنایع — طربزون ولایتینک ارضی  
طاغلق ایسه ده منبت و محصولدار اووه لری واردر . خصوصیه  
ساحله قریب اولان یرلری غایت منبتدر . باشلیجه حاصلاتی  
( پرنج ) ، ( مصر ) ، ( بقله ) ، ( فصولیه ) ، ( نخود ) ، ( چودار ) ،  
( خنطه ) ، ( کندیر ) ، ( توتون ) ، ( فندق ) ، ( بال ) در .  
حاصلات صنایعیه سی ( عبا ) و کچی قیلندن ( چوال ) در .  
باقرجیلق دخی طربزون اهالیسنه مخصوص کیدر .

( طربزون ) ولایتی ( طربزون ) ، ( صامسون ) کبی ایشلک  
اسکله لره مالک اولدینی جهتله آناتولی شاهانه ولایاتنک بحر  
سیاه ساحلنده برنجیسی اولق حبیبله تجارتی یولنده در .

### — صورت اداره —

طربزون ولایتی ( طربزون ) ، ( جانیك ) ، ( کمشخانه ) ،  
( لازستان ) نامنده درت عدد سنجاغه منقسمدر . مقر ولایتی  
( طربزون ) شهری اولوب ( جانیك ) متصرفی ( صامسون )  
قصبه سنده و ( لازستان ) متصرفی ( ریزه ) ده ( کمشخانه ) متصرفی  
مرتفع بر محله مبنی ( دال طبان ) قریه سنده اوطورر .  
مذکور سنج-اقلرک حاوی اولدینی قضالر آتیده کی جدوله  
مذکوردر .

طربزون سنجاغی			لازستان سنجاغی		
ج.م.	قضالر	مرکز اداره لری	ج.م.	قضالر	مرکز اداره لری
۲	اردو	=	۳	آتنه مع همشین	=
۲	قره سون	=	۳	خوپه	=
۳	تیره بولی	=	کمشیخانه سنجاغی		
۳	کورله	بیوک لیان    الکو			
۳	وقف کبیر	فول	۳	طرول	آراداسا
۲	سورمنه	=	۳	کلکیت	=
۳	آچقه باد	پلاتانه (پولتخانه)	۲	شیران	قره جه
۲	اوف	=			
جانیک سنجاغی					
۳	بافره	=			
۳	اونیه	=			
۳	فاسه	=			
۳	چهارشنبه	=			
۳	ترمه	=			

### — احوال بلاد مشهوره —

طربزونه شهری — مقر ولایت اوله رق آسیای عثمانیک (بحر سیاه) ساحلنده برنجی درجه ده ایشلک و تجارتگاه اسکله سی و قدیم بر بلده سیدر. شهرک هواسی لطیفدر. مقدار نفوس دخی ۴۵,۰۰۰ راده سنده در. دروننده هر نوع صنایع اربابی بولنور بیوک بر چارشوسی واردر. اعمال اولنان (کتان

بزی ( دخی ( طربزون بزی ) نامیله مشهوردر . ( ماچقه ) .  
 ناحیه‌سنده بولتان معدن صوینک بعض امراض جلدیه منفعتی  
 سویلنمکدهدر . طربزونه یارم ساعت مسافده دکرمن دره‌سی  
 اوزرنده کارگیر قدیم بر کوپری وارددر .

( آچه آباد ) قضاغه مرکز اولان ( پولتخانه ) ( طربزون ) ک  
 اهمیتلی و محفوظ لیان محیدر .

صامسونه قصبه‌سی — ( جانیک ) متصرفلغنگ اداره مرکزی  
 اوله‌رق بحر سیاه ساحلنده آناتولی شاهانه‌ک بغایت ایشک  
 بر اسکله‌سیدر . بحر سیاه ساحلنه کلوب کیدن سفائن تجاریه  
 مذکور اسکله‌یه اوغرایوب خیلی اشیا اخذ و اخراج ایدر .  
 ( صامسون ) ک چارشوسنده هر نوع اصناف وارددر .

قصبه‌ک قیش موسمی استانبولک قیش موسمندن ده  
 ملایمدر . یازلری دخی استانبولک یازندن ده صیجاق اولوب  
 اک صیجاق زمانی ایلول آیدر .

کشتخانه قصبه‌سی — کندی اسمی ایله مسمی متصرفلغنگ  
 مرکز اداره‌سیدر . فقط شم‌دیکی حالده متصرفلغه ( دال طبان )  
 قریه‌سی مرکز اولمشیدر . منسوب اولدینی قضا داخاندده  
 ( چوراب ) ، ( مشین ) ، ( سختیان ) اعمال اولنور .

( کمشخانه ) ایله ( طربزون ) بیننده ( زیفانه ) بیونی  
 موجوددر . ( طربزون ) ایله آره‌سی ۲۱ ساعتدر .

ریزه قصبه‌سی — لازستان سنجاغنگ اداره مرکزیدر .



(ریزه) قصبه سی بحرسیم ساحلده بولنه رق ایشلک برلیمانی  
مشملادر. قصبه ده برجسیم قلعه خرابه سی واردر.

قصبه نك فاتحی اولان (جعفر پاشا)، (حمزه بك) محله سنده  
انشا ایتدیرمش اولدینی جامع شریف قربنده مدفوندر.  
طاشدن معمول مقبره سی غایت مصنعدر.

مذکور قصبه ده پورتقال ولیمون آغاجلری آچیقده اوله رق  
یتشیر.

(ریزه) قضا سنده اعمال ایدیلن اینجه وقالین (کتان بزی)  
ارض رومه وبغداد ودر سعاده نقل ایله فروخت اولنور. کتان  
پشکیر و (شال) تعبیر ایدیلن (یون شیاق) دخی ونسج اعمال  
ایدیلر.

(ریزه) جوارنده اوراجه (یاغلی طاش) تعبیر ایدیلن  
وکوبره مقامنده ترلاره فرش اولنان کیرجلی طوپراق واردر.  
بعض قریه لرنده بیاض کیرج طاشی وکره مید اعمالنه مخصوص  
یاچلیق بولنور.

(ریزه) نك (وان) قریه سنده بر اورمان ایچنده نبعان  
ایدن صیجاق صو جریان ایتدیگی محللرده کیرجلی طاش  
براقیر. بو صوده نحاس رایحه سی اولوب اوپوز علتته نفی  
وار ایش.

سورمه قصبه سی — بحر سیاه ساحلنده بولنه رق کندی  
اسمنده کی قضانک اداره مرکزیدر. قصبه ده آغ اعمالنه مخصوص  
کندیر ایملکی کلیت اوزره یاپیلوب درسه اادت ایله روم ایلی  
جهتلیزیه نقل اولنور.

تیره بولی قصبه سی — بحر سیاه ساحلنده ایشلک براسکله در.  
قصبه نك هوا سی لطیف و صاعلمدر بر بچق ساعت مسافه سنده  
بر قلعه خرابه سی موجودر.

کرمه سورمه قصبه سی — بحر سیاه ساحلنده بر قضا مرکزیدر.  
( تیره بولی ) به اولان بعدی ۱۲ ساعتدر. قصبه ده ( قره کتان  
بزی )، ( پشکیر ) یاپیلیر، خارج قصبه به نقل ایله فروخت  
اولنور.

قصبه اها لیسنک قیو مجلیق و باقر جلیق صنعتلری واردر.  
فندق محصولی کثیردر.

اردو قصبه سی — ( بحر سیاه ) ساحلنده واقع اوله رق  
کندی اسمی ایله مسمی قضانک اداره مرکزیدر. ( کیره سون )  
قصبه سنه اولان مسافه سی ۱۲ ساعتدر. نفس قصبه ده ( تفنک )،  
( مقراض ) یاپیلیر. باقر جلیق و قیو مجلیق صنعتلری دخی واردر.  
بعض قریه لرنده کورکن آغا جندن ( قواطه )، ( کورک ) اعمال  
اولنه رق روسیه ممالکنه نقل ایله فروخت اولنور.

قصبه نك (بابل دره سی) دنیان محلنده مرمر کی سرت  
و بیاض بر نوع طاش چیقوب ابنیه صرف ایدیلیر .  
(بوله مان) ناحیه سنده کوکرتلی بر قابلیجه اولوب بونك  
صوبه ندن (طربزون) ، (صامسون) ، (اینه بولی) ، (سینوب)  
طرفلرینه نقل اولنور .

(وونه Wona) لیانك اسکله سی اولان (قوز) آغزنده  
قایق و صندال یایلیر .

اونیه قصبه سی — بودخی بحر سیاه ساحلنده واقع اوله رق  
(جانیک) متصرفلغنك حاوی اولدینی قضالردن برینك اداره  
مرکزیدر . قصبه ده تجار سفائی و (قایق) ، (صندال) اتشا  
و مذکور سفینه لر ایچون (خلاط) اعمال اولنور . (بویاجی) ،  
(قیوجی) ، (باقرجی) صنعتی اربابی دخی واردر .

چهارشنبه قصبه سی — جانیک سنجاغنك قضا مرکز لرندن  
بری اوله رق (یشیل) ایرماق کنارنده در . (صامسون) ، اولان  
مسافه سی ۸ ساعتدر .

بافره قصبه سی — جانیک متصرفلغنك (بافره) قضایینك  
اداره مرکزیدر . اشبو قصبه (قزل ایرمق) نامنده کی نهرك صاغ  
ساحلی قربنده براووده میندر . مرکز لوا اولان (صامسون)  
قصبه سنه ۱۲ ساعت اوزا قدر .

کلکیت قصبه سی — کشخانه سنجاغی قضا مرکز لرندن  
بریدر . (کشخانه) قصبه سنك ۱۱ ساعت جنوبنده در .


قضاءك بعض قریه لرنده (كلیم) ، (سجاده) ، (چوراب) ،  
(هكبه) ، (قالچین) یا پیلیر ، (كمشخانه) و (طربزون) . نقل  
ایله فروخت اولنور .

قصبه نك ایکی بچق ساعت مسافه سنده (بوز خان) نامنده  
اولان مغاره دروننده ایام سیفده بوز پیدا اوله رق اهالی  
طرفدن اخذ و صرف اولنور .

آنه قصبه سی — لازستان سنجاغك (آتیه Atina) قضا سئك  
اداره مرکزی اوله رق بحر سیاه ساحلنده مینیدر . (ریزه) یه  
اولان بعدی ۱۰ ساعتدر .

قضاءك (همشین) ناحیه سنده بالق آغی ایپلکی و (کتمان  
بزی) ، (یون چوراب) ، (شیاق) اعمال اوله رق هر طرفه  
نقل ایله صایلیر . مذکور ناحیه نك (اردو) دینلن محامده  
غایت صیجاق صولی بر قایلیدجه واردر .

ضویه قصبه سی — بو دخی لازستان سنجاغك قضا مرکز-  
لرندن اوله رق بحر سیاه ساحلنده و (قافقاسیه) حدودی  
قربنده در ، مرکز لوایه اولان بعدی ۲۲ ساعتدر .



### ﴿ ازمید متصرفلنی ﴾

( ازمید ) ویا ( قوجه ایلی ) متصرفلنی ( استانبول ) ،  
 ( قسطنیونی ) ولایتلری بیننده واقع اوله رق شمالی بحر سیاهه  
 ساحل و جنوبی ( خداوندکار ) ولایتنه متصلدر . جنوب شرقیسنده  
 ( انقره ) ولایتی واردر . حدود غربیه سنک بر قسمنی ( مرمره )  
 دکزی و آندن حاصل اولان ( ازمید ) کور فزی تشکیل ایدر .  
 مذکور کور فز ۹ ساعت طولنده . اولوب منتهاسنده ( ازمید )  
 شهری واردر . ازمید متصرفلنی داخلنده صوبی طاتلی ارلان  
 ( صبانجه ) کولی موجوددر . بوکول ( سقاریه ) نهرینه بر آباق ایله  
 صو ویر مکدهدر . ( سقاریه ) نهرینک مجرای اسفلی مذکور  
 متصرفلق اراضیسنده اروا واسقا ایدرک بحر سیاهه آقار .  
 ( قوجه ایلی ) شبه جزیره سنی مشتمل اولان ( ازمید )  
 متصرفلنک قسم اعظمی اورمان و قورولاق بولندیغندن  
 منظره سی خوشدر .

### صورت اداره

ازمید متصرفلنی ( قره مرسل ) ، ( آطه پازاری ) ، ( قندره ) ،  
 ( کیوه ) ، ( بالوه ) قائممقاملقلرینی و ( صبانجه ) ، ( طراقلی ) نواحی  
 مشهوره سنی حاویدر . مذکور قائممقاملقلردن ( آطه پازاری )  
 ایکنجی و دیگرلری اوچنجهی صنف قائممقاملریله اداره اولنمقدهدر .  
 ازمید متصرفنی ( ازمید ) شهرنده او طور ورق والیر مثللو



داخلیه نظارتیه مخبره ایتمکده در. نفوس موجوده سی تقریباً  
۱۶۰,۰۰۰ مقدارینه بالغ اولور.

### — احوال بلاد مشهوره —

ازمید شهری — مقر لوا اوله رق (اسکدار) ۱۸ ساعت  
شرقنده کندی اسمی ایله مسمی بیوک بر کورفزک منتهاسنده  
قدیم بر بلده در. (حیدر پاشا) به دخی بر تیمور یول خطی  
واسطه سیله متصلدر. مذکور کورفزک دیل اسکله سی دینان محله  
ضیاسی الی میلدن مشاهده اولمق اوزره بر قنار رکز ایدلمشدر.  
ازمیدک جوارنده بولان بتاقلقلردن طولای هواسی فنا  
وارضی موسم صیفده پک صیجاق اولوب صتمه وسائر خسته لقلره  
مستعددر.

باشلیجه اخراجاتی کورفزدن چیقایلن (طوز) ایله  
(کراسته) دن عبارتدر. یغورتی و صلاموره پینری مشهوردر.

قره مرسل قصبه سی — ازمید متصرفلغک حاوی اولدینی  
قضا مرکز لرندندر. اشیو قصبه مرکز لوانک ۶ ساعت جانب  
غریبسنده و (ازمید) کورفزی جنوب ساحلنده در.

یالوه قصبه سی — (قره مرسل) ک سمت غریبسنده لب دریاده در.  
(یالوه) نک قارپوز محصولی کثیردر. بانه سی دخی کوندن کونه  
کسب شهرت ایتمکده در. قره مرسله اولان بعدی دخی ۶ ساعتدر.

آله یازاری قصبه سی — ( ازمید ) ك ۹ ساعت سمت شرقیسنده و ( سقاریه ) نهری کنارنده در . قضا اهلایسی ( بغدادی ) . ( ایك ) ، ( كتان ) . ( دری ) یوزندن خیلی استفاده ایتمکده در . قصبه ده قوریلان یازاری دخی رواجلی اولور .

( آله یازاری ) قضا سنه بر بحق ساعت مسافده تخمیناً ۴۰ و ۳۰ بیک دونم اراضی بی استیعاب ایدن ( کوجک ویرن ) کولی دینمکله معروف بتاقلق وارد در . بو بتاقلق ( آله یازاری ) ایله جوارنده بولنان قرانک هواسنی اخلال ایتمکده در . بو کول بر قبال واسطه سیله ( صبانجه ) کولندن کلن ( چرخ ) صوینه آقندیریلوب قورتلمقده در .

( صبانجه ) ناحیه سی نواحی مشهوره سندن برنی تشکیل ایدر .

قدره قصبه سی — ( ازمید ) متصرفلنك قضا مرکز لرندن بری اوله رق ( ازمید ) ك ۱۱ ساعت جانب شمالیسنده و بحر سیاهك بر ساعت قدر بعدنده در . ( سقاریه ) نهربنك محل انصبابی بو قضا داخلنده در .

کیوه قصبه سی — ( ازمید ) متصرفلنك ( قسطمونی ) ، و ( خداوندکار ) ولایتلری حدودلرنده بولنان ( کیوه ) قضا سنك اداره مرکزیدر . مذکور قصبه مقر لوانك ۱۰ ساعت جنوب شرقی سمتنده و ( سقاریه ) نهری توابعدن بری کنارنده مینیدر . ( کیوه ) نك کثرتله زرع ایدیلن پاموق یوزندن اهلایسی خیلی استفاده ایتمکده در . قصبه نك غربنده و ( سقاریه ) نهری صول

وادیسند، کائن (آق‌صار) قریه سی بعضاً (کیوه) قائم مقام لرینه  
مرکز اولمقده در.

(قاشق) و (طراق) اعمال ایدیلن (طراقلی) ناحیه سی (کیوه)  
قضاسنک نواحی مشهوره سندن بریدر. (طراقلی) قریه سنک  
(کیوه) یه اولان بعدی ۶ ساعتدر.



### ❖ بیغا نام دیگرله قلعه سلطانیه متصرفلیغی ❖

بو متصرفلق (خداوندکار) ولایتک غربنده واقع اوله رق  
شمالی (مرمره) دکزی ایله (قلعه سلطانیه) بوغازینه و غربی  
(آطه لر) دکزینه ساحلدر. منهای غرب جنوبیسی (بابا برونی)  
تشکیل ایدر. (سینیچه برونی) دخی (قلعه سلطانیه) بوغازینک  
آطه لر دکزی جهتنده برچیقتی حاصل ایتشدرد. مقدار نفوسی  
دخی ۱۴۰,۰۰۰ دن متجاوزدر.

(بیغا) متصرفلیغی اراضیسی دوزلك اولوب یالکز جنوبنده  
(ادرمید) کورفزی موجوددر. بو کورفزك شمالنده (قاز) طاغی  
و (بیغا) شهری و اطرافنده (آلاطاغ) واردرد.

(مرمره) دکزینه صویرن (قوچه چای = قازطاغی صوبی)  
نام آخرله (غرائیق) صوبی و آطه لر دکزینه آقان (کوسه دره سی)  
متصرفلغک انهاری صره سنده تعداد اولنه بیلیر.

### — صورت اداره —

اشبو متصرفلق (بیغا)، (لایسکی)، (ازینه)، (ایواجق)

قضالرینی مشتملدر: متصرفی (قلعه سلطانیه) شهرنده اوطوروب  
(ازمید) متصرفی مثللو (بیغا) سنجاغی اداره اتمکده در .  
مذکور قضالردن (بیغا) قضاسی برنجی و دیگرلری اوچنچی صنف  
قائمقاملریله اداره ایدلمکده در.

### — احوال بلاد مشهوره —

قلعه سلطانیه شهری — کندی اسمی ایله مسمی بوغازک  
ساحلنده و (چنلک) قریه سی قربنده مستحکم بر بلده در. بوغاز  
محافظی مذکور بلده ده اوطورمقدمه در.

چناق قلعه نك (چناق)، (چوملک) کبی طوپراقدن  
معمول ادواتی مشهوردر.

شهرک سمت غربیسنده و آطه لر دکزی جهتنده و (بوزجه)  
آطه قارشوسنده و (پیکار بائی) دنیلن محلك جوارنده (تروا)  
بلده قدیمه سنك خرابه سی کورنمکده در.

بوغازک منتهای غربیسی تشکیل ایدن (قوم قلعه) نك مرکز  
لویه اولان بعدی ۵ ساعتدر.

بیغا قصبه سی — متصرفلغك (خداوندکار) ولایتی ایله  
حدودینی تشکیل ایدن (بیغا) قزاسنك اداره مرکزیدر. (قوجه  
چای) قصبه وقضا درونندن مرور ایدر.

لاریسکی قصبه سی — (قلعه سلطانیه) متصرفلغك قضا

مرکز لرندن بری اوله رق مقر لوانك سمت شمال شرقی سنده  
و ( قلعه سلطانیه ) بوغازینك ( مرمره ) دكزی جهته کی منتهای  
سندهدر.

قصبه نك ( قارپوژ )، ( قاوون ) ی مشهور اولوب در سعادت  
نقل ایله فروخت اوانور.

( لایسکی ) قصبه نك منسوب اولدینی قضانك ( چارداق )  
مدیر الکی معروفدر.

ازینه قصبه سی — ( اینه Iné ) دخی دینلن ( ازینه ) قصبه سی  
( بیغا ) متصرفانك آطه لر دكزی جهته کی قضالرندن ( قازطاغ  
پازاری ) نك اداره مرکزیدر. مذکور قصبه نك ( قلعه سلطانیه ) به  
اولان بعدی ۸ ساعتدر.

ابوامیر قصبه سی — ( قزله طوزله ) دینلن ( ایواجق )  
قضاسنك اداره مرکزی اوله رق مقر لوانك سمت جنوبی سنده  
و ۱۵ ساعت قدر بعدندهدر.





— مرمره دگزینه ساحل اولان ولایت —

### ﴿خداوندکار ولایتی﴾

حدود — سکنه — تعریفات طبیعیه — محصولات ارضیه  
و صناعیه — صورت اداره — احوال بلاد مشهوره

مرمره — آناتولی شاهانه نك حاوی اولدینی ولایاتدن  
(خداوندکار) ولایتی شمالاً (ازمید) متصرفلنی، (مرمره) دگزینی  
و شرقاً (قسطنونی)، (انقره) و جنوباً (قونیه) و غرباً (آیدین)  
ولایتلری و (بیغا) متصرفلنی ایله محدوددر .

سکنه — ولایت مذکورده اکثریسی مسلم و متباقیسی  
ملک سائر مدن عبارت اولوق اوزره ۹۲۵,۰۰۰ قدر نفوس  
تخمین ایدلمکدهدر .

تعریفات طبیعیه — خداوندکار ولایتی (مرمره) دگزینك  
جنوب شرقی ساحلنه مالک و ۴۰ کیلومترو طولی و ۱۵ کیلومترو  
عرضی حاوی اولوب ۵۰۰ قدر کیمی استیعابنه کافی اولان (کلیك)  
کورفزیینه صاحبدر. بو کورفزك ساحلنده (بروسه) نك اسکلهلری  
اولان (مدانیه)، (کلیك) قصبه لری و مدخل شمالیسنده  
(امرالی = امیر علی) آطه سی کائدر .

ولایتك غربنده ۷۰ کیلومترو قدر قره لرك ایچنه کیرمش  
اولان (ادرمید) کورفزی موجوددر . بو کورفزك ساحلی

زیتون آغاجلری ایله مزیندر . قارشوسنده (مدالی) آطه‌سی  
واردر .

خداوندکار ولایتده باشلیجه ۲۵۰۰ مترو قدر ارتفاعی  
حاوی اولان (اولیمپ) نام دیگرله (کشیش) طاغی واردر .  
(دومانچ) طاغی دخی شعبات مشهوره‌سنددر . (مرات) ،  
(شاهخانه) ، (ایدا) ، (سلطان) ، (امیر) طاغلری ولایت  
مذکوره‌نک طاغلرندن معدوددر .

مذکور الاسامی طاغلرندن (کشیش) طاغی سنه‌نک قسم  
اعظمنده قار ایله مستور اولوب اطرافی کمر مثللو اورمان ایله  
چورلمشدر . بو طاغک ایپک بوجکلرینه مخصوص دوت آغاجلری  
ومتنوع میوه اشجاری کثیردر . انکنده دخی کوچک برکول  
واردر . داخل ولایتده بولنان (مرات) طاغنده اسکیدن وولقان  
بولندیغی بعضی آثاردن آکلاشلماقمدهدر .

(ایدا) طاغی اقسامندن اولان (تیورجی) طاغی (آیدین)  
ولایتی ایله ولایت مذکور ییننده و (سلطان) . (امیر) طاغلری  
(قونییه) ولایتی ایله اولان حدود اوزرندهدر . (آق طاغ)  
دینان (شاهخانه = سماو) [۸۰۰۰ قدم ارتفاع] طاغی ایسه  
ولایتک اک یوکسک جبالنی تشکیل ایدر .

مذکور ولایتده (سقاریه) نهرینک مجرای وسطاسی  
و (صوصورلی = میخالیج) نهری و (کدوز) ، (بیوک مندره‌س)  
نهرلرینک مجرای اعلاسی جاریدر . (پورصوق) صوبی

(سقاریه) نك و بروسه اووه سی اسقا ایدن (نیلوفر) صوی  
 (صو صوری) نهرینت باشلیجه قوللریدر .  
 خداوندکار ولایتده (ازنیق ) ، (آبولونیا = اولو آباد ) ،  
 (مانیاس) ، (ابر) کوللری واردر . مذکور کوللردن (قره دره) نك  
 حصوله کتیردیکی (مانیاس) کولی مجرای مخصوص ایله (میخالیج)  
 نهرینه آققدهدر . (آقار صو) نامنده کی چایک حاصل ایتدیکی  
 (ابر) کولی دخی بر آباق ایله (قونیه) ولایتده کی (آق شهر)  
 کولنه صو ویرمکدهدر .

ماصورت ارضیه و صنایع — خداوندکار ولایتک هوایی  
 صاعلم و اراضیسی اولدقجه منبت اولوب باشلیجه حاصلاتی هر نوع  
 ذخیره ایله انواع میوه و (ایک) ، (پاموق) ، (توتون) در .  
 (افیون) محصولی دخی چوقدر .

معمولات صناعیه سی دخی (بروسه) ده ایک ویوندن معمول  
 اشیایله (عشاق) طرفلرنده نسج اولنان (سجاده) ، (خالی) در .  
 طاعلرنده معدن صولری چوقدر . خصوصیه (اینه کول) ده  
 چیقان (چیتی) صوی یوزندن خیلی استفاده ایدلمکدهدر .  
 (مرمره) دکزی جهتنده و (باندرمه) طرفلرنده بولنان طاش  
 اوجاقلرنده انشا آت الویریشلی (مرمر) و (غرائیت) اخراج  
 اولنور .

### — صورت اداره —

خداوندکار ولایتی (خداوندکار) ، (ارطغرل) ، (کرمیان) ،  
 ویا (کوتاهیه) ، (قره حصار صاحب) ، (قره سی) نامنده بش عدد  
 متصرفانه تقسیم اولنش و مقر ولایتی (بروسه) شهری بولنشدر .

مذکور متصرفلاردن ( خداوندکار ) سنجاغك مركز اداره سی ( بروسه ) شهری اولدینی کبی ( ارطغرل ) سنجاغك کرسی اداره سی ( بیله جك ) و ( کوتاهیه ) سنجاغك اداره مرکزی ( کوتاهیه ) و ( قره حصار صاحب ) سنجاغك مقر اداره سی ( افیون قره حصار ) و ( قره سی ) متصرفلار مركز اداره سی دخی ( بالیکسری ) قصبه لیدر مذکور سنجاقلار قضاری آتیده کی جدولدن مستبان اولور.

قره حصار صاحب سنجاغی			خداوندکار سنجاغی		
مرکز اداره لری	قضالر	نوم	مرکز اداره لری	قضالر	نوم
=	بولیو ادین	۳	=	کملیک	۲
=	صندقلی	۳	=	میخالپ	۳
=	عنیزیه	۲	=	مدانیه	۲
قره سی ( بالیکسری ) سنجاغی			=	کرماستی	۳
کیدونیا	ایوالق	۱	بکجه	اطراناس	۳
=	اردک ( قیونلغی )	۲	=	بازار کوی	۳
ارطغرل سنجاغی			کرمان ( کوتاهیه ) سنجاغی		
=	ادرید	۲	=	اسکی شهر	۳
=	صندرخی	۳	=	کدوس	۳
=	بیغادچ	۲	=	عشاق	۱
=	کوردردید ( برهانیه )	۳	=	سماو	۳
=	باندومه	۲			
=	کونان	۳			

## — احوال بلاد مشهوره —

بروسه شهری — ( کشیش ) طاعی اتکنده کائن  
و ( خداوندگار ) ولایتک مقری اولوب یتیمش بش بیکی متجاوز  
نفوسی حاوی قدیم بربلده در. شهر مذکور دولت علیه عثمانیه نک  
پای تخت قدیمی اولدینی جهتمله اسلاف سلاطین عثمانیه دن ( سلطان  
عثمان ) ، ( سلطان اورخان ) ، ( سلطان مراد خداوندگار ) ،  
( سلطان یلدرم بایزید ) ، ( چلبی سلطان محمد ) ، ( سلطان مراد  
خان ثانی ) عایم الرحمة والغفران حضرانتک چوامع شریفه لریله  
مبارک مرقد منیرملری و عمارات و مدارس خیریه لری موجود در.  
درون شهرده مکاتب ابتدائیه و رشديه ایله بری ملکیه و دیگری  
عسکری اوله رق اعدادی مکتبلی وارد در.

بروسه اووه سندن کچن ( نیلوفر ) صوی شهرک بر درجه یه  
قدر هوا سنی توخیم ایدر. فقط زقاقلری معمور و آقار صولری  
و بوستانلری لطیف در. ( بروسه ) نک ایلك بهارده منظره سی  
خوشدر اسکله سی دخی مرمره دکیزی کنارنده کائن ( مدانیه )  
قصه سیدر.

بروسه نک باغلی و اکین ترلاری خیلی حاصلات ویرر .  
اهالیسی دخی اپک منسـوجاتی و ( حولی ) ، ( حمام طاقلری )  
یوزندن خیلی استفاده ایتمکده در .  
بروسه ده علل و امراضه نافع ( چکرکه ) ، ( اسکی قاپلیجه ) ،

( قره مصطفی ) ، بیوک و کوچک کرکردلی ، ( یکی قاپلیجه ) ،  
 ( قینارجه ) ایلیجه‌ری نامیله متعدد حوضلی و خلوتخانه‌لی و دروازی  
 حاوی یدی قدر جسم قاپلیجه موجوددر. مذکور قاپلیجه  
 یقینلرنده کی خانلر دروننده کی دخی حماملر واردر.

بیله‌ک قصبه‌سی — سنجاق مرکزی اوله‌رق مقر ولایتک  
 سمت شرقیسنده ۲۰ ساعت قدر بعدندهدر. بوقصبه‌نک  
 اطرافنده کی چام آغاجلری هوا-نی لطیف برحاله کتیرمش  
 واهالیسی دخی ایک قوزه‌سی یوزندن خیلی استفاده ایتمکده  
 بولمشددر. ( یارحصار ) ، ( لفته ) ناحیه‌لری نواحی مشهوره-  
 سندندر.

کوتاهی قصبه‌سی — بروسه‌نک ۲۸ ساعت قدر جنوب  
 شرقیسنده و قیالقی بر تپه‌نک اتکندهدر. دروننده کی ( اولو  
 جامع ) دینمکله معروف جامع شریف ایله ( بالقلی حمای )  
 مشهوردر.

قره مصار صاب قصبه‌سی — ( افیون قره حصاری )  
 اسمیله دخی یاد اولنور.

اشبو قره حصار قصبه‌سی ( بروسه ) نک سمت جنوب  
 شرقیسنده و ۵۰ ساعت قدر بعدندهدر. قصبه‌نک منسوب  
 اولدینی قضا داخلنده خاشخاش ترلرینک کثرتندن ناشی  
 افیون حاصلاتی زیادهدر. قضانک پیانگی یون حاصلاندن پک



چوغی (عشاق) طرفنه کوندریلیر . اوراده عجم خالیرینه  
مشابه خالی نسج اولنور .

بالیکر قصبه سی — مرکز لوا اوله رق ( بروسه ) نك  
۲۸ ساعت قدر غرب جنوبیسنده و ( صوصورلی ) نهرك  
توابغندن بر کنارنده در . اسكله سی دخی ( مرمره ) دكزی  
کنارنده ( باندومه ) و آطه لر دكزی جهتنده ( ادرمید )  
قصبه لیردر . بو قصبه لرك ( بالیکسری ) یه اولان بعدلری اون  
سکزر ساعتدر .

اشبو بالیکسری قصبه نك هر نه قدر هواسی ایی دکل ایسه ده  
اطرافی باغ و بساتین ایله مزیندر . منسوب اولدینی قضانك  
چفتلك و مرعاری کثیر اولدیغندن برخیلی اغنام بسلنمکده در .  
بالیکسرینك صومه پاموغی و ( عبا ) ، ( شیاق ) کی یون منسوجاتی  
متانتیله مشهوردر .

کلیك قصبه سی — ( بروسه ) نك ۷ ساعت قدر شمالنده  
و کندی اسمی ایله مسمی کورفرك کنارنده در . ( کملیك ) ك  
اسكله بولمنسی حسبیله تجارتی یولنده ایسه ده آب و هواسی مدح  
اولنه جق درجه ده دکلدر . ( بازار کوی ) قضاسی ( کملیك ) ك  
طرف شرقیسیدر .

ماغلیج قصبه سی — ( ماغلیج = میخالیج ) دینان بو قصبه  
( بروسه ) نك ۱۷ ساعت سمت غربیسنده و ( میخالیج ) نهری  
ایله ( میخالیج ) کولی بیننده و مرتفعجه بر محله در . اووه سی

دخی فوق العاده قوۃ انباتیہ مالکدر . قضانک کندی اسمی  
ایله یاد اوانان قیونلری مشهوردر .

سکور قصبہ سی — ( ارطغرل ) لوانسک قضا سرکز لرندن  
اولہرق مقر لوانک ۶ ساعت سمت شرقیسندهدر . قصبہ نک  
ہواسی لطیف و صولری لذیذدر . اطراف دخی باغ و باغچہ  
و اورمانلر ایله مزیندر . مذکور قصبہ دولت علیہ عثمانیہ نک  
مہد ظہوری اولدینی و جوارندہ دخی جداجد خلافتناہی  
جنتمکان ( ارطغرل ) غازی حضر تلرینک تربہ سی بولندیہی جہتلہ  
مشہوردر . قصبہ دہ حریر قابریقہلری وارددر .

اینہ کول قصبہ سی — ( بروسہ ) نک ۱۱ ساعت قدر سمت  
جنوب شرقیسنده و ( کشیش ) طاغی اتاکندهدر . قصبہ نک  
باغ و باغچہلری کثیر و آب و ہواسی لطیفدر . اسکی بر قلعہ سی  
دخی وارددر . مذکور قصبہ دہ الاجہ نسج اولنور بر خیلی  
دستکاه موجوددر . ( دومانیچ ) ناحیہ سی نواحی مشہورہ سندن  
بریدر . قصبہ یہ ایکی بحق ساعت مسافہ سندن کائن ( چیتلی )  
قریہ سندن چیقان معدن صوبی ( ویشی ) ، ( قارلسباد ) کبی اوروپا  
صولرینہ رقابت ایتہکدهدر .

( اینہ کول ) قصبہ سنک ( اورخانہ ) محلہ سی مشہور و مہاجرین  
ایله مملوددر .

یکی شہر — مقر لوا اولان ( بیلہ جک ) قصبہ سنک ۱۰  
ساعت قدر جانب شمال غربیسنده و منبت واسع بر اووہدہدر .

هوایی دخی لطیفدر . باغلرنده اعلا اوزوم و اووه لرنده هر  
نوع محصول یتشیر .

منسوب اولدینی قضایی ( - قاریه ) نهری توابعندن ( آقصور )  
اروا و احیا ایدر .

اسکیدن غایت مهم و مشهور اولان ( ازنیق ) بلده سی الیوم  
ناحیه مرکز لرندن معدود و درونی آثار عتیقه ایله مملودر .

اسکی شهر قصبه سی — ( کوتاهی ) سنجاغنك قضا مرکز -  
لرندن برنی تشکیل ایدر . مذکور قصبه مقر لوانك ۱۲ ساعت  
سمت شمال شرقیسنده در . ( پورصوق ) چایی منسوب اولدینی  
قضایی اسقا ایتمکده در . مذکور قصبه ( ازمید ) ایله ( انقره )  
و ( قونیه ) بینلرنده یابلمش اولان شمندوفر خطنك اهمیتلی بر  
موقفیدر .

( اسکی شهر ) قصبه سی ساجوقیلردن ( قلیج ارسلان ) ك  
اهل صلیب ایله ایتدیکی محاربه موقعی اولدینی جهتله مشهوردر .  
جوارنده دخی ( دکز کوپوکی ) نامیله یاد اولنسان بر نوع طاش  
معدنی کشف اولنمشدرکه بو طاشدن (ویانه) یه کلی کوندرلنمکده  
واوراده ( قنجان ) وسیغار آغزلانی کبی ادوات اعمال اولنمکده در .  
مجاهدین اسلامیه دن ( سید بطال غازی ) حضر تلرینك محل  
شهادتی و مرقد منیره مبارکه لری بولمان ( سید غازی ) و ( بوزاق )  
ناحیه لری ایله مهاجرین رومانی و سلاستره و هزارضادك تشکیل

ایستدکاری (معموره)، (سلیمیه)، (خیریه) قربه‌لری (اسکی شهر)  
قضاسی مضافتنددر .

کدوسی وعشاق قصبه‌سی — (کوتاهیه) نك جانب جنوب  
شرقیسنددر برر قضا مرکزیدر. مذکور قصبه‌لرده نسج و اعمال  
اولنهرق (ازمیر) کوندریلان خالی و سجادهلر کره ارضك هر  
طرفنده مقبولدر . بونلردن (كدوس) ك (کوتاهیه) یه اولان  
بعدی ۱۴ و (عشاق) ك ۲۰ ساعتدر .

بولوالیین قصبه‌سی — بوقصبه (قره حصار) سنجاغنك قضا  
مرکزلرندن بریدر . مقبر لوا اولان (قره حصار) قصبه‌سنگ  
دخی ۱۰ ساعت قدر شرقنده وبر اووه اورتہ‌سنددر. مذکور  
قصبه‌نگ هواسی کوزل و باغ و بستانی چوقدر. منسوب اولدینی  
قضا (امیر) طاعی ایله (سلطان) طاعی آره‌سنددر کی واسع اووه‌اق  
یرلردن عبارت اولدیغندن داخلنده خیلی اغنام بسلنیر . اهالی  
قضا بو یوزدن خیلی استفاده ایدرلر . (ابر) کولی بو قضا  
داخلنده اولوب فضله صوینی (آقار صو) نامنده بر دره ایله  
(قونیه) ولایتی داخلنده بولنان (آقشهر) کولنه آتمقددر .  
قصبه‌نگ ۳ ساعت بعدنده (قزل کلیسا) دینان محله بعض  
امراضه نافع بر ایلچه موجوددر .

صندقلی قصبه‌سی — (قره حصار) ك ۱۲ ساعت قدر سمت  
جنوبیسنددر اطرافی طاعلق براووه‌ده‌در. مذکور قصبه مرتفعجه  
بریاپلا اوزرنددر بولندینی جهتله هواسی صاعلم و کوزل و باغ

وباغچه‌لری چوقدر. صندوقلی قضا‌سی همنامی اولان چای اسقا  
واحیا ایتمک‌در.

( آیدین ) شمن‌دوفر خط‌ک شمدیلک نقطه انتهای اولان  
( دینار ) قریه‌سی بو قضا داخلنده اولدیغندن بو طریق ایله  
قضا ( ازیر ) . مربوطدر .

قضانک جنوبنده ( آجی طوز ) ونام آخرله ( چوروک کول )  
اسمنده بر کول وارددر .

بامرمره قصبه‌سی — مرمره دگری ساحلنده اسکله‌در .  
( بروسه ) به اولان بعدی ۲۰ ساعتدر . ( چاوش اوغلی ) اسمنده‌کی  
جامعی مشهوردر . مرعالرنده چوق اغنام بسلنیر . ( مانیاس ) ،  
( ایدنجک ) ، ( امیر علی ) ناحیه‌لری بو قضایه مربوطدر .

اردک قصبه‌سی — ( قپو طاغی ) شبه جزیره‌سی ساحلنده‌در .  
باغلی حیلی حاصلات ویرمکده‌در . منسوب اولدیغی قضانک  
( قپو طاغی ) ناحیه‌سی مشهوردر .

( مرمره ) دکنزنده‌کی ( مرمره ) ، ( پاشا لیمانی ) ، آطه‌لری بو  
قضایه تابع برر ناحیه‌در . قصبه ایله مذکور آطه‌لرده انشاآت  
الویریشلی اعلا مرمر و سماکی طاشلر وارددر . بو طاشلر  
درسعاده و محال سائر به نقل و فروخت اولنور .

قضانک باشلیجه محصولات حبوبات متنوعه و انواع میوه  
( اوزوم ) ، ( زیتون یاغی ) اپک قوزه‌سندن عبارتدر .

ادرمیر، ایوالو قصبه‌ری — بو ایکی قصبه آطه‌لر دگزى  
جهتمنده معروف اسکله‌لردر. بونلردن (ادرمید) قصبه‌سی ساحل  
بجردن ایکی ساعت ایچروده‌در. اسکله‌سی (آق چای) نامنده‌کی  
محلدر. مذکور قصبه غایت کوزل و اطرافى زیتون آغاجلى ايله  
محاط بر موقعه‌در. بالیکسیرینک و جوارینک اسکله‌سی مقامنده  
اولمغه اهمیت تجاریه‌سی واردر. اراضیسی منبت و محصولدار  
اولوب زیتون و پلاموط آغاجلى چوقدر. معمولات  
صناییه‌سی (خالی)، (کلیم)، (چوراب) کبی شیلردر،  
(ایوالق) قصبه‌سَنک دخی (زیتون)، (زیتون یاغی)،  
(توتون) حاصلاتی مشهوردر.

کر ادرمیر — بو قصبه‌یه (برهانیه) دخی دینیر. مذکور  
قصبه کذا آطه‌لر دگزى ساحلنده مینیدر. منسوب اولدینی  
قضاده (دیکمه چنار)، (کوک تپه) نامنده‌کی محللر واردر.  
یقادج قصبه‌سی — مقر لوانک سمت جنوبیسنده ۹ : ۱۰  
ساعت قدر بعدنده‌در. منسوب اولدینی قضانک سختیان  
و مشینی شهرتلیدر.



— آطه‌لر دگزلی و بحر سفید ساحلنده —

— اولان ولایات —

### ( آیدین ولایتی )

حدود — سکنه — تعریفات طبیعیه — محصولات ارضیه  
و صناعیه — صورت اداره — احوال بلاد مشهوره

مرور — آیدین ولایتی آناتولی شاهانه‌نک ولایات  
مشهوره سندن اولوب شمالاً و شرقاً ( خداوندکار ) ولایتی ایله  
محدود اوله‌رق جنوب شرقیسنده ( قونیّه ) ولایتی واقع و غربی  
( آطه‌لر ) دگزینه ساحلدر .

سکنه — ولایتی مذکورہ‌نک بالجملة سکنه‌سی مسلم غیر مسلم  
اوله‌رق ۸۹۰۰۰۰ قدر تخمین ایدلمکده‌در .

تعریفات طبیعیه — آیدین ولایتینک ساحلی آطه‌لر دگزینک  
قسم اعظمی قابلامش‌در . ( چاندارلی ) ، ( ازمیر ) ، ( قوش  
آطه‌سی ) ، ( مندالیه ) ، ( استانکوی ) ، ( سیمی ) لیمانلری  
ایله بحر سفیددن معدود ( مرمریس ) ، ( مکاری ) قویلری  
بو ولایتہ مربوطدر .

طاغلری ایسه آناتولی شاهانه‌نک ( طوروس ) سلسله  
جسمیه‌سی شعبات غربیه‌سیدر . ولایت مذکورہ داخاندہ  
بولتانلرک باشلیجه‌لرینه ( ایدا ) ، ( بوز ) ، ( جمعه ) ، ( جنوبی  
بوز ) ، ( بابا ) طاغلری اسملرینی ویررلر .

بونلردن ( ایدا ) جبال متسلسله سی ( خداوندکار ) ولایتی  
ایله ولایت مذکوره بیننده حدودك برقسمنی تشکیل ایدر، شرقه  
طوغری حین امتدادنده ( تیمورچی ) ، ( شایخانه = سماو )  
طاغلری اسملرینی آلیر. ( بوز ) طاغی ( کدوس ) ، ( کوچك  
مندرس ) نهرلری آرمسند. بئشقرق غربیه طوغری ( ازمیر ) ك  
جنوبونده بعد الامتداد ( اورله ) شبیه جزیره سینه داخل  
( قره برون ) ه واصل اولور .

( جمعه ) طاغی کوچك و بیوك مندرس نهرلری حوضه لرینی  
بری برندن تفریق ایدر. غربیه طوغری امتداد ایدر. زمامسون  
برونی ، طاغلری نامی آلتده اولدینی حالد ( سیدسام ) آطه سی  
قارشوسنده ( سیدسام ) بوغازنده نهایت بوئور . ( جنوبی بوز )  
طاغی ( کویچکیز ) قصبه سی شمالنده و ( بابا ) طاغی ایسه  
( دکزلی ) قصبه سی جنوبونده کائندر . بونلردن باشقه ( قوش  
آطه سی ) لیاننه طوغری امتداد ایدن ( میقال ) و ( باقی ) کولی  
جوارنده ( بش پرمق ) و ( ازمیر ) ك شمالنده ( قزل ) طاغلری  
واردر . ( قره جه طاغ ) دخی ( برغمه ) اوستنده ( چاندارلی )  
کورفزینه طوغری اوزامشدر .

( سراباد ) ، ( کوچك مندرس ) ، ( بیوك مندرس ) نهرلری  
ایله ( باقر ) ، ( کره نیسی ) ، ( قوجه ) چایلر ( آیدین ) ولایتی  
اسقا و احیا ایتمکده در .

ولایت داخلنده ( باقی ) ، ( سرابات = طاغ مرمره سی )  
کوللری واردر .

بونلردن (پلاطیه) دخی دینلن (بافی) کولی (بیوک مندرس)  
 نه‌ری منصبی جوارنده و (بافی) ، (پلاطیه) قریه‌لری آره‌سنده  
 و (سرابات) کولی ایسه (مغنیسا) طرفلرنده‌در. بونلردن برنجیدی  
 (بیوک مندرس) نه‌ریه و دیگر (کدوس) چاینه آقار.

محصولات ارضیه و صنایع — آیدین ولایتی آطالر دکنزنده  
 سواحل کثیره به مالک بولمنی حسبیلله آناتولی شاهانه‌نک اک  
 تجارتگاه بر ولایتی اولوب ارضی هر نوع ذخیره یتش‌دیردیکی  
 کنی (اوزوم) ، (اینجیر) ، (پلاموط) ، (پتوق) ، (افیون) ،  
 (زیتون) ، (جهری) یتنی (کوک بویا) حاصل ایدر.

حاصلات صنایعیه می (کیم) ، (سجاده) ، (پتوق بزنی)  
 ایله مفروشات بیتیه واثوابلق قماشلردر. تجارتی دخی کوندن  
 گونه کسب توسع و تزايد ایتمکده‌در. ادخالات و اخراجاتی ایسه  
 (ازمیر) ، (قوش آطه‌سی) لیمانلری و ساطتیله اجرا اولنمقده‌در.

### — صورت اداره —

آیدین ولایتی اداره خصوص‌سنده (ازمیر) ، (آیدین) ،  
 (صاروخان = مغنیسا) ، (منتشا = مغله) ، (دکزلی) نامنده  
 بش عدد متصرفلغه تقسیم اولمنش و مقر ولایتی (ازمیر) شهری  
 بولمنشدر. مذکور متصرفلقلرک مرکز اداره‌لری کنندی اسملر-  
 نده‌کی قصبه‌لر ایسه ده یالکیز (صاروخان) متصرفی (مغنیسا) ده  
 و (منتشا) متصرفی (مغله = موغله) قصبه‌سنده اوطورر. اشبو

سنجاقلرک حاوی اولدینی قضاالرایله مرکز ادارهلری ومنسوب اولدینی صنفلر آتیدهکی جدول مذکوردر.

سیروز سنجاغی			سلانیک سنجاغی		
مرکز ادارهلری	قضاالر	ن.م.	مرکز ادارهلری	قضاالر	ن.م.
=	نازللی	۲	=	قوش آطه سی	۲
=	بوزطغان	۲	=	چشمه	۲
=	سوکه	۲	=	تیره	۱
=	چینه	۲	=	اوده مش	۲
=	قرهجه صو	۳	=	اورله	۲
منتشا (مغله) سنجاغی			قره قوجه	فوجتین	۲
=	میلاس	۳	=	بایندر	۳
=	مکری	۲	=	ممن	۳
=	بودروم	۳	=	برغه	۲
یوکسک قوم	کویچکز	۲	=	سفری حصار	۲
=	مرمریس	۳	=	نیف	۲
دکزی سنجاغی			صاروخان (مغنیسا) سنجاغی		
بر نیکومه	طواس	۲		طورغودلی (قصیه)	۲
تیورجی قره	چال	۳	=	آلا شهر	۲
=	بولدن	۳	=	قرله	۳
=	سرای	۳	=	الحصار	۳
آبی پیام	غربی قره آغاج	۲	=	صالحلو	۳
			=	کوردوس	۳
			=	تیورجی	۳
			طاقمان	اشبه	۳
			=	قرق آغاج	۳
			=	صومه	۳

## — احوال بلاد مشهوره —

ازمیر شهری — کندی اسمی ایله مسمی غایت ایشـلـك بر لیمانك منتها—سـنـده كائن و ۱۵۰,۰۰۰ نفوسی جامع مشهور بر بلده در. ممالك عثمانیه نك در سعادتن صوكره ایكنجی شهریدر. شهرك درونی آثار عتیقه ایله مملودر. بین الاهالی فرنك محله سی دینان محل ایله محال کثیره سی ابنیه جسیمه ونقیسه ایله معموردر. شهرك شمال طرفنده شمندوفر خطنك مکمل بر موقفی و ریختم بویجه وسائر طرفلرنده ایشلر تر اموایی واردر. لیمانده از میره جوار اولان اسکله نره واپور ایشلمکده در .

( ازمیر ) ك شرف و اهمیت تجاریه سی بر قات دها تزید و توسیع ایدن ریختم ۷ کیلو مترو طولنده و ۲۵ آرشون عرضنده در. لیمانه دخی هر وقت ملل مختلفه تاجر لرینك بعضیسی كلوب کیتیمکده و بعضیسی دخی مذکور لیمانده دائمی صورتده اوطور مقدمه در. دول اجنبیه قونسولوسلرینك اسكانه مخصوص برر قونسولوسخانه واردر.

بر قول ( آیدین ) طریق ایله ( سرای کوی ) و ( دینار ) . [ ۲۸۳ کیلو مترو طول ] و بر قول دخی ( مغنیه ) یه اوغرایه رق ( الاشهر ) . [ ۳۰۵ میل طول ] و ( قره حصار ) ه قدر کیدن شمندوفر خطلری ( ازمیر ) دن حرکت ایدر لر . آیدین طریق اوزرنده بری ۱۰۰ و دیگر ی ۳۲۰ مترو طولنده ایکی تونل واردر . ( ازمیر ) ك اخراجاتی کثیر و پلاموط آغا جلری مشهوردر .

آبرین قصبه سی — مذکور قصبه مرکز ولایتك ۲۴ ساعت  
سمت جنوبیست و منبت براووده میندرد. (ازمیر) دن (دینار) ه  
طوغری کیدن شمندوفر خطی مذکور قصبه یه اوغرا دینی  
جهتله تجارتی یولنده در. اها لیسنك زراعت و صنایع و تجارت  
خصوصا لرند غیرت فوق العاده لری وارد در.

باشلیجه حاصلاتی (اوزوم)، (اینجیر)، و انواع قاشیدن  
و تجارتی دخی آناتولی شاهانهك ایچری طرفلرندن کلن  
منسوجاتدن عبارتدر.

مفینا قصبه سی — اسکیدن (قزل حصار) دینیر ایدی.  
بو قصبه (ازمیر) ك ۸ ساعت قدر شمال شرقیست و (کدوس)،  
نهری صول ساحلی قربنده و بر طاغ اتیکنده در. اها لیسنك  
مقداری ۵۲,۰۰۰ کشی یه بالغ اولمشدر. قصبهك ایکشرمنا ره لی  
جامعلری و خسته خانه و مدرسه و عمارت لری مشهوردر. اراضیسی  
هر نوع حبوبات و میوه یتشدیرر.

قصبهك جوار ترلارنده یتشدیریلن قاوونلری (مغنیسا  
قاوونی) نامیله معروف و مشهوردر. مذکور قصبه آناتولی  
شاهانهك بموق اخذ و اعطاسی ایچون برنجی مواعنددر.  
جوارنده کی طاغلرده دخی کو کرد معدنی کشف اولمشدر.

مفله قصبه سی — ولایتك سنجا ق مرکز لرندن بری  
اوله رق (ازمیر) ك ۴۸ ساعت جانب شرق جنوبیست و در.



( مغله Mougla ) نك بر ساعت قدر بمندده ( قره باغلی )  
 نامیه معروف بر محلی وارد. آب و هوا سنك لطافتی جهتیله  
 قصبه اهالیسی یاز موسی اورداده اعمار ایتش اولدقلمری  
 باغلر نده امرار ایدر لر .

( بوزاق ) ناحیه سی ( مغله ) یه مربوط و کو کردلی قاپلیجه سی  
 مشهور در . ( مغله ) ایله ( بوزاق ) قریه سی آره سی ۴ ساعت در .  
 دکزلی قصبه سی — ولایتك دکزلی سجاغك اداره مرکزی  
 اوله رق مقر ولایتك ۴۳ ساعت جنوب شرقی سنده و ( بابا )  
 طاغی اتکینده معمور بر بنده در . قصبه نك اوچ طرفی طاغلی  
 ایله محاط اولوب شمال جهتی بر اووه یه ناظر در . ( دکزلی )  
 قصبه نك میاء جاریه نك کثرتندن طولانی هواسی رطوبت لودر .  
 دکزلی قضاسی ( بیوک مندرس ) نه ری توابعندن ( چوروح )  
 صو ایله اروا ایدلیدکندن هر نوع حبوبات حاصل ایدر و قضا  
 اهالیسی بموق زراعتی ایله اشتغال ایلر .

قوسه آطه سی قصبه سی — ازمیردن صو کره آطه لر دکزلی  
 ساحلنده مهم بر اسکله در . بو قصبه مرکز تابع قضا لردن ( قوش  
 آطه سی ) قضا نك کرسی اداره سی اوله رق مقر ولایتك ۱۶  
 ساعت جهت جنوبیه سنده و کندی اسمی ایله یاد اولنان کوزل  
 بر لیانك ساحلنده مبنیدر . بو لیانه اداره مخصوصه واپورلری  
 هر هفته منتظماً اوغرار .

مذکور قضانك ( اوزوم ) ، ( انجیر ) ، ( طحجن حلواسی )

( صابون ) یوزدن تجارتی یولنده در. قصبه جوارنده کی معدن  
صولری دخی علل و امراضه نافع در. ( قوش آطه سی ) قضاسی  
ایله ( سوکه ) قضاسی بیننده کی ( کموش ) طاغنده زمیره معدنی  
وارد در.

مدن قدیمه دن معدود اولان ( نه فس = ایائلوغ ) ناحیه سی  
بوقضایه مربوط و توتون حاصلاتی ایله مشهور در.

چشمه قصبه سی - ( ساقز ) آطه سنک قارشو سنده و ( اورله )  
= چشمه ( یارم آطه سنک غرب ساحلنده هوا سی کوزل  
و اراضی سی منبت و معدن صولری مشهور برلیمان موقعیدر.  
ازمیره اولان بعدی ۱۸ ساعت در.

اورله قصبه سی - مقر ولایتک ۹ ساعت جهت غربیه سنده  
( ازمیر ) کور فزی جنوبنده بش کیلومتر و ایچروده براسکله  
موقعیدر. ساحلنده برقرانته خانه وارد در. مذکور قصبه تجارتجه  
مواقع مهمه دن معدود بولندی فی جهتله شبه جزیره دخی کنندی  
اسمی ایله معروف در.

تیره قصبه سی - ( ازمیر ) سنجاغی قضا مرکز لرندن بری  
اوله رق مقر ولایتک ۱۶ ساعت سمت شرقی سنده در. قصبه نک  
جنوبی ( جمعه ) طاغلری احاطه ایلمش در. مذکور قصبه یه  
اهمیت موقعیه سندن ناشی ( آیدین ) شمندوفر خطی ( طور بالی )  
موقعندن بر شعبه تمید ایتش در. ( تیره ) قضاسی ( کوچک مندرس )

نهری ایله اروا واسقا اولندیغندن اراضیسی منبتدر . اهالیسی  
دخی کرک زراعت و کرک (پموق) ، (زیتون) ، (اوزوم) یوزندن  
خیلی استفاده ایلمکده در . (جمعه) طاغنده دخی واسع اورمانلری  
واردر .

منمن قصبهسی — مقر ولایتک ۶ ساعت سمت شمالیسنده  
و (کبدوس) نهری کنارنده و شمندوفر خطی اوزرنده در .  
(منمن) ک قاوونی مشهوردر .

برغمه قصبهسی — (ازمیر) ک ۱۸ ساعت طرف شمالیسنده  
قضا مرکزیدر . ساحل بحردن ۳۰ کیلومتر و ایچروده در .  
منسوب اولدینی قضایی (باقر) چایی اروا و احیا ایدر . (برغمه)  
(چاندارلی) کورفزینه مالک اولدینی جهتله جوار قضا-الرینک  
ادخلات و اخراجاتنه واسطه اولمشدر . (برغمه) نک پموق  
قاریقهلری مشهوردر . (چاندارلی) ناحیهسی ده همنامی اولان  
کورفز کنارنده بولندیغی جهتله کسب شهرت ایلمشدر .

نازلی قصبهسی — مقر لوا اولان (آیدین) قصبهسنک ۸  
ساعت سمت شرقیسنده و شمندوفر خطی اوزرنده بر قضا  
مرکزیدر . قصبه نک (میان کوکی) مشهوردر .

(بیوک مندرهس) نهری قضا داخلنده جریان ایدر . بویوزدن  
منسوب اولدینی قضانک کرک زراعت و کرک تجارتجه اهمیت فوق  
العادهسی واردر . قاپلیجهسی دخی امراض جلدیه نافعدر .

بوزطفاه قصبهسی — آیدین سنجاغنه مربوطدر . بو قصبه

(بیوک مندرهس) نهری توابعندن (آق صو = آرپه چای) نامنده کی  
صو کنارنده بر اووه ددر. شمندوفر خطی اوزرنده بولسان  
(نازللی) یه بر شوسه یول ایله مربوطدر. مذکور قصبه نك باغ  
و باغچه سی چوق و آرمودی مشهوردر.

طوغودلی قصبه سی — بوکا (قصبه) اسمنی دخی ویررلر.  
بو قصبه (صاروخان) سنجاغی قضا مرکز لرندن بری اولوب مقر  
لوا اولان (مغنیسا) نك ۶ ساعت قدر شرقنده و شمندوفر خطی  
اوزرنده اهمیتلی بر بلده در. قصبه جوارنده کلی کل فدانی غرس  
ایلمشدر. (طاغ مرمره سی) ناحیه سی بو قضایه مربوطدر.  
منسوب اولدینی قضانك جنوبنده (بوز) طاغی وارددر. شمالنده  
ایسه (کدیز) چای جریان ایتدیکی جهتله اراضی سی منبت  
و محصولداردر. تیمور یولی قضانك شمالندن کچر.

قصبه نك شرقنده و شمندوفر یولی اوزرنده مشهور (سارد)  
شهری خرابه لری کورنمکده و اینده سنك انقاضی معموریت  
سابقه سی اثبات ایلمکده در.

آلاشهر قصبه سی — (صاروخان) سنجاغی قضا مرکز لرندن  
بری اوله رق (مغنیسا) نك ۲۳ ساعت شرقنده و (بوز) طاغی  
اتکنده در. (آلاشهر) چای قصبه نك یارم ساعت جنوبنده جریان  
ایتمکده در. (ازمیر) دن کلن شمندوفر خطی بو قصبه دن کچدیکی  
جهتله تجارتی بولنده در. سکنه نك بر طاقی بویاجیلیق صنعتنده  
ماهر و بر طاقی تاجر اولوب (ازمیر) ایله خیلی اخذ و اعطا

ایدولر. قصبه نك ( افیون ) حاصلاتی دخی مشهور واوزوم  
محصولی کثیردر.

منسوب اولدینی قضانك آثار عتیقه سی چوقدر. خانهلری  
دخی کیمی اخشاب وکیمی طوپراقدن معمولدر.

کوردوسی قصبه سی — ( کوردیز ) دینلن بوقصبه دخی  
( صاروخان ) سنجاغنه مربوطدر. قضا داخلنده ( قوم چانی )  
دینلن صو جریان ایتمکدهدر. قضانك حبوبات و ( افیون ) ،  
( اوزوم ) ( پاموق ) حاصلاتی کثیردر.

آقحصار قصبه سی — ( صاروخان ) سنجاغنك قضا  
مرکز لرندن بریدر. بوقصبه ( مغنیسا ) نك ۱۰ ساعت سمت شمال  
شرقیسنده و ( کدوس ) نهری توابعدن بری قربنده ومنبت  
بر محله مبنیدر. اینیه سی دخی باصیق و طوپراقدن معمولدر  
آقحصارك ( ناری ) مشهوردر.

( آقحصار ) قضا سنك ( افیون ) ، ( پاموق ) حاصلاتی  
کوندن کونه ترقی ایتکدر ( مرمره جك ) ناحیه سی وکولی  
بوقضا داخلندهدر. مذکور کول بر آیاق واسطه سیله ( کدوس )  
نهینه صو ویرر.

قرو آغاج قصبه سی — صاروخان سنجاغنی ملحقانندن  
( قرق آغاج ) قضا سنك اداره مرکزیدر. مذکور قصبه مقر  
لوانك ۱۵ ساعت سمت شمالیسندهدر.

( قرق آغاج ) قصبه سنک ( پاموق بالی ) مشهور اولدیغندن  
برخیلیسی خارجه کوندریلیر. پاموق حاصلاتی دخی برکتلیدر .

میوس قصبه سی — مرکز لوا اولان مغله ک ۱۰ ساعت  
سمت غرب شمالیسنده در. اراضیسنده یتشدیریلان حبوبات  
وزیتون واوزومدن قسم کلیسی خارجه چیقاریلیر . قصبه نک  
۴ ساعت غربنده کائن ( کولک ) اسکله سی جوارنده کی دالیانده  
یک چوق بالق صید ایدیلیر .


بوردرم قصبه سی — ساحل بخرده کندی اسمی ایله  
یاد اولنان شبه جزیره نک جنوبنده قدیم بر بلده در. اسم قدیمی  
( هالقه-ارناس ) اولوب مورخین مشهوره دن ( هرودوت ) ک  
وطنیدر. آثارعتیقه سی چوقدر. اهالیسی دکزدن چیقاردقلری  
( بالق )، ( سونکر ) یوزندن خیلی استفاده اتمکده در .

کریجک قصبه سی — سنجاق مرکزی اولان ( مغله ) نک  
۱۰ ساعت جانب جنوبیسنده وکندی نامیله یاد اولنان کولک  
جوارنده در. اشبو کول بر آیق ایله بخر-سفیده آققده  
ودرونندن دخی بر خیلی بالق صید ایدلمکده در. بو کوله  
( یوکسک قوم ) کولی دخی دیرلر. مذکورکولک صوی طاشه رق  
اطرافده بولنان محللری خراب اتمکده در . منسوب اولدینی  
قضانک اورمانلری دخی مشهوردر. آنک ایچون قضا داخلنده  
کراسته ماکنه لری واردر .



مرمریسی قصبه سی — بو دخی ( مغنيسا ) سنجاغك قضا  
مرکز لرندن بری اوله رق بحر سفید ساحلنده همنای اولان  
لیمانك كنارنده در . اهالیسی بولیماندن خیلی استفاده ایدر لر .  
مکری قصبه سی — ( مرمیریس ) مثلاًو قضا مرکز لرندن  
اوله رق بحر سفید ساحلنده کوزل بر لیانه مالکدر .

سرای قصبه سی — دکزلی سنجاغك حاوی اولدینی قضا  
مرکز لرندن بری اوله رق مقر لوانك ۴ ساعت جانب غربیسنده  
و ( آیدین ) شمندوفر خطی اوزرنده در . منسوب اولدینی قضائی  
( بیوك مندرهس ) نهری توابعندن ( آرپه ) چای اروا ایلدیکندن  
قضانك زراعت یوزندن پك چوق استفاده سی واردر .  
( بابا طاعی ) دخی جنوب غربیسنده متمد اولمشدر .



## ﴿ جزائر بحر سفید ولایتی ﴾

حدود -- سکنه -- تعریفات طبیعیہ -- محصولات ارضیہ  
و صنایعہ -- صورت اداره -- احوال بلاد مشہورہ

صبرو -- ( جزائر بحر سفید ) ولایتی آطہ لر دکنزدہ کائن  
( اسپورات شرقی ) و بحر سفیددہ کائن جزائرک بمضیلرندن تشکیل  
ایدہ رک شمالاً ( درنہ ) ولایتی ساحلی و آناتولی شاهانہ اقسامندن  
( قلعہ سلطانیہ ) متصرفلنی و شرقاً ( آیدین ) ولایتی ساحلی و جنوباً  
( بحر سفید ) و غرباً ( کرید ) و ( یونان آطہ لری ) و ( سلاویک )  
ولایتی ساحلی بہ تخاض و محدوددر .

سکنہ -- ولایت منکرہ نک متعارف سکنہ نی ملل مختلفہ دن  
عبارت اولمق اوزرہ تقریباً ۲۶۵,۰۰۰ قدردر .

محصولات ارضیہ و صنایعہ -- جزائر بحر سفید ولایتک  
ہواسی حد اعتدالده اولوب اراضیمی دخی اولدجقہ منبت  
و محصولداردر . حاصلات ارضیہ سی ہر نوع حبوبات ایلہ ( زیتون )  
و بعض محللرندہ ( بابوق ) ، ( توتون ) و انواع میوہ و سبزہ و ( لیمون ) ،  
( پورتقال ) ، ( انجیر ) در .

ولایتک باندیجہ اورمانلری ( ردوس ) ، ( مدلولو ) ، ( ساقز ) ،  
( کرپہ ) ، ( قاشوط ) آطہ لرندہ واقعدر .

محصولات صنایعہ سی دخی ( زیتون یاغی ) ، ( صابون ) ،  
( احرام ) ، ( جوزاب ) ، ( کلیم ) ، ( الاجہ یوک ) ، ( قوشاق ) دن  
عبارتدر . بونلرک ایچندہ ( استانکوی ) ک کلیم ، خالی دستکالہری  
و ( مولوہ ) نک یوک قوشاقلری و ( ییلمار ) ک آلاجہ بزلی

مشهور در . ولایت اهلایی ( زیتون ) ، ( قوری اوزوم ) ،  
 ( سونکر ) و سائر یوزدن خیلی استفاده ایتمکند و درون  
 ولایت دخی هر نوع صنعتکار بولمقد در .

ولایت داخلده ۵۰ قدر فابریقه و ۶۱۵۰ یل دکرمنی ، ۲۴۸  
 باغخانه و ۵۸ دباغخانه و ۹ قدر طاش و طوغله او جاقبری وارد در .

### — صورت اداره —

ولایت مذکوره ( ردوس ) ، ( ساقز ) ، ( مدلو ) ، ( لمفی )  
 اسمارنده درت عدد سنجاغه تقسیم اولمشده در . مقر ولایتی  
 ( ردوس ) آطه سنده کی ( ردوس ) شهر یدر . سنجاق مرکزی  
 هنامی اولان قصه بهر در . مذکور سنجاق اولدیغی  
 قضاار آتیده کی جدولده مذکور در .

ردوس سنجاغی			ساقز سنجاغی		
ب.پ.	قضالر	مرکز اداره لری	ب.پ.	قضالر	مرکز اداره لری
۱	قاشوط (حبوبات)	=	۱	قالینوس	=
۲	میس	( قاتالورین )	۱	لریوس	=
۱	سومبکی	سیی	۲	قاریپوط	=
۲	کرپه	قاریاطوس	۳	ایپساره	=
۳	استان کوی	=	لمفی و یا ایلیمیه سنجاغی		
مدلو سنجاغی			۲	امروض	=
۳	صغری	=	۲	بوزجه اطه	تنه دوس
۱	بیلار	=			
۲	مولوه	=			
۳	یوندن	=			

## — احوال جزائر —

ردوسی آله سی — ولایتک سمت جنوبیسنده و ( قلعه سلطانیه ) نك ۳۰۵ میل بعدنده کائن اوله رق شمال شرقیدن جنوب غربییه طوغری امتداد ایلمشدر. املهك ۳۹ میل طولی و ۱۲ میل عرضی واردر. اراضیسی طاغلق و بعض محللری منبتدر. فقط اهالیسنك احتیاجاتنه غیر کافی اولوب باشلیجه حاصلاتی ( بال ) ، ( بلومی ) و انواع میوه در. ( — لوك ) ، ( سونکر ) حاصلاتی دخی مشهوردر .

والینك اقامت ابتدکی محل جزیرهك شمال شرقیسی ساحلنده و برتیه اوزرنده کائن ( ردوس ) شهریدر . بوشهرك اطرافی باغ و باغچهلر ایله مزین اولوب سوقاقلری واسع و چاقل طاشلری ایله مفروشدر. ابنیه سی دخی برسیاقده انشا ایدلمش اولدیغندن ولایتک سائر شهرلرینه فائقدر. جزیره ده ۲ ناحیه ۴۵ قریه و ۲۹ محله واردر.

ماقر آله سی — ( آیدین ) ولایتی اراضیسندن معدود اولان ( اورله ) یارم آله سنك درت میل قدر اوزاغنده و ( چشمه ) قصبه سنك قارشوسنده ۲۷ میل طولنده ۱۰ میل عرضنده در. مرکز ولایت اولان ( ردوس ) دخی ۱۸۰ میل اوزاقدور . اناطولی ساحلندن دخی اك طار قسمی ۴ میل قدر اولان برقال ایله آیرلمشدر. ( قلعه سلطانیه ) ایله مذکور آله ییننده ۱۳۷ میل

مسافہ واردر۔ مقر ادارہ سی (قاسٹرو) دینلن (ساقز) شہریدر۔  
جزیرہ مذکورہ۔ اراضینک طساعلق وقیسالق اولسی حبسیلہ  
حبوبات آڑحاصل اولور ایسہذہ انواع میوہ وخصوصیلہ (انجیر)،  
(بادم)، (لیون)، (پورتقال)، (زیتون) آغاچلری چوقدر۔  
ساقز آغاچلرینک کثرتی جزیرہ یہ اوناسی ویرمشدر۔

(ساقز) آطہ سنک باغلری معمور و (وولیسو Voliso)،  
(قلاموتی) ناحیہ لرندہ بولنان اورمانلری مشہوردر۔

مدلولو آطہ سی — (لسپوس) دیدکاری (مدلولو) آطہ سی  
آطہ لر دکنزدہ کی جزائرک اکبر واعظمی اولہرق (ادرمید)  
کورفزی مداخلندہدر۔ مرکز ولایت اولان (ردوس)۔  
مسافہ سی ۲۴۰ و (قلمہ سلطانیہ) یہ اولان بعدی ۸۰ میلدر۔  
جزیرہ مذکورہ نک ہواسی لطیف وصحتہ نافع ایسہذہ درونی  
ایکی سلسلہ جبال احاطہ ایتش اولدیغدن مزروعات احتیاجات  
امالی یہ غیر کافیدر۔ فقط زیتون آغاچلری کثیر وهر درلو  
میوہ سی و (اوزوم)، (انجیری) مینولدر۔ انشاآتہ الویریشلی  
آغاچلر وبنکلی مرمر طاشلری موجوددر۔ سواحلدن دخی  
میدیا چیقاریلیر۔

(مدلولو) آطہ سنک شرق ساحلندہ کائن (مدلولو) قصبہ سی  
ایلہ غرب جنوبیدہ لیانی مشہور اولان (قالونی Kaluni) وسمت  
شمالیدہ (مولوہ) قصبہ لری جزیرہ نک معروف محللریدر۔ بولردن  
(مدلولو) قصبہ سی مقر لوا اولہرق هوا غازیلہ تنویر ایدلمشدر۔

لیمنی آطه‌سی — ( ایلیمیه ) نامیه دخی یاد اولنور. بو آطه ولایتک سمت شمالیسه‌نده بولنه‌رق زمینی عارضه‌لی وشکلی غیر منتظمدر. مرکز ولایت اولان (ردوس) ۲۸۴ میل اوزاقدرد. (قلعه سلطانیه) یه اولان بعدی دخی ۷۰ میلدر. جزیره‌نک مزروع اولان محللارنده حبوبات وانواع میوه وسبزه (قاوون) (قارپوظ)، (زیتون)، (بادم) وباغلرنده کلیتلی (اوزوم) حصوله کلیر. مرعالرنده دخی اغنام رعی اولنور.

(لیمنی) آطه‌سنک باش‌لیجه بلده‌سی غرب ساحلنده برتیه اوزرینه مبنی (لمنی) شهریدر. فقط شهرک هواسی وخیم اولدیغندن اهالیسی کوندن کونه آزالمقدردر. قصبه‌نک قایماغی و (پاموق بزی) مشهوردر. اهمیتلی لیمانی اولان (مودروس) قریه‌سی آطه‌نک معروف بلده‌سیدر. (استراتی) دینلن (بوزبابا) آطه‌سی (لیمنی) اداره‌سنه مربوطدر.

صومبکی آطه‌سی — ( صومبکی Sombéqui ) دینلن (سیمبی) آطه‌سی مرکز ولایته مربوطدر. (ردوس) آطه‌سنک ۲۰ میل شمالنده وکندی اسمی ایله یاد اولانسان کورفک آغزنده و ۳۷ کیلومترو محیطندهدر.

آطه‌نک سواحلی کیرنتیلی چیقیندیلی اولدیغندن اطرافنده متعدد لیمانلر تشکل ایتیش و بولردن اک ایشلیکی ( صومبکی ) لیمانی اولوب هردرلو روزکاردن مصون بولنمشدر. هواسی دخی



لطیفدر . تجارت و صنایع محلیه سونکر جیلک ، قایقجیلقی ایله بالقجیلغه منحصردر .

استانکوی آطه سی — ( استانکوی ) نام دیگرله ( قوس Kos )  
 آطه سی ( ردوس ) لوانه مربوط اوله رق کندی اسمنه منسوب  
 لیانك مدخلنده وردوسك ۶۰ میل بامدندهدر . آطه نك ۴۰  
 کیلومترو طولی و وسطی اوله رق ۸ کیلومترو عرضی واردر .  
 اراضیمی منبت و محصولدار اوله رق ( لیون ) ، و ( پورتقال )  
 و ( قوری اوزوم ) ، کثرت اوزره حصوله کتیرمکدهدر .

( استانکوی ) آطه نك حاصل ایتدیکی ( قارپوظ ) هم ایری  
 وهم لذیذ اولور . جزیره نك ( قیون ) ، ( کچی ) سوریلرینی بسلامکه  
 کافی مرعاری چوقدر . قائم مقامغه اداره مرکزی اولان قصبه  
 جزیره نك شمال شرقیسنده و ( بودروم ) قصبه نك قارشوسندهدر .  
 قصبه نك شمالنده کی برونده سطح دریادن ۵۹ قدم ارتفاعنده  
 بحر آ ۵ میل مسافه دن مشاهده اولنور . ثابت و قرمزی بر  
 قار و جنوب جهننده برقلعه واردر . بوقصبه پك اسکی اولوب ،  
 حکیم شهر بقراطك دخی مسقط رأسیدر .

بوزجه آطه — ( بوزجه آطه ) دینان ( تنه دوس ) آطه سی  
 ( لینی ) سنجاغی ملحقاتندن اوله رق آنا طولی ساحلندن سکز میل  
 قدر آچیقدهدر . ( قلعه سلطانیه ) یه اولان بامدی دخی ۲۰  
 میلدر . آطه نك اوزوم محصولی کثیردر .

امروز آطه سی — ( لیمنی ) نك جانب شمال شرقیسنده اولان  
میل قدر آچیغنده و ( قلعه سلطانیه ) بوغازینك منتها سی اولان  
( سد البحر ) ك ۱۶ کیلومترو غرب شمالیسنده در . بو آطه هر نه  
قدر اورمانلر ایله مستور و جبال مرتفعه ایله محاط ایسه ده  
اراضی سی صولرك كثر تندن ناشی منبت و مرعاری پك چوق  
سوریلر بسلامكه صالحدر . مركز قضا آطه نك ساحل شمالیسنده  
مؤسس اولوب بر قاق قریه سی واردر .

درون جزیره ده كایمیلی انجیر حصوله كلیكده و سواحلمندن دخی  
( بالق ) و ( سف ) چیقار لمقده در . لیمانی كوچك ایسه ده اهمیت  
فوق العاده سی واردر .

### ﴿ قبریسی آطه سی ﴾

بو آطه بحر سفیدك شرق صولرنده و ( آناتولی ) ایله ( سوریه )  
قطعه لری آره سنده و ۲۱۰ کیلومترو طولنده و ۶۰ الی ۸۰  
کیلومترو عرض سنده در . مقدار نفوسی دخی ۳۰۰,۰۰۰ کشی به  
بالغ اولور . جزیره مذکور نك سواحلی کیریشلی چیقشلی  
اولوب شرق شمالیسی ( اسکندرون ) کور فزی مقابلنه طوغری  
اوزامش اولان ( آندریا Andrea ) برونی ایله نهایت بولمشدر .  
جزیره نك شرقنده ( غره قو Greco ) ویا ( پوراز ) و جنوبنده  
( غواتا Gavato ) ویا ( غلطه ) و غربنده ( آرناتوتی Arnaouti )  
آرناوود ) و غرب شمالیسنده ( قورماکیتی Kormakiti ) بروناری  
واقعدر .

مذکور الاسامی (آندریا) و (ضرقو) بروئری آرہ سندہ  
جزیرہ نک اک مهم لیمانی اولان (فاماغوستہ Famagusta)  
لیمانی واردر .

(قبریس) آطہ سندہ شرقدن غربہ طوغری امتداد ایدن  
(اولیمپ) نام آخرلہ (ترو دیس) سلسلہٴ جبالی واردر .  
بوسلسلہٴ جبالت ذروہ سی اشجار غیر مثمرہ ایلہ مستور واوزرنده  
بولنان چند عدد روم مناستری مشہوردر .

(ترو دیس) سلسلہٴ جبالتک شمالندہ بولنان اووہ (مسالیہ)  
اووہ سی (دینیر) (پیدیاس Pidias) نہری دخی مذکور اووہ  
داخلندن بالمرور (فاماغوستہ) لیمانہ جریان ایدر .

جزیرہٴ مذکورہ نک ہواسی جہت شمالیہ مدہ معتدل وصحت  
وجودہ نافع ایسہدہ اراضی مرتفعہ سی صغوق وطرف جنوبیسی  
بالعکس صیجا قدر اراضی سندہ بغدایک اعلاسی حصولہ کلدیکی کی  
(توتون)، (پاموق)، (ایک)، (کوک بویا) وانواع میوہ حاصل اولور .  
(قبریس) آطہ سنک منسوجات حریرہ وقطنیہ سی مقبول

واوزوم باغلری مشہوردر . قبریسدہ چیقان برنوع طاش (قبریس  
طاشی) نامیلہ معروف وبوندن یاسیلان یوزک ومہری مرغوبدر .  
(قبریس) آطہ سنک اک مشہور بلدہ سی جزیرہ نک وسطندہ  
وغایت منبت ولطیف اولان (مسالیہ) اووہ سندہ کائن (لفقوشہ)  
شہریدر . شہرک زقاقلری منتظم وچارشوسی مشہوردر .

اسکله سی دخی شرق ساحلندہ کائن واوروپا تجارت  
وقونسلسلرینک مقر و آرامگاہی اولان (طوزلہ) نام دیگرلہ

( لارناقه ) قصبه-یدر. جوارنده بیوک مملکت واردر. جزیره مذکورہ نك شرق ساحلندہ ( ماغوسا ) ویا ( فاماغوستا ) قصبہ سی مبنیدر. جنوبندہ دخی ( لیمی سوس Limisos ) دنیلن ( لیمیسا Limisa ) و ( بافہ Bafa ) ویا ( بافوس ) و شمال ساحلندہ ( کرنیہ Kerynia ) قصبہ لری کائندر.

### ✽ سیام ایالتی ✽

اشبو ایالت ( اسپورات شرقی ) آطہ لرندن بری اولان ( سیسام ) آطہ سی اداره سندن عبارتدر. مذکور آطہ ( قوش آطہ سی ) لیمانك جنوب غربی جهتندہ بیضی الشكل اولہرق ( آناطولی ) نك ( صامسون ) بنندن ۲ کیلومتر و عرضندہ اولان ( سیسام بوغازی ) ایله تفریق اولمشدر. مساحت سطحیہ اراضیہ سی ۴۶۷ کیلومتر و مربعہ و مقدار نفوسی ۵۰,۰۰۰ کشی بہ بالغ اولور. اراضیسی اولقدر منبت دکل ایسہدہ زیتون آغاچلری واوزوم باغلری و ( انجیر ) حاصلاتی کثیردر. جزیرہ اہالیسی اکثریت اوزرہ دکزدن ( سونکر ) اخراجی ایله مشغلدر. ( سیسام ) آطہ سی ایالت ممتازہ صورتندہ اداره اولمقدہ اولوب مقر اداره سی جزیرہ نك جنوب شرقی سندنہ ( حورا Hora ) بلده سیدر. اسکلہ سی اولان ( تیغانی ) قصبہ سی دخی شمال روزکارلرینہ آچیق اووہلق بر محلہ مبنیدر. ( واتی Vathy ) لیمان موقعی دخی معروفدر.

## ﴿قونیہ ولایتی﴾

حدود — سکنه — تعریفات طبیعیہ — محصولات ارضیہ  
و صناعیہ — صورت اداره — احوال بلاد مشهوره

مرکز — قونیہ ولایتی (آیدین) ولایتنک شرقندہ واقع  
اوله‌رق شمالندہ (خداوندکار)، (انقره) ولایتلری کائندر.  
جنوبی (بحر سفید) ساحل و جنوب شرقیسی (اطنه) ولایتنه  
متصلدر.

سکنه — ولایت مذکورہ‌تک نفوس موجوده‌سی مسلم  
و غیر مسلمدن عبارت اوله‌رق ۷۵۰,۰۰۰ قدر تخمین  
ایدلمکده‌در.

احوال طبیعیہ — قونیہ ولایتنک جنوبی طاغلق اولوب  
وسط و شمال جهتلرندہ طوزلی کوللر و شرق طرفندہ کوزل  
اووه‌لر و مرعالر وارددر. منتهای جنوب غریبسندہ (آنطالیه)  
کورفزی موجوددر. طاغلرینک باشلیجه‌سی (اطنه) ولایتی  
ایله حدودینی تشکیل ایدن سلسلهٔ جبالدر. بوسلسلهٔ جبال  
شرقدن غربه طوغری اسامی مختلفه ایله امتداد ایدر. حین  
امتدادندہ (آطاغ)، (بلغار = بوغا)، (صوماق Soumak)،  
(کیک) طاغلری اسملرینی آلیر. (آنطالیه) لیاننک غرب  
ساحلندہ دخی (تحتلی) نامندہ طاغلر بولمقده‌در.

بوندن باشقه سمت شمالیسندہ (سلطان) طاغلری واردر که

مشهور (امیر) طاغی ایله اتصال کسب ایتشدور بوجهته  
( انقره ) ولایتی حدودنده دخی (پاشا) طاغی موجوددر.  
( قره مان ) که شمالنده (قره) و (قره جه) طاغ نامند، طاغلو وارددر.  
قره جه طاغک جانب شمال شرقیسنده (حسن) طاغی بولنور.  
( دیپ پوراز ) طاغی (بکشهری) کولی قربنده و (آغلاصون)  
طاغی دخی (اسپارته) قصبه سی جنوبندهدر.

قونیه ولایتی داخلنده بولنان انهار اطرافی طاغاق اولدینی  
جهتله مجرا بوله مدقزلندن طبیعی کوللر تشکیل ایدر که سولرینی  
اورالره بوشالتمقددر. فقط (کوپری) صوی ایله (آق صو)  
پیدا ایلدکاری مجرا ایله (آنطالیه) کورقزنده بحر سفیده آقارلر.  
کوللرک باشلیجه لری (طوزلی) کول ایله (آق شهر)،  
(بکشهری)، (اکردیر) کوللریدر.

مذکور کوللردن (طاطا) نام جدیدله (طوزلی) کوله  
(حسن) طاغندن نیمان ایدن (بیاض) صو ایله (سلطان) طاغی  
جهتندن کلن (این) صوی دوکیلور. (آق شهر) کولنه دخی  
(خداوندکار) ولایتنده ذکر اولنان (ابر Eber) کولی بر  
آباق ایله آققدهدر. (بکشهری) کولنه (ایسمیل) قریه سی  
جهتندن کلن (ایسمیل) صوی ویرمکدهدر. (اکردیر)  
کولنه (بوغاز) صوی جریان ایدر.

مذکور الاسامی کوللردن باشقه قونیه ولایتنده جهت  
غربیه ده (بوردرور)، (چوروک صو) و سمت شرقیه (ارکلی)



نام دیگرله ( آق کول ) دینان کولار واردر . اشیمو ( ارکلی )  
کوانه نیکده طرفندن کان ( قزلقه چای ) جاریدر .

محصولات ارضیه و صناعیه — قونیہ ولایتک هواسی لطیف  
وارضی منبتدر حاصلات ارضیه سی حبوبات متنوعه و هر نوع  
میوه و (اوزوم) ، (سبزه) ، (توتون) ، (کتان) و (آشی بویاسی)  
ایله کول و قمریزی بویا و امثالی شیردن عبارتدر .

بونلردن باشقه ولایتک اووه اولان محملارنده (زیتون) ،  
(دوت) آغاجلری واردر . باغلری دخی کثیر اولوب اکثرنده  
(خشخاش) ، (بزی) ، (سینسام) حصوله کلیر .

بحر سفید ساحلنده دخی منطقه حارده یتشان آغاجلرک  
کافه سی نشوونما بولور .

محصولات صناعیه سی (کلیم) ، (سجاده) ، (خالی) و هر نوع  
بز و الاجه و معمولات خفافیه و سراجیه و دباغیه در . ولایتک  
باشلیجه اخراجاتی (یون) ، (پموق) ، (کراسته) ، (کندیر) ،  
(سینسام) (کوک بویا) ، (بالمومی) دن عبارتدر .

قونیہ ولایتی اداره خصوصنده (قونیہ) ، (نیکده) ،  
(حمید آباد) ، (بورردور) ، (تکه = آنطالیه) نامنده بش عدد  
متصرفلغه منقسمدر . مقر ولایتی (قونیہ) شهری اولوب  
حاوی اولدیفی متصرفلقلردن (حمید آباد) سنجاغنک اداره  
مرکزی (اسبارطه) و (تکه) سنجاغنک (آنطالیه) قصبه لریدر .

دیگر سنجاقلرک مقرر اداره لری کندی اسملرنده کی  
 قصبه لر در. مذکور بش سنجاغک مشتمل اولدینی قضالری  
 دخی آئیده کی جدولده مندرجدر.

قونیہ سنجاغی			نیکده سنجاغی		
س.ا.	قضالر	مرکز اداره لری	س.ا.	قضالر	مرکز اداره لری
۳	اقتشهر مع طوغا تحصار	=	۳	نوشهر	=
۴	بکشهری	=	۳	ارکوب	=
۳	سیدی شهری	=	۳	عربسون	=
۳	ایلغین	=	۳	اقسرای	=
۴	بوزقیر	سیرستان	۳	بور	=
۲	قره مان (لاندره)	=	۳	حمیدیه	بلغار معدنی
۳	خادم	=	بور دور سنجاغی		
۴	ارکلی	=	۴	تقی	=
۳	قره بیگار	این اوی			
۴	قوجا تحصار مع اسبکشان		آ نطالیه (تکه) سنجاغی		
حمید آباد ( اسپارطه ) سنجاغی			۳	المالو	=
۲	اولو بوری ( بوری )	=	۱	علانیه	=
۳	اکردیر	=	۴	اقسکی	ماروله
۳	قره اغاج	=	۳	قاش	کومیه
۳	یلوج	=			

— احوال بلاد مشهوره —

قونیہ شهری — براووہ اوزرنده مینی و اطرافنی سور ایله

محاط و (حیدر پاشا) به شمندوفر خطی واسطه سیله متصل  
 و ۳۴,۰۰۰ نفوسلی مشهور بر بلده در. جهت جنوبیه سنده بولنان  
 جبالک اتکننده و (مرام) دینلن محله اهایسنگ باغ و بوستانلری  
 واردر. اکثر اهالی یاز کونلرینی اوراده امرار ایدر لر. شهرک  
 داخل و خارجنده مصنع آثار عتیقه موجود در. شهرک بر طرفنده  
 کهرجله فابریقه سی و (مرام) ده دخی چارشو، فرون، حمام  
 وجوامع و مساجد واردر.

(قونیه) ده حضرت (مولانا جلال الدین رومی) قدس  
 سره نك مرقد منوری و اتصاننده بیوک بر مولوی درکاهی و برده  
 جامع شریف واردر. فقط اصل شهر داخل س-ورده اولوب  
 مشارالیه حضرت تلرینك تربته منیرملری خارج شهرده بولمادیغندن  
 شهر اهالیسی قدسیتنه قریبت داعیه سیله تربته شریفه اطرافنه  
 نقل مسکن ایتمش اولدقلرندن درون حصارده والینك اقامته  
 مخصوص قوناق ایله بر محکمه و براز اسلام ورعایا خانلری و ایکی  
 عدد حمام کبی شیر قالمشدر.

قونیه اووه س-نه (چهارشنبه) نهری جریان ایدر. بو  
 نهر مذکور اووه ده واقع قریه لردن بعضی لری نك مزروعاتی  
 استیلا ایتمکده در.

(قونیه) نك مرعالرنده اغنام و حیوانات سائر. رعی اولنور.  
 کلیتله حاصل اولان تفتیک و پیاغی هر طرفه کوندریلرک فروخت  
 ایدیلیر. (بولک) تعبیر اولنان قاوونلری دخی مشهوردر.

نیکمه قصبه سی — مقر ولایتک ۳۶ ساعت سمت شرقیسنده  
لوا مرکزیدر. حکومت قونانی جوارنده جریان ایدن نهر  
اوزرنده کارگیر اوله رق بش عدد کوپریسی موجوددر .

نیکده نك محصولات صناعیه سی نسج و نمان ( کلیم ) . ( خالی ) .  
( سجادہ ) ، ( الاجه ) و امثالی شیلردر .

( نیکده ) یه مربوط ( باغار ) طاعی معدن هایوننده ایشلمه کده  
اولان جوهر مغاره لرینك عددی یکریمی تجاوز ایتشددر .  
حاصلاتی کثیر اولان بو معدنك ترکیبی کوش وقورشوندن  
عبارتدر .

( نیکده ) یه بر بچق ساعت مسافده کائن ( ایدول ) قریه  
سنده مالطه طاشنه مشابه بر نوع بیاض طاش معدنی واردر .

اسپارطه قصبه سی — مقر ولایتک ۴۲ ساعت جانب غربیسنده  
( دوراس ) طاغنك شمال اتکمندهدر . مذکور قصبه نك هواسی  
کوزل و باغ و بوستانانی کثیردر . اسکله سی اولان ( آنطالیه )  
قصبه سنه دخی ۲۴ ساعت اوزاقددر .

درون قصبه ده جسم بر قشله هایون واردر . ( اسپارطه ) نك  
ارضی محصولدار اولوب حیوانات متنوعه و ( خشخاش ) و هر نوع  
میوه یتشدیرر . مرعالرنده دخی اغنام و حیوانات رعی اوانور .

بوردر قصبه سی — مقر ولایتک ۲۵ ساعت طرف غربیسنده  
هواسی لطیف و باغ و باغچه لر ایله مزین و معمور بر محله در .  
قصبه بی اروا ایدن اوفاق بر نهر اوزرنده دخی کارگیر و اخشاب

اولہ رقبہ اونی متجاوز کم پری وارد۔ اسکله سی اولان (آنطالیہ)  
ایله بیننده ۲۴ ساعتہ کیدیلمر منتظم شوسہ موجوددر۔

درون قصبہ دہ کوزل الاجہلر وسختیان اعمال اولنور۔

(بوردر) ک سمت غریبسنده بولنان کولک صوبی طوزلو  
اولدینی کبی دروننده هیچ برجس بالق بولماز۔ بوکولہ (کورن)  
وامشالی چایلر منصب اولور۔

(بوردر) اراضی محصولات و سبزہ یتشدیرمکہ  
صالحدر۔ (آغلاصون) ناحیہ سی نواحی مشهوره سندن بریدر۔

آنطالیہ قصبہ سی — قونیہ نیک ۷۲ ساعت سمت جنوب  
غریبسنده مرتفع بر محلده و کندی اسمی ایله مسمی اولان  
کورفرک ساحلنده تجارتلی، منظرہ سی کوزل بر بلدهدر۔

فقط قصبہ نیک سوقاقلری غیر منتظم و خانہ لری اخشاہدر۔  
یازین ہواسی پک صیجاق و آخردر۔ قصبہ نیک شرقندہ (لیمون)،  
(پورتقال)، (ترنج)، (دوت) باغچہ لری وارد۔ مرعہ لرنده  
اغنام و حیوانات رعی اولنور۔ اورمانلرندن کیلان اودون  
و کراستہ دخی تجاری واسطہ سیلہ باشلیجہ (اسکندریہ) یه کوندریلیر۔

آنطالیہ اہالیسنک ایام صیفی امرار ایتیکدہ اولدقلری  
(استانوس) ناحیہ سی دخی معمور و یوز یکرمی قدر دکانی  
حاویدر۔ بوقریہ نیک (آنطالیہ) یه اولان بعدی ۱۲ ساعتہدر۔

آقشہر قصبہ سی — مقر ولایتک ۲۴ ساعت جانب شمل  
غریبسنده (سلطان طاغلری) نامیلہ شرقدن غربہ طوغری

نمند بر جبل آتکندہ دوز بر صحرا درہ در. قصبہ نیک آقار صولری  
وباغ و باغچہ لری چوقدر. چارشوسندہ ( سلطان علاالدین ) ک  
بنا کردہ سی اولہرق یتش بش طولابی و تیموردن معمول اوج  
قبولی جسم بدستانی موجوددر. قصبہ نیک جانب شرقی سندہ کندی  
اسمندہ بیوک بر کول وارددر. بوکولہ ایکی جنس بالق حاصل  
اولہرق بریسنہ ییلان و دیگرینہ سازان تعمیر اولنور.

بکشری قصبہ سی — قونیہ نیک ۱۷ ساعت سمت غربی سندہ  
دوز بر محلدہ و ہمنامی اولان صویک کنارندہ در. قصبہ نیک  
جانب غربی سندہ اطراف قرق ایکی ساعتہ طولاشیلیر. برکول  
موجوددر. بوکول بعض سنہ لر طغیان ایدہ رک صوینی ایکی بچق  
ساعت محیطندہ اولان ( قرہ ویران = صوغلہ = بوزقیر ) نامندہ کی  
کولہ آقیدر و ( صوغلہ ) کولک صوینی دخی زیادہ لشدیکی زمان  
طاشہرق قونیہ اووہ سنہ یایلیر.

( بکشری ) کولندہ ( طلعمان ) نامندہ بر نوع قوش اولوب  
دریسنندن کورک اعمال ایدلایکندن تجاری طرفندن بالمبایعہ  
اوروپایہ کوندریلیر.

منسوب اولدینی قضانک اراضیسی منبت و محصولداردر.  
باشلیجہ محصولاتی حبوبات متنوعہ ایلہ ( افیون ) و ( میوہ )  
وسبزلرک انواعندن عبارتدر. کول کنارندہ دخی پک چوق  
ماندہ بسانیر.

سیری شہری — مقر ولایتک ۱۸ ساعت قدر جنوب



غریبیسنده صولی و باغچیلی بر قصبه در. منسوب اولدینی قضانك اراضیسی منبت و محصـولدار ایسه ده یولاری اولدیغـندن نقلیاتـه اولنان مصارف زراعتك برشی استفاده ایده مامسنى موجب اولمغله فضلـه اكمكـدن اجتناب ایدرلر. قصبه نك خارجنده ایکی عدد قابلیجه واردر. معمولات صنایعـه سی (بز) و (کلیم) و معمولات دباغیه دن عبارتدر.

بوزقیر قضا سی — (قونیه) نك سمت جنوبیسه نده در. اداره مرکزی بولنان (سیرستان) قصبه سی مقر ولایتك ۱۸ ساعت جانب جنوبیسنده بر نهر کنارنده در. نهرك اوزرنده بری داخل قصبه ده وایکیسی خارجنده اوله رق کوپر یلری واردر. (صوغله = بوزقیر) کولی مذکور قضا داخلنده در. مرکز قضا دن کچن صو بوکوله دوکیلور. (بوزقیر) ده اعمال اولنان (تفك) و (طبایحه) مشهوردر.

قره مانه قصبه سی — قونیه نك شرق جنوبیسنده و ۲۰ ساعت بعنده در. بو قصبه نك اطرافنده مرعالر چوقدر. شمال شرقی جهتی بتون اووه لقدر. آقار صوینی و باغ و بوستانی برکتلیدر. قره مان زاده ابراهیم بكك انشا کرده سی اولان (جامع کبیر) مشهوردر. (قره مان) یارم ساعت مسافه ده (ایچمه) تعبیر اولنور بر صو واردر.

قره مانك مصنوعاتی (خالی)، (کلیم)، (سجاده) و هر نوع معمولات سراجیه و دباغیه در. اراضیسی حیوانات ایله هر نوع میوه و سبزه یتشدیرر.

قوچحصار قضاسی — ( قوچحصار ) مع ( اسپکشان ) مقر ولایتک جهت شمالیه سنده بر قضا تشکیل ایتشدر، اداره مرکزی ( این صوبی ) کنارنده ( این اوی ) نامنده کی قریه در. بوقریه نك ( قونیه ) یا اولان بعدی ۲۴ ساعتدر. مذکور قضاده ( کلیم ) و ( سجاده )، ( خالی )، ( احرام ) نسج اولنور. اوزوم باغلری مشهوردر. قضا داخنده ( قوچحصار ) نامنده بر کول وارددر. بوکولک دروننده اوفاق اوفاق برقاج آله موجوددر. ( قوچ حصار ) کولنک صوبی بهر سنه حزیرانده چکیلوب طوزی ترسب ایده رک دوت بش آق قدر منجمد بولنور، آناطولی قطعه سنده بولان سائر ممالحه لره مرجع اولان مذکور کولک حاصل ایتدیکی طوزدن مقدار کلیسی دولر ایله چیقاریلیر و خارجده ساتیلیر.

نوشهر قصبه سی — نیکده سنجاغنک قضا مرکز لرندن بری اوله رق مقر لوانک ۱۸ ساعت جانب شمالیه سنده دره. قصبه نك آب و هوای لطیف و باغچه لری کثیردر. ( وقالواغلی ) دینان قیصی مشهوردر. قوریسی هدیه اوله رق اطرافه کوندریلیر. ( نوشهر ) ده برنوع بیاض طاش بولنور. ابنیده قوللانیلیر. آلچی معدنی دخی وارددر.

ارکوب قصبه سی — بودخی نیکده سنجاغنک قضا مرکز لرندن بری اوله رق نوشهرک ۴ ساعت شرقنده و ( انقره ) ولایتی حدودنددر. مقر لوا اولان ( نیکده ) قصبه سنده دخی ۱۸

ساعت اوزاقدردر. مذکور قصبه نك هواسی لطیف وباغ وبانچہ سی  
کثیر ومنظرہ سی کوزلدر.

(ارکوب) ده بیاض طاش معدنی اولدینی کبی بر نوع بلغامی  
طاش معدنی دخی وارددر. بو طاشدن یازی طاقی وشمعدان  
وقوپه وصوطاسی وسیغره طاقی واثالی ادوات اعمال اولنور.  
عربسوه قصبه سی — نوشهرک ۴ ساعت شمالنده بر قضا  
مرکزیدر. مرکز لویایه اولان بعدی ۲۳ ساعتدر. درون قضادن  
(قزل ایرمق) نامنده کی نهر جریان ایتدیکی جهتله یاغ وبانچہ لری  
کثیر واراضی منبت ومحصولداردر. (قوزی اوغلی) نامیله معروف  
قابلیجه سی امراض مختلفه یه نافعدر.

اقرای قصبه سی — بودخی نیکده سنجاغنه ملحق قضالردن  
برینک اداره مرکزی اوله رق نیکده نك ۱۷ ساعت سمت شمال  
غریبسنه تصادف ایتمشدر. قصبه درونندن جریان ایدن چای  
اوزرنده متعدد کوپرلر وارددر. اراضی سی منبت وباغ وبانچہ لری  
کثیردر. قصبه نك منظره سی دخی خوشدر.

ارلوبورلو قصبه سی — (حمید آباد) سنجاغنه قضا مرکز -  
لرندندر. موقی دخی مقر لوانك ۸ ساعت سمت شمالیسنده  
مرتفع بر محله و (افیون قره حصار) قصبه سندن اسپارطیه  
کیدن یول اوزرنده کائن وهواسی لطیفدر. درون قضا ده  
خیلیجه الاجه دستکاهی موجوددر. (کچی بورلو) ناحیه سنده  
دخی کوکرد معدنی وارددر.

اگر بر قصبه سی — بودخی ( حمید آباد ) سنجاغنه قضا  
مرکز لرندن بری اوله رق مقرلوا اولان اسپارطه نك ۶ ساعت  
جانب غریب سنده در . اسکله سی اولان ( آنطالیه ) قصبه سنه ۳۶  
ساعته کیدر یولی واردر . کندلی اسمنده کی کول قضا  
داخلنده در ، بو کول اون سکز ساعت محیطنده اولوب اطرافی  
طاشلیق و طاغلقدر . مذکور کولده بر قاچ نوع بالق اولدینی  
کی ( طالعان ) نامنده کی قوش کثرت اوزره بولنور .

قره آغاج قصبه سی — بودخی ( حمید آباد ) سنجاغنه مربوط  
قضا مرکز لرندندر . موقعی اسپارطه نك ۱۹ ساعت جانب شمال  
شرقی سنده در . قضانك باغ و بوستانی کثیر ونسیج اولنان هر نوع  
بویالی ایپلک و کتان بزی مشهوردر . معمولات دباغیه و سراجیه سی  
دخی واردر .

یلواج قصبه سی — اسپارطه نك ۱۸ ساعت جهت شمالیه -  
سنده در . مذکور قصبه ( خداوندکار ) ولایتی حدودنده بولنان  
( یلواج ) قضانك دخی اداره مرکزیدر . قصبه نك باغ و بوستانی  
مبذول و هوا سی لطیفدر . آرضنده پك چوق ( کستانه )  
و ( قزلق ) حصوله کلیر . محصولات صناعیه سی دخی ( بز )  
و معمولات دباغیه در .

( خویران ) ناحیه سی و خویران کولی ( یلواج ) قضا سنه  
مربوطدر .

عربی قصبه سی — ( تکه ) سنجاغنه ماحق قضا مرکز لرندن

بریدر. بو قصبه بحر سفیده ساحلدر. مرکز لوایه اولان بعدی  
 ۳۶ ساعتدر. قصبه نك خارجاً منظره سی کوزل ایسه ده سوقاقلری  
 طار و غیر منتظمدر. (علائیہ) قلعه سی عجائب عالمدن عد اولنه جق  
 درجه ده در. قصبه نك صونی اولمدیغی جهتله داخل قلعه ده متعدد  
 و مصنع صهرنج موجوددر.

(علائیہ) نك محصولات ارضیه سی حبوبات و انواع میوه  
 و (لیمون) و (پورتقال) در. معمولات صناعیه سی دخی طرابلس  
 تقلیدی (قوشاق)، (الاجه لر) و بوکامانند بشیلر در. قضانك سولك  
 صید اولنور کولی واردر.



## ﴿ آطنه ولایتی ﴾

حدود — سکنه — تعریفات طبیعیہ — محصولات ارضیہ  
و صنایعہ — صورت اداره — احوال بلاد مشہورہ

صدد — آطنه ولایتی (قونیہ) ولایتک جنوب شرقیسنده  
واقع اوله رق شمال شرقیدن (انقره) (سیواس) ولایتلری ایله  
محاط و شرقاً (حلب) ولایتی ایله محدوددر. ولایت مذکورہ نک  
جنوبنده (بحر سفید) وارددر.

سکنه — آطنه ولایتنده ۳۳۷,۰۰۰ قدری مسلم و متبایسی  
غیر مسلم اوله رق ۳۸۰,۰۰۰ نفوس تخمین ایدمکده در.

تعریفات طبیعیہ — ولایت مذکورہ نک طرف جنوبیسنی  
احاطه ایدن بحر سفید، (مرسین)، (اسکندرون) کورفلری  
کی کیرنیلری و (آنامور) (قره طاش) بروناری مثللو چیقند-  
یلری حصوله کتیرمشدر. ولایتک ساحلی هر نه قدر صولاق  
واوولق ایسه ده سمت شمالیسی طاغلقدر. مشهور طوروس  
سلسله جسیمه سنک شعبات جنوبیه سندن اولان (بیگ بوغا)  
و (قوزان) طاغلری سمت شمال شرقیسنده و (جبل برکت)  
شرقیسنده (اسکندرون) کورفلزیه طوغری امتداد ایدر. بو  
سلسله جبالک طرف غربیسنده و (قونیہ) ولایتی حدودی  
اوزرنده شرقدن غربه طوغری امتداد ایدن (آلاطاغ)،



( بلغار = بوغا ) ، ( صوماق ) ، نامنده کی طاغلر واردر . حلب ولایتی حدودنده دخی ( کرد ) طاغی کی طاغلر موجوددر . مذکور طاغلرک بعضیلرنده ( چام ) ، ( قطران ) ، ( آرنج ) ، ( میشه ) ، ( شمشاد ) مثللو اشجار چوقدر . جوار اهالیسی اعمال ایتدکاری کراسته و کمور و حطب یوزندن خیلی استفاده ایتمکدهدر .

ولایت مذکور نك اراضیسی باشایچه ( حیجان ) . ( سیحان ) نهرلری و ( طرسوس ) و ( کوك صو ) نامنده کی چاپلر اروا واسقا ایتمکدهدر .

محصولات ارضیه و صنایع — ( آطنه ) ولایتی اراضیسی و خصوصیه ( چقور اووه ) طرفلری هر درلو حبوبات و میوه و بزمه یتشدیرمکه صالحدر . باخصوص ( زیتون ) آغاچلری مبذول و ( پموق قوزده سی ) مشهور اولوب بونلرک قسم کلیسی اوروپا و بلاد سائریه کوندریلیر . صرعارنده اغنام رعی اولنور . ( چقور اووه ) جهتهنده دخی پك چوق بازگیر بسلنیر .

حاصلات صنایعیه سی ( بز ) ، ( الچه ) ، ( کلیم ) ، ( کچه ) کی منسوجاتند عبارتدر . طاغلرنده کلیملی معدن بولنور .

### — صورت اداره —

آطنه ولایتی اداره خصوصنده ( آطنه ) ، ( مرسین ) ، ( جبل برکت ) ، ( قوزان ) ، ( ایچ ایل ) نامنده بش عدد متصرفلغه تقسیم اولنمشدر . مقر ولایتی ( آطنه ) شهری اولوب مذکور سنجاقلردن

( جبل برکت ) ك مركز اداره سی ( یرپوز ) و ( قوزان ) ك اداره مرکزی ( سیس ) و ( ایچ ایل ) سنجاغك كرسیء اداره سی ( سافكه ) قصبه لریدر . سنجاقلرك مشتمل اولدینی قضالر دخی آتیده کی جدولده مذکوردر .

اطنه سنجاغی			قوزان سنجاغی		
ب. ق.	قضالر	مركز اداره لری	ب. ق.	قضالر	مركز اداره لری
۲	قره عیسالی	چیچلی	۲	قارص ذوالقدریه	بازار
۳	حمیدیه	یارصوان	۱	خاچین	=
			۱	فكه ( بیلان کوی )	=
مرین سنجاغی			ایچ ایل سنجاغی		
۱	طرسوس	=		ارمناق	=
جبل برکت سنجاغی				موط	=
۱	اصلاحیه	=	۳	کلنار	کلنادره
۲	پیس	=	۲	آنامور	چوراق
۲	عثمانیه	رضایه			
۳	خاصه	=			
۳	بولانیق ( باغچه جق )	=			

### — احوال بلاد مشهوره —

اطنه شهری — مقر ولایت اولهرق ( سیحان ) شهرینك صاغ کنارنده بر اوافق تپه نك اوستی ایله اطرافنده در .

مذکور نهرک طولانه طولانه آقیشی منظره سنه باشقه بر  
لطافت ویرر .

(سیحان) نهرینک اوستنده آثار عتیقه دن معدود اوچ عربه  
کیدر درجده درت یوز آرشون طولنده ویکرمی ایکی عدد کمر  
اوزرینه مبنی متین وکارکیر بر کوپری واردر .

آطنه مک اطراف بر بحق ایکی ساعت مسافیه قدر باغ  
وبانچهلر ایله محاذدر . یموق حاصلاتی دخی مینولدر . شهرک  
صوبی غایت خفیف ولذیذ ایسه ده هواسی برار خار ووخیم  
اولدیغندن اغنیا طاقی جوارنده کی صحرالرده بولمان صیفیه لرنده  
امرار وقت ایدرلر .

آطنه نک (مرسین) : (قره طاش) ناملرنده ایکی عدد اسکله سی  
واردر . (مرسین) دن (آطنه) یه سیر معتدل ایله ۱۵ - ساعتده  
کیدیلر ایسه ده مذکور قصبه لر شمسیکی حله تیمور بول خطی  
واسطه سبله بری برینه مربوطدر . (قره طاش) ایله (آطنه)  
آره سی ۱۲ ساعتدر .

مرسین قصبه سی — لوا مرگزی اوله رق بحر سفید ساحلنده  
اسکله در . مذکور قصبه نک (مرسین) تسمیه سی مقدا مرسین  
آغاچلرندن عبارت اورمانلق بر محل بولنمیدر .

(قونیه) ولایتک سمت شرقی ایله (قیصریه) حوالینک  
دخی اخراجات وادخلاتی بوقصبه ایله جریان ایتدیکی جهته

سوریہ ساحلہ کلوب کیدن تجارت کیلری مذکور قصبہ یہ  
 اوغرامہ دن کچمزلر۔ باشلیجه اخراجاتی پوق قوزہ سیدر۔  
 (مرسین) لیمانہ کان واپورلرک قرہ یه چا پاملری ایچون  
 قصبہ نک خارچنده غایت صنعتی ومنتظم دکز فزاری اولوب  
 لمعان ایدن ضیاسی برآ و بحرآ الی میل مسافہ دن مشاہدہ  
 اولنور۔

قضاک (خرستیان) قریہ سندن یتشان شفتالیسی مرغوب  
 وبش الی دانہ سی برقیہ کلکله مشهوردر۔

بریز قصبہ سی — ذروہ جبہ لده کوچک برقریہ اولوب  
 حسبالموقع اہمیتہ مبنی ( جبل برکت ) سنجاغنه مرکز اتحاد  
 ایدلمشدر۔ مرکز ولایتہ اولان بعدی ۲۳ ساعتدر۔

سیسی قصبہ سی — آٹنہ نک جانب شمال شرقیہ سنده ۱۸  
 ساعت بعدندہ در۔ اہمیت موقعیہ سندن ناشی (قوزان) سنجاغنه  
 مرکز اولمشدر۔ (سیس) قصبہ سنک اطرفندہ بتاقلقلر چوق  
 اولمغله اہالیسی یازین یابلارہ چیقار۔

قصبہ نک منسوب اولدینی لوانک طاغلری (قوزان) طاغلری  
 نامیلہ مشہوردر۔ بو طاغلرہ آب وھواسی لطیف پک چوق  
 موقعلر و اشجار متنوعہ نی حاوی اورمانلر و انواع معدن طمرلری  
 وارددر۔ قصبہ نک (لیون) و (ترنج) ی و اشجاری کثیر اولان  
 باغچہ لری مشہوردر۔

قضاء نك ( كوركن ) طاعی اوزرنده بولمان اورمانلری  
خیلی حاصلات ویرمكده در.

( جیحان ) نهری توابعندن بر ایکسی قضا داخلندن جریان  
ایلدیکی جهتله قصبه جوارنده طقوز کوزلی بر کوپریسی واردر،  
مملکة قصبه سی -- مقر ولایتك ۳۷ ساعت جانب غریبسنده  
( كوك صو ) نامنده کی نهرك کنارنده در. قصبه نك اوکنده  
( كوك صو ) اوزرنده جسم بر کوپری موجوددر. داخل  
قصبه ده آثار عتیقه دن اوله رق اوتوز آرشون قدر درینلکندنه  
( تکیر انباری ) نامیله بر صو حوضی واردر. بوحوض اطرافی  
مصنع کارگیر کمرلی کسمه قیادن عبارت اولوب دروننه مدور  
زردبان ایله انیلیر. خارجنده بعض مجرا آثاری کورنمکده  
ایسه ده بوزاش اولدیغندن صوبی کلامکده در.

قصبه نك هر طرفنده برایی آرشون یر قازلدقده مرمر  
ستونلری وهررنکده اوفاق طاشلر و مصنع ابنیه انتقاضی ظهور  
ایتمکده در.

قصبه نك بر بچق ساعت بعنده ( بولاجه لی ) ناحیه سنك  
مدیرلك مرکزی اولان ( طاش اوجی ) اسکله سی جوارنده  
لب دریاده جسم بر مملکت خرابه سی موجوددر. مذکور  
اسکله نك مرکز ولایته اولان بمدی ۴۰ ساعتدر.

مرکز اداره سی ( لیوس ) قریه سی اولان ( آباش ) ناحیه سی

دخی نواحی مشهوره سندن بریدر . اورالرده پک چوق آثار  
عتیقه واردر . مذکور قریه نك ( آطنه ) یه اولان بعدی ۲۵  
و مرکز لوايه اولان مسافه سی ۱۲ ساعتدر .

( سلفکة ) قضااسنك اراضیسی واسع و مردرلو محصولات  
یتشدر مکه مستعد اولوب محصولاتك فضله سی سفائن واسطه سیله  
( قبریس )ه و محال سائر مه کوندر یلیر .

( سلفکة ) قصبه سنك ایکی ساعت مسافه سنده ( تکفور )  
اسمیه یاد ایدیلن محله یرالتندن قوتلی برصو نبعان ایدرک  
بش بیک دینم مقداری آراضی بی باصوب زراعتدن محروم ایلر .  
قره عیالی مرکز سنجاغنه مربوط بر قضایر . موقعنك  
اهمیتنه مبنی ( چچولی ) قریه سی مذکور قضایه مقر اتخاذ  
ایدلمشدر . برقریه نك مقر ولایته اولان بعدی ۹ ساعتدر .  
قضانك یولاری منتظم اولمیهله مرور و عبور و نقایات جهتی  
سهواتیلدر . طویراغنك دخی مردرلو میوه و سبزه و ضروعات  
سائر مه یتشدر مکه قابیلی واردر . اهالیسی ( قوزه ) ، ( سیسام )  
محصولاتندن خلی مستفید اولورلر . بوقضانك بموق محصولی  
ولایتك مرجه تنده حاصل اولان قوزمدن اعلا و انفسدر .  
مذکور قضا داخلنده جسیم طاغلر وار ایسه ده ( قزل ) ، ( آق )  
طاغلر کسب شهرت ایلمشدر .

حسبالموقع برقضانك هوامی وخیم ایسه ده اکثر اهالی



ایام صیفده ( قزل ) ، ( آق ) طاغلر سمتمده بولنان بایلاقلرده کی  
باغ و باغچه لرینه کیدرلر .

طرسوس قصبه سی — مرسین سنجاغنه ملحق قضا  
مرکز لرندن بری اوله رق محلاتی ( شرقیه ) ، ( غربیه ) نامیه ایکی  
قوله تقسیم اولمشدر .

( طرسوس ) ده ( جامع النور ) اسمیه بر جامع شریف واردر .  
غربا خسته خانه سی دخی یاپلمشدر . جوارنده انبیای عظامدن  
( شیت ) و ( لقمان ) علیهما السلام حضرت انك مقامات علیه لری  
موجوددر . درون قصبه ده مؤذن حضرت رسالتپناهی ( بلال حبشی )  
رضی الله عنك مقام مبارک لری زیارتگاهدر .

قصبه نك ایکی ساعت بعد و مسافه سنده ( اصحاب الکوف )  
حضرت انك مقام عالی لری واردر . ( اولاش ) ناحیه سنده  
قابایجه دخی سزی علتیه نافعدر . ( اولاش ) نه مرکز ولایت  
اولان بعدی ۲۱ ساعتدر .

اداره مرکزی ( کرلز ) قریه سی اولان ( کولک ) ناحیه سی  
نواحی مشهوره سندن بریدر . مذکور قریه نك ( طرسوس )  
یولیه ( اطنه ) یه بعدی ۱۸ ساعتدر .

پاس قصبه سی — جبل برکت سنجاغنك حاوی اولدینی  
قضا مرکز لرندن بری تشکیل ایدر . مذکور قصبه ( اطنه ) نك  
۲۱ ساعت سمت شرقینده و ( اسکندرون ) کورقزینك شرق  
ساحلندن اوزش دقیقه ایچرودددر . ( جبل برکت ) دیدکلری

ط-اغ دخی قصه به نك بش ساعت اوزاغنده در . بو ط-اغك  
اورمانلرندن كسیلان كراسته ( حلب ) ولایتی داخلنده و ( آطنه )  
ولایتك محال كنیره سنده صرف اولنور . بعضا دخی ( اسكندرون )  
طریقيله سفینه لره تحمیلأ ( اسكندریه ) و ( سوریه ) سواحلنه  
نقل اولنور .

قصه نك هوا سی حار و وخیم اولدیفنندن اها لیس ی ا یام صیفده  
مواقعی لطیف اولان قریه لره کیدر لر .

( پیاس ) ك غرب جهنمه صدر اسبق کوپر یلی زاده مرحوم  
محمد پاشا انشا آئندن اوله رق ایکی قبولی ، قرق بش دكان واوچ  
مغازه یی مشتمل متین و کارگیر بر بدستان واردر .

( پیاس ) قضا سنده ( آفطاسکیه ) حریر نڈن اعلا اوله رق  
حریر قوزمه سی حاصل اولوب بعد التصفیه ( حلب ) و ( آطنه ) ،  
( اسكندرون ) و محال سائر یه نقل اولنور .

عثمانیه قضاسی — جبل برکت سنجاغك قضا لرندن بریدر .  
مقر اداره سی ( رضائیه ) قریه سیدر . قضا نك قوه انباتیه سی  
درجه کماله در . محصولات ارضیه سندن ( پاموق ) ، ( سیدام )  
کی شیلر ( آطنه ) ، ( اسكندرون ) طرفلرینه نقل ایدیلر .

( عثمانیه ) قضا سنك هوا سی یازین کسب و خامت ایدهر ك  
اهالیسی یا یلا لره چیقار لر . داخل قضا ده کی ( جبل برکت ) ده  
برسلوك کولی موجود در . مذکور قضا اهالیسی رنجبر لیکله  
مشغول بولنور لر .

ماہی قبضہ سی — قوزان سنجاغنک حاوی اولدینی قضالردن  
برینک اداره مرکزیدر۔ مذکور قبضہ مقرر لوا اولان (سیس)  
قبضہ سنک طرف شمالیسنده و ۱۲ ساعت قدر بعدنددر۔  
قبضہ نک موقعی طاغلق و طاشلق و اطراف اورمانلقدر۔ بواورند۔  
نلردن قطع اولنان آغاچ درون قبضہده فروخت اولنور۔ بکمزک  
کثرتی جہتیلہ خارجه نقل ایدیلیر۔

قارص ذوالقدریہ قضاسی — قوزان سنجاغنک حاوی  
اولدینی قضاالردن بریدر۔ مقرر اداره سی مرکز لوانک جانب  
شرقیسنده ۶ ساعت قدر بعدنددر (بازار) دینمکله معروف  
(قارص ذوالقدریہ) قبضہ سیدر۔ (بوزطغان) ناحیہ سی دخی  
نواحی مشهوره سیندن بریدر۔

قضانک محصولات ارضیہ سنک برقسی (اٹنہ) طرفنه  
کوندریلیر۔

قضا داخلنی دخی (جیحان) نہری توابعدن (کشیش)  
صوبی اروا واسقا ایدر۔

کلنار قضاسی — ایچ ایل سنجاغنک مشتمل اولدینی  
قضاالردن بریدر۔ اداره مرکز اولان (کلنیرہ) ساحل بحر  
سفیدده اسکلهدر۔ بواسکله (سلفک) قبضہ سنہ ۱۶ ساعت  
اوزاقدردر۔ قضانک باغلرندہ کثرت اوزره اوزوم حاصل اولور۔  
بکمز یاپیلیر۔ فضلہ محصولات دخی (کلنیری)، (اووه جق)،  
(بابادل) و امثالی اسکلهلردن خارجه نقل اولنور۔

ارضی مردلو محصولات زرعه قابل ایسه ده صویک  
قلتی سبیلله میوه اشجاری یتشدیر مامکده در .

( کلنار ) قضا سنک اکثر محلی مسکون اولوب قریه لری  
جوارنده دخی بر مقدار اورمانلر واردر . قضا اهالیسی بو  
اورمانلردن قطع ایتدکلی کراستلری ( کوکسو ) اوزرندن  
ایندیره رک سفینه لره ساتارلر . مذکور قریه لر اهالیسنک نسج  
ایتدکلی ( جوال ) ، ( چول ) قبریسه کوندریلیر .

آنامور قضا سی - بودخی ایچ ایل سنجاغنگ قضا لرندن  
بری اوله رق بحر سفیده ساحلدر . مرکز اداره سی ( چوراق )  
نامنده کی قریه در . بو قریه ک ( سلفک ) قصبه سنه اولان بعدی  
۲۵ ساعتدر . مذکور قریه یه بر ساعت مسافده ولب دریاده  
( معموریه ) قلعه سی نامیلله بر قلعه وایکی ساعت بعدده آثار  
عتیقه دن ( اسکی آنامور ) دینان محله بر قلعه واطرفنده بر  
قصبه خرابه سی واردر .

( چوراق ) قریه سنده قونیه ساجوقیلرندن سلطان  
علاءالدین طرفندن برقبه اوزرینه بنا ایدلمش الیوم معمور بر  
جامع شریف موجوددر . قضا نک ( سانتی ) ناحیه سنک ( کوره )  
قریه سنده ( کوکرد صوی ) تعمیر اولنور بر صو اولوب یل  
وسری یه غایتله نافعدر .

بو قضا نک اراضی منبت و محصولات اولدیغندن داخلنده

کثرت اوزره ( حبوبات ) و انواع سبزه و ( مصر بغدادی ) ،  
 ( توتون ) ، ( لیمون ) ، ( پورتقال ) ، ( نار ) محصوله کلیر .  
 محصولاتک فضله سی ( قبریس ) ، ( شام ) طرفلرینه کوندریلیر .  
 قضانک مسکون اولان محلی سواحل طرفلری اولوب  
 یایلا جهتلری اورمانلر ایله مالا مالدر . سواحلدن اوزاجق  
 اولان محللرده اهالیسنک بیوجک مدار تعیشلری کراسته  
 یوزندندر . قطع ایتدکلی کراستهلری داخل قضاده جاری  
 انهار واسطه سیله لب دریاه ایندیرولر .

ارمناک قصبه سی — ایچ ایل لوانسک قضا مرکز لرندن  
 بری اوله رق مقر لوانک ۲۴ ساعت سمت شمال غریبسنده در .  
 قصبه نک دروننده جاری صولر سایه سنده میوه و سبزه و سائر  
 باغچه لری کثیر اولدیغندن اهالی بویوزدن مستفید اولورلر .  
 مذکور قصبه نک داخل و خارجنده قره مان اوغللری طرفندن  
 انشا اولمش جوامع شریفه و مدرسه و آثار سائر واردر .

قصبه یه اوچ ساعت مسافه ده ( کوك صو ) اوزرنده متین  
 و منتظم و ( کورملی ) نامیله متعارف بر کوپری موجوددر .  
 ( ارمناک ) قضاسی هر نه قدر سنکستان ایسه ده اکثر محللرنده  
 صو بولمنی حسیله اهالیسی زراعت و حراثت و صناعت  
 و تجارت و عمله لک یوزندن کچنیرلر .



## — حلب ولایتی وزور متصرفلغی —

### ﴿ حلب ولایتی ﴾

حدود — سکنه — سواحل — احوال طبیعیه — محصولات ارضیه  
و صناعیه — صورت اداره — احوال بلاد مشهوره

صدد — حلب ولایتی آسیای عثمانینک بحر سفیده ساحل  
اولان ولایات جلیله سندن بری اوله رق شمالاً ( سیواس )،  
( معموره العزیز )، ( دیاربکر ) ولایتلری ایله محاط و شرقاً  
( زور ) متصرفلغی ایله محدوددر. ولایت مذکور دنك  
جنوبنده دخی ( زور ) متصرفلغی و ( سوریه )، ( بیروت )  
ولایتلری وارددر.

سکنه — حلب ولایتده ذکور اوله رق ۷۶۴,۰۰۰ قدر  
نفوس تخمین ایدلمکدهدر. بونلردن ۶۶۴,۰۰۰ مقداری مسلم  
و متباقیسی غیر مسلمدر.

تصرفات طبیعیه — ولایت مذکور دنك اراضیسی دوز  
اووه لر دن عبارتدر. فقط بحر سفیده ساحل اولان محالری  
طاغلقدردر. ( اسکندرون ) کور فزینک منتهای جنوبیسی تشکیل  
ایدن ( رأس الخنزیر ) اسمنده کی برون بو ولایتیه مربوطدر.  
( سویدیه ) کوچک لیمانی بونك طرف جنوبیسندهدر. باشلیجه  
طاغلری دخی ( آسیای صغری ) ایله ( سوریه ) قطعہ سی بینگی



تفريق ايدن ( جبل برکت ) و ( آنتی طوروس ) ايله ( جبل لبنان )  
 آراسنی فاضل و ارتفاعی ۵۰۰ مترويه واصل اولان ( الما )  
 ونام ديكرله ( جبل لكاه ) و ( مرعش ) جهتمده کی ( زيتون ) ،  
 ( مرعش ) ، ( البستان ) طاغلرندن حاصل اولان ( آخور )  
 و ( حاب ) ، ( آطنه ) ولايتلری بينتمده حدودك برقسمنی تشكيل  
 ايدن ( بين بوغا ) طاغلریدر . ( جبل اقراع ) ايله ( رأس الخنزیر ) ده  
 نهایت بولان ( جبل احمر ) ، ( جبل موسی ) اسملریله یاد  
 ایدیلن طـاغلر مذکور الاسم ( الما ) طاغی شعباتیدر .  
 ( معمورة العزيز ) ولايتی حدودی اوزرنده دخی ( چتال تپه )  
 واردر . ( جبل الاكراد ) نامسده کی طاغلر دخی ( بیروت )  
 ولايتی ايله اولان حدودینی تشكيل ایدر .

مذکور الاسامی طاغلردن ( جبل برکت ) ايله ( آخور )  
 طاغندن شکل ايدن وادییه ( شكر اووه سی ) و ( بین بوغا )  
 طاغی جهتمده کی اراضییه دخی ( پلانقه اووه سی ) تعمیر اولنور .  
 ( فرات ) نهړینك مجرای وسطیسی ايله ( جیحان ) نهړینك  
 قسم علیاسی و ( حاصی ) نهړینك مجرای اسفلی و ( عفرین ) ،  
 ( قویق ) صولری ( حاب ) ولايتی اراضیسنی اروا واسقا ایدر .  
 بونلردن ( عفرین ) صوبی ( عمیق ) اووه سنده واقع و عرضاً  
 ۵ و طولاً ۸ ساعت اولان ( عمیق ) ویا ( آنطاکیه ) نام آخرله  
 ( آق دکز ) کولنه صو ویرر .

اشبه کوله ( عفرین ) صویندن باشقه پک چوق دره لر  
 آققده در . مذکور کولک اطرافنی سازلق و بتاقلق اولدیغندن  
 حوالیسنک هوا سی و خیمدر . بو کول بر آباق واسطه سیله  
 ( عاصی ) نهرینه دوکیلور . ( آق دکنز ) کولندن باشقه مذکور  
 عمیق اووه سنده ( باق ) و ( جسر شغور ) قصبه سی طرفنده  
 ( مضیق ) نامنده کولار واردر .

محصولات ارضیه و صناعیه — حلب ولایتنک ارضی غایت  
 منبت اولوب هر نوع حیوانات و میوه و سبزه یتشدیرر . اراضی  
 مذکوره ده ( پورتقال ) ، ( لیمون ) دخی حصوله کلیر ، باغچه لرنده  
 ایسه ( انجیر ) ، ( شفتالی ) و سواحل جهتمده ( آجاق قاوونی ) ،  
 ( ترونج ) و اووه لرنده کلیتلی ( میان کوکی ) موجوددر .

معمولاتی ایسه صرمه لی و اسیکللی قاشسلر و ( چار ) ،  
 ( چارشفلر ) و هند تقلیدی ( شالار ) و شام تقلیدی ( خرقه )  
 و ( الاجه لر ) و ( اوطة دوشمه لری ) و ( صابون ) و امثالی  
 شیلردر . ولایت مذکورنک ( صابون ) ( روغن ساده )  
 ( زیتون یاغی ) کبی شیلری آطنه ولایتقه کلیتله کوندولمکده  
 و آطنه دن دخی پاموق کلیمکده در .

### — صورت اداره —

( حلب ) ولایتی اداره خصوصنده ( حاب ) ، ( اورفه ) ،

(مرعش) سنجاقلرینه تقسیم اولمش و (زور مستقل متصرفلئی) ولایت مذکورہ نك جنوبہ بندہ بولمشد. مقرر ولایتی (حلب) شهری اولوب مشتمل اولدیغی سنجاقلر نك مرکز اداره لری کندی اسمارندہ کی قصبہ لر در .

مذکور سنجاقلری تشکیل ایدن قضالر آتیده کی جدولہ کوسترلمشد .

حلب سنجاغی			اورفہ سنجاغی		
نومبر	قضالر	مرکز اداره لری	نومبر	قضالر	مرکز اداره لری
۱	عینتاب	=	۲	روم قلعه	خلفق
۱	کلیس	=	۳	سروج	=
۲	بیلان	بلن	۲	بیروجه	=
۱	اسکندرون	=	۳	حران	=
۱	آ نطاکیه	=	مرعش سنجاغی		
۲	حارم	کفر تخاریم	۳	البستان	=
۲	چسر شغور	=	۳	زیتون	=
۲	ادلب	=	۳	آندرین	کبان
۲	معره	معرة النعمان	۳	بازار جق	اوافجقلی
۲	باب جبول	=			
۳	منبج	=			
۳	چبل سیمان	حنطومان			
۳	رقه	=			

— احوال بلاد مشهوره —

مهاب شهری — آسیای عثمانیک بلاد قدیمه وجسیمه سندن

اوله‌رق ( قویق ) نامنده کی صو کنارنده مبنی و ۱۱۰,۰۰۰ نفوسی حاویدر . مذکورالاسم ( قویق ) صوینی ( حلب ) داخلنده خانه‌لر ایله جامع و حمام‌لره و چارشلر ایله بوستان و باغچه‌لره توزیع و تقسیم اوله‌رق شهرک احیاسی اولمشدر . شهرک اطرافی سور ایله چورلمش و زیتون و فستق باغلی و یش باغچه‌لری کسب شهرت ایلمشدر . قاش دستکاهلری و صابون فابریقه‌لری کثیردر . درون شهرده پک چوق اعزّه کرام حضراتی مدفون و ( جامع کبیر ) ایله ( عثمانیه ) جامعی مشهوردر .

حلبک ۱۵ ساعت بعدنده ۴۲ درجه حرارتده کوکردلی بر قاپلیجه اولوب امراض جلدیه به نفی وارددر .

( حلب ) ایله اسکله‌سی اولان ( اسکندرون ) بیننده ۱۶۰ کیلومتر و طولنده بر شوسه موجوددر .

اورفه قصبه‌سی — ایکی تپه آره‌سنده مبنی ۲۰,۰۰۰ نفوسی قدیم بر بلده‌در . ابنیه‌سی دخی اولدجه منتظم اولوب یارم ساعت بعدنده ( برکه‌ئ ابراهیم ) دینلن کوچک کولک کنارنده ( جامع ابراهیم ) نامنده جامع شریف موجوددر .

قصبه به ناظر طاع اتکنده ( مولد خلیل ) نامیله بر محل

موجود و بو محل ( حضرت ابراهیم ) علیه السلامك مولد  
سعادتلری اولدینی جهتله معروفدر .

مرعیه قصبه سی — مقر ولایتك ۴۰ ساعت سمت شمالیسنده  
و ( فرات ) نهرینه یوز کیلومترو مسافهده و ( آخور ) طاغتك  
جنوب اتکینده ۳۵,۰۰۰ بیک نفوسنی و آب وهواسی لطیف  
بر بلدهدر .

( مرعش ) ك خانهلری — کرپچدن معمول و منظرهدن  
خالدیر . نفس قصبهده جسم بر قلعه و بر جامع و بر نظامیه  
قشله سی وارددر .

عینتاب قصبه سی — حلب لوانسك قضا مرکز لرندن بری  
اولهرق مقر ولایتك ۲۰ ساعت سمت شمالیسنده جسامت  
ومعموریتجه مشهر بر بلدهدر . قصبه نك آب وهواسی لطیف  
واهالیسی غیور وانتساب علوم ومعارف ایله مشهوردر . قضانك  
( چارپین ) قریه سنده قرمزی مرمر معدنی وارددر .

کلپس قصبه سی — بودخی حلب لوانسك قضا مرکز لرندن  
اولهرق مقر ولایتك ۱۲ ساعت جانب شمالیسندهدر . قصبه  
جوارنده تاریخچه کسب شهرت ایدن ( مرج دابق ) معرکه سی  
وارددر .

اسکندر روه قصبه سی — کندی اسمی ایله مسمی کور فزك ساحلنده و بر طاع اتکنده مینیدر . مذکور قصبه حلبك و خصوصیه آناتولی شاهانهك قسماً اسکله سی بولمق حسیله کوندن کونه کسب عمران ایلمکده در . حابه اولان بعدی دخی ۱۸ ساعدر . فقط وخامت هوا سی دفع ایچون خیلی اعتنا ایلمکده در . بوقصبه (حلب) ، (بغداد) ، (موصل) ، (دیار بکر) ولایتاری ایله (مرعش) ، (عینتاب) کی جسم لوارك اسکله سی اولوب ۱۱۰۰ قدر خانه و اوج یوزی متجاوز دکانی و خانی ساویدر .

آنطاکیه قصبه سی — حلبك ۲۲ ساعت سمت غربیسنده قضا مرکزیدر . قصبه نك لطافت موقعیه سی اولوب اوکندن دخی (عاصی) نهری جریان ایلمکده در . (آنطاکیه) نك باغ و باغچه لری کثیر و (پورتقال) ، (لیمون) ، (زیتون) ، (دوت) آغاچلری مبدولدر . (سویديه) ناحیه سی بوقضایه مربوطدر . مذکور قریه نك (آنطاکیه) یه اولان بعدی ۶ ساعدر .

(آنطاکیه) قضا سنك دکزکناری قریبنده و (جبل موسی) اتکنده (سلفیکه) خرابه سی واردر .

ادلب قصبه سی — حلب لوانسك قضا مرکز لرندن بریدر . موقعی (حلب) ك ۱۲ ساعت سمت غرب جنوبیسنده محصولدار



بر محله در . جیادت هوا ایله مشهور اولان ( اریحا ) قریه سی  
( ادلیب ) قضاسنی تشکیل ایدن نواحیدن برینك اداره  
مرکزیدر .

مسكنه قصبه سی — ( بالیس ) اسمی ایله دخی یاد اولنیان  
بوقصبه ناحیه مرکزی اوله رق حلبه ۱۸ ساعت مسافه ده و  
( فرات ) نه ری کنارنده بر موقع مناسبه بنا ایدلمش  
بر اسكله در .

بیره بك قصبه سی — اورفه لواسنك قضالرندن برینك  
مقر اداره سی اوله رق ( فرات ) نه ریك صول کنارنده در .  
( اورفه ) یه اولان بعدی ۱۸ ساعت در . ( نزیب ) اسمنده کی  
موقع دخی قضا داخلنده در . ( نزیب ) ك ( بیره بك ) ه اولان  
بعدی ۳ ساعت در .

رقه قصبه سی — اورفه لواسی داخلنده و ( فرات ) نه ری  
ساحلنده در . صفین معرکه مشهوره سی بوقصبه قریبده در .  
( رقه ) قضاسنك ( جعبر ) قلعه سی یدشکا هنده جد امجد حضرت  
خلافتناهی ( سلیمان شاه ) حضرتلرینك تربته شریفه سی  
واردر .

ایستانه قصبه سی — مرعش سنجاغنك قضالرندن کندی

نامی التندہ اولان قضانک مقر اداره سیدرہ بوقصبہ ( مرعش ) ک  
 ۱۴ ساعت بعد شمال شرقی سندنہ و ( جیحان ) نہری کنارندہ  
 مبنیدرہ منسوب اولدینی قضادہ کلیتی جوبات حصولہ کلیر .

### ✽ زور متصرفلغنی ✽


بومتصرفلق حلب ولایتک جنوبندہ تشکیل اولمشدر .  
 صورت اداره سی ( ازمید ) ، ( بیضا ) متصرفلقلری مثللو اجرا  
 اولنقمہدرہ ( عشارہ ) ( ابوکال ) ( صربان ) قضالری بولوانی  
 تشکیل ایدرلر . بونلردن ( عشارہ ) ایله ( ابوکال ) قضالری  
 اوچنچی و دیگرلری ایکنجی صنف قائممقاملر ایله اداره ایدیلیر .  
 لویاہ مقر اولان ( دیر ) شہری ( فرات ) نہری کنارندہ  
 مبنیدرہ . موقعی ہرنہ قدر حار ایسہدہ ( الجزیرہ ) و ( شامیہ )  
 چوللارینک نقطہ حاکمہ سندنہدرہ . قصبہ نک ایکی بیکہ قریب  
 خانہ وبش یوز قدر دکان و مغازہ سی وبش قدر جامعی واردر .  
 بونلردن حکومت قوناعی اتصالنہ کی ( سرای جامعی ) مشہوردرہ .  
 ( دیر ) ک شمال شرقی طرفندہ ۲۰ ساعت مسافہدہ ( جبل  
 عبد العزیز ) نامندہ بر جبل واردر . مذکور جبل لطافت  
 وصفوت آب و ہوا جہتیلہ مشہوردرہ . بوطاغ ۵ ساعت عرضندہ  
 ۱۵۰ ساعت طولندہ شمالدن جنوبہ طوغری امتداد ایدر .

ابوکال قصبہ سی — زور متصرفلغنی تشکیل ایدن قضالردن

همنامی اولان قضانك اداره مركزيزدر. بوقصبه مقرر لوا اولان  
(دير)ك ۲۵ ساعت سمت جنوب شرقيسمنده و ( فرات ) نهرينك  
( شاميه ) جهتمنده در .

نمر — زور متصرفلی نواحيسندن بریدر. مقرر اداره سی  
اولان ( تدمر ) نام قدیم ايله ( پالمیر ) قصبه سی آسیانك بلاد  
مشهوره و قدیمه سندن بریدر . ( تدمر ) ك مركزز لوايه اولان  
بعدي ۴۴ ساعتدر .

مذکور ناحیه نك يکرمی اوتوز عدد کول شکننده طوزله لری  
اولوب حاصل اولان طوزلری ( حما )، ( حمص )، ( شام )  
و محال سائر هیه نقل اولنور . بومملحه لر سوریه ولایتی طرفندن  
اداره ایدیلیر .



— سوریه، بیروت ولایتی و قدس، —

— جبل لبنان متصرفلقلری —

حدود — سکنه — تعریفات طبیعیه — محصولات ارضیه  
و صنایعیه — صورت اداره

مرور — مذکور ولایتلر و متصرفلقلر (سوریه) قطعہ سنده  
واقع و (سوریه) قطعہ سی ایسه (جزیره العرب) جولاری  
ایله (بحر سفید) آره سنده و (حلب)، (حجاز) ولایتلری  
بیننده در.

قطعہ مذکورہ نك بحر سفید سواخلنده (بیروت) ولایتی  
و (جبل لبنان) و (قدس شریف) متصرفلقلری و داخلنده (سوریه)  
ولایتی وارد در.

سکنه — سوریه قطعہ سنك سکانی اکثریسی اسلام و متباقیسی  
ملل غیر مسلمہ دن مرکب اوله رق ۱,۰۰۰,۰۰۰ قدر تخمین  
ایدلکه در.

بونلر ایچنده (درزی)، (مارونی)، (نصیری)، (متوالی)  
قبیلهلری اولوب مذهب و آخلاق و عادات جهتمده بری برینه  
بکزه میوب اکثری طاغلرده امرار وقت ایدرلر.

تعریفات طبیعیه — سوریه قطعہ سنك سواخلی دوز واسکله  
شهرلری کثیردر. داخلنده ایسه باشلیجه ایکی سلسلهٔ جبال  
موجود و بونلر دن بری (جبل لبنان) یعنی (غربی لبنان)

ودیکری ( آتی لبنان ) ویا ( جبل شرقی = شرقی لبنان ) اسملریه  
یاد ایدلکده در. بویکی سلسلهٔ جبال شمالدن جنوبه طوغری  
متمد اولمش و بعضی لرلی طاشلق شورهلر ایله محاط بولنشدن.  
لکن معمور و منبت وادیلری کثیردر.

بونلردن ( جبل لبنان ) ك اك مرتفع محلی ( جبل محمل )  
( آتی لبنان ) ك اك یوكسك نقطه سی دخی ( جبل الشیخ )  
[ ۲۶۶۰ مترو ارتفاع ] در.

مذكورالاسم ( جبل لبنان ) ك سمت شمالیسنده ( جبل  
اقرع ) دن باشلایهرق جنوبه طوغری امتداد ایدن ( جبل  
نصیری ) وارددر. ( شام شریف ) جهنمده کی طاغلر ایله ( جبل  
عجلون ) و ( حوران ) طاغلری ( آتی لبنان ) شعباتندن  
معدوددر. ( حوران اووه سی ) دخی ( حوران ) طاغلری ایله  
( جبل عجلون ) آره سنده در.

سوریه قطعه سنك انهاری کرچه قصیر ایسه ده نادر دکلدر.  
باشلیجه نهرلری ( نهر العاصی ) ایله ( نهر الشریعه ) نام دیکرله  
( اردن ) نهریدر. بونلردن ( نهر العاصی ) آتی لبنان دن  
ظهور و شماله طوغری مرور ایده زك بحر سفیده آقار. حین  
مرورنده ( حمص ) کولنی تشکیل ایدر. ( نهر الشریعه ) دخی  
( آتی لبنان ) دن و ( جبل الشیخ ) ك طرف غریبسندن  
منبعنی آلهرق جهت جنوبه طوغری جریان ایدر. حین جریانده  
مجراسی اوزرنده اطرافی بتلاق اولان ( حوله Hulé )

( طبریة ) کوللرینی بعدالتشکیل ( بحر لوط ) ه منصب اولور.  
 بونلردن باشقه ( نهر الکیر )، ( نهر الکلب )، ( نهر الکاظمیه )  
 ( نهر المقطع ) اسملرنده کی صولر دخی سوریه قطعه سی انهارندن  
 معدوددر.

**محصولات ارضیه و صنایع** — بوقطعه نك ارضی دروننده  
 جاری انهار سایه سنده منبت و محصولداردر. حبوبات متنوعه دن  
 باشقه ( اعلاقایصی )، ( خرما )، ( اوزوم )، ( قارپوظ ) و سواحل  
 جهتمده ( لیمون )، ( پورنقال )، ( ترنج )، ( آغاج قاوونی ) حاصل  
 اولور. ( موز ) تعبیر اولنور. برنوع میوه شامك هر خانه سنده  
 بونلور. ( شام فصدینی ) دخی بوقطعه ده یتشیر. ( میان کوکی )  
 حاصلاتی کثیردر.

معمولاتی ( شام الاجه سی ) نامیله مشهور ( الاجه ) و ( خرقة )  
 و ( کفیه )، ( مشایخ )، ( طرابلس قوشاغی ) و هر نوع قوماش  
 و آت طاقملری و صدفلی چکمه جه و قونسول و سیغاره اسکمه لری  
 کبی شیلردن عبارتدر.

### — صورت اداره —

سوریه قطعه سنده یوقاری ده ذکر اولندیفی اوزره ( سوریه )،  
 ( بیروت ) و لایتلری و ( قدس شریف )، ( جبل لبنان ) متصرفلقلری  
 بولندیفی جهتله بونلردن هربری بروجه آتی بیان اولنور.

### ✽ سوریه ولایتی ✽

( سوریه ) و یا ( شام ) ولایتی ( حلب ) ولایتنك جنوبنده واقع



اوله رق شرقی زور متصرفانی ایله (جزیره العرب) جولارینه متصل و غرب طرفلری (بیروت) ولایتی و (قدس شریف) متصرفانی ایله محدوددر .

ولایت مذکورہ اداره خصوصاً (سوریه) ، (حما) ، (حوران) و (کراک) سنجاقلرینی حاویدر .

مقر ولایتی (شام شریف) بلدۀ طیبہ سیدر . مذکور سنجاقلرک اداره مرکزلی کندی اسمارندہ کی قصبہ لردر . فقط (حوران) سنجاغٹک مرکزلی (شیخ مسکین) نامندہ برقریہ در . بو سنجاقلرک حاوی اولدینی قضا و قضا مرکزلی بروجہ آتی جدولده کوسترلمشدر .

سوریه سنجاغی			حما سنجاغی		
نومبر	قضالر	مرکز اداره لری	نومبر	قضالر	مرکز اداره لری
۱	بعلبک	=	۱	حمص	=
۱	بقاع العزیز	معلقہ	۳	حمیدیه	دیرشمل
۲	وادی العجم	قطنا	۲	سلیمیه	=
۲	جبل قلون (دوما)	=	حوران سنجاغی		
۲	نبلک	قره لر	۲	قنیطرہ	=
۲	حاصبیا	=	۲	بصر الحریر	=
۲	راشیا	=	۱	جبل دروز	سویدیہ
۲	زبدانی	=	۱	جبل عجلون	اوبید
کراک سنجاغی			۲	درعا	=
۳	سلط	=		صلحد	=
۱	خفینہ	=		عاهرہ	=
۲	معان	=			

## — احوال بلاد مشهوره —

شام شریف بلده سی — آسیای عثمانیه کائن بلادک  
اک جسم و تاریخچه مهم و معروفیدر . اطراف باغچه و بساتین  
ایله محاط و ۲۴۰ کیلومتر و محیطنده واسع بر صحرا ده و وصولاق بر  
محلده کائندر . بشنجه اردوی هایونک دخی مرکزیدر . نفوسی  
۲۰۰,۰۰۰ قدر تخمین ایدیلیر . درون شهر دن ( جبل قاسیون ) دن  
کلن ( برده ) نهری جریان ایدر . مذکور نهر شهر دن حین  
خروجنده ( بحر المرح ) دینلن ( عتیبه ) کولنی وجوده کنیرر .  
( دمشق الشام ) نامیله دخی تسمیه ایدیلن شام شریفک  
هواسی یابس و اقلیمی معتدل ایسه ده کثرت میاهدن طولانی  
رطوبت ایدر . داخل شهر ده متعدد مکتبلر و جوامع شریفه  
و مدرسه لر و کلیسالر و منتظم فابریقه لر و مسیره لر واردر .  
شامک قاشلری و آت طاقلری رواج ایدر . ( جامع اموی )  
دخی ممالک اسلامیته ک البیوک جامع لر دن بری اولوب اوراده  
پیغمبران ذیشان علیهم السلام و اصحاب کرام حضراتندن  
بعضیلرینک مقاملری واردر . شهرک خارجنده کرمیت  
فابریقه لر یاپلمشدر .

حما قصبه سی — مقر ولایتک ۴۵ ساعت بعد شمالیسنده  
هنامی اولان سنجاغک اداره مرکزیدر . مذکور قصبه بلاد  
قدیمه دن اولوب اطرافنی محیط اولان سورک شمدیکی حالده  
بعض انقاضی کور نمکده در . برچوق مشاهیر علما و شعرائک

مسقط رأسیدر. (عاصی) نہری (حما) درونندن جریان ایتمکله  
شہری ایکی بہ تفریق ایدر وکذرکاھنده تماشا ساسی لطافت بخش  
انظار اولہ جق صورتہ متعدد حدایق و بسا اتینی اروا ایلر .  
(حما) قصبہ سنده (حامدیہ) دنیلن (اثوابلق قماش) ، (حمام  
طاقی) و متنوع الاجہلر و آقشہ سائرہ نسج اولنور .

(حما) قضا سئک زراعتی امثالہ فائق بر درہ جہیہ واصل  
اولمشدر .

شیخ مہر قریہ سی — مقر ولایتک جانب جنوبیہ سنده در .  
موقعنک اہمیتندن ناشی (حوران) سنجاغہ مرکز اتخاذا ایدلمش  
ایدیہ سده شمدی (شیخ مسکین) قریہ سی مذکور لوایہ مقر  
ادارہ اولمشدر . (شیخ سعد) قریہ سنده مرقہ حضرت (ایوب)  
علیہ السلام ایلہ حضرت (عمر الفاروق) رضی اللہ عنہ منسوب  
جامع شریف واردر .

(حوران) قضا سئک حاصلات ارضیہ سی و خصوصیلہ بغدادی  
محصولی ہیچ بر محله قیاس قبول ایتمز درجہ دہ فیضلی ایسہ دہ  
ہواسی و خیمدر .

کراک قصبہ سی — بوقصبہ ہمنامی اولان سنجاغک اداره  
مرکزی اولوب (نابلس) . اولان بعدی بش النی قونا قدر .  
اراضی سی منبت و محصولداردر . اہالیسی دخی ۸,۰۰۰  
راده سنده در .

بعلبك قصبه سی — شام شریفك شمال غربی سنده ۱۸ ساعت  
بعدننده قدیم بر بلده در .

قصبه نك كرك جسامت و كرك ابنيه سنده کی صنعت جهتيله  
شهرت كامله سی وارد در . بو قصبه نك موقع وهواسی لطیف  
اولدیفندن بر چوق کبار واغنیایاز موسمنی اوراده امرار ایدر لر .

معلقه قصبه سی — شام سنجاغنه مربوط ( بقاع ) قضاسنك  
اداره مرکزی اوله رق ( جبل حنین ) اتکمنده در . شام شریفه  
۱۲ ساعت بعدننده اولان بر شوسه یول واسطه سیله مربوط در .  
( بقاع ) قضاسنك ارضی قوه انباتیه جه دیگر قضالره فائق  
اولدیفندن اهالیسی عموماً زراعت ایله مشغولدر .

قطنا قصبه سی — ( شام ) سنجاغنك ( وادی العجم )  
قضاسنك اداره مرکزی اوله رق مقر ولایتك ۵ ساعت غرب  
جنوبی سنده در .

قضا اهالیسی باغ یتش دیر مکه کسب شهرت ایلدیکی کی  
درون قضا ده جریان ایدن بر ایکی نهر سایه سنده زراعتجه دخی  
خیلی استفاده ایلمکده لدر . دمشق شامك مشهور اولان  
اوزومی بر قضایه تابع ( دریا ) قریه سی باغلی محصولیدر .

ماصبیا قصبه سی — مرکز متصرفلغنك قضا مرکز لرندن  
بری اوله رق مقر ولایتك سمت جنوبی سنده ۱۸ ساعت بعدننده در .  
منسوب اولدینی قضانك ارضی طاشلق اولمقله زراعتی  
جزئی در . قضا داخلنده ( حجر ) تعمیر اولنور . بر نوع معدن

وارد در . بومعدن ولایت داخاند به بعض صنایعده وخصوصیه  
اوزوم کوتوکارینه مسلط اولان قوردلرک دفع مضرتنده  
استعمال اولنور .

رأبیا قصبه سی — بودخی شام سنجاغك قضا مرکز لرندن  
بری اوله رق ۱۲ ساعت بعد شرقیسنده اولان ( شام شریف ) ه  
بر شوسه یول ایله مربوطدر . قصبه نك جنوب شرقیسنده  
و ( حاصبیا ) قصبه سی ایله آره سنده اوزری هر زمان قارایله  
مستور اولان ( جبل الشیخ ) وارد در . مذکور جبلده برنوع  
قبلان ایله قورد بواندیغندن سیاحتده تحفظ لازمدر . ذروه  
جبلدن دخی ولایتك محال کثیره سی و قدس شریف سنجاغی  
اراضیسی و ( قبریس ) آطه سی مشاهده اولنمقددر .

محص قصبه سی — ( حما ) متصرفلغك قضا مرکز لرندن  
بری اوله رق مقر لوانك ۱۰ ساعت قدر جنوبنده ومرتفع بر  
محلده در . مقدار نفوسی دخی ۳۵,۰۰۰ کشی یه بالغ اولور .  
قصبه نك اطرافی دوز و مزروع ترالردن عبارتدر . (عاصی) نهری  
دخی قصبه قربندن جریان ایدر . مذکور قصبه نك هواسی معتدل  
واراضیسی جسامتیه برابر منبت اوله رق حیوانات متنوعه حصوله  
کثیرر ، احتیاجات محلیه دن فضله سی ۲۱ ساعت بعدنده اولان  
( طرابلس شام ) اسکله سنه کوندریلیر . نفس قصبه ده قماش  
نسجه مخصوص بیکی متجاوز دستکاه وارد در . اکثر منسوجات

صرمه‌لی مفروش‌سات و سجاده و آت طاقی و ملبوسات ایچون  
حریردن و پموقدن هر نوع قاشیدر . مذکور الاسم ( حصص )  
قصبه‌سنده ( خالد بن ولید ) رضی الله عنہ ( و عمر بن عبدالعزیز )  
و ( یازید بسطامی ) کبی ذواتک مرقد عالی‌لری موجوددر .

**قنيطرة قصبه‌سی** — حوران سنجاغ‌نک قضا مرکز لرندن بری  
اوله‌رق مقر لوانک سمت شمال غریب‌سنده ۱۱ ساعت بعدندهدر .  
بو قصبه مرنه قدر معمور و جسیم دکل ایسه‌ده اسکان ایتدیریلن  
چرکس مهاجرینی زراعت و معموریتہ اعتنا ایتدک‌لرندن کوندن  
کونه توسع ایتدکدهدر . منسوب اولدینی قضا‌نک اراضیسی  
هر نوع زراعت و فلاحته صالح و حاصلاتی احتیاجات محایه‌نک  
ایکی ، اوچ مثلنه بالغ اوله‌رق خارجه کلی ذخیره جیقاریلیر .  
( بانیاس ) قریه‌سی ده بو قضایه تابع و هنوز خراب اولمامش  
بر قلعه‌یی مشتملدر . بو قریه‌نک مرکز قضایه اولان بعدی ۴  
ساعتدر .

**بصر الحریه قصبه‌سی** — ( حوران ) سنجاغ‌نک قضا مرکز لرندن  
بریدر . مذکور قصبه ارتفاع موقع و جیادت هوا جهتیله  
( حوران ) سنجاغ‌نک قصبات سائر سینه مرجحدر . مرکز لوا  
اولان ( شیخ مسکین ) قریه‌سینک ۳ ساعت بعد شرقی‌سندهدر .  
منسوب اولدینی قضا اهالیسی زراعتله اشتغال ایتدک‌لری جهتله  
حاصلات ارضیه یوزندن خیلی استفاده ایتدکدهدرلر .



## ﴿ بیروت ولایتی ﴾

(بیروت) ولایتی بحر سفیده ساحل اوله رق شمالنده (حلب)، شرقنده (سوریه) ولایتلری و جنوبنده (قدس شریف) و غربنده (جبل لبنان) متصرفلقلری واقعدر .

اداره خصوصنده دخی (بیروت) ، ( طرابلس شام )، (لاذقیه) (عکه) ، ( نابلس ) سنجاقلرینی حاویدر. مقر ولایتی (بیروت) شهری اولوب مشتمل اولدینی سنجاقلرک مرکز ادارهلری کندی اسملرنده کی قصه به لر در. مذکور سنجاقلری تشکیل ایدن قضائر آتیده کی جدولده ذکر اولنمشدر.

بیروت سنجاغی			عکه سنجاغی		
ب.م.م.	قضائر	مرکز ادارهلری	ب.م.م.	قضائر	مرکز ادارهلری
۱	صیدا	=	۱	حیفا	=
۲	صور	=	۲	ناصره (نظرت)	=
۲	مرجعین	جدیده	۲	صدق	=
طرابلس شام سنجاغی			۲	طبریہ	=
۲	صافیتا	دره کیش	نابلس سنجاغی		
۲	عکار	شیخ مایه	۲	جاعین	سلفیت
۲	حصن الاکراد	قل کلخ	۲	خی صعب	طول کرم
لازقیه سنجاغی			۲	جنین	=
۱	جبله	=			
۳	صهیرن	=			
۳	مروقب	=			

## — احوال بلاد مشهوره —

بیروت شهری — جبل لبنانك بحر سفیده طوغری ایلی یلمش اولان بر چیقندیسی اوزرنده مینیدر. ( بیروت ) سوریه نك و خصوصیه (شام شریف) ك اسكله سیدر. بینلری ۲۴ ساعتدر. مقدار نفوسی ۷۰,۰۰۰ راده سنده در. شهر ك منظره سی ظریف و تجارتی واسعدر. داخل شهرده منتظم بنالر و مطبعه لر و فنون متنوعه نك تحصیانه مخصوص مکتب و مدرسه لر موجوددر. بیروت ك لطافت موقعیه سندن طولانی شهرت کامله سی وارددر. هواسی اکثری یابس و صوبی (نهر الکلب) در. درون شهر هوا غازی ایله تنویر ایدلمشدر.

طرابلس قصبه سی — بوکا آفریقاده کی طرابلسدن فرق ایچون (شام طرابلسی) دیرلر. بوقصبه مقر ولایتك ۱۵ ساعت سمت شمالیه سنده و بحر سفید ساحلنده اسكله در. نفوس موجوده سی مسلم، روم، مارونی دن مرکب اوله رق ۱۳,۰۰۰ کشی یه بالغ اولور. قصبه نك صولری کثیر و هواسی لطیف ولیمون پورتهال آغاجلری مبدول و سونکر تجارتی مشهوردر. حاصلاتی واپك منسوجاتی زیاده در. بو اسكله نك لیمانی بولمیدنی جهتله کیلر قیالقدن عبارت اولان کوچك آطه لر اوکنده لنگرانداز اولورلر. جبل لبنانك قوللری دخی جهت شرقیه سنی احاطه ایللمشدر. ساحل بحردن یارم ساعتك

مسافه سمنه قدر تراموای عربلهری ایشلمکده در . (آرواد)  
آطه سی طرابلس شام ملحقاننددر . منسوب اولدینی قضایی  
دخی (نهر کبیر) اروا و اسقا ایتمکده در .

لارقیه قصبه سی — بیروت ولایتک شمالنده بحر سفیدک  
بر چیقندیسی اوزرنده کائن (حلب) ک ایکنجی اسکله سیدر .  
بینلری دخی ۲۹ ساعتدر . اطرافی محصولدار و منظره سی خوش  
وهواسی لطیفدر . تطهیرم محتاج کوچک بر لیانی دخی واردر .  
منسوب اولدینی قضایی (عاصی) نهرندن ماعدا (نهر الاسود)  
اروا و اسقا ایتمکده در .

عطا قصبه سی — مقر ولایتک ۶۰ میل جانب جنوبیسنده  
بحر سفیدک حاصل ایتدیکی کوچک بر لیان ساحلنده اطرافی  
سور ایله چویرلمش قلعه داخلنده تجارة مهم بر محلدر . (حوران)  
(کراک) سنجاقلرینک اخراجات و ادخالاتی مذکور قصبه ایله  
اجرا اولنور . لکن لایقلی لیانی بولمندیی جهتله اخذ و اعطا  
۳ ساعت بعد جنوبیسنده اولان (حیفا) قصبه سیله جریان  
ایتمکده در . قضایی دخی (کرمل) ایله (طابور) طاغلری  
آره سنده جریان ایدن (نهر المنقطع) اسقا ایدر .

نابلس قصبه سی — بیروت ولایتک جنوبنده همنامی  
اولان سنجاغک اداره مرکب زیدر . بو قصبه اطرافی قیالق  
بر درده مبنیدر . قصبه نک ارضی رطوبتلی وهواسی وخیمدر .

صیرا قصبه سی — بوکا نام قدیم ایله ( صیدون ) دخی دیرلر .  
 مذکور قصبه مقرلوا اولان ( بیروت ) ك ۹ ساعت جانب جنوبیسنده  
 ساحل بحر سفیده ایکی لیمانی مشتمل بر محله مبنی در .  
 قصبه نك سوقاقلری طار ایسه ده بنالری متین و ( موز ) دینان  
 میوه سی مشهوردر . اهالیسی حریر محصولی و بالی صیدی ایله  
 مشغولدر .

صور قصبه سی — اسکیدن ( تیر Tyr ) نامیله یاد اولنور ایدی .  
 بو قصبه ( بیروت ) سنجاغنی تشکیل ایدن قضا مرکز لرندن  
 بری اوله رق مقرلوانك طرف جنوبیسنده ۱۷ ساعت قدر  
 بعدنده و ( بحر سفید ) ك بر چقندیسی اوزرنده در . ( نهر الکاظمیه )  
 دخی قصبه نك سمت شمالیسنده جریان ایتمکده در .

( صور ) قضا سنك اورمانلری كثیر اولدیغی جهتله  
 اهالیسنك باشلیجه صنعتی كمورجیلکدر .

صیدا قصبه سی — لازقیه سنجاغنی قضا مرکز لرنددر .  
 قصبه نك آثار عتیقه سی چوق و لیمانی ایشلك و سلطان ابراهیمك  
 بنایتدیگی جامع مشهوردر . مذکور قصبه نك ( لازقیه ) یه اولان  
 بعدی ۶ ساعتدر . منسوب اولدیغی قضا دن ( نهر الکبیر )  
 جریان ایتمکده در .

صربونه قصبه سی — لازقیه سنجاغنك قضا مرکز لرندن  
 بری اوله رق مقرلوانك سمت شرقیسنده ۶ ساعت بعدنده در .

قصبه نك نخودی مشهور در. منسوب اولدینی قضانك شرقیه  
( جبل الاكراد ) وارد در .

ناصره قصبه سی — ( عكا ) لوانی تشکیل ایدن قضالردن  
برینك اداره مركزیزدر. موقعی دخی ( عكا ) نك جنوب  
شرقیسند ۷ ساعت قدر بعدنده در. مذکور قصبه حضرت  
مسیح علیه السلام اقامتی ایله مشهور و نصارانك مواقع  
مقدسه سندن بری اولق اوزره معروفدر .

طبریه قصبه سی — بودخی ( عكا ) سجاغك قضامرکز لردن  
اوله رق همنامی اولان كولك قربنده در. قصبه دروننده  
قابلیجه لر وارد در. قصبه نك هواسی آغرجه در. ( عكا ) یه  
اولان بعدی ۱۴ ساعتدر .

### ﴿ قدس شریف متصرفانی ﴾

قدس شریف متصرفانی ( بیروت ) ولایتك جنوبنده واقع  
اوله رق ( تیه ) صحراسنه و ( آفریقای عثمانی ) نك ( العریش ) ،  
( عقبه ) محافظلقلریزه قدر امتداد ایدر. مقدار نفوسی ۶۰,۰۰۰  
راده سنده در .

بومتصرفلق ( یافه ) ، ( غزه ) ، ( خلیل الرحمن ) ( بئر السبع )  
قائمقاملقلریخی حاوی اوله رق یوقاروده مذکور مستقل  
متصرفلقلر منللو اداره اولنمقد در. مذکور قائمقاملقلردن

برنجیسی برنجی و ایکنجیسی ایکنجی و اوچنجی و دررنجیسی  
اوچنجی صنف قائم مقام ایلہ اداره ایدیلیر .

متصرفی ( قدس شریف ) نامندہ کی شہرہ او طور مقدمہ در .  
شہر مذکور سوریه قطعہ سندنہ بولنان بلاد مقدسہ دن بری  
اولہرق اوچ عدد تپہ اوزرینہ مبنی و ۲۴,۰۰۰ نفوسی حاویدر .  
اسکلہ سی اولان ( یافہ ) قصبہ سندنہ دخی بر شمندوفر خطی ایلہ  
متصلدر .

داخل شہرہ حضرت ( داوود ) و حضرت ( سلیمان )  
علیہما السلامک عہد سعادت لرنندہ انشا قلنان ( مسجد اقصی )  
زینت و ظرافت خصہ و صندہ امشالی نادر در . بونکله برابر  
پیغمبران عظام حضراتندن بعضی سندنک مراقد مبارکہ لری  
وخرستیانلر جہ مقدس عد اولنان ( القمامہ ) کلیسای سی شہر  
مذکورہ موجودر . قدسک جنوب بندہ اداره جہ مرکزہ مربوط  
نواحیدن برینک مقرر اداره سی اولان ( بیت اللحم ) حضرت  
عیسی علیہ السلامک مولد سعادتی اولدینی جہتلہ مشہور در .

یافہ قصبہ سی — قدس شریف متصرفلغک حاوی اولدینی  
قضا مرکز لرنندن بری اولہرق ( قدس ) ک سمت غربی سندنہ  
و ۱۲ ساعہ بعدندہ و بحر سفید ساحلندہ در . مقدار نفوسی  
۳۴,۰۰۰ کشی یہ بالغ اولور . مذکور قصبہ متصرفلغک و خصوص  
صیلہ مرکز لوانک اسکلہ موقعی بولندینی جہتلہ تجارتہ مهم



ولیمون و پورتقال و اورایه کان قارپوظ و سائر محصولاتیه  
مشهوردر . بوقصبه نك بیروته اولان مسافه سی ۱۲۰ میلدر .

غزه قصبه سی — بودخی قضا مرکز لریدن بری اوله رق  
بحر سفید ساحلنده اسکله موقعیدر . مرکز لوایه اولان بعدی  
۱۷ ساعتدر . بوقصبه نك خرماسی و تارالاری مشهوردر .

خلیل الرضی قصبه سی — اسکیدن ( خبرون ) اسمیله یاد  
اولنور ایدی . مذکور قصبه مقر لوانك ۷ ساعت سمت  
جنوبیـنده و ( جبل خلیل ) ك جنوب اتکیندهدر . اسکله سی  
اولان ( غزه ) یه دخی ۱۴ ساعت اوزاقدر . قصبه نك اولری  
صیق و سوقاقلری طاردر . باغ و باغچه لری چوق اولوب اوزوم  
ونار و سائر میوه لری مینولدر . ( جبل خلیل ) دن بعض کوزل  
صولر جریان اتمکدهدر . مذکور قصبه بروقت حضرت ( ابراهیم )  
علیه السلامه مقر و آرامگاه اولمش و مشارایه حضرتلری اوراده  
دفین خاک عطر ناك ایدلمشدر . ابراهیم علیه السلامدن باشقه  
پیغمبران عظام حضرتلرندن بر قاجینك مراقده منیره لری دخی  
مذکور قصبه ده موجوددر .

### ﴿ جبل لبنان متصرفلی ﴾

بومتصرف فلق ( لبنان ) طاغلری اوزرنده و ( بیروت ) ولایتك  
( بیروت ) ، ( طرابلس ) سنجاقلری آره سنده بولنه رق غربی ( بحر

سفید) . ساحلدر. مقدار نفوسی درزی و خرسیان اوله رق  
 ۱۱۰,۰۰۰ کشی به بالغ اولور. نیم مختاریتی حاوی اولان اشبو  
 (جبل لبنان) متصرفلغنگ مرکز اداره سی (بیت الدین) نامندکی  
 قصبه در. مذکور متصرفلغنی تشکیل ایدن قضاالر دخی آئیده کی  
 جدولده مندر جدر .

جبل لبنان متصرفلغنی	
مقر اداره لری	فضالر
مقر صیفیسی (برمانه) در	شوی مقر شتویس (جدیده)
	متن
مزرعه	کسروان Quesrevan
	پترو
	جزین Djizine
	زخله Zéhélé
	کوره

### — احوال بلاد مشهوره —

بیت الدین — متصرفلغنگ اداره مرکزی اولدیغندن بیوک بر  
 قریه حالنه کیر مشدر. کوزل ابنیه سیله بر قشله سی واردر.  
 (متن) اداره مجلسنگ محل اقامتی اولان بر قصبه در .  
 پترو — مارونیلرک مسکون اولدقلری اراضینگ

اسکله سیدر . ( بیروت ) ۵ اولان مسافہ سی ۹ ساعتدر . اہالی  
 قصبہ سونکر جیلک ، کمی جیلک ایله مشغولدر .

جربی قصبہ سی — صیدانک ۲۰ کیلومترو شرقندہ در

زخہ قصبہ سی — ( بعابک ) دن ۶ ساعتک مسافہ در .

منسوب اولدینی قضا بر قصبہ ایله بر قریہ دن عبارتدر .

دبر القمر — ( بیروت ) ک ۵ ساعت جنوب شرقیندہ لبنان

درزیلرینک مقری اولان بر قریہ در . مذکور قریہ صرپ

ومرتفع طاغلر آراسہندہ در . سدلر اوزرینہ یاپلمش کوزل

باغچہ لری وارددر .



## — حدود شرقیه ده بولمان ولایات —

### ﴿ بصره ، بغداد ، موصل ولایتلری ﴾

حدود — احوال طبیعیہ — صورت اداره

مرور — حدود شرقیه ده بولمان ولایتدن ( بصره ) ،  
( بغداد ) ، ( موصل ) ولایتلری اوروپا لیلرک ( مزوپوتامیا )  
دیدکلری ( الجزیره ) قطعہ سنده و ( ایران ) مملکتی حدودنده در .  
قطعہ مذکورہ نک جنوبی ( بصره ) کورفزینہ ساحلدر .

احوال طبیعیہ — خطہ عراقیہ نک سمت غربیسی ( بادیه الشام ) ه  
جوار اولدینی جهتله صیجاق چوللردن عبارت ایسه ده شرق  
طرفلری منبت و محصولدار و جانب جنوبیسی جسیم خرما لقلر  
ایله محاطدر .

قطعہ مذکورہ نک اراضیسی دوز اووملقدن عبارت  
اوندیغندن طاغلری همان یوق کبیدر . فقط سمت شمالیه  
( حکاری ) طاغلرندہ داخل اولان ( زیبار ) ، ( عقره ) ،  
( سنجار ) و ( حرین ) و جهت شرقیه ده ( بازیان ) ، ( قره طاغ )

اسم‌ننده کی طاغیر ایله ( قلعة الجبار ) جوارنده ( بشتی کوه ) نامنده کی طاغک شعبات غربیه سی واردر .

الجزیره قطعه سنک انهارنده داخل اولان ( دجله ) و ( فرات ) نهرلری ایسه یوقاروده جغرافیای طبیعی قسمنده ذکر و بیان اولندیغی اوزره یسکدیکری ایله ( قورنه ) موقعنده برنشوب ( شط العرب ) نامیله ( بصره ) کورفزینه آققده در . ( بصره ) کورفزنده دخی ( جزیره بوبیان Bobian ) نامنده کی آطه ایله آنک جنوبنده محفوظ لیمانی ایله کسب شهرت ایدن ( کویت Kouiet ) کورفزی و بو کورفزک مدخلنده ( جزیره الفاج Feledj ) نام دیگرله ( فلاقه ) اسمنده مسکون بر آطه موجوددر .

قطعه مذکور سنک غرب جنوبیسنده ( بحر نجف ) ، ( بحر ابونجم ) نامنده کی کوللر ایله ( هندیه ) ، ( عونیه ) هورلری [ ۱ ] واردر . ( هور الجنبه ) ، ( هور العظیم ) ، ( هور الجزائر ) دخی جنوبنده کائندر . ( سامیه ) ، ( ابوکلام Abou Kelâm ) بتاقلقلری ( هور العظیم ) . جواردر .

بروجه بالا تعریف ایدیلن ( الجزیره ) قطعه سنده ( بصره ) ( بغداد ) ، ( موصل ) ولایتلری بولندیغی جهتله ولایات مذکور دن هربری آتیده صره سیله کوسترلشددر .

[ ۱ ] ( هور Hore ) درونده سازلق وقامشلق پیدا اولان کول وبتاقلق محلله دینر . هور صولری حزیران تموز آیلرندن صوکره عفونتلر پیدا ایدهرک آنک شرب واستعمالی امراض دعوت ایلدیکی مجربدر .

## ﴿ بصره ولایتی ﴾

حدود — سکنه — محصولات ارضیه و صناعیه — صورت  
اداره — احوال بلاد مشهوره

صدد — ولایت مذکورہ ( الجزیرہ ) قطعہ سنک جنوبندہ  
و ( ایران ) مملکتی ایله ( بادیۃ الشام ) آره سندہ بولنہ رق شمالی  
( بغداد ) ولایتہ متصل وجنوبی ( بصرہ ) کورفزیئہ ساحلدر .  
سکنہ — بصرہ ولایتندہ عشائر داخل حساب ایدلمدیکی  
حالدہ ۳۰۰,۰۰۰ قدر نفوس تخمین ایدلمکده در .

محصولات ارضیه و صناعیه — بصرہ ولایتی اراضیسی هر نوع  
اشجار و اثمار یتشدیرر . ( دجلہ ) نہرندن آچیلان جدوللر ایله سندہ  
ایکی دفعہ دخی محصول حصوله کایر . مملکتک داخل و خار جندہ  
باغ و باغچهلر کثرت اوزره اولوب داخانندہ ( میوه ) ، ( سبزہ )  
و ( حنطہ ) ، ( شعیر ) ، ( داری ) ، ( بقلہ ) حاصل اولور .  
( بصرہ ) حوالیسی خرما لقدر . طاغ و اورمان یوقدر . وادیلری  
چوقدر .

### — صورت اداره —

بصرہ ولایتی اداره خصوصندہ ( بصرہ ) ، ( احسا ) ویا  
( نجد شرقی ) ، ( منتفک ) ویا ( ناصریہ ) ، ( عمارہ ) اسملرنده



دوت سنجاغه تقسیم اولمشدر . مقر ولایتی (بصره) شهری  
اولوب مشتمل اولدینی سنجاقلردن (احسا) سنجاغلك مركز  
اداره سی (الحفوف) دیدکری (احسا) و (منتفك) سنجاغلك  
(ناصریه) و (عماره) سنجاغلك (عماره) قصبه لرید . مذکور  
سنجاقلرك حاوی اولدینی قضا و قضا مركزلری تیده کی جدولده  
کوسترلشدرد .

بصره سنجاغی			نجد شرقی و احسا سنجاغی		
ب.ق.	قضالر	مركز اداره لری	ب.ق.	قضالر	مركز اداره لری
۱	قورنه	=	۱	قطیف	=
			۱	قطره (قطار)	البداع
منتفك ویا ناصریه سنجاغی			عماره سنجاغی		
۱	سوق الشیوخ	=	۲	شطره	=
۲	شطره	=	۳	زبیر (طفران)	=
۲	الحی	کوة الحی	۳	دوبریج	=

### — احوال بلاد مشهوره —

بصره شهری — شط العرب اوزرنده و (بصره) کورفزیك  
۱۰۰ کیلومتر و قدر شمانده، حضرت (عمر الفاروق) رضی الله  
عنه زماننده انشا اولمش بر بلده دره . (بصره) کورفزدن بیوک  
کیلر بلا مزاحم مذکور بلده یه قدر کله بیلیر .

( بصره ) نك موقعی لطیف و اراضی منبت ایستاده  
( شط ) ك طغیانندن قالان بر کله سببیله ایام صیفنده هوایی  
غایت و خیمدر . مرجانی کوزل و خرما سی و کل صونی مشهور  
و مینولدر . ( بصره ) ده ایکی طرفی کارگیر و وسطی اخشاب  
اوله رق ( ابو خصیب کوپرسی ) واردر .

( بصره ) هندستان و ایران و عربستاندن کردستان و الجزیره  
جهتلیینه سوق اولنان امتعه نك مبادله کاهی اولدیغندن تجارتجه  
اهمیتی حائزدر . بازار و چارشیلر غایت و اسعدر . عادی شیشه  
اعمال اولنور برفا بقیقه دخی واردر .

( بصره ) شهرنده طوغله دن ۲۱۰۰ خانه و صریفه اسمنده  
۳۰۰ قدر کلبه و ( شط العرب ) نه ری اوزرنده بحریه قشله سی  
و قوماندان قصری موجوددر .

محصولات محلیه نك چوغی خرما در . محصولات سائر سی  
وفا ایتدیکی جهتله بغداد و توا بعندن جلب ایدرلر . فقط ( یونجه )  
محصولی و ( لیون ) ، ( ترنج ) ، ( موز ) آغا جلری چو قدر .

( بصره ) ده ( بغله ) ، ( بوت ) ، ( شویمی ) تعبیر اولنور  
تجار سفینه لری واردر . بونلر ( بصره ) کور فزنده و ( بحر محیط  
هندی ) ساحنده سیر و حرکت ایدرلر و ( بومبای ) . قدر کیدوب  
کایرلر . ( بصره ) نك قارشوسنده ( شط العرب ) ك ساحل  
یسارنده واقع ( کردلان ) قریه سی ( بصره ) یه مربوطدر . بو  
قریه نك آب و هوایی ( بصره ) دن ایوجه اولدیغندن اهالی بصره  
برای تبدیل هوا اورایه کیدرلر .

(زبیر) قریه سی نواحی مشهوره سندن همنامی اولان ناحیه نك اداره مركزیزدر . مذکور قریه ده كندی نام شریفلری ایله یاد اولنان جامع شریف دروننده عشره مبشره دن (زبیر بن عوام) و قریه یه اون دقیقه مسافه ده (طایحه) رضی الله عنها حضراتی مدفوندر .

(زبیر) قریه سنك هوا سی حار و یابس وصولری آجیدر . بوراده كرج معدنی دخی واردر . مذکور قریه ده اعلا و بیاض مركبیلر بولنور كه بهری بیک غروشدن ایکی بیک غروشه قدر صابیلیر بصره ده دخی كثر ت اوزره در .

(محمد Mohamera) قریه سی دخی (بصره) مقابله نده (گردلان) قریه سندن ۸ ساعت مسافه ده و (كارون) نهر نك شط العربیه منصب اولدینی بو غارك بر چاریك ایجرو سنده در . مذکور قریه مربع الشكل طوپراقدن معمول سور ایله محاطدر . الحفوف قصبه سی — (الاحسا) اسمی ایله دخی یاد اولنور . مذکور قصبه مقر ولایتك جنوب شرقی سنده و (بصره) كور فزی ساحلندن ۱۴ : ۱۶ ساعت ایجری ده مبنیدر . قدیم (الحفوف) بلده سنك خرابه سی دخی بر چاریك بعدنده در .

(الحفوف) ك (عبا) منسوجاتی مشهور و باغچه لری كثیردر . بو باغچه لر دروننده جاری و بعده چوللرده غائب اولان صولر ایله اروا واسقا اولنور .

( عجیر Adjeire ) اسکله سی ( الحفوف ) ه ملحق نواحیدن  
برینک اداره مرکزیدر. مذکور اسکله ( الحفوف ) ه ۱۴ ساعت  
اوزاقددر .

ناصریه قصبه سی — مقر ولایتک سمت غربیسند و ( فرات )  
نهری صول کنارنده جزیره اوزرنده در . ناصریه نك شامیه  
جهتسند ملوک عربدن ( نعمان بن منذر ) ك قبری هیئتیه  
موجوددر .

عماره قصبه سی — سنجاق مرکزی اوله رق مقر ولایت  
اولان ( بصره ) نك جانب شمالیسند ۷۵ ساعت قدر بعدند  
و ( دجله ) اوزرنده در . قصبه نك باغچیلری مذکور نهر کنارنده  
اولوب ( خرما ) ، ( انجیر ) ، ( اوزوم ) ، ( نار ) کبی میوه  
ویرمکده درلر .

نفس قصبه ده ملوک اکاسره دن قلمه ابنیه خرابه سی اولوب  
اهالی اورادن چیقاردقلری طوغله ایله خانه و ابنیه سائر انشا  
ایدلرلر .

قورنه قصبه سی — مقر ولایتک ۱۶ و واپور ایله ۶ ساعت  
شمال غربیسند و ( فرات ) ایله ( دجله ) نهرلرینک ملتقاسنددر .  
بو قصبه ده غیر منتظم ۲۸۲ خانه موجود اولوب نفوسی بیکه قریب  
ونواحیسی ایله برابر چادرلرده اوطوران عربان داخل حساب  
ایدلیکی حالده تخمیناً ۵۰۰ دن متجاوزدر . ( قورنه ) قصبه -  
سند و صفه شایان یالکزر برنوع پینر یاییلیر که ساچ کبی اولورلر .

( قورنه ) قضا سنده و ( شط ) کنه - ارنده ( بر حام ) تعبیر  
اولان قدیم بر آغاج اولوب حضرت آدم زمانندن قالمه دینلر یکنمندن  
اوروپا لور و خصوصیه انکلیز لر مخصوصاً زیارتنه کلیر لر و دالارندن  
قوپاروب تبرکاً کوتور لر .


قطیف قصبه سی — احسا سنجاغک حاوی اولدیی قضا  
مرکز لرندن بری اوله رق ( الحفوف ) ک ۴۰ ساعت قدر بعد  
شمالی سنده و ( بصره ) کور فزی کنارنده اسکله شهر لر ندر .  
ساحلنده بر نوع قوم طوزی معدنی اولوب بومعدنن جام اعمال  
ایدیلکده در .

اینجو صیدی ایله کسب شهرت ایدن ( بحرین ) آطه لری  
مذکور اسکله نک جنوبنده کندی اسمیله یاد ایدیلن کور فزای  
داخلنده در .

قطره — احسا سنجاغنه ملحق بر قضا اولوب قائم مقامی  
سمت جنوبی سنده و ( بصره ) کور فزی ساحلنده کائن ( البداع )  
قصبه سیدر .

( سوق الشیوخ ) ، ( شطرة المنتفیک ) ، ( الحی = کوة الحی ) ،  
قصبه لری ( منتفک ) سنجاغی داخلنده برر قضا مرکز لریدر .  
بونلردن ( سوق الشیوخ ) قصبه سی برأ ( بصره ) نک ۳۰ ساعت  
شمال غریب سنده و ( فرات ) نهرینک ساحل یمینده واقعدر .  
قصبه نک ۸۰۰ قدر کارگیر خانه سی و سنیلره مخصوص ایکی  
جامعی و شیعیلره مخصوص بر مسجدی و بر چارشی و یازاری

وارد در . اطرافى بتاقلق اولمقله هواسى آغیردر . مذکور  
 سنجاق اهالیسی دخی برطاقم عشایر وقبائلدن مترکبدر .  
 ( شطره ) ، ( زبیر ) نام دیگرله ( طغران ) ، ( دوبریج ) ،  
 قضالری ( عماره ) سنجاغی ملحقهاتنده داخلدر .  
 ( شطرة العماره ) ( دجله ) کنارنده براسکله حکمندهدر .  
 ( قورنه ) یه اولان بعدی ۱۲ ساعتدر . اطرافنده برچوق  
 باغچهلر موجوددر . منسوب اولدینی قضانک اکثریسی شیعی  
 المذهب اولهرق ۶۵,۰۰۰ قدر اهالیسی وارددر . محصولات  
 ارضیهسی باشلیجه ( پرنج ) ، ( سیسام ) ، ( دارى ) ، ( مصر ) در .  
 ( قاون ) ( قاربوظ ) وسائر میوهلری دخی چوقدر .  
 بوسنجاغک اهالیسی دخی ( منتفک ) سنجاغی مثللو برطاقم  
 سیار عشایر وقبائلدن عبارتدر .





## ﴿ بغداد ولایتی ﴾

حدود — سکنه — محصولات ارضیه و صنایعیه — صورت  
اداره — احوال بلاد مشهوره

مرور — بغداد ولایتی دخی (ایران) مملکتی ایله (بادیه الشام) آره سنده بولنه رق جنوبنده (بصره) و شمالنده (موصل) ولایتلری واقع و شمال غربیسی (زور) مستقل متصرفلغنه متصلدر.

سکنه — ولایت مذکورہ نك مقدار سکنه سی عشائر داخل حساب ایدلیدیکی حالدہ ۸۰۰,۰۰۰ قدر نفوس تخمین ایدلمکده دره .  
محصولات ارضیه و صنایعیه — بو ولایتك هواسی صیجاق ایسه ده صاعلمدر . اراضیسی ایران حدودنده طاغلق و سائر جهتلری دوزلکدر . هر نه قدر یغموردن محروم ایسه ده داخل ولایتده جاری (دجله) ایله (فرات) نهرلرندن آچیلان جدولار سایه سنده هر نوع حاصلات ویرمکده در . (خرما) ، (لیمون) ، (پورتقال) و میوه دخی یتشدیرر . ولایت مذکورہ صنایعجه خیلی ایلری کیتیدیکی کبی اهاالیسی دنیانك هر طرفنده مقبول و مشهور اولان آتلری یوزندن دخی کلی تجارت ایدرلر .  
(دجله) نهری اورته سنده بولنان آطه لرده احتطابه کفایت ایدمك درجه ده اشجار بولنور .

## — صورت اداره —

بغداد ولایتی اداره خصوصاً (بغداد) ، (دیوانیه) .  
 (کربلا) سنجاقلرینه منقسمدر . مقر ولایتی (بغداد) شهری  
 اولوب (دیوانیه) ، (کربلا = مشهد حسین) قصبه لری سنجاقل  
 مرکز لریدر . مذکور سنجاقلری تشکیل ایدن قضا و قضا  
 مرکز لری بوجه آتی جدولده مذکوردر .

دیوانیه سنجاغی			بغداد سنجاغی		
مرکز اداره لری	قضالر	نوم	مرکز اداره لری	قضالر	نوم
==	حله	۱	بعقوبیه	خراسان	۱
==	سماوه	۲	قلعة المشمر	عزیزیه	۲
ام البعور	شامیه	۱	==	کاظمیه	۳
کربلا سنجاغی			==	جزیره	۲
طوبریج	هندیه	۱	قلعة الرماد	دلیم	۲
مشهد علی = مشهد	نجف اشرف	۱	==	کوت الاماره	۲
			==	بدره	۲
			==	خانقین	۱
			==	مندلی	۲
			==	سامره	۳
			==	عنه	۳

## — احوال بلاد مشهوره —

بغداد شهری — عراق عربده و (دجله) نهری کنارنده  
 اوج طرفی سور و بر طرفی (دجله) نهری ایله محاط و ایچ قلعه نی

حاوی جسم بر بلده در. شهر مذکورك نهرك صاغ طرفنده  
اولان قسمنه (قارشى يقه) وصول طرفنده بولانان قسمنه  
(رصافه) دینلوب اشبوايكي قسم برى برینه بر کوپرى واسطه سیله  
برلشمشدر. (قارشى يقه) نك هر نه قدر خیلججه چارشیلری وار  
ایسه ده اکثریسی ذخائر و مأ کولاته دائر اصناف مغازملری ایله  
بقال و سائر دکانلرندن عبارتدر. (دجله) نهرينك طاشمسندن  
ناشی بو جهتك هواسی فنا اولدیغندن اهالی ساکنه سی همان  
یوق کیدر.

(بغداد) الیوم معمور و مستحکم اولوب ۱۲۰,۰۰۰ دن  
زیاده نفوسی محتوی وهم ولایتك و همده التنجی اردوی هایونك  
اداره مرکزیدر. نظامیه ونهریه قشلهلری مشهوردر. دروننده  
جمعه نمازی ادا اولنور قرقى متجاوز جامع شریف واردر.  
جوامعك اکثریسنك حولیلری داخلنده تدریسه مخصوص  
مدرسهلر بولنور. امام اعظم قبوسى جوارنده و (دجله) نهری  
کنارنده والیرك خارجاً و داخلأ دائرهلری ایله كافه مأمورین  
دولت عایه وضبطیه نفراتی استیعاب ایدر صورتده واسع میدانلی  
کوزل و جسم بر بنا واردر.

شهرك اطرافى باغچهلر ایله محاط اولوب زهتكاهلری چوق  
اولغله شهردن ایکی ساعت خارجّه قدر تراموای عربهلری  
ایشلمکده در.

نفس بغدادده (الاجه) ، (قطنی) و انواع چارشف  
 و (فوطه لر) و کونا کون مشاخلر، (اغبانی)، (ایک د-تمال)  
 وقادینلرک یوزلرینی ستر ایچون استعمال ایتدکلر (پچه) اعمال  
 اولنمقده و آقشه سائریه مخصوص بیکی متجاوز دستکاه موجود  
 بولنمقده در.

اراضیسی برنجی درجه ده منبت اولوب هر نوع نباتات  
 و حبوبات و (خرما)، (لیمون)، (پورتقال)، (قهوه) کی  
 محصولات یتشدیرر. نهرک اسقامیه سنده ایکی اوچ دفعه  
 محصول آلیر. صیجاق زیاده اولمغله اهالی موسم صیفده  
 کوندزلری تحت الارض سردابلرده و کیجه لری خانه لری  
 اوزرلرنده اکلیئرلر و یاتورلر. (دجله) نك فیضاننده بعض  
 بتاقلقلر پیدا ایتسی (بغداد) ک هوا سی اخلال ایدوب بعض  
 علل ساریه تولیدینه سبب اوله ککشدیر.

بغداد حوالیسندده اعظم اسلامدن پک چوق ذواتک مراقده  
 متبرکسی بولندیغندن هریری بر زیارتگاهدر. (اعظمیه)  
 ناحیه سی مرکز مربوطدر. بونا حیه ده مجتهد اقدم (امام اعظم  
 ابوحنیفه = نعمان بن ثابت) و مجتهدین کرامدن (احمد بن حنبل)  
 حضراتی مدفوندر.

دیوانیه قصبه سی — مذکور قصبه (بغداد) ک ۳۲ ساعت  
 جنوبنده (فرات) نهری کنارنده در. اهمیت موقعیه سندن  
 طولانی همنامی اولان سنجاغه مرکز اولمشدر.

کربلا قصبه سی — ( مشهد حسین ) اسمیه دخی یاد  
ایدیلان بو قصبه بغدادك ۲۰ ساعت قدر غرب جنوبیسنده  
( فرات ) نهرينك حسینیه شعبه سی اوزرنده در . مقدار  
نفوسى ۱۰,۰۰۰ کشى به بالغ اولور .

مذکور قصبه ( امام حسین ) رضی الله عنه حضرت تلرینك  
محل شهادت علیه لری اولدینی جهتله هند و عجمدن کان برچوق  
کیمسه به زیارتگاه اولمشدر . اهالی قصبه دخی همان شیعی المذهبدر .  
منسوب اولدینی قضاده ( حضرت عباس ) رضی الله عنه  
مرقد شریفلری واردر . قضانك ( حسینیه ) جدولی اوزرنده  
يك چوق باغلری و خرما آغاچلری موجوددر .

( فرات ) کنارنده مبنی ( مسیب Mussejib ) قریه سی نواحی  
مشهوره سندن برینك اداره مرکزیدر .

خراسانه قضاسی — مرکز ولایتیه مربوط قضالردن  
اولوب مقر اداره سی ( بغداد ) ك ۹ ساعت شمال شرقیسنده  
( دیاله ) نهری کنارنده کائن ( بعقوبه Bakuba ) قصبه سیدر .  
( شهربان ) ناحیه سی بو قضایه مربوطدر .

( خراسان ) قضاسنده . يك چوق نفت یاغی منبعلری  
موجود اولدیغندن ایستلدیکی قدر ( غاز ) جیقاریله بیلیر .

مذکور قضاده ( ابراهیم ادهم ) حضرت تلرینك مقاملری  
وارددر .

( فرات ) نهری کنارنده کائن ( کاظمیه ) ، ( عنبریه =  
 قلعة الشمر ) ، ( کوت الاماره ) ، ( مندلی ) ، ( سامره ) ،  
 ( عنه ) قصبه لری بغداد سنجاغنه مربوط برر قضا مرکزیدر .  
 بونلردن ( عنبریه ) قصبه سنک منسوب اولدینی قضا داخلنده  
 ایرانیه لریک بر وقت پای تختی اولان ( مداین ) خرابه سی  
 موجوددر . ( صدعان ) نامنده کی محله دخی بر ساعت طولنده  
 غایت جسم بر محله وارددر .

مذکور قضا داخلنده برآ بغداد ۶ ساعت مسافده  
 صحابه کرامدن ( سلمان الفارسی ) حضرت تهرینک مرقد شریفلی  
 و اتصالنده بر جامع شریف وارددر . ( حذیفه الیانی ) حضرت تهرینک  
 مرقد شریفلی دخی او جوارده و ( دجله ) نهری کنارینه  
 قریب بر محله و بر قبه التندهدر .

مذکور قصبه سی — ( دیوانیه ) سنجاغنک قضا مرکز لردن  
 برینی تشکیل ایتشددر . بو قصبه ( بغداد ) ک ۱۸ ساعت جنوب  
 فرییسنده و ( فرات ) نهری کنارنده و ( بابل ) خرابه سنک  
 بر گوشه سنده مبنیدر . مذکور قصبه نک اطراف باغچه لرایله مزیندر .  
 ( مسجد شمش ) دینان معبدی شیعیلر غندنده غایت معتبردر .  
 ( سماوه ) ، ( شامیه ) قضا لری ( دیوانیه ) سنجاغنی ملحقا تئنددر .  
 بونلردن ( سماوه ) قصبه سنک مرکز لوا اولان بعدی ۱۴ ساعتدر .  
 ( هندیه هوری ) کنارنده کائن ( هندیه ) و ( نجف )



کولی قربنده کی ( نجف اشرف = مشهد علی ) قصبه لری کر بلا  
سنجاغناک قضا مرکز لرنددر.

مذکور قصبه لردن ( هندیه ) قصبه سنک منسوب اولدینی  
قضا اهالیسی عشاردن او عبارت اولوب خانه لری دخی حصردن  
معمولدر. حضرت ( یونس ) علیه السلام افندیزک مقام عالی لری  
قضا داخلنده در. ( کفیل ) ناحیه سی بو قضایه ملحقدر.

( نجف اشرف ) ده ( امام علی ) کرم الله وجهه رضی الله  
عنه حضرت لرینک مدفون اولدقلری مظنوندر. مذکور قصبه یه  
هر سنه ایراندن بر چوق ذوار کلوب مشهد مزبوری زیارت  
ایدرلر. مذکور الاسم ( نجف ) قصبه سی ایله ( بحر ابونجم )  
آره سنده ( کوفه ) قدیم بلده سی وارددر.



## ﴿ موصل ولایتی ﴾

حدود — سکنه — محصولات ارضیه و صناعیه — صورت  
اداره — احوال بلاد مشهوره

صرد — موصل ولایتی ( الجزیره ) قطعہ سنک سمت  
شمالیسنده بوانه رق شرقاً ( ایران ) مملکتی و شمالاً ( وان ) ،  
( بتلیس ) ، ( دیاربکر ) ولایتلری و غرباً ( زور ) متصرفلری  
ایله مخاط و جنوبی ( بغداد ) ولایتنه متصلدر .

سکنه — ولایت مذکور سنک مقسدار سکنه سی تقریباً  
۵۰۰,۰۰۰ قدردر .

محصولات ارضیه و صناعیه — موصل ولایتک اراضیسی  
شمالده طاغلق و وسط و جنوب سمتلرنده دوزلکدر . ( سنجار  
حراسی ) دخی ولایتک شمال غربیه سنده واقعدر . هواسی سمت  
شرقیده لطیف ایسده طرف غربیه سنده بر از صیجاق اولور .  
طوپراغی دخی دروننده جاری ( دجله ) نهری ایله توابعی اولان  
( خابور ) صوی و ( نهر ادهم ) ، ( بیوک زاب ) ، ( کوچک  
زاب ) ، ( آلتون کوپری صوی ) دینان صولر سایه سنده منبت  
و محصولدار اولوب هر نوع ذخیره و میوه یتشدیرر .

## — صورت اداره —

موصل ولایتی اداره خصوصاً منقسمه (موصل) ، (سلیمانیه) ،  
 (کرکوک) سنجاققرینه منقسمه . مقر ولایتی (موصل)  
 شهری اولوب (سلیمانیه) سنجاقنک مرکز اداره سی (سلیمانیه)  
 و (کرکوک) سنجاقنک اداره مرکزی (کرکوک) قصبه لریدر .  
 مذکور سنجاقلری تشکیل ایدن قضا و قضا مرکزلری  
 بوجه آتی جدولده کوسترلمشدر .

شهر کرکوک سنجاقی			موصل سنجاقی		
مرکز اداره لری	قضالر	ن. پ.	مرکز اداره لری	قضالر	ن. پ.
=	رواندز	۱	=	عقره	۳
=	ادبیل	۲	ریزان	زیبار	۳
=	کوی سنجاق	۳	=	دهوک	۳
کفری	صلاحیه	۲	پوهتان	زاخو	۲
	رانیه	۳	=	سنجار	۲
			=	مادیه	۱
			سلیمانیه سنجاقی		
			=	کاعنبر	۲
			=	بازیان	۲
			=	معموره الحمید	۳
			=	شهر بازار	۳

## — احوال بلاد مشهوره —

موصل شهری — ( دجله ) نهرینک صاغ ساحانده

واطراف خندقلی بر سور ایله محاط و برایچ قلعہ بی حاوی معتدل  
الہوا و تجارتکاء لطیف بر بلده در . شہرک جوامع و مساجد  
و مدارس و تکایا و کلیسائی و خان و حمام و چارشی و بازار و سائر  
ابنیہ سی وارد در . مقدار نفوسی دخی ۴۰,۰۰۰ کشتی بہ بالغ  
اولور .

شہر مذکورک ( دجلہ ) نہری اوزرندہ کی آطہ دہ قلعہ لری  
موجود و خانہ لری طاش و طوغلہ دن معمولدر . فقط سوقاقلری  
غیر منتظمدر موصل و حوالیسنک طوپراغی منبتدر . خنطہ لری  
غایت اوزلی و قوتلی اولدیغندن اکہ کلری بیاض اولور . برایکی  
قریہ سندہ ( زیتون ) حصولہ کلیر .

شہر مذکور ہر نہ قدر بلاد حاردن معدود ایسہ دہ بہار  
موسمندہ وافر یغمور یاغدیغندن محصولاتی برکتیدر . حتی  
حاصلات ارضیہ سننن بر قسمی ( رواندز ) ، ( عقرہ ) ، ( عمادیہ )  
طرفلرینہ دخی کوندز یلیر . موصلک مرعاری کثیر المقدار  
( قیون ) ، ( صغر ) ، ( مانده ) بسلیدیکندن ترہ یاغلری پک  
نفیسدر .

موصلک صنایع و تجارتی مقدمات رواجلی ایدی . شمذی ایسہ  
ہنددن کلن قماشلرک بویانمسیلہ اکتفا ایدلمکدہ در .  
حال حاضر دہ اولان معمولاتی ( قطیفہ ) ، ( کلیم ) ،  
( کچہ ) ایلہ ادوات زجاجیہ دن عبارتدر .

موصلك قارشيسينده ( نينوا ) تسميه قلنان قديم بلده نك خرابه سی  
معموریت سابقه سی کو ستر مکده در .

موصلك قلعه پيشكاخنده و شط قیوسی جوارنده ( کبریت )  
بانہ سی و بر ساعت بعدنده ( عین الدیر ) و درت ساعت جنوبنده  
( دجله ) نہری ساحلنه قریب موضعنه ( حمام علی ) قاپلیجه لری  
موجود در .

موصل سوری خارچنده ( شیت ) و ( نینوا = بنی یونس )  
قریه ننده ( یونس ) و موصلده ( دانیال ) پیغمبر علیهم السلام  
حضراتنک مراقده منوره لری وارد در .

سلیمانیه قصبه سی — بوقصبه مرکز ولایتک جنوب شرقیسنده  
۴۵ ساعت بعدنده و ( بغداد ) دن ( ایران ) . کیدن طریق  
اوزرنده اطراف طاعلق بر اووده مبنی و ۲۲,۵۰۰ نفوسی  
محتوی بر بلده در .

قصبه نك شرقنده ( آرمیر ) طاغی وارد در . قضا داخلنده  
( دیاله ) نہری توابعندن ( سلیمانیه ) چایی جریان ایتمکده در .  
( سلیمانیه ) قصبه سنده یاز موصلرنده ( رشه باد ) یعنی  
( قریل ) تعبیر اولنور غایت ثقیل بر روزگار اسرکه هر کسی اسیر  
فراش و علیل ایدر .

کرکوک قصبه سی — مقر ولایتک ۳۶ ساعت جنوب  
شرقیسنده مرتفع بر محله مبنیدر . ( موصل ) . اولان بعدی  
۴۹ ساعت در . مذکور قصبه نك ( بغداد ) و ( بصره ) ایله تجارتی

یولنده در. جوارنده دخی زفت معدنی موجود در. ( کرکوک )  
سمت شمال غریب سنده و بر ساعت بعدنده بش ، اون  $\llcorner$  کون  
نبحان ایدر و سنوی یوز بیک قیه مقداری نفت حصوله کتیر  
بر معدن وارد در . ( شط الادهم ) دینلن نهرک توابعدن اولان  
( خاصه ) صوی ( کرکوک ) ک منسوب اولدینی قضا داخلنده  
جاریدر .

سنجار قصبه سی — موصل سنجاغه مربوط قضالردن برینک  
مرکز اداره سیدر . موقعی دخی موصلک جانب غریب سنده  
۲۴ ساعت مسافه سنده و کندی اسمنده کی طاغک جنوب  
اتکرننددر . قصبه نک آب وهواسی لطیف اولوب سکنه سنک  
قسم اعظمی یزیدی طائفه سندندر . مذکور طاغک انجیری غایت  
اعلا اولور . قوریسی دخی ایپاره دیزیلوب صاتیلیر . نقلیات  
تاریخیه نظراً او صحرا ده اولاد نوح علیه السلام ( برج بابل )  
یایلنجه یه قدر توطن و تکثر ایدوب بعده اطرافه منتشر اولمشلر  
ایدی . ( سنجار ) اسمنک شهرتندنناشی بعضاً ( الجزیره ) یه  
عموماً ( سنجار ) دینیر .

( عقره ) ، ( دهوک ) ، ( زاخو ) قصبه لری موصل سنجاغی  
داخلنده برر قضا مرکزیدر . ( عقره ) ده اعلا برنج حصوله  
کلیر ، موصل وحوالسنه کوندریلیر .  
( دهوک ) ده ( کرما به ) تعبیر اولنور برقابلیجه وارد در .  
بوقابلیجه نک صوی علت جسدیه یه نافعدر .



مرکز اداره سی ( ریزان Rezan ) قصبه سی اولان ( زیبار )  
 قائم مقامی دخی موصل سنجاغی منسوباتنددر . مذکور  
 قصبه نك موصله اولان بعدی ۲۲ ساعتدر .

( کلنبر ) ، ( بازیان ) ، ( شهر بازار ) قصبه لری ایسه ( سلیمانیه )  
 سنجاغنه مربوط بر رقضا مرکز اولوب بونلردن ( کلنبر ) ده  
 عشره مبشره دن ( ابو عبیده بن جراح ) حضرت لری مدفوندر .  
 ( رواندز ) ، ( زیل ) ، ( کوی سنجاغ ) ، ( رانیه ) ،  
 ( صلاحیه = کفری Kefri ) قصبه لری دخی ( کرکوک ) سنجاغی  
 ملحقاتنددر .

( رواندز ) قضا سنده یازی ایچون استعمال اولنه بیلیر صاری  
 ریک معدنی واردر .

( اربیل ) قصبه سنده ( عزیر ) علیه السلام ایله ( امام علی )  
 رضی الله عنه حضرت لری نك مخدوملری حضرت ( عبدالله ) ك تربه  
 عالیلری اوراده در .

( کوی سنجاغ ) ده دخی حضرت ( عمر ) رضی الله عنه  
 زمانندن قالمه بیک ایکوز سنه لك منهدم بر جامع شریف موجوددر .



## ﴿ وان ولایتی ﴾

حدود — سکنه — تعریفات طبیعیه — محصولات ارضیه  
 وصناعیه — صورت اداره — احوال بلاد مشهوره

مردود — وان ولایتی ( موصل )، ( ارضروم ) ولایتلری  
 یتینده و ( ایران ) مملکتی ایله ( بتلیس ) ولایتی آره سنده در.

سکنه — ولایت مذکوره نك ثلثانی مسلم و متباقیسی غیر  
 مسلم اوله رق تقریباً ( ۴۵۰,۰۰۰ ) نفوسدن عبارتدر. بونلرك  
 بر قسمی کرددر.

تعریفات طبیعیه — وان ولایتنك اراضیسی و خصوصیه  
 ( ایران ) حدودی طاعلقدر. ( وان ) کولی شمالنده اهرام  
 شکنده اولان ( سبجان = سیبان ) [ ۴۵۰۰ مترو ارتفاع ]  
 طاعنی باشلیجه طاغلرندن بریدر.

ولایتك اهمیتی حائز انهارى صره سنه تعداد اولنه بیلن  
 ( زاب الکیر ) نامنده کی نهرك قسم اعلا سیدر. ( وان ) کولنده کی  
 ( بند ماهی ) و ( Marmid مارمید ) کی برقاق چای آققده در.  
 ( وان ) کولنك شرقده که یایلده و ( ارچك Artschag )  
 قریه سنده سوی طاتلی ( ارچك ) و ( وراق ) طاعنی جوارنده  
 ( کشیش ) نامنده کولار واردر.

(وان) شهری ایله (باش قلعه) قصبه می بیننده کی طریق  
اوزرنده ایام شتاده مرور و عبور غیر ممکن اولان (چوغ کدیکی)  
نامیله معروف برکچید موجوددر.

محصولات ارضیه و صنایع — وان ولایتی اراضیسی اولدجه  
میت و محصولات اولوب هر نوع حبوبات یتشدیرر. (وان)  
کولنده صابون اعمالنه الورشلی (سوده) چیقاریلیر.

حکارت جهنده اهالی زراعت اهمیت ویرمیوب حیوانات  
رعی ایتمکه امرار وقت ایلمکده درلر.

ولایتک معمولات و مصنوعات کنگرہ (وان) جہتہ  
 لوانی تقسیم و نواحہ متعلق ہر برشی اعمال اولنور . (وان)  
 عیالنی (تعیین اولنور . شال و عبال و قرمزی بزلر (وان)  
 شہری ایلہ قریہلرندہ نسج ایدیلیر . مذکور شال و عبال  
 داخل ولایتہ صرف و فروخت اولندیگی کبی در سعادۃ دخی  
 کوندیریلیر .

بالاتر از فقه و مذهب  
ریح و صوفی و الهامی - صورت اداره -

وان ولایتی (وان)، (حکاری) سنجاقلریخی حاویدر. مقر  
ولایتی (وان) شهرخی اولوبیلا (حکاری) سنجاقنک میرکزا ایلرهمی  
(باش قلمه) ایضاباسیلدر. بولایتکی سنجاقنک اشکیل ایلدن قضا  
وقضاهمته کزلی آیدمکی حد و لایه مندا کوزدر. - - - - -

حکارتی سنجاغی			وان سنجاغی		
مرکز اداره لر	قضالر	ن. پ. ک.	مرکز اداره لر	قضالر	ن. پ. ک.
=	چوله مرک	۱	=	قارچکان	۱
دیزه	کوار	۱	=	شتاق	۱
نرا (نهری)	شمینان	۱	واسطان	کواش	۱
سرای	محمودی و یاخوشاب	۱	=	عادالجواز	۱
=	معموره الحمید	۱	=	ارجیس	۱
آشیطه	بیت لشباب	۱	بارکیری قلعه	بارکیری	۱
=			موکس	مکس	۱

### — احوال بلاد مشهوره —

رانه شهری — کندی اسمنده کی کولک شرقنده و تقریباً اون دقیقه بعدنده غایت صرپ یکپاره برقیما اوزرینه مبنی و مازغاللی سور ایله محاط قدیم بربلده در. شهر مذکور اوچ طرفی سور و بر طرفی طاع ایله محدود اولوب خارج سورده اطرافی باشقه باشقه طپراق دیوار ایله چورلمش باغ و باغچه و ترلالر وارد در. سورک داخل و خارجنده جوامع شریفه و مکاتب و حماملر، خانلر، کلیسالر موجود در. مقدار نفوسی دخی ۳۰,۰۰۰ راده سنده در.

شهرک ایلاک بهارده هواسی لطیف و یاز موسمنده و خیم اولوب باغ و باغچه لرند. بلاد معتدله ده بولتان اشجار مشمره نك کافه سی یتیشیر. سبز نك اکثریسی دخی بولنور. ترلارند.

( بغدادی ) ، ( آرپه ) ، ( چودار ) و سائر زرع و خانه لرنده  
دخی ( شال ) ، ( عبا ) نسج اولنور . شهرک تجارتی ایش-ملك  
اولوب شمیدیکی حالدہ کاربانلر ایله اجرا ایدلمکده و ( وان )  
کولی دروننده کی اوافق کیمیلر دخی واسطه تجارت عد  
اولنمقده در . ( وان ) ک محروقاتی ( وان ) کولنک جهت  
جنوبیه سنده بولنان ( آردوج ) طاغندن کیمیلر ایله کلیر .

باسه قصبه قصبه سی — حکاری سنجاغنک اداره مرکزی  
اوله رق مقر ولایتک ۱۸ ساعت جنوب شرقی سنده در . مذکور  
قصبه اسمندن دخی آکلاشلدینی اوزره مواقع مستحکمه دن  
بریدر .

شاق قصبه سی — وان سنجاغنی تشکیل ایدن قضالردن  
برینک مرکز اداره سی اوله رق مقر ولایتک جانب جنوبی سنده در .  
منسوب اولدینی قضایی ( بهتان ) چایی توابعندن ( شتاق ) صوبی  
اروا ایدر . بوقضاده اعلا شال و عبا نسج اولنوب ارضرومه  
وبلاد سائر یه نقل ایله فروخت اولنور . ( وان ) ک مشهور اولان  
عباری بوراده اعمال اولنمقده در .

کواسه قضاسی — ( وان ) سنجاغنی قضاالردن اولوب  
اهالیسی عموماً کرددر . مرکز اداره سی مقر ولایتک ۶ ساعت  
جنوب غربی سنده و ( وان ) کولی جنوب ساحلنده کائن  
( واسطان ) نامنده کی قصبه در . نفس قصبه نك باغ و باغچهلری  
مبذول وجویز آغا جلدی مشهوردر . حتی جویز کوتوکلرینک


بر قسمی اوروپایه نقل اولمقدمه و بویوزدن اهایسی خیلی مستفید اولمقدمه در .

( بارگیری ) ، ( ارجیس ) ، ( عاد الجواز ) قصبه لری دخی ( وان ) متصرفلغه مربوط برر قضا مرکزی اوله رق ( وان ) کولی جوارنده در .

قصبات مذکوره دن ( بارگیری ) قصبه سنک مقر ولایت اولان بعدی ۱۲ ساعتدر . ( بارگیری ) ایله ( ارجیس ) آره سی ۷ و ( ارجیس ) ایله ( عاد الجواز ) ینی ۱۲ ساعتدر .

میرامرک قصبه سی — مقر ولایتک ( باش قلعه ) طریق ایله ۳۶ ساعت جانب جنوبیسنده و ( زای ) صوینک صاغ ساحلندن یارم ساعت مسافده و بر اووه داخلنده در . قصبه نک هواسی وخیمدر . مذکور قصبه ده ( قورشون ) وجوارنده ( کوکرد ) معدنلری وارددر .

مرواب قصبه سی — ( حکاری ) سنجاغی ملحقانددر . نفس قصبه شمیدیکی حالد خراب بر حالد اولوب الیوم خرابه سی مشهور و قلعه سی مشهوردر . منسوب اولدینی قضایه ( سرای ) قصبه سی مرکز اتحاد ایدلمشدر . مذکور قصبه ایسه ( وان ) ک ۱۸ ساعت سمت شرقیسنده و حدوده ۴ ساعت مسافده در . بوقضاده کوزل نقشلی سجاده وکلیم وهردرلو کردکچهلری اعمال اولنور . ( خوشاب ) قصبه سنه کیدن یول اوزرنده ( نورکوح ) کدیکی وارددر .





## ☆ ارضروم ولایتی ☆

حدود — سکنه — محصولات ارضیه و مناعیه — صورت  
اداره — احوال بلاد مشهوره

---

مردود — ارضروم ولایتی ( وان ) ، ( طربزون ) ولایتلری  
پیشنده و روسیه نك ( قافقاسیه ) قطعه سی ایله ( سیواس ) ولایتی  
آره سنده واقع و جنوب غربی سنده ( معموره العزیز ) ، ( دیاربکر ) ،  
( بتلیس ) ولایتلری کائندر .

سکنه — مذکور ولایتده ذکور وانات اوله رق تقریباً  
۵۵۵,۵۰۰ قدر نفوس موجوددر . بونلردن ۴۴۲,۰۰۰ مقداری  
مسلمدر .

تقریفات طبیعییه — ارضروم ولایتك ارضی طاغلق و قیشی  
غایت صغوق و سورکلیدر . ولایتك جهت شرقیه سنده و ( ایران ) ،  
( قافقاسیه ) ، ( دوات علییه عثمانیه ) حدودلری اوزرنده آنا طولی  
سلسلهٔ جبالتك عقده نقطه سی اولان ( آغری ) دیدکلری  
( آارات ) نامنده کی جبل وارددر . ( شاه یول ) ، ( چنكل ) ،  
( کوسه ) ( شیریان ) ، ( بنکول ) اسملریله یاد اولان طاغلر  
مذکور الاسم ( آارات ) طاغندن غربه طوغری آیریلان  
قسمنده داخلدر .

( مخمکورد ) حداسنده ۲۵۹۰ مترو ارتفاعنده ( صوغانلی )  
 طاغی نامیله بر سلسله دها موجوددر . بوسلسله ( چوروح ) ،  
 ( فرات ) حوضه لرینی بر برندن تفریق ایلر .

( ارضروم ) ولایتک ( وان ) ولایتی ایله اولان حدودی  
 اوزرنده ( آلاطاغ ) و ( خرپوط ) ولایتی ایله آره سنده ( موزور  
 = منظور ) اسنده کی طاغیر واردر . بونلردن باشقه ولایت  
 مذکورهنک طرف شمالیسنده و ( طربزون ) ولایتی ایله بیننده  
 ( بالحر = بالاحور ) سلسله سی موجوددر . بونک جنوبنده  
 شرقدن غربه طوغری امتداد و ( درسم ) طاغیرینی تشکیل ایدن  
 برسلسله جبال دها واردر که باشلیجه اقسامی ( دوملی ) ، ( کوک )  
 و ( ارضروم ) ایله ( بایبورت ) آره سنده ( طربزون ) ی  
 ( ارضروم ) و وصل ایدن مشهور شوسه نک کذرگاهنده ( قوپ )  
 طاغیریدر .

مذکور الاسامی طاغیردن ( کوسه ) ، ( شیریان ) طاغیری  
 آره سنده ( قره دربندبونی ) ، ( طاهر کدیکی ) و ( حسن قلعه )  
 ایله ( ارضروم ) بیننده ( دوه بونی ) کچمیدی و ( اولتی ) ایله  
 ( ارضروم ) میاننده ( کورجی بوغازی ) و ( ارضروم ) ایله  
 ( وان ) طریق آره سنده ( پالان دوکن ) کچمیدی و کذا ( ارضروم )  
 ایله ( بایبورت ) آره سنده ( قوپ طاغی بیونی ) و ( بایبورت )  
 ایله ( طربزون ) آره سنده ( قازقلی ) و ( قولات ) بیونلری  
 واردر .

(آراس) چاینک و (فرات) ، (مرات) ، (چوروخ) صولرینک قسم اعلا لری ولایت مذکورہ داخلندہ جاریدر . ولایتک شرقندہ و (بایزید) جوارندہ (سنک) یایلاسنده بر آباق ایله (آراس) چاینه آقان (بالقلى كول) و بونك جوارندہ (قازلی کول) ، (آق کول) ، (دیپسز کول) ، (قزل کول) نامندہ برقاج کول موجوددر . بونلردن بمضیسندہ اعلا (اطه) بالنی بولنہر . بوجنس بالق دریا بالقلرندن دها لذیدر .

محصولات ارضیه و صنایع — بوولایتک اووه ووادیلرینک هواسی لطیف و اراضیسی محصولدار و منبتدر . (پاسینلر اووه سی) محصولاتیلہ مشهوردر . محصولات ارضیه سنی حبوبات متنوعه و انواع میوه دن و معمولاتی اعلا (حالی) ، (کلیم) ، (سجاده) ، (کجه) ، (اسلحه) واونی سیم و نحاسه متعلق اشیمادن عبارتدر .

### — صورت اداره —

ارضروم ولایتی اداره خصوصندہ (ارضروم) (ارزنجان = ازیرکان) ، (بایزید) اسملریله اوچ عدد سنجاغه تقسیم اولمنشدر . مقر ولایتی (ارضروم) شهری اولوب (ارزنجان) ، (بایزید) قصبه لری سنجاق مرکز لریدر . مذکور سنجاقلری تشکیل ایدن قضالر ایله مرکز اداره لری بروجہ آتی جدولده کوستراشددر .

ایزید سنجاغی			ارضروم سنجاغی		
مرکز اداره لری	قضالر	ن.ا.	مرکز اداره لری	قضالر	ن.ا.
=	دیادین	۳	=	بایبورد	۱
=	قره کلیسا	۳	حسن قلعه	پاسینار	۳
طوپراق قلعه	الشکرد	۳	=	خمس (تکمان)	۳
دوطاق	عقتاب	۳	نمران	کیفی	۴
ارزنجان سنجاغی			ماما خاتون	ترجان	۳
=	کاخ	۳	نخاح	تورتوم	۳
حسن اووه	قوری چای	۳	همشین	اسیر	۴
کرجائیس	رفاهیه	۳	ارسیمن	کسکیم	۴
پلومر	قوزیچان	۲	=	نامروان	۳

### — احوال بلاد مشهوره —

ارضروم شهری — شهر مذکور آناتولی شاهانه نك مواقع مهمه سندن بریدر. اطرافنی طاغلری ایله محاط و ۱۹۵۰ مترو ارتفاعنده براووه یه ناظر واشجار مشمره دن عاری برطاغك اتكنده مینیدر. شرقنده (دوه بیونی) وجنوبنده (بالان دوكن) طاغلری موجوددر. (ارضروم) ك اصول جدیده اوزره یاپلمش استحکاملری وارددر. مذکور شهرده اهلیتلی هر نوع اهل صنعت بولنور. شهر ك اسکله سی اولان (طربزون) ه قدر یاپلمش منظم شوسه سی اولدیفندن اهمیت تجاریه سی وارددر. فقط هواسی قشین غایت صنوق اولوب محروقاتی آزدر. ارضرومك ایکی

اوج ساعت بعد نده بغضیلری چلیکلی و بغضیلری کوکرتلی ضولوی  
خاوی آیلدیجه و قابلیجه لر اولوب بونلرک سزلی و قاشمه غلترینه  
و غلر سترمه منفعلری حجر باتدیر.

ارزنجه قصبه سی — (ارزگان) اسمیکه یاد ایدیلن بوقصبه  
مقر ولایت اولان (ارضروم) ک جانب غریبمنده و ۳۴ ساعت  
قدر بعد نده اطرافنی طاعلر ایله محاط طقور ساعت امتداد ایدن  
همانی اولان بر او وده میندیر.

(ارزنجان) موقعنک اهمیتدن ناشی دردنجی اردوی هایتو  
مرکز اتحاد ایدلر یکندن داخله و قشله لر و ایتیله طارده عینکریه  
موجوددور.

قصبه نیک اوکندن (فرات) نهزی کچرکی بختله اراخیمنده  
مربوع محصول یتشیر. یک چوق بلندق دخی محصول کلیر  
ارزنجانده (احرام)، (سجاده)، (خولی)، (حمام طاقی)  
(اوطه دوشمه سی)، (ایک الاجه سی) فوقریه لر ادم عجم شالنه

مشابه بر نوع شالندیلر اولور. تیور و کوشه متعلق شالریلیر.  
نحاس و مغولانی دخی، کندی و لایته و محالده یلریده کوندریلیر.  
ارزنجانده، ایکی ساعت مسافه دیم، کوکرتلی و خوارتی و معتدلیه بر  
قابلیجه و ایدیرم و ایدیرم (سجاده)، (سجاده)، (سجاده)

بایزیر قصبه سی — یلیرم بایزید حضرتیلرانی طارقدیلرینه  
ایدیلر، بعد کور قصبه ارضروم و یک ساعت مسافت اشرافینده  
بر طاعلر ایدیلر، بونی و غلالی، (برالچ ایله) محاطدور. قصبه سی (دنجی)



مشهور در . هواسی قشین صغوق ایسه ده یازین کوزلدر .  
 اراضیسنده کلیتلی حبوبات و میوه و سبزه یتشیر . نفس قصبه ده  
 لوازمات ضروریه متعلق صنایع اوسته لری بولندیفی کبی قضا  
 داخلنده دخی اعلا سجاده لك کچه و کرد حالیلری نسج و اعمال  
 اولنو . قصبه نك ایران و کرجهستان ایله خیلی تجارتی واردر .  
 ( آغری ) طاغنگ یاننده ( کوچك آغری ) طاغی اتکالرنده  
 ( طانیة ) مغارملری دینمکله مشهور غایت واسع متعدد مغاره لر  
 موجوددر .

بایورد قصبه سی — مقر ولایتك غربنده و ۲۵ ساعت  
 بعدنده و ( ارضروم ) دن ( طربزون ) ه کیدن بیوک جاده  
 اوزرنده در . ( چوروح ) صوبی قصبه درونندن جریان ایتدیکی  
 جهته محصولات ارضیه سی برکتیدر .  
 قصبه نك بر چاریك مسافه سنده غایت یاغلی جنسندن اوله رق  
 کمور معدنی ظهور ایتشددر .

مسی قلعه قصبه سی — ارضروم سنجاغنگ حاوی اولدینی  
 ( پاسینلر ) قضا سنك اداره مرکزیدر . موقعی مقر ولایتك جهت  
 شرقیه سنده و ۶ ساعت بعدنده و بیوک اووه نك اورته سنده و صرب  
 برقیانك اتکالنده در . ( آراس ) نهری توابعندن ( پاسین ) صوبی  
 قضایی اروا واسقا ایتمکده در .

قضا داخلنده نسج و اعمال ایدیلن ( کلیم ) ، ( سجاده ) ،  
 ( کچه ) ، ( احرام ) ، ( عادی شال ) درون قضا ده فروخت ایدلیدیکی



کبی ( ارضروم ) شهری ایله جوار قضالره کوتوریلوب ساتیلیر.  
مذکور قصبه نك کوکورد و تیمور معدنلرینی حاوی متعدد  
قابلیجه لری واردر .

قضانك ( کالو ) قریه سی جوارنده چیقان کرچ و ( تورنان )  
قریه سنده ظهور ایدن آلچی طاشلری درون قضا ده صرف  
اولندقدن باشقه فضله سی ( ارضروم ) ه کوتوریلوب فروخت ایدیلیر .  
( آغا ) قریه سی جوارنده چیقان ( صال طاشی ) و ( قامبر )  
قریه سنده کی ( قرمزی طاش ) مشهور اولوب ابنیه جسیمه ده  
استعمال اولنور .

جسامتیه مشهور اولان ( صوغانلی ) طاغی اورمانندن حاصل  
اولان انواع کراسته و حطب و کمرور داخل قضا ده صرف  
ایلدکدن باشقه ( ارضروم ) ، ( بایزید ) سنجاقلرینه نقل ایله  
فروخت اولنور .

کاخ قصبه سی — ( ارزنجان ) سنجاغی قضا مرکز لرندن بری  
اوله رق مقر ولایتك غربنده و ( فرات ) نه ری کنارنده قدیم  
بر بلده در . ( ارزنجان ) ه دخی اوزاقلنی ۶ ساعتدر . قصبه نك  
اسکی بر قلعه سی وارضرومه کیدر منتظم یولی واردر . ( کاخ )  
ایله ( ارزنجان اووه سی ) ییتنده ( کاخ بوغازی ) اسمنده غایت  
طار و بر ساعت امتدادنده بر بوغاز موجوددر .

جدولده مذکور ( دیادین ) ، ( قره کلیسا ) ، ( الشکرد ) ،  
( عنتاب ) قضالری بایزید سنجاغی ملحق تاندنر .





و (آخلاط) قضا سنده ۴ ساعت محیطنده (نازک) کوللری  
بولندینی کبی (جبل نمرو) شاهقه سنده دخی غایت انکین  
وسیه بر کول موجوددر . بو کولک صوی صیجاق اولوب  
دروننده بر نوع سیاه و آغر و بارلاق طاشلر وارددر . (نازک)  
کولک صوی دخی بر آباق واسطه سیله (وان) کولنه  
آققدهدر .

محصولات ارضیه و صنایع — ولایت مذکورده نك ارضی  
هر نه قدر طاعلق ایسه ده حیوانات یتشدیرمه صالحدر .  
طاغلرنده ایسه (مرمر) معدنلری وارددر . (موش) جوارنده  
دخی (دکرمین طاشی) اعمال ایدرلر . ولایتک بزلی وایک  
منسوجاتی و (بتلیس) ، (سعد) طرفلرینک شایاق وکلیم  
اعمالاتی مقبولدر .

### — صورت اداره —

بتلیس ولایتی اداره خصوصینده (بتلیس) ، (موش) ،  
(سعد) ، (کنج) نامند . درت عدد متصرفلرینه منقسمیدر .  
مقر ولایتی (بتلیس) شهری اولوبه احای اولدینی سنجاقلر دکن  
(موش) ، (سعد) سنجاقلرینه نلیده لری کثر ادا اولری هنیامی  
اولان قصه لری (کنج) اسر سنجاقلر مقر اداره سنی ایستله  
(آردوشین) قریه سیدر . مذکور سنجاقلری تشکیلی ایلتن  
قضا و قضا لری کز لری آتیلدنی سنجاق اولدن مستقل اولور .

سهررد سنجاغی			بتلیس سنجاغی		
مرکز اداره لری	قضالر	ن. پ.	مرکز اداره لری	قضالر	ن. پ.
کفره	شروان	۱	=	آخلاط	۱
ده	آروه	۱	آشاغی قره صو	خیزان	۱
زوق	غرزان	۱	کینزو	موطیکی	۱
=	پرورای	۱	موش سنجاغی		
کنج سنجاغی			قوپ	بولانیق	۱
پاصور	قوب	۲	قلعه قریه سی	ملازکرد	۱
چولیک	جباچیپور	۱	کوکوم	واردو	۱
			قابلیوز	ماسون	۲

### — احوال بلاد مشهوره —

بتلیس شهری — (وان) کولنک ۶ ساعت جانب غرب جنوبیسه. منده و (شرقی دجله) نهری توابعندن (بتلیس) چایی کنارنده و طاغیر اتکمنده مینی وهواسی و منظره سی لطیف و تجارتگاه قدیم بر بلده در. قصبه نك باشلیجه برر تپه دن متشکل سکز منفرد محله سی واردر. درون شهرده اوافق کوپر یلر ایله کچیلیر متعدد ایرماقلر موجوددر. خانه و دکانلرینک اکثریمی منفرد باغچه لر ایله محاطدر. (وان) کولنک جهت غربیه سنده (طاطوان) نامیله بنام بر اسکله سی واردر. بتلیسک حاصلاتی بو اسکله ایله نقل اولندیفی کبی (وان) دن دخی (بتلیس)ه میوه و امتععه کلیر.

قصبه نك باغچه لر نده نار آغاجلرینک کثرتندن ناشی نار حاصلاتی

زیاده در . بتلیس قضااسنده قرمزی و بیاض بزله و (شیله)  
تعبیر اولنور بر نوع پانطوللق متاعلر نسج ایدیلیر. اراضیسنده  
دخی انواع معادن موجود اولدینی کبی بر نوع صاری، سیاه،  
قرمزی مرمر معدنلری بولنه رق اخراج و استعمال ایدرلر.

موسه قصبه سی — مقر ولایتک ۱۲ ساعت غربنده  
و (مرات) چایی آیاقلرندن اولوب موش اووه سی اروا ایدن  
(قره صو) نامنده کی چایک قربنده ولطیف بر تپه نک اطرافنده  
مینیدر. قصبه نک ایام صیفده هواسی ایکی ماه قدر غایت صیجاق  
اولور ایسه ده عموماً لطیفدر .

اراضیسنده انواع حبوبات و اوزوم و میوه حصوله کلیر.  
تجارتی دخی اهمیتلیدر . مذکور قصبه جسیم بر اووه یه ناظر  
اولوب اطرافنی جبال متسلسله احاطه ایتشددر . بو طاعلردن  
برنده بر نوع سیاه و قرمزی طوپراق چیقوب اهالی بو  
طوپراقدن دستی، برداق و چوملک اعمال ایدرک استعمال  
وجوار قریه لرینه ایصال ایدرلر. نفس قصبه ایله بعض قریه لرنده  
چوقه یه مشابه بیاض و مائی شالار و قرمزی و بیاض بزله  
و یوندن کلیم و کچه و امثالی امتعه نسج و اعمال اولنور. درون  
قضا و محال سائرده صاتیلیر .

مهرد قصبه سی — (سعد) مقر ولایتک غرب جنوبیسنده  
و ۱۶ ساعت بوندده و (دجله) نک (بهتان) نامنده بر آغانی قربنده  
مرتفع طاعلر آرمسندده مبنی کوچک بر قصبه در . بو قصبه نک



هوایی لطیفدر . اهالیسی عرب و کرد اسانی تکلم ایدرلر .  
(سعد) که ارضی طاعلق اولدینی جهته اکثری حاصلات استرلر  
ایله نقل اولنور .

(سعد) ه مایحق (شروان) قضا سنک رزاقی اوزومی ، پکیزی  
مقبول و مشهوردر .

آردوشینی قریبسی — کینج سنجاغک اداره مرکزیدر .  
آنضوط قصبهسی — بتلس سنجاغی قضا مرکز لرندن بری  
اوله رق (وان) کولی کنارنده و (نمرود) طاعی اتکنده بر شهر  
قدیمک خرابهسی اوزرنده مؤسسدر . مرکز ولایته اولان بعدی  
۸ ساعتدر .

قصبه نک صغوغی زیاده ایسهده محصولاتی چوقدر . (الما)،  
(جوین) کبی میوه محصولاتی کثیردر . آخلاطده نقشلی و معتبر  
(کلیم)، (سجاده)، (کچه)، (چوراب) و (توزلق)، (الدیوان)  
اعمال و بین الاهالی استعمال اولنه رق خارجدن مشتریلهینه دخی  
فروخت اولنور .

موزکرد قصبهسی — موش سنجاغی قضا مرکز لرندندر .  
بو قصبه مقر ولایتک سمت شمال شرقیسنده و مرکز لوایه ۲۰  
ساعت مسافهدهدر . منسوب اولدینی قضایی (مرات) نهری  
اروا اتمکدهدر . قضانک جنوب شرقیسنده (سبحان) طاعی بولنور .



## ﴿ دیاربکر ولایتی ﴾

حدود — سکنه — تعریفات طبیعیہ — محصولات ارضیہ  
 وصناعیہ — صورت اداره — احوال بلاد مشہورہ

صہررد — دیاربکر ولایتی (بتلیس)، (حلب) ولایتلری بیننده  
 واقع اوله رق جنوب شرقیسنده (موصل) ولایتی و (زور)  
 متصرفلنی و شمالنده (ارضروم) و شمال غربیسنده (معموره العزیز)  
 ولایتلری کاشندر.

سکنه — ولایت مذکورہ نك مقدار سکنه سی ۴۷۰,۰۰۰  
 قدر تخمین ایدلمکده در. بونلردن جزئی مقداری خیمه نشین  
 کردلردن عبارتدر. نفوس موجوده ایچنده ۳۰۰,۰۰۰ قدری  
 مسلمدر.

تعریفات طبیعیہ — دیاربکر ولایتك اراضیسی عمومیت  
 اوزره طاغلق و عارضه لی اولوب (قره جه طاغ) ایله (آشید)،  
 (محراب) اسملرنده کی طاغلر باشلیجه طاغلریدر. بونلردن  
 (قره جه طاغ) (دیاربکر) ك جنوب غربیسنده برقوس تشکیل  
 ایلمشدر، (آشید) طاغی ولایتك شرقنده و (محراب) طاغی  
 ایسه غربنده در.

(دجله)، (فرات) نهرلری دخی مذکور ولایتك انهارندن  
 معدوددر. بونلردن (دجله) نهری ولایتك شمال و شرقندن

و(فرات) نهري غربندن مرور ایتمکده در . ( قوری چای ) ایله  
 (بطمان) صوبی مذکورالاسم (دجله) نهري نك باشلیجه قوللرینی  
 حاصل ایتشدر . (فرات) نهري توابعدن (کوکسو) غربنده  
 جریان ایتمکده و(خابور) نهري نك برآیغی دخی ولایت مذکور  
 داخلندن نبعان ایلمکده در . (کولجک) نامنده کی کول ایسه  
 ولایتک شمال غربیسنده در .

**محصولات ارضیه و صنایع** — دیاربکر ولایتک هواسی یازین  
 پک صیجاق ایسه ده صاغلندر . اراضیسی اولدجقه منبت  
 و محصولدار اولوب (حبوبات) (پاموق) ، (اوزوم) ، (توتون)  
 کلیله حصوله کتیر . (دجله) نهري کنارلرنده دیاربکر  
 ترلارینک یتشیردیکی قاوون و قارپوزلر جسامتله معروفدر .  
 معادنن دخی (قلای) ، (دسر) ، (باقر) معدنلری واردر .  
 حتی ( ارغی ) جهتمده باقر معدنلرینک اک کوزل طمرلری  
 بولنور . دیاربکرک اورمانلری دخی مشهوردر ، فقط اسباب  
 نقلیه نك بولنه مامسندن اهالی پکده استفاده ایدهمامکده در .  
 (دیاربکرک) (الاجه سی) مشهور و عجم شانله مشابه (شالری)  
 و شام قاشی مثللو قاشلری مقبولدر . بو ولایتک اسکلهلری  
 غایت اوزاق اولدیغندن نقلیات اکثریا (دجله) اوزرنده کلکلر  
 واسطه سیله اجرا اولنور .

## — صورت اداره —

دیاربکر ولایتی اداره خصوصنده (دیاربکر) ، (ماردین) ،  
 (ارغنی) نامنده اوج عدد سنجاغی حاویدر . مقر ولایتی  
 (دیاربکر) شهری اولوب (ماردین) ، (ارغنی) قصبه‌لری  
 سنجاق مرکز لیدر . مذکور سنجاق‌لری تشکیل ایدن قضالر  
 دخی بوجه آتی جدولده کوسترلشدرد .

ماردین سنجاغی			دیاربکر سنجاغی		
مرکز اداره‌لری	قضالر	نومبر	مرکز اداره‌لری	قضالر	نومبر
=	نصیبین	۲	=	سیوه‌رك	۳
جزیره ابن عمر	جزره	۳	مقارقین	سیلوان	۳
=	مدیات	۳	=	لیحه	۳
=	عوبنه	۴	=	دیرك	۳
=	رأس المعین	۲	=	بشیری	۳
			ارغنی سنجاغی		
			=	بالو	۳
			=	چرمیک	۴

## — احوال بلاد مشهوره —

دیاربکر شهری — آسیای عثمانیه کائن بلاد  
 مشهوره و مستحکمه دن بری اوله‌رق (دجله) نهرینك صاغ  
 کنارنده مبنیدر . اطرافنی ایکی قله‌لی بر سور ایله چورلشدرد .  
 شهرك اشجار نفیسه یتشدیرر کوزل باغچه‌لری و منتظم و مشهور

جامعلری و مناسـترلری و چارشـی و بازارلری واردر . خارجدن  
منظره سی پک کوزلدر . داخل سواقـلری طار و خانه لری سیاه  
طاشدن معمولدر . هواسی دخی یازین زیاده صیجـاق و قشین  
بالعکس صغوقدر . اهالیسنک مقداری دخی ۳۰,۰۰۰ قدری  
مسلم اوله رق ۴۷,۰۰۰ راده سـنده در .

شهر مذکورده پاموق و ایپک قماشـلرینک انواعی نسج  
و هر نوع مطبخ و سفره یه متعلق باقر ادواتی اعمال ایدیلیر .

ماردین قصبه سی — مقر ولایتک جنوب شرقیسنده و ۲۱  
ساعت بعدنده و کندی اسمی ایله مسمی جبلک ذروه سـنده  
( الجزیره ) قطعـه سـنک نقطه حاکمه سـنده مبنی قدیم بر بلده در .  
( ماردین ) قصبه سنک اعمالاتی ( سختیان ) ، ( بز ) و اخراجاتی  
پاموقدر . هواسی هر نه قدر لطیف ایسه ده صوبی آزدر .

ارغنی قصبه سی — ( ارغنی معدنی ) دخی دنیلن بو قصبه  
مقر ولایتک ۱۶ ساعت سمت شمال غربی سـنده غایت کوزل  
بر موقعه در . قصبه اوکندن ( دجله ) نهری توابعندن همنامی  
اولان چای جریان ایتـمکده در . اوزرنده برکارگیر و برقـاج اخشاب  
کوپریسی واردر . و باغ و باغچه لری دخی چوقدر .  
مذکور قصبه سنک هواسی براز و خیمدر . طاغلرنده دخی

کروش معدنی چوقدر . ( ارغنی ) نك باقر معدنی مشهوردر .  
 حتی ( محراب ) طاغنده دخی مذکور معدن خلی ظهور  
 ایتکدهدر . بو معدن هجرتك ۶۱۲ تاریخنده کشف اولمش  
 وجوهی نحاس و کوکرت و تیموردن عبارت بولمشدر .

( ارغنی ) قضا سی داخلنده ( ارغنی معدن ) قصبه سندن  
 باشقه برده ( ارغنی ) قریه سی موجود و بقریه نك هواسی لطیف  
 و باغ و باغچه لری مبدولدر . یازین تبدیل هوا ایچون تا دیاربکر دن  
 دخی کلن بولنور . قلعه سی داخلنده ( ذوالکفل ) علیه السلام  
 مقام عالی لری واردر . قلعه داخلنده کی صو صهرنجارینك صوبی  
 لذیذ و ایام صیفده غایت صغوقدر .

سیلوانه قضا سی — دیاربکر سنجاغی قضا لر دن اولوب  
 مرکز اداره سی ( مفارقین ) قصبه سیدر .

بو قصبه مقر ولایت ۱۶ ساعت اوزاقدردر . درون قصبه ده  
 آثار عتیقه چوقدر . بونلرک ایچنده مصنع بر بنا واردر که اون  
 ایکی پنجره سی اولوب کونش مذکور پنجره لرک هر برینه برر  
 ساعت اورر یعنی صبا حاین ساعت برده برنجی پنجره یه وایکیده  
 ایکنجی پنجره یه و اون ایکیده اون ایکنجی پنجره یه کونش  
 اوردقدن صو کره فروب شمس واقع اولور .

( سیلوان ) قضا سنك قسم شمالی سنده ( سیلوان ) طاغی

واردرد. بوطاغك جنوب انكازندن بر قاج چای نبعان وجنوبه  
طوغری جریان ایدرك ( دجله ) نهرینه دوکیلور . بونلرك  
باشلیجهلری ( پاموقلی صو ) ، ( بطمان ) صولیدر . مذکور  
( بطمان ) صوی اوزرندهکی کوپری شایان تماشا آتاردندر .

مقر ولایتك ۱۸ ساعت بعد شمالیسنده کائن ( لیجه )  
و ۱۰ ساعت قدر جنوبنده واقع ( دیرك ) و ۲۰ ساعت غربنده  
بولنان ( سیوهرك ) قصبهلری دیاربكر سنجاغی ملحقاتندندر .

بونلردن ( لیجه ) و ( سیوهرك ) قصبهلرینك آثار عتیقهسی  
چوق و باغ ویاغچهلری مبدولدر . ( سیوهرك ) قصبهسنك خراب  
اولمش جسم بر قلعهسی والیوم ایشلدللكده بولنان زیرزمین  
حامی واردرد .

نهیپین قصبهسی — ماردین سنجاغی قضا مرکز لرنندندر .  
بو قصبه مقر ولایتك ۲۹ ساعت قدر جنوب شرقیسنده در .  
( فرات ) نهری توابعندن بری قصبه اوگمندن جریان ایدر .  
قصبه ایله ( ماردین ) آرهسندهکی چولده ( دارا ) قریهسی  
واردرد . بو قریهك آثار عتیقهسی چوقدر .

جزیره قصبهسی — بوكا ( جزیره ابن عمر ) دیرلر . مذکور  
قصبه ماردین سنجاغی قضا مرکز لرنندن اولهزق مقر ولایتك  
( ماردین ) طریق ایله ۵۴ ساعت جانب جنوب شرقیسنده



و ( دجله ) نهري کنارنده در . قصبه نك اوکنده ونهر اوزرنده خراب و کارگیر بر کوپری واردر . مذکور قصبه و قتیله خیلی معمور اولوب بر چوق ذواتك و خصـوصیله مورخ مشهور ( ابن اثیر ) ك مسقط رأسـیدر . فقط شمـدیكى حـالده هواسنك وخامتـدن ناشی كوچك بر قصبه حكمنه تنزل ایلمـشـدر . منسـوب اولدینی قضاـنك ۲۱۹ قریه سی و همان جمله سی مسلم اولق اوزره ۳۵,۰۰۰ قدر اهالیسی واردر . اراضیسی منبت ومحصولدار اولوب حبوبات متنوعه وانواع میوه و ( پاموق ) ، ( توتون ) حصوله کثیرر .

( جزره ) قضاسی شرقـده ( جودی ) نامـده اوزری اکثریا قار ایله مسـتور یوکـسـك بر جبل واردر . بو جبل ( حضرت نوح ) علیه السلامك طوفان زمانـده کیمـسـنك ایلمـشـوب طور دینی محل اولدینی جهتـله مشهور و حضرت مشار الیهك ذروه جبلده بولنان مقام عالیرى زیارتگاهدر .

( عوینه Aviné ) ، ( مدیات ) قضالری ( ماردین ) سنجاغنك شمال شرقیسنه مصادفدر . بونلردن ( عوینه ) قضاسی ( دجله ) نهرینه منصب اولان ( کوچه صو ) اروا ایدر . ( مدیات ) قضاسنه ملحق اولان ( حسنکیف ) ناحیه سنك خانه لرینك اکثریسی طاشدن اویولمش ومتعدد اوطه لری حاوی بولنمشدر .

( پالو ) ، ( چرمیک ) ، ( رأس العین ) قصبه لری ( ارغنی )

سمنجانی ماحققاتنددر . بونلردن ( پالو ) قصبه‌سی باغ و باغچه  
ایله مزین و درونی ( فرات ) نه‌ری ایله ریانددر . قصبه‌نک نه‌ر  
اوزرنده کوزل و متین بر کوپریسی و اوستتنده یکپاره بر طاش  
اوزرنده محکم بر قلعہ‌سی و دروننده بعض آثار عتیقه‌سی  
موجوددر .

( چرمیک ) قصبه‌سنک اسکی بر قلعہ‌سی و باغ و باغچه‌لری  
و امراض جلدی‌یه نافع ایلیجیه‌سی وارددر . یاز موسمنده مذکور  
ایلیجیه بر چوق خلق طویلا نغله اهالی قصبه بویوزدن خیلی  
تجارت ایددر . ( قزل چوق ) چایی دخی قضایی اروا ایددرک  
( فرات ) نه‌رینه جریان ایتکدهدر . ( چرمیک ) قضا‌سنک  
اراضیسی جزئی عارضلی اولوب طوپراغی منبتدر . محصولات  
حبوبات متنوعه ایله انواع میوه‌دن عبارتدر . اوزومی دخی  
مشهوردر .

( رأس‌العین ) قصبه‌سی دخی ( خابور ) نه‌ری توابعی ایله  
احیا اولنور بر اراضیده کائندر .

---

## ﴿ معمورة العزيز ولايتى ﴾

حدود — سکنه — احوال طبيعیه — محصولات ارضیه  
و صنايعه — صورت اداره — احوال بلاد مشهوره

مرور — اناطولی شاهانه نك وسط ولايتلرندن اولان  
( معمورة العزيز ) ولايتى شمالاً ( ارضروم ) ، ( سيواس ) و شرقاً  
( ارضروم ) ، ( ديار بكر ) ، و جنوباً ( حلب ) و غرباً ( حلب ) ،  
( سيواس ) ولايتلى ايله محاط و محدوددر .

سكنه — مذکور ولايتده ۴۳۰,۰۰۰ نفوس تخمين  
ايدلمكدهدر . بو نفوسك ۳۹۰,۰۰۰ قدرى اسلامدر .

تصريفات طبيعیه — بو ولايتده عشاير متمكنه نك يايلاقلى  
اولان ( صاري چيچك ) طاغى ايله ( كول طاغى ) ، ( اما  
طاغى ) ، ( بك طاغى ) ، ( آق طاغ ) ، ( نخودلى طاغ ) ،  
و ( موزور ) طاغى ايله ( چتال تپه ) وارددر .

( مرات ) ، ( فرات ) ، نهرلى بو ولايتده تلاقى ايتدكلرى  
جهتله مذکور نهرلر ايله توابعندن ( چالتا ) ، ( قورى چاي )  
( طوخه ) ، ( عربان ) اسملرندكى چايلىر ( معمورة العزيز )  
ولايتنى اسقا و احيا ايتمكدهدر .

( باش كول ) ، ( معدن كولى ) بونلر ( آق صو ) واسطه سيله  
( جيحان ) نهرينه صو ويررلر .

محصولات ارضيه و صنايعه — معمورة العزيز ولايتك ارضى

ایکینچی درجه ده منبت اولوب حاصلات ارضیه سی ( خنطه ) ،  
 ( شعیر ) ، ( پوق ) و بعض محالرنده ( زرنج ) ، و کلیتلی ( اوزوم ) ،  
 ( قیسی ) ، ( دود ) در . میوملری کثیر و ( قاوون ) ،  
 ( قارپوظ ) ی مبذولدر . ( آفیون ) دخی چند سنه در حاصلات  
 ارضیه سی صره سنه داخل اولمشدر . هر طرفنده آری بسلفوب  
 اکثر اهالی عسل اکلیله شکر استعمالنه او قدر میل حاصل  
 ایتزلر .

ولایتک ( کلیم ) ، ( سجاده ) ، ( عبا ) و ( شایاق ) کبی  
 شیرلی و ایپکدن معمول قاشلری معمولات صنایع سنندن  
 معدوددر .

مذکور الاسامی ( مرات ) ، ( فرات ) نهرلرینک معبرلرنده  
 متعدد قایقلر ایشلمکده و بلدیلهلر ایچون بر خیلی واردات  
 حصوله کتیرمکدهدر . بومعبرلردن بری دیاربکرک ارغنی سنجاغنه  
 مربوط ( بالو ) جوارنده و دیگرلی ( درسم ) ک ( چارسنجاق )  
 قصبه سی طرفنده و اوچنجیسی ( خرپوت ) ه الی ساعت مسافنده  
 اولان ( آشوان ) نامنده کی محله و دردنچیسی ( کبان معدنی )  
 پیشکاهندهدر . بولردن باشقه چند محله دخی سفینه  
 ایشلمکدهدر .

ترکیبنده ( قورشون ) ، ( کموش ) ، ( دمر ) ، ( باقر )  
 بولنان ( کبان معدنی ) ولایت مذکوره داخلندهدر .

## — صورت اداره —

(معموره العزيز) ولايتى اداره خصوصى صنده (معموره -  
 العزيز)، (ملاطيه)، (درسم) سنجاقلىرىنه منقسمدر. مقر ولايتى  
 (خرپوط) شهرى اولوب (ملاطيه) سنجاغنىك مركز ادارهسى  
 (يكى ملاطيه) و(درسم) سنجاغنىك اداره مركزى (خوزات)  
 قصبه لريدر. مذكور متصرفلىقلىك حاوى اولديغى قضالى دىخى  
 آتيدهكى جدولده كوسترلمشدر.

معموره العزيز سنجاغى		درسم سنجاغى	
ق.پ.	قضالر	مركز اداره لرى	ق.پ.
۳	عربكبر	=	۳
۳	كبان معدنى	=	۳
۳	اكين	=	۳
۳	پتوركه	=	۳
ملاطيه سنجاغى		۳	قزل كليسا
۳	حسن منصور		
۲	بهمنى	=	
۲	آقچه طاغ	آرقه (كورده چك)	
۳	كاخته	=	

## — احوال بلاد مشهوره —

خرپوط شهرى — شهر مذكور استانبولك ۲۱۵ ساعت

بعدند ۱۲۴۰ متر و ارتفاعی اولان بر تپه‌نک اوزرنده‌در.  
 دروننده ۲۶۷۵ قدر خانه و ( حصن زیاد ) نامیله بر خراب قلعه  
 واردر . جوامع و مدارس و مکاتبی دخی کثیردر . شهرک یاز  
 موسمنده هواسی معتدل و فقط ایام شتاده صغوغی شدتلیدر .  
 جوار شهرده دخی لطیف باغ و باغچه‌لر موجوددر .

( معنورالعزيز ) قصبه‌سی دخی ( خرپوط ) ک منسوب اولدینی  
 قضا داخلنده و بر ساعت مسافه‌سند و بر او وده و بغداد جاده‌سی  
 اوزرنده‌در . بغداد جاده‌س‌نک اس الحركاتی ( صامسون )  
 اسکله‌سیدر .

مذکورالاسم شهر و قصبه‌نک منسوب اولدینی ( معمورة .  
 العزيز ) قضای داخلنده ۳۶۰ قریه موجود و بونلردن اکثریسی  
 قصبه اطلاقنه لایقدر .

مطایع شهری — اناطولی شاهانه‌نک بلاد معروفه  
 و قدیمه‌سندن اولان ( ملاطیه ) قصبه‌سی ( فرات ) نهرینک صاغ  
 جهته‌ده کنیش بر صحرا‌ده‌در . مذکور قصبه‌نک آب و هواسی  
 لطیفدر . مرکز ولایته اولان بعدی دخی ۱۸ ساعتدر .

اشبو شهر ( ملاطیه ) سنجاغ‌نک مرکزی اولمغله مشهور  
 و ( اسکی ملاطیه ) نامیله معروف ایدی . مؤخرأ دائرة حکومت  
 آقار صولری چوق و باغچه‌لری کوزل اولان ( یکی ملاطیه )



اسمى ويردكارى ( ملاطيه ) نك صيفيه سى بولنان ( اسپوزى )  
 دینان محله نقل ایدلمش اولدیغندن ( ملاطيه ) سنجاغنى اداره  
 مرکزى شمدى ( اسپوزى ) قصبه سى بولنشدر . اسكى شهرک  
 ابنیه جسيمه سى کوندن کونه خرابه ميل ایدوب ( اسپوزى )  
 قصبه سى ایسه کسب معموریت ایدهرک شهر قديمه معادل  
 اوله جق درجه یه کلش اولدیغندن آز بر مدت ایچنده خلیجه  
 جوامع شریفه و ابنیه سائر بنا ایدلمش و منتظم سوقاقلر دخی  
 میدان کتیرلمشدر . درون قصبه ده ایکی مناره لی یاپلمش اولان  
 جامع شریف دخی ( حمیدیه ) نام عالیسی ایله یاد ایدلمکده در .  
 ( ملاطيه ) باغچه لرنده کاله کله چکی صروده اوزرلرینه  
 یاشدیریلان اویولمش کاغدلر سبیلله یازولی المار حصوله کلیر .  
 ضو زات قصبه سى — مقر ولایتک ۱۲ ساعت سمت  
 شمالیسنده طاغلق بر محله در . موقعنک اهمیتندن ناشی  
 درسم متصرفلغنه مرکز اتخاذ ایدلمشدر .

عربکیر قصبه سى — بو قصبه کندی اسمی ایله مسمى  
 قضانک اداره مرکزى اوله رق مقر ولایتک ۱۹ ساعت سمت  
 غربی شمالیسنده و ( سیواس ) ولایتی حدودی جوارنده در .  
 قصبه نك هوا سى لطیف و صوبی مبدولدر . ارضی دخی منبت  
 و محصه ولدار اولوب هر درلو میوه یتشدیرر . اوزومی دخی  
 مشهوردر .

( عربکیر ) قصبه سنک عارضه لی بر یرده اولسی حسیبیلله

خانه‌لری سیرک و باغ و باغچه‌لر ایله محاط اولدیغندن خارجدن منظره‌سی بغایت دلنشیندر. مذکور خانه‌لرک طاملری اوزرینه بر نوع ماوی طوپراق فرش ایدرلر. بو طوپراق عادتاً آلچی کبی طاملری تأثیر باراندن محافظه ایلر. ( عربکیر ) ک محصلولاتی ( خرپوت ) و ( ملاطیه ) جهتلرینک حاصلات ارضیه‌سنه ترجیح اولنور .

اکیں قصبه‌سی — ( معمورة العزیز ) سنجاغنک حاوی اولدینی قضالردن ( اکیں ) قضا سنک اداره مرکزی اوله‌رق مقر ولایتک ۲۲ ساعت سمت شمال غریب‌سنده و ( ارضروم ) ولایتی حدودی جوارنده و ( فرات ) نه‌ری صاغ جهته‌نده . قصبه‌نک اراضیسی طاشلیق ایسه‌ده آقار صولری چوق اولدیغندن باغچه‌لری کوزل و میوه‌لری و خصوصیه دودی مشهوردر . خانه‌لری مرتفع و کوزل اولوب طاش و اخشابدن معمور و استانبولک خانه‌لرینه مشابهدر . قصبه‌نک هر نه قدر قیش موسمی صفوق ایسه‌ده موسم صیفده هوا سی معتدلدر .

کبابه معدنی قصبه‌سی — بو قصبه ( کوش معدنی ) اسمیه دخی یاد اولنور . مذکور قصبه ( معمورة العزیز ) سنجاغنک حاوی اولدینی قضا مرکز لرندن بری اوله‌رق مقر ولایتک ۱۲ ساعت سمت غریب‌سنده و ( فرات ) نه‌ری صاغ ساحلی قریب‌ندهدر . مذکور قصبه معدن چیه‌تاردقلری اثناسده غایت معمور

واوچ بیک خانہ بی جامع ایکن الیوم درت یوز خانہ لی جسامتلی  
بر قریہ ہیئنہ تنزل ایتشدرد.

مھمن منھور قصبہ سی — (ملاطیہ) نک ۱۸ ساعت سمت  
جنوبیسنده و (فرات) نہری وادیسنده در.

قصبہ نک (حصن منصور) تسمیہ سنک سببی ایسہ امویلرک  
صوکی اولان (مروان بن محمد) زمانندہ بو حصنک اعمارینہ  
(منصور) نامندہ بری مباشرت ایتسیدرد.

مذکورالاسم قصبہ نک منسوب اولدینی قضانک اراضیسی  
(فرات) نہری وادیسنہ تابع بایرلردن عبارتدر. اداره مرکزی  
اولان (آدی یمان) قریہ سی قصبہ نک ۹ ساعت بعدندہ وهواسی  
وخیم اولان بر چول اورتہ سنندہ در.

لاطہ قصبہ سی — مذکور قصبہ دخی (ملاطیہ) نک ۱۷ ساعت  
سمت شرقیسنده و (فرات) نہری وادیسنده بر جبل اتکندہ در.  
بو قصبہ نک هواسی وخیمدر. آناطولی شاهانہ نک جبال  
مشہورہ سندن اولان (الما) طاعی قصبہ نک شمال طرفندہ در.  
(اووہ جق)، (چشکیزک)، (چارسنجاق)، (مازکرد)،  
(قزل کلیسا)، قضالری درسم سننجاغنی تشکیل ایتشلردرد.  
(اووہ جق) مرکز ولایت اولان (معموره العزیز) بعدی  
۱۸ و (چشکیزک) نک ۱۰ و (چارسنجاق) مرکز اولان  
(پرتک) نک ۴ و (مازکرد) نک ۱۱ و (قزل کلیسا) نک ۱۹  
ساعتدر.

## ﴿ سیواس ولایتی ﴾

حدود — سکنه — محصولات ارضیه و صناعیه — صورت اداره  
— احوال بلاد مشهوره .

مرور — ( سیواس ) ولایتی آناتولی شاهانه نك وسط  
ولایتلرندن اوله رق شمالنده ( طربزون ) و شرقنده ( ارضروم ) ،  
( معموره العزیر ) و جنوبنده ( حلب ) ، ( اطنه ) و غربنده  
( انقره ) ، ( قسطنمونی ) ولایتلری کائندر .

سکنه — ولایت مذکورده ده اکثریسی اسلام و باقیسی ملل  
مختلفه دن عبارت اوله رق ۹۵۰,۰۰۰ قدر نفوس واردر .

تعریفات طبیعیه — سیواس ولایتنده منبت وادیلر و مزروع  
یایلار و اورمانلی طاغلر واردر . بو طاغلردن ( کنبد ) ، ( قطران )  
طاغلری ولایتک سمت شمالیسنده و ( طوشان ) ، ( کوسه ) طاغلری  
( دوه جی ) طاغی ایله ( آق طاغ ) شعباتندن اولان ( نعلبد )  
طاغی غربنده و ( خنزیر ) طاغی ایله ( بین بوغا ) طاغی جنوبنده  
( صاری چیچک ) طاغی سمت شرقیسنده واقعدر . وسط  
ولایتده دخی ( قره بل ) [ ۳۲۸۰ مترو ارتفاع ] ( چاملی بل )  
نامنده کی جبللر ایله ( توقاد ) چاینه منبع اولان ( کوسه ) طاغی  
موجوددر .

مذکور الاسامی طاغلردن ( طوشان ) طاغی ایله ( آماسیه )  
جوارینه قدر بر انحنای مخصوص ایله ممتد اولان ( کوسه ) طاغی

بیننده کی اراضی به (صولواووه) تعبیر ایتدکلی مثللو (توقاد) ایله (زیله) قصبه سی آره سنده کی (قزل ایرمق) وادیسینه دخی (قاز اووه سی) تسمیه ایدرلر .

(سیواس) ولایتی (قزل ایرمق) ، (یشیل ایرمق) دینان نهرلر ایله (یشیل ایرمق) توابعندن (کلاکیت) چایی اروا واحیا ایتدکده درلر .

محصولات ارضیه و صنایع — سیواس ولایتک اقلیمی لطیف و صحتیه نافع و طوپرانغی عمومیتله منبتدر . ارضی هر نوع حبوبات و میوه یتشدیرر . (آماسیه) جهتنک (الما) ، (آرمود) ی ایله بر نوع سرد بغدادی مشهوردر . (ایپک) (کنویر) محصولی دخی کثیردر . باقر معدنلرینک ده شهرتی واردر .

ولایت مذکورنک صنایعی پک کیری ایسه ده دباغ صنعتی ایلری کیتمشدر . (آماسیه) ، (توقاد) . (قره حصار) طرفلرنده (کلیم) ، (شیاق) ، (سجاده) کبی شیشلر نسج اولنور . اخراجاتی (باقر) ، (بال) ، (ایپک) و سائرده عبارتدر .

### — صورت اداره —

سیواس ولایتی اداره خصوصنده (سیواس) ، (آماسیه) ، (توقاد) ، (قره حصار شرقی) سنجاقلرینه تقسیم اولنمشدر . مقر ولایتی (سیواس) شهری اولوب حاوی اولدینی سنجاقلرک

مرکز اداره لری همنامی اولان قصبه لردر. مذکور سنجاقلری  
تشکیل ایدن قضالر آتیده کی جدوله کوسترلشدور.

آماسیه سنجاغی			سیواس سنجاغی		
مرکز اداره لری	قضالر	ن.م.	مرکز اداره لری	قضالر	ن.م.
=	مرزیقون	۱	=	عنیزیه	۲
وزیر کوپری	کوپری	۳	زاره	قوچکیری	۲
حاجی کوی	مجید اوزی	۲	=	دیوریکی	۳
=	لادیق	۳	=	دارنده	۲
=	حوضه	۲	=	کرون	۳
معدن سیم	کوش حاجی صوبی	۲	شهر قشنه	تنوس	۳
			قوچحصار	حافیک	۲
			یکی خان	ییلدیزایی	۲
			صارم ساقلی	بنیان حمید	۳
قره حصار شرقی			توقاد سنجاغی		
آندراس	صوشهری		هرک	اربعة	۳
حمیده	حمیده بالا		=	زبله	۲
میشاق	قویحصار		=	نیکسار	۳
مسعودیه - ذیل (قره چایر)	الوجره				

### — احوال بلاد مشهوره —

سیراس شهری — شهر مذکور اسکله سی اولان  
(صامسون) ک ۵۳ ساعت قدر جنوب بنده و (قزل ایرمق) ک صاغ



ساحلندن ایکی کیلومترو آجیغندہ و ۱۳۰۰ مترو ارتفاغندہ اولان یوکسک بر اووہدہ مبنیدر . ( طاورہ ) صوبی شہرک ایچنندن مرور برلہ خانلرہ صو ویردکدن صوکرہ ( قزل ایرمق ) ہ دوکیلور . مقدار نفوسی دخی ۲۰,۰۰۰ کشیہ بالغ اولور . شہرک سوقاقلری طار و غیر منتظم و ابنہسی سیاه کریچدن معمولدر . فقط ( صامسون ) ، ( اونہ ) اسکالرینہ قدر منتظم بر شوسہسی موجوددر . سیواسک ( اونہ ) یہ اولان مسافہسی دخی ۴۷ ساعتدر . درون شہردہ صوم مرمردن بنا اولنش برجامع شریف و برخان و برحام واردر . صنایع و تجارتی آز ایسہدہ زنکین باقر معدنلری بولنور . ایران خالیلرینہ مشابہ خالی دخی نسج و اعمال ایدیلر . اہالیسنک ات تربیہ سندنہ مالکعلری واردر . اغنام و حیوان رعی اولنور مرعالریدہ نادر دکلدر .

آماسیہ قصبہسی — مقر ولایتک شمال غریبسندنہ ۳۶ ساعت بعدندہ ایکی طرفی قیالر ایلہ محاط بر وادیدہدر . اسکالہسی اولان ( صامسون ) ہ مسافہسی ۲۲ ساعتدر . ( یشیل ایرمق ) قصبہنک و سطنندن مرور ایدر ، جوارندنہ کی اراضی و باغ و باغچہلری اروا ایلر . درون قصبہدہ بیوک و مصنع بر جامع شریف ایلہ بر مدرسہ و نہر اوزرنندہ ایکی کوزل کوپری موجوددر . ( آماسیہ ) نک حوالیسندنہ غایت کوزل میوہ باغچہلری واردر . اہالی اوقات کثیرہ سنی اورالردہ کی خانلرندنہ اسرار ایدرلر .

قصبه نك ( مسكت الماسی ) ، ( چيچك بامیه سی ) مشهور  
اولوب بونلر محال سائریه دخی نقل وفروخت اولنور .  
توقاد قصبه سی — مقر ولایتك ۱۸ ساعت بعد شمالیسنده  
و ( توقاد ) صوبی صول ساحلنده اطرافنی بر سور ایله محاط  
جمعیتلی بر بلده در .

قصبه نك آب وهواسی لطیف و باغ و باغچه لری ككثیر  
ومنظره سی كوزلدر . ایك منسوجاتی رواجلیدر . ارغنی معدن  
هایونندن كان باقر معدنلری توقاده قلع وازابه ایدیلر .

قره مھار شرقی قصبه سی — بوكا ( شایین قره حصار )  
دخی دینیر . بو قصبه مقر ولایت اولان ( سیواس ) ك شمال  
شرقیسنده ۳۲ ساعت بعدنده و ( كلكت ) چایی وادیسنده در .  
اسكله سی اولان ( کیره سون ) قصبه سنه اوزاقلفنی ۲۴ ساعتدر .  
قصبه نك قماشلر طوقومق ایچون دستکاهلری واردر .  
( قره حصار ) ك جانب شرقیسنده اشجار مثمره نی حاوی  
باغچه لر واطرفنده ( شاب ) معدنلری ایله معادن سائریه  
مشممل طاغلر واردر . جوار قصبه ده دخی ( ایدسوس )  
خرابه سی موجوددر .

عزیزیه قصبه سی — سیواس لوانسك قضا مرکز لرندن اوله رق  
مقر ولایتك سمت جنوب غریبسنده ۲۹ ساعت بعدنده وچکی  
طاغلك اتکنده در . ( عزیزیه ) قصبه سی اولدقجه معمورددر .  
منسوب اولدیفنی قضایی ( سیحان ) نه ری توابعدن ( صماتی ) چایی

اروا ایدر. داخل قضاہ جسم اورمانلر واردر. (کچی) طاغی،  
(خنزیر) طاغی، (بیك بوغا) طاغی، (صوغان) طاغی دخی  
قضا داخلندہ امتداد ایدر.

قرمگیری قضا سی — سیواس لواسنک شمال شرقیسنندہ  
بولنہرق مرکز ادارہ سی (زارا) قصبہ سیدر. بو قصبہ نک  
سیوانہ اولان بعدی ۱۲ ساعتدر.

قضانک اورمانلرندن قطع اولنان کراسۛتہ (قل ایرمق)  
واسطہ سیلہ (سیواس) نقل وفروخت اولنور.

دبوریك قصبہ سی — سیواسک ۲۴ ساعت شرقندہ وھنامی  
اولان قضانک مرکزیدر. مذکور قصبہ اطرافی طاغلر ایلہ  
محاط واسع بر وادیدہ در. درونندہ دخی (یما) طاغندن  
نبعان ایدن برچای جریان ایتکدہ در. قصبہ نک خراب برقلہ سی  
وبزطوقونور دستکاهلری واردر. هواسی دخی کوزلدر.

دارتمہ قصبہ سی — سیواس سنجانی قضا مرکز لردن  
اولہرق مقر ولایتک ۳۰ ساعت جنوبندہ در. منسوب  
اولدینی قضائی (طوخہ) صوبی اروا ایتکدہ در. قصبہ نک  
خرابہ یوز طومش مصنع برقلہ سی و ۳۰۰ قدر دکان و ۲ خان  
و ۲ حمامی ومدرسہ لری ایلہ بر کتبخانہ سی واردر.

نوس قضا سی — سیواسک سمت جنوبیسنندہ در. مقر  
ادارہ سی (شہر قشله = شار قشله) نامندہ کی قصبہ در. بو قصبہ نک

مرکز ولایت اولان بعدی ۱۲ ساعتدر. (خنزیر) طاغلی دخی بوقضا داخلنده بولنهرق جنوبه طوغری متمد اولشدر. ( قزل ایرمق ) توابعدن (آق صو) نامندهکی چای اراضیسنی اروا واحیا ایتکدهدر. اودون وکراسته قطع اولنور خیلی اورمانلری وارددر. مرعاری دخی نادر دکلددر .

مرزیفویه قصبهسی — (مرزیوان) دیدکلری (مرزیفون) قصبهسی آماسیه سنجاغنك قضا مرکز لرندن بری اولهرق مقر ولایتك شمال غریبسنده ۴۴ ساعت بعدندهدر. درون قصبهده آثار عتیقهدن بر جامع شریف وبر حمام وارددر. قضانك یون منسوجاتی مرغوبدر .


کوبری قصبهسی — بوکا ( وزیر کوپری ) دیرلر . بوقصبه آماسیه سنجاغی قضا مرکز لرندن اولهرق مقر ولایتك سمت شمال غریبسندهدر. ( آماسیه ) یه دخی ۱۲ ساعتده کیدیلیر یولی وارددر. منسوب اولدینی قضا ( قسطنطنی ) ولایتی حدودینه قدر امتداد ایدر. مذکور قصبه سلطنت سنیة عثمانیه یه خدمات فوق العادهلری سبق ایدن کوپرلی خاندانك وطنی بولمنسی حسبیلله معروفدر .

اربعه قضاسی — توقاد سنجاغی ملحقاننددر. مرکز ادارهسی ( هرک = ایرك ) نامندهکی قصبه اولوب توقاده ۱۲ ساعت اوزاقددر. ( کاکیت = کرملی ) چایی منسوب اولدینی

قضای اروا ایدر. اراضیسنک اکثری یرلری طاغلق ایسهده  
دوز و منبت محللاریده واردر. اورمانلرندن دخی اهالی خیلی  
انتفاع ایلمکدهدر.

صومهری قضاسی — قره حصار شرقی سنجاغنه مربوط  
اولهرق مرکز لوانک سمت جنوبیسندهدر. اراضیسی طاغلقدر.  
(قزل طاغ) باشایجه طاغلرندن معدوددر. حتی سیواس سنجاغی  
جهتندهکی طاغلر (کلیکیت) وادیسنی (قزل ایرمق) توابعندن  
تفریق ایتمکدهدر. اداره مرکزی (آندراس) اسمندهکی  
قصبهدر. بوقصبه (قره حصار) ۸ ساعت غربندهدر. قضانک  
ایپلک چتاریسی مرغوبدر.

صمیریه بالا قضاسی — بودخی قره حصار شرقی سنجاغی  
ملحققتندن اولهرق مرکز ادارهسی مقدمات (میلاس) اسمیله  
یاد ایدیلن (حمیدییه) قصبهسیدر. بوقصبه نك مرکز لوایه اولان  
بعدی ۱۶ ساعتدر. قضانک مصنوعاتی (عبا)، (چوراب) کبی  
شیلردر. اورمانلری دخی چوق ایسهده ساحلن اوزاق  
اولدیغندن کراسته اخراج اولنهامقدمهدر.



## ﴿ آنقره ولایتی ﴾

حدود — سکنه — تعریفات طبیعیه — محصولات ارضیه  
و صناعیه — صورت اداره — احوال بلاد مشهوره

صدد — اناطولی شاهانه نك وسط ولایاتندن بری  
اولان ( آنقره ) ولایتی ( سیواس ) ، ( خداوندکار ) ولایتلری  
بیننده و ( قسطنمونی ) ، ( قونیه ) ولایتلری آره-سندهدر .  
ولایتك شمال غریب سنده ( ازمید ) متصرفلنی و جنوب شرقی سنده  
آطنه ولایتی كائندر .

سَنَه — آنقره ولایتنك مقدار سکنه سی ۸۳۰ ۰۰۰  
اسلام و متباقیسی ملل سائر مدن عبارت اوله رق ۸۵۰ ۰۰۰ قدر  
نفوس ذکور و اناث تخمین ایدلمكدهدر .

تعریفات طبیعیه — ولایت مذکورہ نك سمت شمالی سنده  
و قسطنمونی ولایتی ایله اولان حدودی اوزرنده ( ایشیق ) ،  
( آلاطاغ ) ، ( قوش طاغی ) نامنده کی جبال بولندیفی کی سیواس  
ولایتی جهتهده ( قرق دایم ) و معدنی ایله مشهور ( آق طاع )  
و قونیه ولایتی حدودی جوارنده و ( پاشا طاغی ) ، ( قره جه طاغ )  
و ( قیصریه ) قربنده اوچ تپه دن متشکل و ذروه سی قار ایله  
مستور ( ارجیاس ) طاغی و ( یوزغاد ) ایله ( قیر شهری ) آره-سنده  
( چیچك ) ، ( بوزوق ) طاغلری و ( آنقره ) نك جنوب  
سمت لرنده ( الما ) و ( قرتال ) طاغلری و ( آباش ) ، ( آنقره ) ،



( یبان آباد ) قصبه‌لری آراسینده طقوز درلو طوپراغی بولانان  
( صاری بل ) طاغی وارددر . فقط ولایتک مذکور الاسامی  
( آق طاغ ) و ( آلا طاغ ) حوالیسنندن ماعدا اولان محملری  
عمومیته آغاجدن عاریدر . خصوصیه ( حایمانه ) یا بلاسنده بر تک  
آغاجه بیله تصادف اولنماز .

ولایت مذکوره ( سقاریه ) ، ( قزل ایرمق ) اسملرنده کی  
نهرلرک مجرای وسطالرینه مالکدر . بولردن ( سقاریه ) نهرینک  
( آنقره ) صوی و ( پورسوق ) صوینک قسم اسفلی و ( قزل  
ایرمق ) ک ( دلیجه ) چانی ولایتک باشلیجه نهرلرندن  
معدوددر .

محصولات ارضیه و صناعیه — آنقره ولایتک هواسی کوزل  
واراضیسی فوق العاده محصولدار و منبت اولوب سکنه ولایتدن  
اکثریسی زراعت و فلاحته مشغول اولدقلرندن هر نوع  
حبوبات وافیون و جهری و میوه یتشدیرر . ( ایپک ) ، ( پاموق )  
محصولی مشهور و ( تفتیک ) تعبیر اولنور کجیلری ( آنقره  
کجیلری ) نامیه معروف و مرغوبدر .

محصولات صناعیه سی دخی تفتیکدن معمول قالیچه لر  
و ( انکوروی صوفی ) نامیه تسمیه ایدیلان صوف و کشمیر شالنه  
مشابه شالار و ( عبا ) ، ( سجاده ) و امثالی شیلردن عبارتدر .  
( آنقره ) نک ( یوزغاد ) سنجاغنده کزن عشیرتله طرفندن  
دخی کرد جنسنندن بر خیلی بارکیر یتشدیریلیر .

## — صورت اداره —

انقره ولایتی اداره خصوصند ( انقره )، ( قیر شهری )،  
 ( یوزغاد )، ( قیصریه )، ( چوروم ) اسمارنده بش عدد سنجاغه  
 تقسیم اولمشدر. مقر ولایتی ( انقره = انکوری ) شهری اولوب  
 حاوی اولدینی سنجاقلرک مرکز اداره لری همنامی اولان  
 قصبه لردر. مذکور سنجاقلری تشکیل ایدن قضائر آتیده کی  
 جدولده کوسترلمشدر.

قیر شهر سنجاغی			انقره سنجاغی		
مرکز اداره لری	قضائر	تعداد	مرکز اداره لره	قضائر	تعداد
دئک معدنی	کسکین	۳	=	آیاش	۲
بویالق	مجیدیه (چیچک طاغی)	۳	=	بکیزاری	۲
=	آوانوس	۳	=	سفریحصار	۲
یوزغاد ویا یوزاق سنجاغی			=	نعلاوخان	۲
معدن	آق طاغ معدنی	۳	بیان حمای	خیانه	۲
اوزونلی	بوغازلیان	۲	قره علی	بالاحصار	۳
ارزنجان سنجاغی			استانوس	زیر	۴
=	عثمانجق	۳	چبق اووه	جبق آباد	۳
=	اسکلیب	۳	حاجی یوزغاد	بیان آباد	۳
=	سغورلی	۳	قویوجق	میخالجق	۳
			کسکین قلعه جق	قلعه جک	۳
			قیصریه سنجاغی		
			اوه رک	دوله	۲۰
			=	اینگه صو	۱

## — احوال بلاد مشهوره —

آنقره شهری — بوکا (انکوری) دخی دیرلر. بو شهر بر تپه نك اتكندمه مبنی و اطرافى بر سور و قلعه ايله چورلمش و ازيمده بر تیموریول خطی واسطه سیله اتصال کسب ایتمش تجار تکه بر بلده در. شهرک هواسی کوزل و شمال و غرب و جنوب جهتلری انواع اشجار مشرعی حاوی باغ و باغچه لر ايله مزین اولوب سوقاقلری کینیش و قالدیرملری منتظمدر. مذکور باغلرده انواع آرمود و اما و جوین حچمنده ویشنه لر یتیشیر. غایت بیاض و رایحه لی بالی دخی وارددر. درون شهرده آثار عتیقه دن اوله رق ایکی هیکل موجوددر. (حاجی بیرام ولی) حضر تلرینک تربۀ منوره لری دخی اوراده در.

(آنقره) نك شمال جهتمده یکر می دقیقه بعدنده بری برینه ملاصق ایکی باب قشله هایون و ایکسینک آره سننده بر باب حمام وارددر.

(آنقره) ده بولنان (اولوجق)، (اوکسوزجه)، (جبه جه) صولری لذت و صافیتجه برنجی درجه ده در. (الما) طاغندن (آت بازاری) موقعنه اجرا ایدیلان ماء لذیذ (آنقره) شهرینی احیا ایتمکده در.

(آنقره) شهرنده تفتیکدن غایت اینجه ونفیس قادین وارکک چورانی والدیونلری ايله بویون شالی و قاریوله اورتولری و سجاده و قادین و چوجقلره مخصوص چاکت و سائر نسج اولنمقده در.

( آنقره ) نك صوفی دخی مشهوردر . بوصوفلر دستگاهلر  
واسطه سیله وجوده کلیر .

( آنقره ) ده کیل معدنی وارددر . بو معدن صابون کبی  
استعمال اولنور .

قیر شهر قصبه سی — مقر ولایتک جنوب شرقیسنده  
۳۳ ساعت بعدنده و ( قزل ایرمق ) توابعدن ( فلیجلی )  
صوی کنارندهدر . قصبه نك اطرافی باغلق و هواسی  
لطیفدر . قصبه نك جهت شمالیه سنده کی باغله ( اوز ) و ضرب  
طرفنده کیله ( چقور چایر ) دیرلر . بو باغله رده اشجار  
مثمره نك انواع وارددر . قصبه اهایلی یاز کونلرخ میذکور  
باغله رده امرار ایدرلر . چارشوسنده دخی اللی قدر دکانی  
مشمتمل کارگیر و عتیق برباب بدستان موجوددر . ( جاجه بك  
جامعی ) دینکله معروف مصنع و کارگیر جامعی شریف میذکور  
چارشی قربندهدر .

قصبه یه بر چاریک ساعت محله کائن ( تربه ) نامیله معروف  
اولان قاپلیجه نك صوی عندالاطبا ( ویشی ) صوی کبی نافعدر .  
ایکی ساعت مـ افاده بولنان ( قره قورت حامی ) اسمنده کی  
قاپلیجه نك صوی دخی عوارض داخلیه فائده ویردیکندن  
اوراده زوارک اسـ کانه مخصوص بر خان یاپلمشدر .

قصبه یه منسوب قریه لرده منقش و غیر منقش ( سجاده ) ،

( قالیچه ) ، ( اوطه دوشه ملری ) و ( قپو پرده لری ) و قپیه  
و صندالیه و یصـدیق یوزلری و اورته بوی کلیم و چوال و هکبه  
اعمال اولنور .

( قیر شهری ) قضاـسنک ( مجور ) ، ( حاجی بکـتاش )  
ناحیه ملری مشهوردر . ( حاجی بکـتاش ) ناحیه سـنده غایت مجلا  
بلغمی طاشـدن اعلا یازی و سیغاره طاقملری و اوروپانک  
هر نوع بارداق و کاسه لرینه تقلیداً غایت مصنع صو بارداقملری  
و چوربا کاسه لری و بیضی الشکل بیوک و قپاقلی طباقلر و ماصه  
طاشلری و شمعدانلر اعمال ایدلمکده اولوب بونلر هر طرفده  
فوق العاده مظهر رغبت اولمقدهدر . مماحیه سی دخی معروفدر .

یوزغاد قصبه سی — ولایتک شرق جنوبی سنده و ( آنقره ) یه  
۳۶ ساعت مسافده ( دلیچه ) صوبی توابعندن بری کنارندهدر .  
قصبه بـنک هواسی لطیف و خانه لری اولدقجه منتظم و اسواق  
و بازاری معمور و ( جامع کبیر ) نامیه یاد ایدیلن جامعی بغایت  
رعنا و بی نظیردر . حکومته مخصوص اولان قوناق دخی سکسان  
اوطه یی مشتملدر . ( شکر پیکاری ) ، ( صغوق اولوق ) نامنده کی  
صـولری غایت لذیذ و لطیفدر . اطرافنی چالمق احاطه ایتمش  
اولان ( صـغوق اولوق ) موقعی دخی ( یوزغاد ) ک اک  
هوادر یریدر . ( یوزغاد ) قصبه سـنده حـزیران ابتداسـندن  
تموزک بشـنه قدر ( کهنه پنایری ) نامیه کشـاد ایدیلن بازار  
بک رواجیدر .

قیصریه شهری — مقر ولایتك ۶۵ ساعت قدر جنوب شرقیسنده و (ارجیاس) طاغتك اتكنده وكنیش بر اووهدهدر. قیصریه قربندن ( قزل ایرمق ) توابعندن ( قره صو ) نامندهکی چای جریان ایتكدهدر. شهرك اسکی قلعه دیدکاری سوری خراب ایسهده ایچ قلعهسی الحاله هذه معمور واطرافنی باغ وبانچهلر ایله محاطدر. اهالی قصبه ایام صیفده اکثریتله مذکور باغ ویاغچهلره نقل ایله یاز موسمنی اوراده اصرار ایدرلر. مذکور قصبهك هواسی غایت لطیف و ( ارجیاس ) طاغندن نبعان ایدن صولری ایسه فوق العاده براق ولذیذدر. درون شهرده سلطان محمود خان ثانینك احیا کردهسی اولان جامع شریف موجوددر. بوندن باشقه سواری قشلهسی و منتظم چارشی وبدستان ومتعدد خان وطلبة علومك تحصیله مخصوص مدرسهلر ومکتبلر ومغازهلر وارددر.

( قیصریه ) شهری ۵۰,۰۰۰ نفوسلی تجارتگاه بر بلده اولوب باشایچه تجارتی قالیچه ومنسوجات قطنیه وبصدیرمه یوزندندر. ( ججیم ) تعبیر اولنان بر نوع اینجه کلیماری دخی تفاست و لطافتده بی نظیردر. ( قیصریه ) نك طوپراغنده اکثریتله کهرجله معدنی بولنور. شهره التي ساعت مسافده واقع ( سازلق ) دنیان محله آجی ومسهل بر نوع معدن صویی نبعان ایدر. ( یالکزکوز ) تعبیر اولنور. قابلیچه دخی کذا شهره ۶ ساعت مسافدهدر.



چوروم قصبه سی - مذکور قصبه سنجاق مرکزی اوله رق مقر ولایتک ۵۴ ساعات شرق شمالیسه سنده و دوز بر او وده و ( یشیل ایرمق ) توابعندن ( چککرك ) صوینه دوکیلن بر ایرمق کنارنده در .

( چوروم ) ك اطراف و نواحیسی اوفاق طاغلر و تپه لر ایله محاط اولدینی حسیله هوا سی جید و منظره سی لطیفدر . باغ و باغچه لرنده هر نوع اشجار و فواکه میذول بر صورتده یتشمکده در . قصبه نك اسکی بر قلعه سی و قلعه دروننده یکرمی خانه یی مشتمل برده قلعه محله سی و یکرمی دقیقه خارجنده و یوزغاد جاده سنده مکمل بر باب قشله سی واردر . ( چوروم ) اهالیسی قرمز ی و سیاه سختیان اعمال ایدر لر و جهری یوزندن دخی مستفید اولور لر .

آباسه قصبه سی - ( آنقره ) سنجاقنی تشکیل ایدن قضالردن برینك اداره مرکزی اوله رق مقر ولایتک ۹ ساعات شمال غربیسنده و ایکی طاغك آره سنده و ( سقاریه ) نه ری توابعندن بری کنارنده در . درون قصبه ده ( قره قیا ) محله سنده کارگیر و معمور و امراض جلدیه یی دافع و تزید قوای بدنیه یه نافع چلیکلی بر قاپایجه واردر . قصبه یه بر ساعت مسافه ده واقع ( الحان ) قریه سندن نبعان ایدن صو آغز لرنده سولوك یایشان انسان و حیوانه ایچیریلیر ایسه در حال سولوکاری دوشورمك خاصه سنه مالکدر .

بکبازاری قصبه سی - بو دخی آنقره سنجاقنی قضا

مرکز لرندن بری اوله رق مقر ولایتک غربنده ۱۶۰ ساعت  
بعدنده وبر تپه اوزرنده در . بکبازارینک میوه سی و خصوصیه  
بالی وقاوونی مشهور در . قضا داخلنده جاری ( کیر میر ) صوبی  
بکبازاری اووه سینه اوغرایه رق چفتلکات و پرنجلیکاری اسقا  
وقاوون بوستانلرینی اروا ایتمکده در .

قصبه یه اوچ ساعت مسافده واقع ( قزل سرای ) قریه سنده  
جد آل عثمان اولان ( کوندزالب ) ک مرقد شریفی موجود در .  
کذا قصبه یه بر ساعت مسافده ( ویشی ) صوبینه فائق  
وطعمی لطیف بر معدن صوبی بولندیفی کی قضایه ایکی ساعت  
مسافده دخی ( ایچمه جه ) و ( طوتلی حمام ) تعبیر اولن ان  
قابلیجه لر وارد در . ( بکبازاری ) قصبه سنک ۶ ساعت بعدنده  
( میخالیج ) قریه سنده چیقان ( کیل ) صابون یرینه قولانیلیر .  
( بکبازاری ) قصبه سنده بروسه حولیلرینه مشابه صورتده  
( قرمزی آلاجه ) ، ( بیاض حولیلر ) و آیدین کاری ( آلاجه لر )  
وطوسیه منسوجاتنه مشابه یوندن ( قوشاق ) ، عادی کلیملر  
نسج واعمال اولنمکده در .

( بکبازاری ) ایله ( آباش ) آره سنده و بکبازارینه ایکی ساعت  
مسافده ( کیر میر ) نه ری اوزرنده اون کوزلی ( کوملکسنز  
کوپریسی ) نامیه کبیر بر کوپری ایله اوزرنده ایکی اوطه والتند  
بر دربندجی اوطه سی وبر کبیر آخور انشا اولنش اولان  
( کوملکسنز دربندی ) وکذا بکبازارینه ایکی ساعت مسافده

و (یورك) و (سفری حصار) میانده و قاون اووسنده (تقصیر کوپریسی) نامیله دیگر بر کوپری موجوددر .

نعللو خانه قصبه سی — (آنقره) لوانسك قضا مركزلرندن بریدر . بو قصبه (آنقره) نك ۲۷ ساعت مسافه سنده وایکی طاغ آره سنده و در سعادت جاده سی اوزرنده در . (سقاریه) نه ری توابعندن اولان (نعللو خان) چایی قصبه نك باغ و باغچه لرینی و پرنج ترل لرینی احیا ایدر .

حایمانه قضا سی — (آنقره) سنجاغك قضا لرندن برینی تشکیل ایدن (حایمانه) قضا سی (حایمانه اووه سی) دینان محلدن عبارتدر . مذکور اووه ایسه (قزل ایرمق) ، (سقاریه) نه رلری بینده بولنه رق (آنقره) شهر ی ایله (سفری حصار) جوارندن (قونیه) ولایتی حدودینه قدر ممتد اولور . بو اووه ده هوا سنك لطافتی و طوپراغك قوه انبباتیه سی جه تله کرد عشیرتلی ایام صیفده چادرلرینی قوره رق حیوانلرینی رعی ایدر لر . مذکور قضا نك اداره مرکزی اولان (یبان حمای) قصبه سی مقر ولایتك جانب جنوب غریب سنده و ۱۲ ساعت بعد و مسافه سنده در .

قصبه نك کو کرد معدنی حمای مشهور اولوب حزیران و آغستوس آیلرنده شیش و صیزی کبی عاتلری اولانلر مراجعت ایتدکلرنده فائده مند اولور لر .

حایمانه قضا سنده (کلیم) ، (سجاده) ، (خالی) ، (چوال)

و ( چوراب ) و قیلدن بر نوع کرد چادری نسج و اعمال  
ایده‌لکده‌در .

میهن آباد قصبه‌سی — آنقره سنجاغی ملحق‌اتنه‌دندر .  
مذکور قصبه مقر ولایتک ۸ ساعت شمال شرقی‌سنده و ( چبق )  
صوبینه منصب اولان بر چای کنارنده‌در . ( چبق آباد ) قصبه‌سی  
( یلدریم بایزید خان ) حضر تلرینک ( تیمورلنک ) ایله ایتدیگی  
محاربه‌نک محلی وقوعی اولدینی جهته مشهوردر .

منسوب اولدینی قضا-انک سمت شمالی‌سنده ( آیدوس )  
اسمنده بر طاغ وارددر . بو طاغ بر جهتن مرکز مرهبط  
( قره بازار ) ناحیه‌سنک ( ایشیق ) طاغنه و دیگر جهتن ( ییان  
آباد ) ک ( سمر اوزی ) ، ( یلدریم ) طاغلییه التصاق کسب  
ایتمشدر . ( آیدوس ) طاغنک جهات مختلفه‌سندن نبعان ایدن  
صولر قصبه‌نک جانب شمالی‌سنده جریان ایدن ( چبق ) چایی  
حصوله کتیرمشدر .

( کسکین ) ، ( مجیدیہ ) ، ( آوانوس ) قضالری ( قیرشهری )  
لواسنه مربوطدر . بونلردن ( کسکین ) قضا‌سنه ( دنک معدنی  
Denek Madene ) و ( مجیدیہ ) نام دیگرله ( چیچک طاغی )  
قضا‌سنه ( بوبالق ) و ( آوانوس ) قضا‌سنه ( آوانوس ) قصبه‌لری  
مرکز اولمشدر . مذکور قصبه‌لردن ( دنک معدنی ) ( قیرشهری )  
قصبه‌سنه ۱۶ و ( چیچک طاغی ) قصبه‌سی ۸ ساعت اوزاقدور .  
( کسکین ) قضا‌سنک حاوی اولدینی قرانک کافه‌سنده پک

چوق باغ و باغچه موجود اولوب بو باغچه لرده اشجار مثمره و غیر مثمره نك انواعی و باغلرنده اوزومك بر قاچ جنسی پك نفیس و مبذول بر صورتده یتشدیکندن قضا اهالیسی محصولات مذکوره نك ( یوزغاد ) ، ( کنگری ) کبی جوار محللره نقل ایله بو یوزدن بر خیلی انتفاع ایتدیکده در .

( آوانوس ) قضا سنده لوله چامورندن غایت کوزل و اینجه بارداق ، صو دستیسی و بوکا مائل اوانی تراییه اعمال اولنور .

مذکور الاسم ( آوانوس ) قصبه سی دخی ( ارکوب ) طریق اوزرنده و قزل ایرمك کچید موقعنده بولنق ملابس سیله کثرتلی بولنان مارین و عابرینه بر توقفگاهدر .


( دوه لو ) ، ( اینجه صو ) قصبه لری — ( قیصریه ) سنجاغی ملحقاتی اولوب همنامی اولان قضا لرك اداره مرکز لیدر . بونلردن ( دوه لو ) قصبه سی مرکز لوايه ۷ و دیگر ی ۶ ساعت بعد و مسافده کائندر .

امطیب قصبه سی — کندی اسمنده کی قضانك مرکز اداره سی اوله رق مقر ولایتك جنوب شرقی سنده ۲۴ ساعت بعدنده در . مذکور قصبه موقعاً مدور الشکل جبال ایله محاط بر محله تضادف ایتدیکندن دره لرك یوقاری و آشاغی به طوغری محللارنده اینده و باغچه لر بولنغله منظره سی لطیف

وهواسی معتدلدر . مذکور باغچه‌لر انواع اشجار مشمره‌ی  
جامعدر . قصبه‌نك ( قزل ایرمق ) جوارنده کی باغ و باغچه‌لری  
مشهوردر .

( اسکلیب ) قصبه‌س‌نده ماء جاری و چشمه‌لر وارددر .  
قصبه‌یه یارم ساعت مسافه‌ده وبرط‌اغ اتکینده کی چشمه‌دن  
براق برصو آققدهدر . اشبو صوغایت صغوق اوله‌رق ارباب  
مراق فوجی و دستیلر ایله اورادن قصبه‌یه کتیروب ایچرلر .  
مذکور صو یارم ساعت یولدن کلدیکی حالدہ آنجق ایچیله‌جک  
دره‌جه‌یه کلوب شدت برودتی بوندن آکلاش‌یلیر . بو صویک  
منبعنده یاز موسملرنده طاش آره‌لرندن بوزپارچه‌لری چیقاریلیر .  
( اسکلیب ) قصبه‌س‌نك اوچ ساعت مسافه‌س‌نده بش عدد  
طوزله وبش یوزی متجاوز کول وارددر . بونلردن کلیتلی طوز  
حصوله کلیر و اطرافه نقل ایله فروخت اولنور .

( اسکلیب ) ك محصولات ارضیه و معمولات صنایعیه‌سی  
جوار قصبه و شهرلره نقل اولنور .





## — جزیرة العربده کائن ولایات —

### ﴿ حجاز ولایتی ﴾

حدود — سکنه — تعریفات طبیعیہ — محصولات ارضیہ  
و صناعیہ — صورت اداره — احوال بلاد مشہورہ

مردود — آسیای عثمانینک حاوی اولدینلی ولایاتدن بری  
دخی ( جزیرة العرب ) ک بر قسم مهم و مقدسندن ترکیب ایدن  
( حجاز ) ولایتیدر. بو ولایت جلیلہ شمالاً ( سوریه ) ولایتی و ( قدس )  
سنجانی و ( العریش )، ( عقبه ) محافظلقلری اراضیسی ایله محاط  
و شرقاً بلاد نجد و جنوباً ( یمن ) ولایتک ( عسیر ) سنجانی ایله  
محدود و غربی ( بحر احمر )، ساحلدر.

سکنه — حجاز ولایتی اهاالیسی عموماً اهل اسلام اولدورق  
عربان ایله برابر ۲,۵۰۰,۰۰۰ قدر اولمق اوزره تخمیندر.  
بونلردن بر قسمی شهر و قصبه و قریه لرده اوطورور و بر طاقی دخی  
خیمه نشیندر.

تعریفات طبیعیہ — حجاز ولایتک غربی بروجیه مشروح  
( بحر احمر )، ساحلدر. ( قلزم غربی ) ویا ( شهاب دکنی )  
دینلن اشبو ( بحر احمر ) ک حجاز ساحلی ( مکه دکنی ) نامیله  
دخی یاد اولنمقدهدر. مذکور ساحلده بر طاقم کوچک آطلر  
و ( رأس الباردة )، ( رأس الحاطبه ) ناملرند برونلر

و ( لیت ) ، ( جـدہ ) ، ( رابغ = رابق ) ، ( ينبع البحر ) ،  
 ( الوجه ) ، ( مویاخ ) کبی مشہور اسکھلر واردر .  
 داخل ولایتدہ ایسہ قوم وطاشدن مرکب جبال و صحاری  
 موجوددر . باشلیجہ طاغلری ( عقبہ ) جوارندن بدأ ایلہ  
 ساحلدن ۴۰ میلدن ۸۰ میلہ قدر بعد ومسافہدہ ( عدن ) ہ  
 دکن امتداد ایدن ( سراة ) نامندہ کی صرہ طاغلدر . ( سراة )  
 سلسلہٴ جبالنک ( حجاز ) قطعہ سندہ کی قسمنہ ( تہامۃ الحجاز )  
 اسمی ویرمشددر . بوصرہ طـاغک اک یوکسک نقطہ سی ( مکہ  
 مکرمہ ) نک شرقی طرفندہ ۱۲ ساعت اوزاقلغندہ واقع ( جبل  
 کرا ) اولوب ذروہ سی سطح بحردن ۲۰۰۰ مترو مرتفعدر .  
 مذکورالاسم ( سراة ) سلسلہٴ جبالنک اکثر محلی اوتدن  
 و آغاجدن عاری یالچین قیالقلردن مرکب ایسہدہ ( جبل کرا ) نک  
 آقار صولری وخوش منظر اورمانلری واردر . ( کرا ) جبالنک  
 ذروہ سندہ ( ہدی ) اسمندہ غایت لطیف بر قریہ موجود  
 وبوقریہ اک صیجـاق زمانلردہ بیلہ ہواسـنک سرینلکی ایلہ  
 مشہوردر . ( مدینہٴ منورہ ) نک جانب شرقیسندہ برقاج شعبہدن  
 مرکب اولان ( طی ) صرہ طاغلرینک دخی اورمانلری نادر  
 دکلددر . تاریخدہ اہمیت کسب ایدن ( احد ) طـاغی ( مدینہٴ  
 منورہ ) نک سمت شمالیسندہدر . ( جبل عرفات ) دخی ( مکہ  
 مکرمہ ) نک بش ساعت شمال شرقیسندہ اولوب ۵۵ متروارتفاعی  
 واردر .

ولایت مذکورہ داخلندہ نہر اطلاقہ شایستہ جسم صو  
یوقدر۔ ہرنہ قدر ( سیل کیر ) کبی بعض اوقات درہ جکر وار  
ایسہدہ بونلردن بعضیسی باغچہ لره مخصوصدر۔ بعضیسی دخی  
قوملر التندہ غائب ونہان اولور۔ ولایتک ایام شتاسی روم ایلی  
وآناطولی قطعہ لرینک ایملک بہاری کیدر۔

محصولات ارضیہ وصناعیہ — اراضی حجازیہ نک قسم  
اعظمی یوقارودہ ذکر اولندیغی اوزرہ قوملق وطاشلق طاغ  
وصحرالردن عبارت اولدیغندن اولیہ کلیتلی اکین واوت یتشدیرمکہ  
صالح دکل ایسہدہ طاغلر اوزرنده و ( تہامہ ) ایچنہدہ بعض  
وادیلردہ ہر درلو حصہ ولات واشجار حاصل اولور۔ ( مکہ  
مکرہ ) جوارندہ کی قومسال وادیلردہ یاز وقیش ( قارپوز )  
و ( قارون ) یتیشیر۔

حجازدہ بر باران وبردہ یبوست فصلی اولوب یاغورلر  
یاغمنسی متعاقب اورتہاق یشیللنیر وآز مدت صوکرہ شدتلی  
وسورکلی صیجاق روزکارلر وزان اولمغہ باشلایہرق اوکوزل  
یشیللکار محو اولور۔

خطہ نک اعلاسی حجازدہ حصہ ولہ کلیر ایسہدہ دفع  
احتیاجہ کافی اولدیغندن اہالی ( بصرہ )، ( نجد )، ( مصر )  
جہتلرندن جلب ذخائر ایتمکہ مجبور اولورلر۔ ( طائف )  
طرفندہ ہر نوع میوہ و ( لیون )، ( آغاچ قاوونی )، ( ترنج )  
( فرنک انجیری )، ( نار )، ( شفتالی )، ( اوزوم ) حاصل اولور۔

( مکهٔ مکر ) نك سمت جنوبی-سندھ و ( ٹوز ) ط-اغتك  
 آرقه-سندھ حسینیه دینان محله صولر بولندینی جهتله  
 ( قارپوز ) ، ( لیون ) ، ( خرما ) ، ( یونجه اوتی ) و هر نوع  
 سبزه حصوله کلیر .

برده ( مکهٔ مکرمه ) نك مدینه طریق اوزرندده و ( جدہ ) نك  
 طقوز ساعت بعدندہ ( وادی فاطمه ) نامیلہ غایت محصولدار  
 بر اووه اولوب اشبو اووده متعدد قریه و باغچه لر واردر .  
 مذکور اووده هر نوع سبزه و اشجار یتشیر . مکه و حوالیسنه  
 کوندریلیر .

مکهٔ مکرمه نك ۱۰ ساعت قدر شرقندہ واقع ( صوله ) ،  
 ( مضیق ) موقعلرینك هواسی لطیف و آقار صولری کثیر  
 و ( موز ) ، ( ترنج ) ، ( خرما ) آغاجلری مینولدر .

داخل ولایتده عربان ( دوره ) ، ( دخن ) زرع ایدهرک  
 آنلر ایله تعیش ایدرلر .

بحر احمرک غریب الشکل بالقلمری و جسمیم جسمیم  
 قابلو مغبه لری واردر . جدہ و سائر سواحل اهالیسی دکزدن  
 صدف چیقاروب تجارتلرہ ساتارلر . بو صدفلرده نادرآ اینجو  
 دخی بولنور . تسبیح و صفارلق و سائرہ اعمال ایدیلن  
 ( یسر = یوزسوری ) دخی جدہ دکزی ساحلرندن چیقاریلیر .

### — صورت اداره —

حجاز ولایتی ( مکهٔ مکرمه ) ، ( مدینه منوره ) ، ( جدہ )

نامندہ اوج سنجاقدن مرکز ولایتی ( مکہ مکرمہ )  
 ومقر صیفیسی ( طائف ) شہر لیدر . ( مدینہ منورہ ) ایلہ  
 ( جدہ ) سنجاق مرکز لیدر . ( ينبع البحر ) ، ( الوجه )  
 قضالری ( مدینہ منورہ ) سنجاغہ و ( معمورة الحمید ) ،  
 ( سوارقیہ ) قضالری ( جدہ ) متصرفلغہ ملحقدر . بونلردن  
 ( مدینہ منورہ ) سنجاغہ مربوط قضالر برنجی و ( جدہ )  
 متصرفلغہ ملحق قضالر اوچنجی صنف قائمقاملریلہ اداره  
 اولمقدمہ در .

### — احوال بلاد مشہورہ —

مکہ مکرمہ — بو بلدہ معظمہ ( جدہ ) اسکلہ سنک شرق  
 طرفندہ ودوہ آباغی یورویشیلہ ۱۸ ساعت بعدندہ برطاقم جبال  
 وتلالک آرسندہ طولانی و مقوس بر وادیدہ کائن و مجاورین  
 دخی داخل اولدینی حالہ ۱۱۰,۰۰۰ دن زیادہ نفوسی حاویدر .  
 بو بلدہ طیبہ نک اطرافی یالچین وصعب المرور قیالقردن  
 عبارت اولوب شرقندہ ( جبل ابو قییس = جبل احمر ) و بر  
 ساعت شمالندہ ( جبل نور = حرا طاغی ) وغربندہ ( قمیقمان  
 = جزل ) طاغی و ایکی ساعت جنوبندہ غار شریف بوانان  
 ( جبل ثور ) بولنور .

( مکہ مکرمہ ) نک ( معلا ) ، ( شیخ محمود ) ، ( برکۃ الماحیہ )  
 ناملرندہ اوج مدخل طیبعیسی واردر . شہر لطیفک اطرافندہ

تک توك خرما و سبزه باغچه لری موجود در. هر نه قدر حرارتی زائد و بیبوستی غالب ایسه ده هوای غایه الغایه صاغلندر .

( مکه مکرمه ) سلطان الانبیا علیه السلام اقدمین حضرت تهرینک مسقط رأس سعادت لری اولدینی کبی قبل النبوه مرکز اقامت لری و بعثتدن صوکره اون اوچ سنه قرارگاه نبوت لری اولدینی کبی قرآن جلیل الشانده مبدأ نزول اولمشدر . ( کعبه مفتحه ) شهرک نقطه مرکزیه سنده اولان ( مسجد الحرام ) ک اورتیه سنده در. بیت اللهک زمین مطافدن اعتباراً ۲۷ آرشون ۱ پرمق ارتفاعی اولوب برکوشه سنه ( رکن حجر اسود ) و دیگر کوشه لری نه ( رکن یمانی ) ، ( رکن شامی ) ، ( رکن عراقی ) دینیر. دوت دیوار و اوچ خط اوزرینه مؤسس قبلر ایله محاط اولان ( مسجد حرام ) ۱۹ قیوی و ایکشر شرفه لی ۷ مناره نی و ۵۰۰ قبه نی حاویدر. مشهور قیولری ( باب السلام ) . ( باب العمره ) ، ( باب الصفا ) ، ( باب الزیاده ) در.

بیت شریفک شرق جنوبیه سنده و ( حجر الاسود ) ک ۳۹ آرشون قدر بعدنده اوزری عالی بر قبه ایله قبالی اولان ( زمزم قیوسی ) واردر. بئر مذکورک آغزی ایکی آرشون قطرنده بر بلازیک ایله چورلمشدر . مکه مکرمه ده شیخ محمود جوارنده ۱۴۰۰ کشیلک بر باب مسافر خانه یاپلمشدر .

مربیه منوره — نام قدیمی ( یثرب ) اولان ( مدینه منوره ) قبله قبالل السلام بولنان ( مکه مکرمه ) نک شمال جهتده و ۱۰ قوناق بعدنده در. اشبو بلدة طویه دوز بر اووه ده اولوب شمالی



( احد ) و جنوبی ( ثبیر ) طاغی احاطه ایتش و جهت شرقیه سی اووه به ناظر بولمشد در .

( مسجد شریف نبوی ) شهرک اورتہ سنده و مدفن قدسیت روشن جناب محمدی علیہ الصلاة والسلام مسجد شریفک جهت شرقیه سنده در .

بو بقمہ مقدسہ نک بالاسنی تتویج ایدن ( قبہ خضرا ) قصد زیارتلہ شتابان اولانلرہ الی، یدی ساعتک مسافہ دہ شرف تقر بہ موقیت تبشیر ایدر .

روضہ مطہرہ داخلہ دفن شرفہ مظهر اولان ( ابوبکر الصدیق ) و ( عمر الفاروق ) رضی اللہ عنہما حضراتیدر .

( مدینہ منورہ ) ایلہ جوارندہ دها پک چوق مساجد شریفہ موجود و ایچلرنده جناب رسالتپناه اقدمز حضر تلرینک تأسیس و انشا بیوردقلری ( مسجد قبا ) مشهوردر .

ہمدہ شہری — بحر احمر ساحلندہ ( مکہ مکرمہ ) نک اسکله سیدر .

شهرک آرقہ سنده و ایکی ساعہ بعدندہ اوتدن و آغاجدن عاری اوافق اوافق طاغلر وارددر . بو طاغلر ایلہ نفس شہر بینندہ کی اراضی مستویہ دہ ( نبک ) تعبیر ایدیلان یبانی عناب آغاجلری ایلہ حرماقلر کورینور .

اھالیسی ۲۵,۰۰۰ رادہ سنده اولوب ہان جملہ سی مسلم و عہددر . برہ مقدار ہندی ، انیکلیر و فرانسز ، روم تجاری دخی بولمور . حیج شریف زمانندہ اھالی شہر ۶۰,۰۰۰ ی تجاواز ایدر

شهرک اطرافى بر-سور ايله محاط اوله رق ( باب المدينه ) ،  
 ( باب المكه ) ، ( باب الشريف ) ، ( باب البحر ) ، ( باب المغاربه ) ،  
 ( باب الشهداء ) نامنده اتى قیوسی وارددر . سورک جهت شرقیه .  
 سنده ( قبر حوا ) اولق اوزره براوزون مزار اولوب باش  
 و آياق طرفنده بر علامت سنیکن و مزارک اورتیه سنده برقبه  
 لطافت قرین موجوددر .

( جده ) قطعه مقدسه حجازیه نك اك جسم و ايشلاك  
 اسكله سی اولغله تجارت فوق العاده مالکدر . لیان ، ریختیم ،  
 رسومات دائره سی دخی انشا ایدلمشدر .

لیانی بر طاقم شاپلرک وضعیت طبیعیه سندن متشکل اولوب  
 هر نه قدر واسع و امین ایهده مدخل منفردی اولان ( شاپ کیر )  
 و ( مساریه ) بوغازلری زیاده سیله عارضه لی اولدیغندن ایکنیدین  
 صوکره صولرک قرارمغه باشلادیفی صروده هیج برکمی دخول  
 و خروجه جسارت ایده ماز .

بحر احمرده و ( جده ) ساحلنده مدوجذر شدتله اجرای  
 احکام ایتمسندن ناشی هر کون صولر بر بچق انکلیز قدمی ترفع  
 و تنزل ایتمکده در .

( جده ) نك باشایجه اخراجاتى ( قهوه ) ، ( ضمغ عربی ) ،  
 ( دوره ) ، ( قنه ) ، ( انواع عطریات ) ، ( پلسنك یاغی ) کبی  
 شیلرددر . ( جده نك ) خانه لری یارم کار کیر اولق اوزره ایکی  
 قاتدن اتی قاته قدر هند طرزنده در . سوقاقلری دخی اولدجه  
 واسع فقط هواسی صیجاق ورطوبتایددر .

طائف بلده سی — ( وادی العباس ) دخی دینلن ( طائف )  
بلده سی ( مکة مکرمه ) نك ۱۸ ساعت قدر بعد شرقی سنده  
و سلسله سرة شعباتسندن ( جبل غزوان ) ك اتكندده میندر .  
( جبل غزوان ) ایسه سطح بچردن ۱۵۷۵ مترو مرتفعدر .

طائفك هواسی لطیف و سرین و سوقاق و بازارلری كنیش  
و صولری لذیذ و دیش طیانیه جق درجه ده صغوق اولوب  
اطرافنده آقار صولی باغچلر و باغلی باغچلی قریه لر موجوددر .  
طائفده تخمیناً ۴۰۰ خانہ و تقریباً ۸۰۰۰ نفوس واردر . مكه  
اهالیسندن اغنیانك صیفیه لری دخی اورادهدر .

( طائف ) قطعه حجازیه نك مواقع منبتہ سندن بری اوله رق  
ارضی اعلا چاوش اوزومی و انواع میوه و هر نوع سبزیتشدیرر .  
ینبع البحر قصبه سی — مدینه منوره نك جهت غربیه سنده  
( بحر احمر ) ساحلندهدر . بو قصبه ( مدینه منوره ) نك  
اسكله سی اولوب بینلری ۵۳ ساعتهدر . لیمانی دخی کوزلدر .  
قصبه نك ماء جاریسی بولمیدیغندن صهرنجلری چوقدر .

( ینبع ) ك اطرافی بر سور ایله چورلمش اولوب داخلنده  
۱ حکومت قوناغی ، ۳ جامع ، ۸۰۰ خانہ ، ۳۰۰ دكان ، ۵۰۰۰  
قدر نفوس واردر . مدینه منوره نك شمال طرفنده اقار  
صوبی کثیر اولان ( خیبر ) ناحیه سی واردر . بو ناحیه ده کایت  
اوزره ( خرما ) ، ( بغدادی ) ، ( آریه ) حصوله کلیر .

الربہ قصبه سی — مدینه منوره سنجاغی داخلنده و ( شاب دگری )  
ساحلندهدر . ( مدینه منوره ) یه اولان بعدی دخی ۸۰ ساعتهدر .

سوارقیه قصبه سی — ( مکّه مکرمه ) ایله ( مدینه منوره )  
آره‌سنده بر چوق قویولری شامل بر یردر . ( سوارقیه ) نك  
باغ و باغچه‌لری چوق و میوه‌لری لذیذدر .

ایت قصبه سی — جددنك جنوب جهته‌ده یلكن كیسی  
ایله اوچ كونلك مسافه‌سنده اولوب ایچنده خرماقلر و صوبی  
طاتلی قویولر وار ایسه‌ده هواسی محل صحت بدندر . هر دم متحرك  
اولان توزی انسانه كوز آچدیرمیه جق درجه‌ده كشیردر . لکن  
( ایت ) ك اینك یاغی مشهوردر . نفس قصبه‌ده بر حکومت  
قونانی و بر جامع شریف و ۵۴۰ خانه و ۵۰ دكان موجوددر .  
قصبه‌نك یارم ساعت شمالنده مشهور ( ایت ) لیانی واردر .  
مذكور لیان شاپلرك وضعیت طبیعیه‌سندن تشكلی ایتیش مقوس  
بر خط ایله محدود و محفوظ اولوب هر روز كردن امیندر .  
مذكور لیان ( حجاز ) ایله ( عسیر ) قطعه‌لرینك آره‌سنده اولوب  
هر ایکی قطعه‌نك توسیع دائرة تجارتنه مساعددر . خصوصیه  
( عسیر ) ك اسكله‌سیدر .

بو لیان حائر اولدیغی اهمیت موقعیه‌سندنناشی اطراف  
خانه و دكانلر ایله تزین ایدیلهرك قصبه حالنه كتیرلش و شو  
صورتله وجوده كتیریلن قصبه جدیدیه ( معموره الحمید ) نام  
عالیسی و یریلهرك ( جده ) سنجاغنه ملحق اولان ( ایت ) قضاسی  
هیئت حكومتی مذکور قصبه‌یه نقل اولنشددر .



## ﴿ یمن ولایتی ﴾

حدود — سکنه — محصولات ارضیه و صناعیه — صورت اداره  
— احوال بلاد مشهوره .

---

مردود — یمن ولایتی ( عربستان ) شبه جزیره سنک جنوب  
غریبیسنده ( یمن ) ، ( عسیر ) قطعه لرندن عبارت اوله رق غربی  
( بحر احمر ) ه ساحلدر . شمالنده ( حجاز ) ولایتی و شرقنده  
عربستان بادیه سی و جنوبنده ( عدن ) قطعه سی واردر .

سکنه -- ولایت مذکورہ نك مقدار سکنه سی مسلم اوله رق  
عربان داخل اولدینی حالده ۲,۵۰۰,۰۰۰ راده سنده تخمین  
ایدلکده در . داخل ولایتده اخذ واعطا ایله مشغول بر مقدار  
موسوی دخی واردر .

تعریفات طبیعیه — یمن ولایتنده ( عدن ) اراضیسندن بدا  
ایله ( جدہ ) یه قدر ( بحر احمر ) ساحلی بویجه امتداد ایدن  
اراضی و صحرا لر ایله اوزرنده بولنان جبال صغیره یه ( تہامہ )  
تسمیه اولنورکه ۴۰۰ ساعت قدر طولی چکر .

( سراة ) دینان جبال متسلسله دخی ( عدن ) اراضندن بدا  
ایله جنوبدن شماله طوغری غرب اتکلیری ساحل بچردن ۳۰۰

کیلومتر و قدر اوزاق اوله رق ممتد اولمشدر . سلسله مذکور  
 ۲۵۰۰ الی ۳۰۰۰ مترو ارتفاعنده اولوب ( طائف ) قدر ۳۷۰  
 ساعت طولی حاویدر . جبال مذکور مختلف اسملر ایله یاد  
 اولنور . برچوق طاغلردن مرکب اولوب یمنده شعبه وقولار  
 دخی براقشدر .

بوولایتک انهاری همان یوق کیدر . موجود اولان صولر  
 دخی اوفاق دره وچای صورتنده جریان ایتکدهدر . بو صولر  
 جبال موجوده اوزرندهکی منبعلردن چیقهرق قوم ایله یموشاق  
 طوپراقدن مرکب اولان اراضیده تحت الارض مجرالر پیدا  
 ایدرک نهان اولورلر .

محصولات ارضیه و معمولات صناعیه — یمن ولایتک  
 باشلیجه حاصلاتی ( قهوه ) اولوب حاصلات سائره سی دخی  
 ( بعدای ) ، ( آرپه ) ، ( دوره ) ، ( بقله ) ، ( مصر ) وسائرهدر .  
 هر نه قدر ( تهامه ) تعبیر اولنان ساحل دریاده واقع اراضیسنده  
 زراعت اولنور ایسه ده حرارت شمسک شدتی مناسبیله  
 ( بغدادی ) ، ( آرپه ) کی محصولات یتشدیر یله مامکدهدر .

ولایتک معمولات و مصنوعاتی داخلنده صرف اولنور .  
 باشلیجه معمولاتی اهالینک کیمکده اولدینی ( فوطه ) وقادینلر  
 مخصوص برنوع جار و اوطه دوشمه سی کی شیلردر . قیومجیلایله



ابنیه ایچون آچیدن اویمه لر وکوشدن طبقه لر یایمق یهودیلره مخصوص صنعتلر دندر. اهالی سائره سی ایچنده معمارلقده کسب ملکه ایتمش اولانلرده موجوددر. آنلر غایت یوکسک دیوارلری وحتی جامع و حمام قبه لری کبی جسم بنالری و مناره لری اسکله سز یاپارلر. بنایی بش قات دخی چیقارلر. بو وجه ایله یاپلمش اولان ابنیه نك اوست طرفه بر خلل ایراث ایتمکسزین سطح ارضه قریب اولان خراب بریرینی یقوب ابنیه یی بوصورنله تعمیر ایدرلر.

### — صورت اداره —

یمن ولایتی اراضی طبعیه اصولنجه (یمن)، (عسیر) قطعه لرینی و بو قطعه لر (سراة)، (تهامه) قسملرینی و اداره ملکیه جه (یمن)، (حدیده)، (عسیر)، (تعز)، سنجاقلرینی حاوی اوله رق مقر ولایتی (صنعا) شهریدر. مذکور سنجاقلرک مرکز اداره لری همنامی اولان قصبه لر ایسه ده (عسیر) سنجاغنك مقر اداره سی (ابها) بلده سیدر. بو ولایتک متصرفلقرینه تابع اولان قضالر بوجه آتی جدولدن مستبان اولور.

حدیده سنجاغی			صنعا سنجاغی		
مرکز اداره لر	قضالر	نۋا	مرکز اداره لر	قضالر	نۋا
==	زبید	۱	طویله	کوکبان	۱
==	لحیه	۱	ضوران	آنس	۱
==	زیدیه	۲	==	زمار	۲
==	جبل ریمه	۱	==	یریم	۲
==	حجور	۱	==	عمران	۲
==	بیت الفقیه	۲	==	رداع	۲
==	باجل	۲	مناحه	جبل حراز	۱
	ابوعریش	۲	=	حجه	۲
تعز سنجاغی			عسیر سنجاغی		
==	آب	۱	==	مخائل	۱
==	عدین	۲		رجال المع	۲
==	قطیفه	۱	==	قنفده	۱
تربه	حجریه	۲	سدوان	دخی شهر	۱
	مخا	۱	رغدان	غامد	۱
				صیدا	۱

### — احوال بلاد مشهوره —

صنعا شهری — یمن ولایتک مقرر اداره سی اولان مذکور شهر بروادینک وسطنده والی قیولی بر سور ایچنده و مرتفعجه بر محله در . ( مکء مکرمه ) یه دخی قرق کونلک مسافه دره . ( حدیده ) یه اولان بعدی دخی ۵۹ ساعتدر .

( صنعا ) ولایتک اک بیوک و مشهور شهری اولوب اطراف

باغ و باغچه لری ایله مزیندر . دروننده اوتوزی متجاوز جسم  
 و صنعت معماریه جه کوزل جامعلر و یگری قدر حمام و منتظم  
 چارشی و بازارلر و (کاروان سرای) تعبیر اولنور جسم خانلر  
 و بر عسکری خسته خانه سی و سورک خارچنده متعدد قشله لر  
 واردر . باغچه لر نده دخی انواع میوه و (قارپوز) ، (قاوون) ،  
 (آغاج قاوونی) حاصل اولور .

(صنعا) نك . وسطنده (غیل الاسود) نامنده بر صو جریان  
 ایتکده و باغچه لرینک بر قسمی بو صو ایله اروا واسقا  
 اولنمقده در . مذکور شهره جوار اولان (روضه) ، (وادی  
 ظهر) . (حده) نامنده کی قریه لر بر تفرجگاه بولنملری حسبیه  
 اغنیا موسم صیفده قرای مذکوره ده کی صیفیه لرینه نقل  
 ایدرلر . (صنعا) ده جسم و متین بنالر موجود و بولرک  
 اکثریسی طاشدن و بر قسمی طوغله دن معمولدر .

مقر ولایتک ۴۰ ساعت بعد شرقیسنده پک چوق آثار  
 عتیقه یی حاوی (مأرب) بلده سی واردر .

(سبأ) قربنده (عدن) ۱۵ و (صنعا) یه (رداع)  
 طریقیه (۱۲) قوناق مسافده (یحجان) قصبه سی واردر . بو  
 قصبه نك (حدیده) سنجاغی داخلنده کائن (زبید) قصبه سی  
 کی چوید محصولی مشهوردر . اوراده چویدلی بز اعمال  
 ایدرک (صنعا) یه کتیرلر .

میرمه مدینه سی — ( حدیده ) سنجاغك اداره مركزى  
اولان ( حدیده ) مدینه سی ساحل بحر احمرده ولایتك  
ایکمیجی شهرى اولوب مقرولایت اولان ( صنعا ) یه ۵۵ ساعت  
مسافده در . ( حدیده ) بلده سنده ماء جاری اولمدیغندن اهالی  
یازم ساعت مسافده بولنان الی عدد قویونك صویله اداره  
اولمقده در . بو قویولرك صویى کرچه عادتا دکز صویى کبی  
طوزلوجه ایسه ده هضم طعامه یاردم ایدر . ( حدیده ) نك خرما  
یتشدیرر آغاجلری ومنبت ومنروع ترلالری کثیردر . ( حدیده )  
جنوب روزکارلرندن محفوظ غایت الویرشلی بر لیماه مالک  
اولمسیله تجارتکاهددر .

مدینه مذکوره سور ایله محاط اولوب ۵ قپوسی وبر قاج  
طایه سی و سورك داخلنده جوامع عدیده ومساجد کثیره  
وحکومت قوناغی وفرقه عسکریه اداره سنه مخصوص بر دائره  
ومسافر خانه و اهالینك اسکانه مخصوص خانلر وبوکا مانند  
بنالر وارددر . سورك خارچنده دخی عساکر شاهانه نك اقامته  
مخصوص بر قشله ایله برده خسته خانه و جیبخانه و بلدیه  
دائرسنه عائد بر غازخانه و بش آلتی بیك خانه موجوددر .  
و ( حدیقیه ) ، ( حکمیه ) ، ناملرنده کی ایکی باب متین برج  
عساکر شاهانه نك اقامته ترك وتخصیص قلنمشدر .

نهر مبینہ سی — مقر ولایت اولان ( صنعا ) نك جهت جنوبیہ سنده ۴۵ ساعت بعد و مسافہ سنده و غایت محصولدار اولان ( جبل صبر ) اسمنده کی یو كسك بر طاغك اتكندہ در . اسكلہ سی اولان ( مخا ) یہ دخی ۲۴ ساعت اوزا قدر . مدینہ مذکورہ سور ایله محاط اولوب ( باب الشرق ) ، ( باب الیمین ) ، ( باب الغرب ) نامندہ اوچ قیوسی و بو قبولردہ عسا کر شاهانہ نك اقامتہ مخصوص برر نظامیہ قره غول خانہ سی واردر .

شهر ك عارضہ لی بر زمین اوزرنده اولسی و جهت شمالیہ سنده ( هشتمه ) دینان محله اوفاق بر كول بولنسی جهت ریلہ هواسی و خیم و نفوس موجودہ سی قلیلدر .

ابہا مدینہ سی — عسیر سنجاغك اداره مرکزی اولان ( ابہا ) مدینہ سی اسكلہ سی بولنان ( قنفده ) قصبہ سندن ۴۲ ساعت ایچرودہ و ( جبل سراة ) اوزرنده در .

مخا قصبہ سی — بو قصبہ ساحل بحر دہ و ( حدیدہ ) نك ۹۰ میل بعدندہ و ( باب المتدب ) نامندہ کی بوغازہ قریب بر محله در . مذکور قصبہ ازمنہ ماضیہ یالکزیمنك دکل بتون جزیرۃ العربك ادخالات و اخراجات مرکزی ایدی . بو کونکی کونده ( مخا ) قضاسنہ مرکز اولش و فقط اعتبار سابقی غائب ایتشدرد . قضانك ابنہ سی منتظم و ساحلہ کی ریختمی کوزلدر . ( زبید ) قصبہ سی ایله آرہ سی دخی اوچ مرحلہ در .

لجیه قصبه سی — ( حدیده ) دن صوکره ( صنعا ) نک بر  
اسکله سی اولوب خرما حاصلاتی وقارشوسنده کی ( جزیره طیر )  
ساحلندن اخراج ایدیلن ( شاب ) تجارتیله مشهوردر. ( قران )  
آطه سی ( لجه ) نک جنوب ساحلی قربنده در .

عزازه قصبه سی — ساحل بخرده بر بندر اولوب اول  
حوالینک مهم بر اسکله سیدر . قارشوسنده ایسه ( فرسان )  
جزائری واقعدر .

قنفره قصبه سی — عسیرک برنجی تجارت اسکله سی اولوب  
اولدجه منتظم سوقاق و بازارلری و ابنیه لازمی مشتملدر .





## ❖ پوسته وعادی یولار و تیمور یولار ❖

### ❖ پوسته وعادی یولار ❖

آسیای عثمانی داخلنده عربہ قوللانمسنه مساعد اولان یولار ایله اسکله شهرلرندن ایچرولره کیدن جاده لر بروجہ آتی بیان اولنور .

صیدر پاشا — از میر [ ۹۱ کیلومتر طول ]

( حیدر پاشا ) دن ( از میر ) ۵ ۴ ساعته کیدر شمندوفر موجود اولدینی کبی عربہ سرورینه مساعد برده جاده واردر . مذکور جاده ایله ( حیدر پاشا ) دن ( از میر ) ۱۸ ۵ ساعته کیدیلیر .

( از میر ) ده ( بولی ) یه اوغرا برده ( قسطنطنی ) یه کیرنه طریقہ

[ ۸۹ ساعت طول ]

( از میر ) دن صوکره ۲ کیلومتر امتدادنده اولان ( طوزله لر ) کنارینی تعقیب و منبت بر وادی یی قطع ایدهرک ۶ ساعته ( صبانجه ) قصبه سنه وارر . اورادن ( صبانجه ) کولی ساحانی طولاشه رق ۶ ساعته ( آطه پازاری ) قصبه سنه و بوراده ۱۰۰ متر و عرض پیدا ایدن ( سقاریه ) نہرینی کوپری واسطه سیله کچهرک ۶ ساعته ( خندق ) و ( میلان ) صوی کنارنده واقع ( دوزجه ) اوزرندن ( بولی ) یه وارر . [ ( خندق )

ایله ( دوزجه ) آرمسی ۱۲ ساعت اولدینی کبی ( دوزجه ) ایله  
( بولی ) آرمسی دخی ۱۲ ساعتدر [ . بو صورتده ( ازمید ) ایله  
( بولی ) آرمسی ۴۴ ساعتدن عبارتدر .

( بولی ) دن صوکره ۱۲ ساعتده ( کرده ده ) یه و ( کرده ده ) دن  
( صوغانلی ) صوینی قطع ایدهرک ۸ ساعتده ( بایندر ) قصبه سنه  
وبعدہ ( بایندر ) ه ۲ ساعت بعدده اولان ( حاملی ) یه و صوکره  
( چرکش ) موقعنه وارر . ( حاملی ) ایله ( چرکش ) آرمسی  
۴ ساعتدر . بوراده برقاج یول تلاقای ایدر . آندن صوکره  
طریق ( حاملی ) دن ۸ ساعت اوزاق اولان ( حاجی عباس )  
موقعنک روزکار طرفنده ( صوغانلی ) صوینی تکرار کچوب ۱۰  
ساعت مسافه قطع ایدهرک ( آراج ) قصبه سنه و ( آفشار ) یابلاسنی  
آشهرق ( کوک ایرمق ) وادیسنده و ( آراج ) دن ۹ ساعت بعدده  
واقع ( قسطمونی ) شهرینه واصل اولور .

( قسطمونی ) دن ۱۸ ساعتده اسکله سی اولان ( اینه بولی ) یه  
و ۲۸ ساعتده ( طاش کوپری ) طریق ایله ( سینوب ) ه  
و ( زغفرانبولی ) دن ۱۵ ساعتده ( بارطین ) ه و ( بولی ) دن  
۴۴ ساعتده ( ارکلی ) یه و ۱۸ ساعتده ( آقجه شهر ) کیدر یوللری  
واردر .

ازمید — آنقره [ ۶۷ ساعت طول ]

( ازمید ) دن ( صبانجه ) یه واردق دن صوکره ( بولی ) یولندن  
آریله رق ۶ ساعتده ( کیوه ) یه و ( قره قیا ) طاغنی آشوب ۶

ساعتده (طراقلی)یه و (کونیک) صوینی بونجه کیده رک ۶ ساعتده  
 دخی (کونیک = طوربالی)یه و (قره حاجیلر) دربندی  
 آشهرق ۶ ساعتده (نعللوخان)ه و (جاده لر کوپریسی) ایله  
 (آلاطاغ) صوینی کچهرک ۱۱ ساعتده (بکبازاری) و اخشاب  
 بر کوپری واسطه سیله (امیر) چانی و بوکا آقان (قره بوغاز)  
 صوینی کچهرک ۷ ساعتده (آیاش) قصبه لرینه اوغرا یوب مرتفع  
 بر یول واسطه سیله (کوک طـاغ)ی (واستانوس) قصبه سی  
 جوارنده بر کوپری ایله (چار) صوینی قطع ایتدکن صوکره  
 (انکوروی) چانک صاغ ساحانی تعقیب ایده رک ۵ ساعتده  
 (آنقره)یه وارر.

مذکورالاسم (طوربالی) دن (مدرنی) طریق ایله ۲۴  
 ساعتده (بولی)یه کیدر بر یول دها واردر.

ازمیر — بروسه [۲۳ ساعت طول]

(ازمید) دن (بروسه)یه (ازنیک)، (یکیشهر) قصبه لرینه  
 اوغرا دقن صوکره (اولفر) صوینی کچهرک کیدر. [ازمید)  
 ایله (ازنیک) آره سی ۹ و (ازنیک) ایله (یکیشهر) بینی ۴ ساعتدر].

قسطمونی — سیواسی [۹۰ ساعت طول]

(قسطمونی) دن (دورک) وادیسنده کائن (طوسیه) قصبه سنه  
 ۱۲ ساعتده کلوب بر مدت مذکور چایک جریانی استقامتی  
 تعقیب ایده رک ۸ ساعت بعدده اولان (حاجی حمزه) قصبه سندن  
 بلرور (عثمانجق) قصبه سنده (قزل ایرمق)ی برطاش کوپری

ایله کچوب و بر ساسله بی آشه رق ( کموش حاجی کوی )،  
 ( مرزیفون ) قصبه لرینه و بعده ( ترس آقان ) صوی بونجه کیدوب  
 و ( سولی اووه ) بی قطع ایدرک ( آماسیه )، ( طور حال )، ( توقاد )  
 قصبه لرینه واصل و بعده ( چالی بل ) طاغنی آشه رق و ( یکی خان )  
 قصبه سی کچرک ( سیواس ) داخل اولور. [ حاجی حمزه ] ایله  
 ( عثمانجق ) آره سی ۱۰ و ( عثمانجق ) ایله ( مرزیفون ) بی ۱۲  
 و ( مرزیفون ) ایله ( آماسیه ) بینده کی مسافه ۸ و ( آماسیه ) ایله  
 ( توقاد ) آره سی ۲۰، ( توقاد ) ایله ( سیواس ) بینده کی بعد دخی  
 ۲۰ ساعتدر. [

مذکور الاسامی قصباتدن ( حاجی حمزه ) قصبه سندن ( بوی  
 آباد ) طریق ایله ۳۲ ساعتده ( سیزوب ) و ( آماسیه ) دن ( قواق )  
 بولی ایله ۲۲ ساعتده ( صامسون ) و ( توقاد ) دن ( نیکسار )  
 طریق ایله ۲۷ ساعتده ( اونییه ) و ( عثمانجق ) دن ( چوروم )،  
 ( آلاجه )، ( یوزغاد ) قصبه لرینه اوغرایه رق ( قیصریه ) کیدر  
 منتظم یوللار واردر. [ ( عثمانجق ) ایله چوروم آره سی ۱۲ ساعتدر. ]

### قسطمونی — آنقره [ ۴۸ ساعت طول ]

( قسطمونی ) دن ( طوسییه )، ( کنگری )، ( قلعه جک ) قصبه  
 لرینه اوغرایه رک و ( ادیس ) طاغنی آشه رق ( آنقره ) یه کیدر  
 یول موجوددر. [ قصبات مذکور دن بهرینک آره سی اون  
 ایکیشر ساعتدر. ]

### آنقره — قیصریه [ ۶۲ ساعت طول ]

( آنقره ) دن ( قیصریه ) به کیدن یول ( قزل ایرمق ) نامنده کی نهری بر کوپری ایله کچه رک ۱۴ ساعتده ( کوپری کوی ) قریه سنه وبعده ( قیرشهری ) ، ( مجور ) ، ( حاجی بکتاش ) ، ( آوانوس ) قصبه لرینه اوغرار . [ ( کوپری کوی ) ایله ( قیرشهری ) آره سی ۱۸ و ( قیرشهری ) ایله ( حاجی بکتاش ) یینی ۸ و ( حاجی بکتاش ) ایله ( آوانوس ) آره سی دخی ۶ ساعتدر . ]

### قیصریه — معموره العزیر [ ۷۱ ساعت طول ]

مذکور یول ( قیصریه ) دن ۶ ساعتده ( صارمساقلی ) به کلدکن صوکره ( کچی ) طاغنی آشهرق ( عزیزیه ) قصبه سنه و ( بیک بوغا ) طاغنی کچه رک ( کورون ) قریه سنه و ( دارنده ) قصبه سنه و ( آجقه طاغ ) اوزرندن کیدوب ( آرغه ) قصبه سنه و ( سلطان ) صوینی بر کوپری ایله کچه رک ( ملاطیه ) شهرینه و ( ایزولی ) اوکندن ( فرات ) نهریخی کچوب ( خان کوی ) واسطه سیله ( خرپوت ) ، ( معموره العزیر ) کلیر . [ مذکور الاسامی قصباتدن ( عزیزیه ) ایله ( کورون ) آره سی ۱۲ و ( کورون ) ایله ( دارنده ) یینی ۶ و ( دارنده ) ایله ( ملاطیه ) آره سنده کی مسافه ۲۲ و ( ملاطیه ) ایله ( خرپوت ) آره سی دخی ۱۸ ساعتدر . ]

## سیواس — طبرزورہ [ ۷۵ ساعت طول ]

( سیواس ) دن ( قزل ایرمق ) ک صول وادیسنی تعقیب  
 ایدم رک ۱۴ ساعتده ( زارا ) موقعنه و ( حبش ) طاغنی آشهرق  
 ( یشیل ایرمق ) حوضه سنده واقع ( اندراس ) قصبه سنده  
 و ( کلکیٹ ) صوینی کوپریلر ایله کچهرک ( قره حصار شرقی ) ،  
 ( الوجره ) قصبه لرینه اوضاردقن صوکره ( آردسه ) ده  
 برلشمک اوزره یول ایکی یه آریلیر . بری ( آلاج باشی ) دن  
 ودیکری ( اولوشیران ) ، ( کشخانه ) دن کچر . ( آردسه ) دن  
 صوکره یول ( جویزلک ) موقعنه اوغرایهرق ( طبرزون ) ه  
 واصل اولور . [ قره حصار ایله الوجره آردسی ۶ و آردسه ایله  
 ( طبرزون ) بینی ۱۶ ساعتدر . ]

## طبرزورہ — ارضروم [ ۵۷ ساعت طول ]

( طبرزون ) دن ( زیفانه ) بیوتنی آشهرق ۲۲ ساعتده  
 ( کشخانه ) یه واردقن صوکره ( واروق ) بیوتنی آشهرق  
 ۱۱ ساعتده ( بابورد ) قصبه سنده اوغرایوب ( قوپ ) طاغی  
 و بیوتنی کچیلرک ( ارضروم ) ه کیدر . ( بابورد ) ایله ( ارضروم )  
 آردسی ۲۴ ساعتدر .

## سیواس — ارضروم [ ۹۶ ساعت طول ]

بو طریق ( قره حصار شرقی ) قصبه سنده قدر ( سیواس ) دن  
 ( طبرزون ) ه کیدن یولی تعقیب ایدر . بعده مذکور یولدن  
 آریلوب ( بابورد ) ه ویا ( ارزنجان ) ه وارر . بونلردن  
 ( بابورد ) طریق ( طبرزون ) جاده سنی تعقیب ایدر . ( ارزنجان )



دن کیدن یول اوزرنده دخی ( قره کلیسا ) ، ( مما خاتون ) ،  
( ییکی کوی ) قصبه لری واردر . [ ( قره حصار ) ایله ( ارزنجان )  
آره سی ۲۷ و ( ارزنجان ) ایله ( ارضروم ) بینی ۳۲ ساعتدر ]

ارضروم — وانه [ ۶۵ ساعت طول ]

( ارضروم ) ایله ( وان ) بیننده عربیه مرورینه مساعده  
اولان یول ( ارضروم ) ک جنوبنده کی ( پلان دوکن ) طاغنی  
آشوب ( ترکان ) ک مرکزی اولان ( تنوس ) قصبه سنه وبعده  
( کوللی ) یه وارر . بوراده ( آراس ) نهرینی قطع ایدوب  
( آق طاغ ) ایله ( چکمه طاغ ) آره سنده کی بیوندن و ( آغ  
ویرن = آق ویرن ) قریه سنندن بالمرور ( خنس ) قصبه سنه  
و اورادن ( خنس ) صوی بونجه اینوب ( قرمنی طوزله )  
قریه سنه و ( ملازکرد ) قصبه سنه و ( سبجان ) طاغ نک شمال  
اتکلرینی طولاشه رق ( ارچیس ) قصبه سنه و وان کولی ساحلنجه  
کیتمک اوزره ( ارنیس ) کویندن و ( بند ماهی ) کوپریسنندن  
کچهرک ( جانیک ) قریه سنه وبعده ساحلدن آریله رق ( مارمیت )  
چایی کچوب ( وان ) شهرینه کان طریقدر . [ مذکور الاسامی  
( ارضروم ) ایله ( کللی ) بیننده ۱۲ و ( کللی ) ایله ( خنس )  
آره سنده ۶ و ( خنس ) ایله ( طوزله ) آره سنده ۸ ساعت  
مسافه واردر . ( طوزله ) ایله ( ملازکرد ) آره سی ۶ و ( ملا-  
زکرد ) ایله ( ارنیس ) قریه سی بینی ۲۱ و ( ارنیس ) قریه سی  
ایل ( وان ) آره سی دخی ۱۲ ساعتدر . ]

ارضرومده ارزنجانه طریقی ایله معموره العزیزه کیمده یول  
( ارضروم ) دن ۳۲ ساعته ( ارزنجان ) ه کلدکن  
صوکره ( فرات ) نهرینی کچوب ۴۲ ساعته ( خوزات ) قصبه  
سنه وبعده ( پرتک ) اوزرندن ۶۸ ساعته ( معموره العزیز ) ه  
کیدر. [ ( خوزات ) ایله ( معموره العزیز ) آره سی ۱۲ ساعته . ]

سیواسده مطایه طریقی ایله معموره العزیزه کیمده یول  
( سیواس ) دن ( معموره العزیز ) ه کیدن یول اوزرنده  
( دایکلی طاش ) ، ( قنغال ) ، ( آلاجه خان ) ، ( حسن چلبی ) ،  
( هکیم خان ) ، ( ملاطیه ) ، ( ایزولی ) قصبه و قریه لری  
واردر. [ ( دایکلی طاش ) دن ( قنغال ) ه ه و ( قنغال ) دن  
( آلاجه خان ) ه ه و ( آلاجه خان ) دن ( حسن چلبی ) ه  
۶ و ( حسن چلبی ) دن ( هکیم خان ) ه ه و ( ملاطیه ) دن  
( معموره العزیز ) ه ۱۸ ساعته کیدیلیر . ]

( معموره العزیز ) ده ( موسه ) و ( بتلیس ) ه کیمده یول  
( معموره العزیز ) دن ( موش ) ه کیدن ایکی طریق واردر.  
بری ( ارغنی معدن ) قصبه سنه ۱۲ ساعته کلدکن صوکره  
( خانی ) ، ( ایجه ) ، ( نرجیک ) قریه لرندن و ( قوپ ) طغانی  
بیونندن کچهرک موش اووه سنه داخل وبعده ( موش ) شهرینه  
۴۴ ساعته واصل اولور. اورادن ۱۲ ساعته ( بتلیس ) ه  
کیدر یول واردر .

دیگری ( معموره العزیز ) دن ۱۲ ساعته ( پالو ) ه کلدکن

صوكره ( مرات ) صوينك صاغ طرفندن مرور ايدهرك ۱۲  
 ساعتده دنخى ( چياچقور ) ك مرکزى اولان ( چورملى )  
 موقعندن و ( چاگلى كليسا ) قصبه سندن و ( مرات ) صويندن  
 كچوب ( موش اووه سى ) نك غرب طرفنى قطع ايدهرك ۴۷  
 ساعتده شهر مذ كوره كيدر .

مذ كور الاسم ( پالو ) دن ( مرات ) صوينى كچهرك ( قره  
 بىكار ) ه اوغرايوب بعده ( ليجه ) ده برنجى يول ايله براشمك  
 اوزره ۱۲ ساعتك برده مواصله يولى واردر .

معمورة العزيز — ارضروم [ ۵۰ ساعت طول ] .

( معمورة العزيز ) دن ( ارضروم ) ه كيدر برقاج يول وار  
 ايسه ده اك كسديرمسى ( كينى ) طريقيدر .

بو طريق ( معمورة العزيز ) دن ( پالو ) قصبه سنه و ( نمران ) ه  
 ويا ( معمورة العزيز ) دن ( پرى ) ، ( كينى ) موقعلرينه اوغرايه رق  
 ۲۶ ساعتده ( نمران ) ه وارر، اورادن ۲۶ ساعتده ( ارضروم ) ه  
 كيدر كه يول اوزرنده ( باش كوى ) ، ( پرمقسنر ) موقعلرى  
 واردر .

دياربكر — معمورة العزيز [ ۲۸ ساعت طول ]

مذ كور يول ( دياربكر ) دن ( دجله ) نهرينى ايكي محله  
 كوپرى ايله كچوب ۱۶ ساعتده ( ارغنى معدن ) قصبه سنه  
 وخفيف ميللى بريون آشوب تكرار ( دجله ) نهرينى كچوب  
 ( ملاكوى ) موقعنه و ( اولو اووه ) ني قطع ايدهرك  
 ( معمورة العزيز ) ه وارر .

## دیاربکر — ارضروم [ ۶۳ ساعت طول ]

( دیاربکر ) دن ( ارضروم ) ه کیدر پک چوق یول وار  
ایسه ده اک قیصه سی ( پالو ) طریقیدر .

بو طریق ( دیاربکر ) دن ( معمورة العزیز ) جاده سیله ۱۶  
ساعتده ( ارغنی معدن ) قصبه سنه کلدکن صوکره ( دجله ) ایله  
( فرات ) آره سنده کی سلسله یی آشورق و ( دجله ) یی برکوپری ایله  
کچهرک ( پالو ) قصبه سنه کلیر . اوراده ( معمورة العزیز ) دن  
( ارضروم ) ه کیدن طریق تعقیب ایدر .

( دیاربکر ) دن ( بشیری ) ، ( رضوان ) ، ( سعرد ) طریق ایله  
۹۴ ساعتده ( بتلیس ) ه کیدر یول اولدینی کبی ( دیاربکر ) دن  
( مار دین ) ، ( نصیدین ) یولی ایله ۷۰ ساعتده ( موصل ) ه  
و اورادن ( بغداد ) ه وارر یوللر دخی بولنور .

## دیاربکر — حلب [ ۷۸ ساعت طول ]

( دیاربکر ) دن ( سیوه رک ) ، ( اورفه ) ، ( بیره جک ) طریق ایله  
( حلب ) ه کیدر منتظم یول واردر . [ ( دیاربکر ) ایله ( سیوه رک )  
آره سنده ۱۸ و ( سیوه رک ) ایله ( اورفه ) آره سنده کذا ۱۸  
و ( اورفه ) ایله ( بیره جک ) بیننده دخی ۱۸ و ( بیره جک ) ایله  
( حلب ) آره سنده ۲۲ ساعت مسافه واردر . ]

## حلب — اسکندرون [ ۳۰ ساعت طول ]

( حلب ) دن ( اسکندرون ) ه کیدن یول اوزرنده ( عمیق  
اووه سی ) ، ( عفرین ضوی ) ، ( آق دکز کولی ) حوضه سی

و (آناطولی)، (سوریه) سلسله‌لرینی بری برینه ربط ایدن طاغیر  
و (بیلان) قصبه‌سی واردر.

### ملب — معمورة العزیز [ ۸۸ ساعت طول ]

(حلب) دن (معمورة العزیز) ه کیدر برقاج طریق موجود  
وباشلیجه‌سی بوجه آتی مذکوردر. بو طریق (حلب) دن بدأ  
ایله (کلیس)، (عینتاب) قصبه‌لرینه اوغرایوب ۳۸ ساعته  
(بهسنی) و بعده (حصن منصور = آدی یمان)، (بولام) قصبه‌لرینه  
وارددن صوکره (ملاطیه) یه واصل و بعده شوسه یول ایله  
(معمورة العزیز) ه داخل اولور. [ (بهسنی) ایله (ملاطیه) یینی  
۳۸ و (ملاطیه) ایله (معمورة العزیز) آره‌سی ۱۸ ساعته. ]

### ملب — بغداد [ ۱۶۹ ساعت طول ]

بو طریق (حلب) دن ۱۸ ساعته (بالیس) دینان (مسکنه)  
قصبه‌سنده (فرات) نه‌ری کنارینه واصل اولور. صوکره  
نهرک صاغ ساحانی تعقیب ایدهرک (سنجه) دن کچوب (مسکنه) دن  
۴۱ ساعت بعده اولان (دیر) قصبه‌سنه کلیر. بعده (صالحیه)،  
(عنه) موقعلرینه و (دیر) قصبه‌سنه ۷۷ ساعت مسافه‌ده اولان  
(هیت) قصبه‌سنه داخل اولور. بورادن یول نهرک صول طرفنه  
کچوب ۲۲ ساعته (فلوجه) یه و بعده (فرات) ایله (دجله) یی  
تفریق ایدن چبلاق اووه‌یی ۱۱ ساعته قطع ایدهرک (بغداد)  
شهرینه واصل اولور. [ مذکور طریق کاربان یولیدر. ]

(در سعادت) دمه (بفراده) ه کیمه بولمر

بری در سعادتدن واپور ايله (طربزون) ه [در سعادت ايله  
طربزون يینی ۵۱۸ میلدر] واورادن برآ (ارضروم)، (وان)  
اوزرندن ۲۱۰ ساعته (موصل) ه واندن ۸۳ ساعته  
(بغداد) ه کیدیلیر. دیکری در سعادتدن واپور ايله (صامسون)  
اسکله سینه چیقار. (در سعادت) ايله (صامسون) اسکله سی  
۳۷۴ میلدر. [اورادن ۲۲ ساعته (آماسیه) یه وارر. صوکره  
۱۲ ساعته (طور حال)، ۸ ساعته (توقاد)، ۱۸ ساعته  
(سیواس)، ۹ ساعته (دیکیلی طاش)، ۱۶ ساعته (حسن  
چلبی)، ۱۲ ساعته (سورملی)، ۱۰ ساعته (کبان معدنی)  
۱۲ ساعته (خرپوت)، ۱۲ ساعته (ارغنی)، ۱۶ ساعته  
(دیاربکر) نامنده کی قصه به لره وارر. بعده یوقاروده مذکور  
(دیاربکر) دن (بغداد) ه برآ کیدن یولی تعقیب ایدر.

حلب — شام [۷۵ ساعت طول]

(حلب) دن (شام) ه کیدن یول اوزرنده (سرمین)،  
(معرة النعمان)، (حما)، (حصص)، (نبک)، (دومه) قصبه لری  
واردر. [مذکور قصبه لردن (حلب) دن (سرمین) ۱۲،  
(سرمین) دن (معرة النعمان) ۶ و (معرة النعمان) دن  
(حما) یه ۱۲، (حما) دن (حصص) ۱۰، (حصص) دن (نبک) ه  
۱۸، (نبک) دن (دوما) یه ۱۵، (دوما) دن (شام شریف) ه  
۳ ساعته کیدیلیر.]



( حلب ) دن ( لازقیه ) اسكله سنه دخی ( ادلب ) قصبه سنه  
اوغرایه رق ۳۴ ساعتده کیدر یول موجوددر .

بتلیس — وانه [ ۲۴ ساعت طول ]

( بتلیس ) دن ( موش ) ، ( مما خاتون ) طریق قی ایله ( ارضروم )  
و ( ارزنجان ) ه کیدر یول وارددر .

( بتلیس ) دن ( وان ) شهرینه کیدن یول ( وان ) کولنك  
جنوب ساحلی تعقیب ایدر . یول اوزرنده دخی ( المالی ) ،  
( واسطان ) قصبه لری وارددر . [ ( بتلیس ) ایله ( المالی ) آره سی  
۴ و ( المالی ) ایله ( واسطان ) آره سی ۱۴ ، ( واسطان ) ایله  
( وان ) آره سی دخی ۶ ساعتدر . ]

وانه — بایزید [ ۳۰ ساعت طول ]

( وان ) دن ( بایزید ) ه کیدن یول ( ارضروم ) دن ( وان ) ه  
کیدن طریق ( بندماهی ) کوپریسنه قدر تعقیب ایدر . اورادن  
( بارکیری ) قصبه سنه اوغرایه . [ ( بارکیری ) ایله ( بایزید )  
آره سی ۱۶ ساعتدر . ]

بروسه — از میر [ ۷۰ ساعت طول ]

( بروسه ) دن ( از میر ) ه کیدن یول ( کرمانتی ) قصبه سنه  
و ( صوصورلی ) نه رینی کچه رك ( بالیکسری ) شهرینه و ( اوزونجه  
اووه ) یی کچه رك ( برغمه ) ، ( مغنیسا ) ، ( منمن ) قصبه لری  
اوغرایه . [ ( بروسه ) ایله ( کرمانتی ) آره سی ۱۲ ، ( کرمانتی )  
ایلله ( بالیکسری ) آره سی ۱۴ ، ( بالیکسری ) ایلله ( برغمه )

آره سی ۲۰، ( برغمه ) ايله ( مغنیسا ) آره سی ۱۵، ( منمن ) ايله ( ازمیر ) آره سی ۶ ساعتدر .

مذکور الاسم ( بالیکسری ) شهرندن مرمره دکزی ساحلنده کائن ( باندومه ) یه ۱۸ ساعتده کیدر یول اولدینی کبی کذا ( بالیکسری ) دن ( بیغا ) ویا ( بیرامیج ) قصبه لرینه اوضرایه رق ( قلعه سلطانیه ) یه و ( موصلق ) طاعنی اوزرندن ۱۸ ساعتده ( ادرمید ) ه کیدر یولار واردر .

بروسه — قونیہ [ ۹۶ ساعت طول . ]

( بروسه ) دن ( قونیہ ) یه ( اینه کول ) ، ( بازارجق ) ، ( بوز اوق ) ، ( این اوکی ) قصبه لرینه اوضرایه رق ( کوتاهیه ) یه و اورادن ( مرات ) طاعنک شرقی طولاشه رق ( آفیون قره حصار ) قصبه سنه اوضرایوب بعده ( آقشهر ) ، ( ایلغین ) موافقندن کچهرک کیدر یول موجوددر . [ ( بروسه ) ايله ( اینه کول ) آره سی ۸، ( اینه کول ) ايله ( بازارجق ) آره سی ۸، ( بازارجق ) ايله ( بوز اوق ) آره سی ۴، ( بوز اوق ) ايله ( این اوکی ) آره سی ۲، ( این اوکی ) ايله ( کوتاهیه ) آره سی ۱۰، ( کوتاهیه ) ايله ( قره حصار ) آره سی ۱۸، ( قره حصار ) ايله ( آقشهر ) آره سی ۱۹، ( آقشهر ) ايله ( ایلغین ) آره سی ۹ و ( ایلغین ) ايله ( قونیہ ) آره سی دخی ۱۸ ساعتدر . ]

مذکور الاسم ( قره حصار ) قصبه سندن ( ازمیر ) ه کیدن یول ایسه ( عشاق ) ، ( قولا ) ، ( آلا شهر ) قصبه لرینه

اوغرا دقن سوکره ( کدوس ) صوینی تعقیب ایدهرک ( مغنیا ) یه  
 واصل و اوراده ( بروسه ) دن ( ازمیر ) ه کیدن یوله داخل  
 اولور .

بروسه — آنقره [ ۸۵ ساعت طول ]

( بروسه ) دن ( آنقره ) یه ( یکیشهر ) ، ( بیله جک ) ،  
 ( سکود ) ، ( اسکیشهر ) قصبه لرینه اوغرایوب ( سقاریه )  
 نهرینی کچهرک کیدر . [ ( بروسه ) ایله ( یکیشهر ) آره سی ۱۰ ،  
 ( یکیشهر ) ایله ( بیله جک ) آره سی ۹ ، ( بیله جک ) ایله ( سکود )  
 آره سی ۶ ، ( سکود ) ایله ( اسکیشهر ) آره سی دخی ۹ ساعتدر ]

( ازمیر ) ده ( قونیه ) یه کیمره یوللر

بری ( قره حصار ) دن ( ازمیر ) ه کیدن یولی تعقیب  
 ایدهرک ( قره حصار ) ه واصل و اوراده ( بروسه ) دن ( قونیه ) یه  
 کیدن یوله داخل اوله رق ( قونیه ) یه وارر . دیکری ( ازمیر ) دن  
 جنوب شرقی یه طوغری کیـدهـرک ( کوچک مندرس ) نهرینی  
 کچوب ( تیره ) یه و ( جمعه ) طاغنی آشوب ( آیدین ) ه و اورادن  
 ( آیدین ) اووه سنی قطع ایدهرک و ( بیوک مندرس ) نهرینی  
 کچهرک ( نازللی ) ، ( دکزلی ) یه و ( چورکصو ) ، ( کنجه لی )  
 کوللرینک جنوبـدن طولاشـهـرق ( بوردور ) ، ( اسپارته )  
 قصبه لرینه کلیر . بعده ( اکر دیر ) کولنک جنوبـدن و ( بکشهری )  
 کولنک شمال و شرقـدن طولاشـهـرق ( بک شهر ) قصبه سنه  
 اوغرایه رق ( قونیه ) یه کیدر .

## قونیہ — اطنه

( قونیہ ) دن ( اطنه ) یہ کیدن طریق بیوک بتاقانک جنوبیہ کچہرک ( ارکلی ) نک ایلروسندہ ( اولو قشہ ) یہ کلوب مشہور ( کولک ) بوغازینہ و ( طوروس ) سلسلہ حبالی مذکور بوغاز واسطہ سیلہ کچہرک ( اطنه ) یہ داخل اولور.

( قونیہ ) دن ( آنامور ) اسکلہ سنہ دخی دوز بر اراضی کچہرک ( قرمان = لارندہ ) قصبہ سنہ واورادن ( صلوۃ کوپریسی ) بوغازی ایلہ ( طوروس ) طاغنی و مذکور کوپری ایلہ ( بوزاقچہ ) صوینی کچوب ( ارمناک ) قصبہ سنہ اوغرایہرق کیدر.

( قونیہ ) دن ( سلفکہ ) اسکلہ سنہ کیدن یول ۱۸ ساعتہ ( قرمان ) کلدکدن و ( طوروس ) سلسلہ سنی ( قارغہ کچمز ) بوغازی واسطہ سیلہ کچدکدن صوکرہ ( کستل ) اوغرایہرق ( موٹ ) قصبہ سی اوزرندہ ( سلفکہ ) یہ وارر. [ ( قرمان ) ایلہ ( سلفکہ ) آرسہ سی ۲۷ ساعتہ.

## قونیہ — آنقرہ [ ۵۳ ساعت طول ]

( قونیہ ) دن ( آنقرہ ) یہ ۱۴ ساعتہ ( سیوہرک ) قصبہ سنہ کلدکدن صوکرہ ( این ) صوینی کچہرک ( حیمانہ ) اووہ سندن ( قزجلہ )، ( قوج )، ( امیرکوی ) نامندہ کی قریہ لرندن بالمرور واصل اولور.

قونیہ — قیصریہ [ ۶۰ ساعت طول ]

مذکور یول (قونیہ) اووه سنی قطع ایدهرک ۳۱ ساعتمده  
( اقسرای ) واورادن ۱۴ ساعتمده ( نوشهر ) قصبه لرینه  
اوضرادقندن صوکره ( ارکوب )، ( اینجه صو ) قصبه لرندن دخی  
کچر. [ مذکورالاسامی قصباتده ( نوشهر ) ایله ( ارکوب )  
آره سی ۴ و ( ارکوب ) ایله ( اینجه صو ) یینی ۶ ساعتمده . ]

قونیہ — آنطالیه

بو طریق (قونیہ) دن ۱۵ ساعتمده ( بکشهری ) قصبه سینه  
کلوب ( دیپ پوراز ) طاغنگ جنوبنده کائن ( کسمه بوغازی )  
دینان محلی و ( کوپری صوینی ) و ( تکه ) اووه سنی کچدکدن  
صوکره ( آنطالیه ) به کیدر.

(قونیہ) دن (علائیہ) اسکله سینه دخی ( سیدی ) قصبه سینه  
اوضرادقندن و ( یول ویرن )، ( بوزقیر ) یایلارینی قطع ایلدکدن  
صوکره ۴۲ ساعتمده کیدر یول موجوددر.

اطنه — حلب [ ۵۹ ساعت طول ]

( اطنه ) دن ( حلب ) کیدن یول ( سیحان )، ( جیحان )  
نهرلرینی کچوب ( اسکندرون ) کورفری ساحلنه اینهرک  
( پیاس )، ( اسکندرون ) قصبه لرینه واورادن ( بیلان )  
بوغازینی مرورایدر. [ اطنه ) ایله ( پیاس ) آره سی ۲۱ و ( پیاس )  
ایله ( اسکندرون ) یینی ۸ و ( اسکندرون ) ایله ( بیلان )  
آره سنده کی مسافه دخی ۳ ساعتمده . ]

( اطنه ) دن ( مرسین )، ( طرسوس ) چانی بالمرور

( طرسوس ) قصبہ سمنہ اوغرایہرق ۱۵ ساعتہ کیدریول  
واردر .

( اطنہ ) دن ( یمورطہلق ) اسکله سمنہ دخی ( سییحان )  
نہرینی و ( چقور اووہ ) یی و ( جیحان ) نہرینی کچہرک کیدر  
یول بولنور .

اطنہ — سیواس [ ۱۰۳ ساعت طول ]

مذکور طریق ( اطنہ ) دن چیقوب ( سییحان ) نہرینی  
کچدکدن و ( سیس ) قصبہ سی اوزرندن ۳۸ ساعتہ ( مرعش ) ہ  
واردقن صوکرہ ( البستان ) ہ واصل واورادن ( دارندہ ) ،  
( حکیم خان ) ، ( الاجہ خان ) ، ( دایکلی طاش ) مواقعندن  
بلمرور ( سیواس ) ہ داخل اولور . [ مذکور الاسامی ( مرعش )  
ایلہ ( البستان ) بینی ۱۴ ، ( البستان ) ایلہ ( دارندہ ) بینی ۹ ،  
( دارندہ ) ایلہ ( حکیم خان ) آرمہ سی ۱۲ و ( حکیم خان ) ایلہ  
( الاجہ خان ) بینی ۱۰ و ( الاجہ خان ) ایلہ ( دایکلی طاش )  
آرمہ سی ۱۰ وانک ایلہ ( سیواس ) بینی دخی کذ ۱۰ ساعتدر ]

اطنہ — معمورة العزيز [ ۹۸ ساعت طول ]

( اطنہ ) دن ( سیواس ) یولی اوزرندہ کی ( دارندہ ) یہ  
۶۱ ساعتہ کلیر . اورادہ ( قیصریہ ) دن ( معمورة العزيز ) ہ  
کیدن یولی تعقیب ایدر .

بغداد — بصرہ [ ۱۰۰ ساعت طول ]

( بغداد ) دن ( بصرہ ) یہ کیتمک ایچون ( بغداد ) دن



۱۸ ساعتده ( حله ) قصبه‌سنة و آندن ۱۴ ساعتده ( دیوانیه ) ،  
 ( سماوه ) اوزرندن ۳۶ ساعتده ( سوق‌الشیوخ ) و اورادن  
 ( منتفک ) عشایری ایچندن برآ ( بصره ) یه و یاخود ( بغداد ) دن  
 ( دجله ) نهرینک جانب یساریله ( کوت الاماره ) یه قدر برآ  
 ۲۹ ساعتده کیدوب آندن جزیره طریق ایله نهرآ ویا برآ  
 ( سوق‌الشیوخ ) ه واورادن کذلک نهرآ ویا برآ ( بصره ) یه  
 کیدیلیر .

### شام — بغداد [ ۱۵۸ ساعت طول ]

اشبو طریق ( نیک ) قصبه‌سنة دکن ( حلب ) ه کیدن  
 طریق تعقیب ایتدکن صوکره آریلوب ( تدمر ) قصبه‌سنة  
 واصل و بعده شام جوانی قطع ایدرک ( هیت ) موقعنه داخل  
 اولور . [ ( تدمر ) ایله ( هیت ) بیندهکی مسافه ۸۸ ساعتدر ]  
 بعده ( حلب ) دن ( بغداد ) ه کیدن طریق تعقیب ایدر .  
 [ ( هیت ) ایله ( بغداد ) بیندهکی مسافه ۳۳ ساعتدر ]

( شام ) ده ( بلقا ) طریق ایله ( قرس شریف ) ه کیده  
 بول [ ۵۰ ساعت طول ]

بو طریق ( شام ) دن ۱۳ ساعتده ( صنمین ) ه کلوب  
 ( شیخ مسکین ) ه اوغرادقندن و ( حوران ) اووه‌سنی  
 قطع ایلدکن صوکره ( قلعه المزیرب ) اوکندن و طاعلق بر  
 اراضیدن کچهرک ( رمته ) قریه‌سندن و ( جبل عجلون ) ک  
 شرقسندن و ( جراث ) موقعندن بالورور ( عجلون ) اراضیسنی

و ( زر قه ) وادیسنی قطع ایدوب ( سلط ) قصبه سنه و ( شریعه )  
 وادیسنه داخل و ( شریعه ) نهرینی کچہرک ( قدس شریف )  
 بلده سنه واصل اولور .

یافہ — قدس [ ۱۲ ساعت طول ]

اشبو شوسه ( رمله ) دن کچہرک بربرینه نسبتله دها صرب  
 طاغلری ودره لری قطع ایدہرک ( قدس شریف ) واصل اولور .

غزه — قدس [ ۱۸ ساعت طول ]

بو یول ( غزه ) دن شمال شرقیہ متوجہ آ ( استید )  
 وادیسنی قطع ایدہرک ( بیت جبرین ) قریه سی واسطه سیلہ ( قدس )  
 یایلاسنه وبعده ( قدس ) شہرینه واصل اولور .

( سوریه ) دہ ( مصر ) کیرہ یولہر

( سوریه ) قطعہ سندن خطہ مصریہ بری ( غزه ) دن  
 ودیگری ( قدس شریف ) اوزرندن کیدیایر یولار واردر ( غزه ) دن  
 کیتمک ایچون ساحل بونجہ ( راقہ ) ، ( زاویہ ) موقعلرندن  
 بالمرور ( العریش ) قصبه سندن صوکرہ آفریقای عثمانی حدودینی  
 قطع ایله ( مصر ) اراضیسنه و ( اصلاحيہ ) دن بالمرور ۸۲  
 ساعتده ( قاہرہ ) شہرینه کیریایر .

( قدس شریف ) اوزرندن کیدن یول ایسہ ( قدس شریف ) دن  
 ۷ ساعتده ( خلیل الرحمن ) واورادن عربستان چولنی صولنه  
 ترک ایدہرک ( خلاصہ ) خرابه سندن کچہرک ( سویش ) قصبہ -  
 سنه واصل اولور .

( شام ) ده ( عقبه الشام ) طریق ایله ( حجاز ) و ( نجد )  
قطعه لرینه کیده مه جاده لر

اشبو طریق ( کسوه ) ، ( مزیریب ) ، ( کتیه ) ،  
( رمته ) ، ( قلعه المفرق ) نامنده کی مواقعدن کچوب ( قلعه الزرقه ) ده  
ایکی یه آریلیر . بری ( حس-بان ) ، ( کراک ) ، ( طفیله ) ،  
( شوبک ) موقعلرندن کچهرک و ( وادی موسی ) یی خربنده  
براقهرق ( معان ) قصبه سنه واصل اولور . دیکری ( قلعه البلقا ) ،  
( قطرانه ) ، ( الحسا ) ، ( غیزه ) اسکی کوچک قلعه لرندن  
کچهرک ( معان ) قصبه سنه کلیر . بعده ( مدوره ) ایله ( عقبه الشام ) دن  
بالرور ایکی یه آریلیر . بری شرق جنوبی اس-تقامتنه کیده رک  
( حجاز ) و دیکری شرقه طوغری کیده رک ( نجد ) قطعه لرینه  
کیرر .

مذکور الاسم ( عقبه الشام ) اسمنده کی مرحله دن سوکره  
( حجاز ) طریق اوزرنده ( ذات الحیج ) ، ( قاع الصغیر = قاع -  
البدیط ) ، ( عاصی خرما = تبوک ) ، ( احضر ) ، ( معظم ) ،  
( دارالحمرة ) ، ( مداین صالح = حجر ) ، ( بیار الغنم ) ،  
( بئر الزمرد ) ، ( بئر الجدید ) ، ( هدیه ) ، ( فخلتین ) ( بیار  
نصیف ) نامنده مرحله لر وارد . الحاصل ( شام شریف ) ایله  
( مدینه منوره ) بینده ۲۷ مرحله اولوب بعد مایینلری ۲۴۷  
ساعتدن عبارتدر .


مکه مکرمه — مدینه منوره [ ۱۰۰ ساعت طول ۱۰ مرمه ]  
 مکه معظمه ایله مدینه منوره آره سنده (سلطانی)، (فرعی)،  
 (شرقی) نامیله باشلیجه اوج طریق بولندیغدن آنلردن هربری  
 بوجه بیان اولنور.

طریق سلطانی [ ۱۰ مرمه ] — (۱) وادی فاطمه (۲) بئر  
 عسفان = بئر التفله (۳) خلیص (۴) بئر قضیمه (۵) رابع =  
 رابق [ مکه مکرمه دن مدینه منوره یه کیدن یوللر بوراده تعدد  
 ایدر ] (۶) مستوره [ میمون اووه سنده در. رابعك ۶ ساعت  
 بعدنده در. ] (۷) بدر ویا بئر الشیخ (۸) صفرا (۵) بئر عباس  
 [ صفرا ایله بئر عباس بیننده (حمراً)، (حوبه جیه) قریه لری  
 واردر ] (۱۰) بئر شریوفی نامنده کی محللردر. [ شریوفی مرحله سندن  
 درت ساعت مسافده (شهاد) موقفی واردر. بومر حله ایله  
 مدینه منوره آره سی ۱۴ ساعتدر. مدینه اهالیسی مکه مکرمه دن  
 کلن زوار و حاجی مدینه منوره نك ایکی ساعت مکه جهتنده  
 بولنان (بیارعلی) نامنده کی بوستاندن استقبال ایدرلر. ]

فرعی طریق [ ۱۰ مرمه ] — (۱) وادی فاطمه (۲) عسفان  
 (۳) خلیص (۴) قضیمه (۵) رابع (۶) بئر شیوخ = بئر رضوان  
 [ بعض دوه جیلر بو مرحله یی ایکی یه بولوب (ظهرالعقبه) یی  
 برنجی و (بئر رضوان) یی ایکنجی قوناق صایارلر ] (۷) ابوضباع  
 = امضباع (۸) ریان [ امضباع ایله ریان آره سنده (ام العیال)

و ( مضیق ) قریه لری واردر . [ ( ۹ ) غَدِیر = حَجَز ] ریان ایله غَدِیر  
 آره سنده ( صمد ) مرحله می واردر . [ ( ۱۰ ) بئر ماشی دینلن  
 موقعه لردر . ] فُرعی یولی مدینه منوره نك ایکی ساعت خارجنده  
 بوانان ( بیار علی ) موقعه و ارمزدن اول طریق سلطانی ایله  
 کسب اتصال ایدر .

سُرُ طریق [ ۱۰ مرصده ] — ( ۱ ) مَضِیق ویا وادی الیمون  
 ( ۲ ) ضریبه ( ۳ ) بَرکَه زبیده ( ۴ ) حاده ( ۵ ) صبح ( ۶ ) سوارقیه  
 ( ۷ ) سفینه ( ۸ ) حجریه ( ۹ ) وادی الغراب ( ۱۰ ) غَدِیر اسمنده کی  
 محللردر .



﴿ آسیای عثمانی داخلندہ ہولانہ بہرہ مشہورہ نیک در سعادتمندہ ﴾

﴿ قاصر ساعت اولہ یغنی کو سترہ ہر دورہ ﴾

۲۰۴	آطنہ	۶۳	اسکی شہر	۱۰۱	بولو ادین
۳۶	آطہ بازاری	۱۱۲	اکردیر	۱۶۴	توقاد
۱۵۵	اقسرای	۳۰۹	اورفہ	۱۵۶	تور حال
۱۱۳	آلا شہر	۱۱۶	اولو بورلو	۱۰۹	تیرہ
۱۲۵	آنطالیہ	۱۱۳	ایلغین	۸۴	چرکش
۱۰۴	اقشہر	۱۴۳	اینجہ صو	۳۳۴	جزرہ
۱۴۴	آماسیہ	۲۰۰	بایزید	۱۳۶	چورم
۲۴۵	آنطاکیہ	۱۳۴	بایبورد	۲۶۷	حلب
۸۷	آنقرہ	۱۰۵	بایندر	۳۰۵	حما
۷۸	آیاش	۶۰	بالیکسری	۳۱۷	حمض
۱۱۸	آیدین	۳۸	بیله جک	۲۵۰	خرپوت
۱۵۸	ارضروم	۹۵	بوی آباد	۱۳۸	دکزی
۲۶۷	ارغنی معدنی	۳۲	بروسہ	۲۱۶	دیوریک
۱۴۸	ارزنجان	۱۶۴	بتلیس	۴۸	دوزجہ
۱۶۳	ارکلی	۴۶۴	بغداد	۳۸۲	دیر القمر
۱۲۴	اسکاب	۷۱	بکبازاری	۲۸۰	دیاربکر
۱۳۷	ارکوب	۵۶۴	بصرہ	۱۹۵	دیادین
۱۸	ازمید	۱۱۶	بور دور	۳۹۶	رواندز
۷۲	الخصار	۵۸	بولی	۳۴۶	زاحو
۹۳	ازمیر	۳۶۴	بقاع العزیر	۹۰	زغفرانبولی
۲۴	ازنیق	۳۷۴	بیروت	۱۵۶	زیلہ
۲۵۸	اکین	۱۴۹	بکشمیری	۱۳۴	سرای کوی
۱۱۰	اسپارٹہ	۲۹۱	بیرہ جک	۴۳۵	سلیمانہ
۲۰۳	اسکندرون	۲۳۶	بیلان	۴۴	سکود



۴۲ كوينك	۸۳ قره حصار	۱۴۹ سیدی شهری
۳۰ كيوه	۹۰ قره جه ويران	۲۹۷ سيوه رك
۲۹۱ لازقيه	۴۳۳ قدس شريف	۷۷ سيورى حصار
۳۰ لفكه	۱۴۹ قره مان	۱۹۲ سيواس
۲۹۸ ماردین	۱۳ قره مرسل	۳۵۰ شام شريف
۵۱ مدرنی	۱۲۰ قسطنونى	۲۴ صبانجه
۲۲۶ مرعش	۱۶۷ قوزان	۹۵ صندقلی
۱۳۶ مرزيفون	۱۱۷ قير شهری	۱۰۰ طربزون
۱۹۰ مغله	۹۸ قوچ حصار	۱۱۸ طاش كوپرى
۲۶۸ ملاطيه	۱۰۷ قوله	۳۹۲ طرابلس شام
۱۸۲ موش	۱۳۱ قونیه	۲۱۵ طرسوس
۴۴ ميخاليچ	۱۴۹ قيصريه	۱۸۲ طوپراق قلعه
۸۵ مغنيسا	۲۴۰ كبان معدنى	۳۶ طراقلی
۳۶۶ موصل	۷۹ كدوس	۱۰۸ طوسيه
۱۲۶ نازلى	۴۰۳ كر كوك	۱۲۴ عثمانچق
۱۳۳ نوشهر	۷۰ كره ده	۲۵۲ عربكیر
۱۸۴ نيكده	۱۲۲ كمشخانه	۴۰۱ عكا
۲۱۸ وان	۲۶ كمليك	۱۷۰ علائیه
۱۲۷ يوزغاد	۲۷۹ كليس	۲۹۱ عينتاب
۹۹ يىخشی خان	۱۰۵ كنگرى	۸۷ عشاق
	۶۵ كوتاهیه	۱۵۱ قره پيكار

استانبولدن ممالك عثمانیه سواحلنده کی مشهور لیمانلره اولان

امیال بحری

امیال	امیال	امیال
۱۱۹ ارکلی	۲۳۱ اینه بولی	۳۷۴ صامسون
۱۶۴ اماصره	۳۰۵ سینتوب	۴۱۳ اونیه

مکری	۴۶۳	پروژه	۶۵۱	قاتسه	۴۲۵
آنطالیه	۵۷۵	ایاسراند	۷۰۷	اردو	۴۴۰
علائیه	۶۰۵	آلونیه	۷۶۳	کره سون	۴۶۲
سلفکه	۷۱۲	در اج	۸۰۹	تیره بولی	۴۷۷
مرسین	۷۴۶	شنکین	۸۴۳	طربزون	۵۱۸
اسکندرون	۸۰۶	اولکون	۸۴۶	سورمنه	۵۳۳
لازقیه	۷۸۴	ازمید	۵۵	ریزه	۵۵۲
طرابلس شام	۸۱۲	مکدیک	۵۳	باطوم	۵۹۱
بیروت	۸۰۴	مدانیه	۴۳	مدیه	۷۰
صیدا	۸۰۹	اردک	۷۹	اینه آطه	۸۱
صور	۸۱۲	قلعه سلطانیه	۱۳۵	برغوس	۱۲۶
عکا	۸۱۹	بوزجه اطه	۱۵۶	وارنه	۱۴۶
یافه	۷۳۹	احروز	۱۴۶	کوستنجه	۱۹۴
پورت سعید	۷۸۶	لنی	۲۲۰	سنه	۲۶۱
سویس	۸۷۶	مدللو	۲۱۹	اودسه	۲۳۵
اسکندریه	۷۳۲	ادرمید	۲۲۷	نیقولایف	۴۱۳
سوده [کرید]	۴۵۶	ازمیر	۲۸۰	سیواستپول	۳۰۰
درنه	۶۲۷	ساقز	۲۵۵	کفه	۳۷۰
بنغازی	۷۲۲	سیسام	۳۰۷	کرج	۴۱۶
طرابلس غرب	۱۰۷۱	استانکوی	۳۵۹	صخوم قلعه	۵۶۵
مالطه	۹۰۱	سومبکی	۴۰۱	پوتی	۵۸۸
تونس	۱۱۱۷	لریوز	۲۳۲	سلوری	۳۹
ینبع البحر	۱۳۵۶	قارپوط	۲۹۳	تکفورطانی	۷۰
جده	۱۵۱۶	قاشوط	۲۲۹	کلیبولی	۱۱۰
قنفده	۱۶۹۶	کرپه	۳۲۰	دده آغاجی	۱۹۶
قران	۱۹۴۱	ایضاره	۲۷۶	قره آغاج	۲۲۴
حدیده	۱۹۷۱	یوندن	۱۷۸	قواله	۱۴۹
مخا	۲۰۵۶	بودروم	۳۷۵	چای آغزی	۳۱۰
عدن	۲۱۹۱	ردوس	۴۲۱	سلانیک	۳۳۵
بصره	۴۱۰۱	مرمریس	۴۳۸	غلوصل	۳۲۷



## ﴿ تیمور یوللاری ﴾

حمیدر پاشا — از میبد خطی [ ۹۱ کیلومتر ۲۷۰ متر طول

[ ۱۷ موقف ]

مذکور طریق ( حمیدر پاشا ) دن بدأ ایله ساحل بونجه  
( قزل طوپراق )، ( کوزتیه )، ( ارن کوی )، ( بوستانچی باشی )،  
( مالتیه )، ( قرتال )، ( پندک )، ( طوزله )، ( ککبوزه )، ( دیل  
اسکله سی )، ( طوشانجیل )، ( هرکه )، ( یارجه )، ( توتون چققلک )،  
و ( دریجه ) مواقعه اوغرایه رق ( از میبد ) ه واصل اولور .  
مذکور الاسم ( قزل طوپراق ) دن ( قنار باغچه ) یه ۱ کیلو  
متر و طولنده آریجه بر شعبه واردر .

بو طریقك استانبولی دیار بکره و بغداد و بصره یه یعنی قره  
دکزی عثمان دکزینه وصل ایتمک اوزره تمیدی متصور اولدیغندن  
از میبدن اوتیه طرفی یابلمقده در . هنوز یابلمش اولان محللری  
دخی بوجه آتی بیان اولنور .

از میبد — آنقره [ ۴۸۵ کیلومتر ۵۶۵ متر طول ۲۶ موقف ]  
( از میبد ) دن بدأ ایله ( بیوک دربند )، ( صبا نجه )، ( حمیدیه )، ( آطه  
پازاری )، ( کیوه )، ( آق حصار )، ( مکجه )، ( لفسکه )، ( وزیر خان )،  
( بیله جک )، ( قره کوی )، ( بوزاق )، ( این اوکی )، ( چقور  
حصار ) مواقعه اوغرایه رق ( اسکی شهر ) ه واصل اولور .  
[ قونیه خطی بورادن آریلیر ] . اورادن دخی ( آق پیکار )،

( تابی کوی ) ، ( بکک آخور ) ، ( صاری کوی ) ، ( بیجر ) ،  
 ( سزایلر ) ، ( بکک کوپری ) ، ( پولاتلی ) ، ( ماللی کوی ) ، ( سنجان  
 کوی ) استاسیونلرینه اوغرایه رق ( آنقره ) یه داخل اولور .

اسکیشهر — قونیه [ ۴۴۰ کیلومتر و طول ۲۱ موقف ]  
 ( اسکیشهر ) دن بدأ ایله ( کوجک قصیق ) ، ( صابونخی پیکار )  
 ( الایونده ) [ بورادن کوتاهیه شعبه سی آربیلر . ] ، ( کویلر ) ،  
 ( دور Duver ) ، ( احسانیه ) ، ( غازی کول همای ) ، ( آفیون  
 قره حصار ) مواقعه اوغرار [ بوراده ازمیرک قصبه خطی ایله  
 برلشیر ] آندن صوکره ( بیوک چوبانلر ) ، ( چای ) ، ( اسحاقلو ) ،  
 ( یاصیان Yassian ) ، ( آق شهر ) ، ( آزاری کوی ) ، ( چاوشچی  
 کوی ) ، ( ایلغین ) ، ( قادین خانی ) ، ( میدان ) ، ( پیکار باشی )  
 استاسیونلرینه اوغرایه رق ( قونیه ) یه داخل اولور .

بوخطک ( الایونده ) موفقندن ( کوتاهیه ) یه ۱۰ کیلومتر و  
 ۳۳ متر و طولنده برشعبه سی موجوددر .

ازمیر — آلاشهر [ ۱۶۹ کیلومتر و طول ۱۹ موقف ]  
 ۱۳۰۲ سنه سننده کشاد اولمان بو طریق ( ازمیر ) دن ( قارشو  
 یقا ) یه واورادن ( چیلی ) ، ( اولوجق ) ، ( منمن ) ، ( امیرعالم )  
 ( حمیدیه ) ، ( خروس کوی ) ، ( مغنیسا ) ، ( چوبان عیسی ) ، ( قصبه ) ،  
 ( اورغانلی ) ، ( احمدلی ) ، ( سارد ) ، ( صالحلو ) ، ( مونواق قهوه سی ) ،  
 ( دره کوی ) ، ( الحان ) نامنده کی قصبه و قریه لره اوغرایه رق ( آلا

شهر) ه کیدر. اوراده دخی ( عشاق ) طریقله ( آفیون قره  
 حصار ) قصبه سنده ( اسکیشهر — قونیه ) خطی ایله برلشیر.  
 ( مغنيسا ) دن ( صوما ) یه دخی ( ۹۲ ) کیلومترولق ۱۲  
 موققلی یول واردر. بویول اوزرنده ( مغنيسا ) دن صوکره  
 ( قره آغاجلی ) ، ( صار حولی ) ، ( میشه لی ) ، ( کیخالر ) ، ( قیاقلی ) ،  
 ( اخصار ) ، ( سایمانلی ) ، ( خرطه ) ، ( قرق آغاج ) ، ( بوغاز ) ،  
 ( صوما ) موققلری موجوددر .

( از میر ) دن ( بیرون آباد = بیرون اووه ) نامنده کی محله قدر  
 ۵ کیلومترو ۱۴۸ مترو طولنده اوفاق برشعبه دخی یاپلمشدره .  
 از میر — دینار [ ۳۷۶ کیلومترو ۵۰۹ مترو طول ۳۹ موقوف ]  
 بو طریق ( از میر ) دن بدأ ایده رك ( کهر ) ، ( پرادیسو ) ،  
 [ بورادن ( بوجه ) خطی آریلیر . ] ( غازی عمر ) [ بورادن  
 ( سودی کوی ) خطی آریلیر . ] ( جمعه آباد = جمعه اووه سی )  
 ( دوه لی کوی ) ، ( قیاس ) ، ( ترانده ) ، ( طوربالی ) [ بورادن ( تیره )  
 خطی آریلیر ] . ( جلاد ) ، ( قوزپیکار ) ، ( آیانلوغ ) ، ( عزیزیه ) ،  
 ( بالاجق ) [ بورادن ( سوکه ) خطی آریلیر ] ، ( دکرمنجک ) ،  
 ( هیبه لی ) ، ( قره پیکار ) ، ( آیدین ) ، ( امورلو ) ، ( کوشک ) ، ( چفته  
 قهوه ) ، ( سلطان حصار ) ، ( آقچه ) ، ( نازلی ) ( قیوجق Kouyoudjak )  
 ( طورسونلی ) ، ( اورتاچی ) ، ( سرای کوی ) ، ( شاملی ) ، ( غنجه لی ) ،  
 [ بورادن ( دکزلی ) خطی تفریق اولمشدر ] ( بوجه لی ) ، ( قوجه باش )  
 ( قزل قاقلق ) ، ( باش چشمه ) ، ( چارداق ) ، ( آبا Appa ) .

( آوجیلر )، ( سودلاج ) [ بورادن ( چوریل ) ه بر شعبه براقشدر ]  
 قصبه و قریه لرینه اوغرایه رق ( دینار ) ه کیدر .

بوخطك ( پرادیسو ) موقفندن ( بوجه ) یه قدر ۲ کیلومترو  
 ۳۱۸ مترولق و ( غازی عمر ) موقفندن ( سودی کوی  
 Sevdi-keui ) ه قدر ۱ کیلومترو ۴۴۹ مترولق و ( طوربالی ) دن  
 ( تیره ) یه قدر ۴۷ کیلومترو ۸۶۸ مترولق و ( بالاجق ) دن ( سوکه ) یه  
 قدر ۲۲ کیلومترو ۱۳۰ مترولق و ( غنجهلی ) دن ( دکزلی ) یه  
 قدر ۹ کیلومترو ۴۶۰ مترولق و ( سودلاج ) دن ( چوریل ) ه  
 قدر دخی ۳ کیلومترو ۵۷۱ مترولق شعبه لری واردر .

مذکور شعبه لردن ( طوربالی ) دن ( تیره ) یه کیدن خط  
 اوزرنده ( غورغور )، ( عرق باشی Arc-Bachi )، ( چبلاق )،  
 ( بایندر )، ( چتال قره آغاج ) موقفلری موجوددر .

( چتال ) دن ( اوده مش ) ه کیتمک اوزره دخی ۲۵ کیلومترو  
 ۳۹۵ مترو طوانده برخط واردر . بوخطك موقفلری ( چتال ) دن  
 بدأ ایله ( دره باشی )، ( حاجی الیاس ) نامنده کی محللردر .

( بالاجق ) دن ( سوکه ) یه کیدن خط اوزرنده دخی ( مراتلی  
 قهوه )، ( کمر ) استاسیونلری بولمقدهدر .

( سودلاج ) ایله ( چوریل ) آرمسند دخی ( صوندورلی )  
 ( اینجه کوی ) موقفلری واردر .



مرانیه — [ بروسه ۴۱ کیلومتر ۲۸۰ متر و طول ۶ موقف ]  
 ( مدانیه ) اسکله سندن ( بروسه ) به قدر اولان شمندوفر  
 خطی گذرگاهنده ( بورغولی )، ( قوری )، ( عجملر )، ( بروسه  
 بکلمه سی ) موقفلری بولنمقدردر .

مرسین — آطنه [ ۶۷ کیلومتر طول ۸ موقف ]  
 ( مرسین ) دن ( آطنه ) به کیدن تیمور یولی ( مرسین ) دن  
 باش-ایه رق ( یقا کوی )، ( حاجی طالب )، ( طرسوس )،  
 ( کولک بوغازی )، ( یکیکجه )، ( وانس اوغلی ) مواقعه اوغزار.  
 بیروت — شام شریف - مورانه [ ۲۴۶ کیلومتر ۸۳۷  
 مترو طول ۳۶ موقف ].

مذکور طریق ( بیروت ) دن بدأ ایله ( حدت Hadet )،  
 ( بعبدا Béabda )، ( عاریه ) [ چاریک ساعت بوراده  
 توقف ایدر ]، ( عالییه )، ( بجمدون Bhamdoun )، ( عین صفر  
 Aïn-sofar )، ( مسیحات )، ( جدیده-شتورا ) [ دیشلی جرح بورادن  
 بدأ ایدر ]، ( زحله-معلقه ) [ یارم ساعت بوراده توقف ایدر ]،  
 ( ریاق )، ( یعفوفه )، ( سرغایه )، ( زبدانی )، ( التکیسخ El-Téguieh )،  
 ( سوق وادی بردا )، ( دیرقانون )، ( عین فیجه )، ( جدیده J'deydeh )،  
 ( الهامه El-hameh ) ( دمر = دومار Deummar )، ( شام برامکه )،  
 ( شام میدان ) مواقفه اوغزار [ ( بیروت ) ایله ( شام میدان ) آرهمی  
 ۱۴۶ کیلومتر ۷۷۹ مترودر ] ( شام میدان ) موقفندن سوکره

خط اوزرنده (داریه)، ( Sahnaya صحنایا )، ( کسوه )، ( خان  
 دانون )، ( ذراکه )، ( غباغب )، ( Sanoméin صنمین )، ( کننیا  
 Kénéia )، ( قتیبه Kateibe )، ( شیخ مسکین )، ( داغل Dall )،  
 ( مزیریب ) نامنده کی موقفلری وارد.

یافه — قرسی شریف [ ۸۶ کیلومتر و ۶۳۰ متر طول

۷ موقوف ]

( یافه ) دن ( قدس ) قدر یاپلمش اولان بو خطک دخی  
 کذرکاهنده ( یافه ) دن بدأ ایله ( Lydda لیدا )، ( رمله )،  
 ( Sedjed سجد )، ( دیر آبان Deir-aban ) و ( بتر Bittir )  
 موقفلری بولمقدهدر.



## — آفریقای عثمانی —

دولت عالیہ عثمانیہ نك ( آفریقا ) قطعہ سنده بولنان ممالکی  
( خدیویت مصریہ ) ایله ( طرابلس غرب ) ولایتی و ( بنغازی )  
متصرفلغنی و ( تونس ) آیالتی حاویدر .

### ✽ مہربویت مصریہ ✽

حدود — مساحہ و نفوس تعریفات طبیعیہ — محصولات ارضیہ  
و صناعیہ — صورت اداره — احوال بلاد مشہورہ

مردود — مصر خدیوتی ( آفریقا ) قطعہ سندنك شمال  
شرقیسی نہایتندہ بولنہرق شمالی ( بحر سفید ) ساحلدرہ .  
شرقدہ ( العریش ) قصبہ سندن ( عقبہ ) کورفزیہ قدر ( تیہ  
بنی اسرائیل )، ( بحر احمر )، ( باب المندب ) و ( عدن )  
کورفزی و جنوبندہ ( صومال ) اراضیسی؛ ( حبش ) مملکتی  
خط استوا آلتندہ کی بیوک کولار و غربندہ ( وادای ) مملکتی  
( لیبیا )، ( برقہ ) جولاری واردر .

مساحہ و نفوس — بوحدود داخلندہ بولنان خطہ وسیعہ .  
نك مساحہ سطحیہ ارضیہ سی اوچ ملیون کیلومترو مربعمہ قریب  
اولوب مقدار نفوسی اون یدی ملیونی متجاوزدر . بونفوسدن  
التی بحق ملیونی ( خطہ مصریہ Egypte ) دہدر . ( خطہ مصریہ ) نك

مساحت سطحیة ارضیه سی بر بچق ملیو ۷۷۰ کیلومترو مربعدن زیادہ جہدر.

تغریفات طبیعیہ — مصرک ( بحر سفید ) ساحلی دوزو صیغ اولوب ( بحر احمر ) ساحلی ایسہ بالعکس و کسک صرپ قیالقردن حصولہ کلمشدر . ( بحر احمر ) مصرک شمال شرقیسنندہ ( عقبہ ) ، ( سویش ) کورفز لری و آرہ لرنندہ ( سینا ) شبہ جزیرہ سنی حاصل ایتمش و ( سویش ) کورفزی نک آغز نندہ ( رأس الالف ) نامندہ کی برون بولنمشدر .

( بحر احمر ) ک تشکیل ایتدیکی ( سویش ) کورفزی ایله ( بحر سفید ) بینندہ کی طریق بحری یه ( سویش قنالی ) اسمنی ویرمشلرذر .

اشبو قنال ( سویش ) ایله ( پورر سعید ) بینندہ بولنہرق . هجرتک ۲۸۵ و میلادک ۱۸۶۹ تاریخندہ فرانسیز مهندس سارندن موسیو ( دہ لسیپس M. de Lessepes ) طرفندن حفر و کشاد ایدلمشدر . قنالک طولی ۱۸۴ کیلومترو اولوب عرضی سطحندہ ۱۰۰ و قعر نندہ ۲۲ و عمقی ۸ مترودر . ( تمساح ) کولی قنالی داخلندہ داخلی بیوک برلیمان حالندہدر . مصر قاهرہ نک اسکله سی حکمندہ اولان ( اسماعیلیہ ) قصبہ سی ساحلندہ مینیدر .

مذکور قنال ( بحر سفید ) ی ( بحر احمر ) ہ برلشدریدیکی جهتله اوروپا تجارتک بالسهولہ ( بحر محیط ہندی ) یه و آندن ( هندستان ) ؛ ( چین ) ؛ ( ژاپونیا ) یه و ( اوقیانوسیہ ) قطعہ سنہ

مواصلت ایتسینه واسطه اولدیفی کبی حج شریف بیننده بولان  
اهل اسلام ایچون دخی بر طریق بحری رونما اولمشدر .

( نیل ) نهری مصر الکاسنی جنوبدن شماله طوغری اسقا  
واحیا ایتمکده وطقوز آغزله ( بحر سفید ) . دو کلیکده درکه  
باشلیجه آغزلی ( رشید ) ؛ ( دمیاط ) در . بو آغز لرك تشکیل  
ایتدیکی دلتایه ( ذالیه نیل ) و ( مثلث النيل ) دینیر . نهر مذکور  
( نیل ابیض ) نامیله خط استوا التتمده کی کولاردن نبعان و شماله  
طوغری جریان ایدرک ( خرطوم ) شهرنده صاع طرفدن  
( حبش ) طاغلرندن کلن مشهور ( نیل ازرق ) ایله برلشیر .  
بوراده اسمنی ( نیل مبارک ) . تبدیل ایدر . بعده نیل وادیسی  
مرتفع ایکی جبال آره سنده منحصر قالیر .

مذکور جبالدن مصرک شرقده بولانی ( عرب ) طاغلری  
وغربنده اولانی ( لیبیا ) تپه لری اسمنی آلیر . بولردن ( عرب )  
طاغلری ( بحر احمره ) . موازی اوله رق شمالدن جنوبه طوغری  
امتداد ایدر . بو ایکی سلسله جبالده قابل زراعت اولان محللری  
نادر ایسه ده مغاره و طاش معدنلری مشاهده اولتمکده در .  
( نیل ) نهری منبعنده یاغان یاغمور لرك صولری سببیله حزیرانک  
اواخرینه طوغری طغیان باشلایه رق ایلول نهایتده دکین ترایده  
وبعده تناقصه یوز طوتار و نهایت اسکی حاله کلیر که ارضک  
اوزرینه براق دینی یاغلی چامور مصرک طوبراغنی محصولدار بر  
هیئته تحویل و تبدیل ایدر .

فیضان اشناسنده یعنی یازو صوک بهارده نیل وادیسی برکول  
شکلی آلوب خوش منظر لطیف بر حال کسب ایدر . صولرک  
چکلمسنی متعاقب آز مدت ظرفنده یشیلنوب جسیم بر چنزار  
صورتنده کورینور . قیش اشناسی برلطیف حالد مرورایدر .  
ایلك بهارده ایسه ارض قوراقدر . حتی شدت یوستدن طوپراق  
درین درین یاریقلر پیدا ایلر . اومدنده ( ریح الحسین ) نامیله  
وزان ایدن صیجاق جنوب روزکاری هوایی وخیم ایلر .

( نیل ) ک هر سنه طغیانندن طولایی براقیدینی طورطوایله  
اراضی مصریه حس اولنمیه جق درجه ده یوکسلمکده و بحر سفیده  
طوغری ایلری لمکده در .

نهر مذکور قنالر واسطه سیله دخی طغیان میاهک واصل  
اوله مدینی محملری قابل زراعت برحاله کتیرر . بوقنالر ایچنده  
اک مشهوری ( قنال یوسف ) درکه نیلک صوینی برخیلی مسافیه  
کوتوردیکی جهته برایکنجی نیل عد اولنمده در .

ارتفاع ماء نیلی اولچمک ایچون ( قاهره ) شهری قربنده ( مقیاس  
النیل Nilomètre ) نامنده بر مقیاس واردر . بومقیاس اوزرنده  
نیلک صویی ۲۲ درجه یه یعنی ۱۰ مترویه قدر واصل اولور  
ایسه ده اول سنه فیض و برکت مطلوب وجهله اوله جفی آکلاشیلیر .  
اگر ارتفاع ماء نیل مذکور درجه نی تجاوز ایدر ایسه حوالی  
نیلی صوباصه رق وقتیه چکلمیه جکندن خسته لاق تهلیکسی  
ملاحظه اولور .



نیلك دلتاسنده بتاقلق خالنده ( ماریوت ) کولی کبی کولار  
موجوددر . ( فیوم ) اقلیمنده دخی اسکیدن ( موریس ) دینان  
( بحیرۂ قارون ) واردر .

( اقلیم ) مصر وسطندن نیل مبارک مرور ایتسی حسیله  
محصولات ارضیه سنده درکار اولان فیض وبرکتدن واهالینک  
من القدیم مدنیتده کسب ایتش اولدینی مهارت وترقیدن و آدیم  
باشنده تصادف اولان آثار عتیقه دن طولای مشهوردر .

محصولات — خطۂ مصریه نك مرعاری آرایسه ده حاصلاتی  
کثیر و محصولات زراعیه سی برکتلیدر . یالکیز اراضی غریبه سی  
( واح کبیر ) ، ( واح صغیر ) کبی واحه لری استثنای ایدلکی حالد  
غیرمنبت چوللاردن عبارتدر .

حاصلات ارضیه سی هر نوع حبوبات ایله ( پرنج ) ، ( پموق ) ،  
( خرما ) دن عبارت اولوب ( لیمون ) ، ( پورتقال ) ، ( قایسی  
وامثالی آغاجلردخی واردر . خطۂ مذکور نك ارضی ( قارپوظ ) ،  
( قاوون ) یتشیدردیکی کبی بعض محللارنده ( توتون ) حاصل ایدر .  
مصرک شکر قامشی دخی مشهوردر .

### — صورت اداره —

مصر مملکتی دوات علیه عثمانیه نك ایالات ممتازه سندن اوله رق  
( خدیو مصر ) عنوانی حائز بر وزیرک تحت اداره سنده در .

خدیویت مصر به ( مصر )، ( نوبه ) مملکت نوبه و سودان شمالینک جهت شرقی سی ایله خط استوا النده کی کولاره قدر اراضی به و ( حبش ) ساحلی ایله ( عدن ) کور فزی کنارینه و ( بحر احمر ) ک شمالنده کی ( سینا ) شبه جزیره سنه مالک و ( مصر اصلی )، ( سودان مصری ) نامنده ایکی اداره نی مشتملدر .

### — مصر اصلی —

مصر اصلی ( مصر اسفل = مصر بحری )، ( مصر وسطی = و سطانیه )، ( مصر علیا = صعید ) اسم لریله اوج قسم طبیعی به و اداره مملکیه به ( قاهره )، ( اسکندریه )، ( رشید )، ( دمیاد )، ( پورت سعید )، ( العریش )، ( اسماعلیه )، ( سویس )، ( قصر ) نامنده کی طقوز محافظت ایله آئیده کی جدوله کوستربان اون الی مدیر لکه تقسیم اولمشدر .

مستری	مدیر لکتر	مرکز اداره لری	مستری	مدیر لکتر	مرکز اداره لری
مصر وسطی	بنی سويف	سويف	مصر اسفل	قلوبیه	بنها الاصل
	اطفهییه	=		شرقیه	زقازیق
	فیوم	مدینه فیوم		دقهلیه	منصوره
	مینیه	=		غریبه	طنطه
مصر علیا	سیوط	=		منوفیه	شبان الکوم
	جرجه	صماح		بحیره	دمنهور
	قنه	=		حیره	=
	اسنه	=			
	آسوان	=			

## — احوال بلاد مشهوره —

قاهره شهری — مصر اسفلک الک معمور بلده سی و خدیوک  
مقر اداره سیدر. بتور آفریقا قطعہ سنک الک بیوک بلده سی  
عد اولان مذکور شهر ( نیل ) نهرینک صاغ کنارندہ (مقطم)  
اسمندہ کی جبلک اتکند منی و ۳۸۰,۰۰۰ قدر نفوسی محتویدر.  
درون شہردہ (جامع ازهر) ایله (محمد علی پاشا) جامعی و (اوزبکیہ  
بانچہ سی) وجسیم اوتلا و بوکا مانند بنالر واردر. ( مصر  
قاهرہ ) نک سمت شمال بندہ و ( نیل ) نهری کنارندہ بولان  
( بولاق Boulak ) بلده سی ( قاهرہ نک ) اسکله سی مقامندہ درہ  
مذکور بلده قربندہ مصرک مطبعہ لری وجسیم بر کتب خانہ سی  
و منتظم بر موزہ خانہ سی واردر.

اسکندریہ شهری — ( بحر سفید ) ایله ( بحیرہ ماریوت )  
دینلن کول بینندہ کی دیار اوزرندہ مبنی و ایکی لیانی مشتمل  
و ۲۰۰,۰۰۰ دن زیادہ نفوسی محتویدر. ( اسکندریہ ) شهری  
بر تیموریول خطی واسطہ سیلہ ( مصر قاهرہ ) یہ و اورادن  
( سویس ) ہ متصل اولان بندن مصر ایله اروپا بینندہ مرکز  
تجارتدر. در سعادتدن دخی بحر آ ۲۹۷ فرسخ مسافہ درہ.

( اسکندریہ ) قربندہ ( فاروس ) اسمندہ مقدماتہ  
و شمدی یاریم آطہ شکل و ہیئتندہ اولان محلہ عجائب سبعہ  
عالمدن اولان مشہور و قلعہ سی بنا ایدلمشدر.

( اسکندریه ) نك ۲۶ كيلومترو جانب شرقیسنده وساحل  
بحر سفیده محاربه لری ایله مشهور ( أبوقير Aboukir ) قصبه سی  
واردر .

سوسه شهری — مذکور شهر ( مصر قاهره ) دن ۱۳۵  
كيلومترو بعد شرقیسنده و ( سويس قنالی ) مدخل جنوبیسنده  
ایشلك براسكله در .

اسماعیلیه شهری — داخلی لیمان خدمتی ایفا ایدن ( اسماعیلیه )  
شهری ( سويس ) شهرینك ۷۲ كيلومترو شمالنده و قنالك وسطنده  
و ( تمساح ) گولی کنارنده در . شهر مذکور شمندوفر خطی  
واسطه سیله بر طرفدن ( سويس ) و دیگر طرفدن ( مصر  
قاهره ) یه متصلدر .

پورت سعید شهری — ( پورت سعید ) یعنی ( باب السعید )  
شهری قنالك شمالنده بحر سفید ایله براشدیکی محله کائن  
و تجارتیله مشهوردر . ( قاهره ) یه اولان بعدی ۱۷۴ كيلو -  
مترودر . شهرک ابنیه سی منتظم ، سوقاقلری واسع وهواسی  
صاغلندر .

دمياط شهری — ( قاهره ) نك ۱۹۰ كيلومترو شمال شرقیسنده  
ونيلك اك شرقی قولنك ساحل یمینده و ( منزله ) کولنك بر  
كيلومترو بعدنده ( اسکندریه ) دن صوکره ایشلك براسكله شهریدر .  
بوشهر دنیانك پرنج نجارتی مرکزی اولوب کلیتلی صید ماهیسی  
دخی واردر . ( دمیاد ) قصبه سی جوارنده ( صان ) اسمیله معروف

برقریه وارد رکه حضرت موسی علیه السلامك مولد سعادتلری  
وید بیضالزنده شرف ظهور ایدن معجزاتك محلیدر .

رئیس قصبه سی — نیلك آغزلرنندن بری کنارنده و (قاهره) نك  
۱۷۲ کیلومتری شمال غریبسنده تجارتكاه براسكله در .

مذكور قصبه نك اطرافی ( لیمون ) ، ( پورتقال ) ، ( خرما ) ،  
( موز ) آغا جلری ایله مزیندر .

قاهره نك شمال شرقیسنده ( زقازیق ) ونیلك دلتاسنده  
كشاد اولنان بنایری ایله مشهور ( طنطه ) قصبه لری وارد . اشبو  
( طنطه ) قصبه سی خطه مصریه نك منبت و محصولدار براووه سنده  
بولنسی و ( اسکندریه ) ایله ( دمياط ) و ( قاهره ) آره سنده  
وشمندوفر خطی اوزرنده اولسی حسیله تجارت فوق العاده یه  
مالكدر . درون قصبه ده ( سید احمد بدوی ) حضرت تالری نك  
تره سیله یاننده بر بیوك جامع شریفی و طلبه سی بش بیکه بالغ اولان  
( احمدیه ) اسمیه بیوك و مشهور بر مدرسه سی وارد .

میزه قصبه سی — مصر و سلطانك سمت شمالیسنده ونیلك  
صول طرفنده و همان قاهره نك قارشوسنده و قدیم ( منف )  
خرابه لری اوزرنده مبنی والیوم باقی قالان اهرامیه مشهوردر .

فیوم قصبه سی — همنامی اولان قطعه داخلنده و ( بحیره  
فیوم ) اسمنده کی كولك جوارنده در ، لطافت هوا سندنناشی  
( مصر باغچه سی ) نامیه مشهوردر .

مصر و سطانك حوالی جنوبیه سنده ( مینا ) نامنده لطیف  
بر بلده وارد در .

سیوط قصبه سی — ( سیوط Seiou ) قصبه سی مصر علیاده  
ونیلک صول کنارنده در . بر تیمور یول خطی ایله دخی ۳۲۰  
کیلومتر و بعدنده اولان ( مصر قاهره ) به مربوط و آفریقا  
داخله کیدن کاربانلرک آرام و مرورگاهیدر . قصبه اطرافنده  
واسع باغچه لر وارد در . نیلده کی اسکله سی ( الحمراء ) قریه سیدر .  
قصبه نك آثار عتیقه سی چوقدر . یوزی متجاوز تالیقاتی اولان  
علامه جلال الدین سیوطی و سائر مشاهیر علمانك مسقط رأسیدر .  
دائر ا قصبه سی — مصر علیاده آثار عتیقه نك كثرتی  
جهتیه معتنا و معتبر بر محلدر .

مصر علیاده و ( نیل ) نهری کنارنده ( قنه Kenek ) ،  
( لوقسوز ) بلده لری و منتهای جنوبیده ( آصوان ) نام قدیمی  
( سیان ) قصبه لری وارد در . بونلردن ( آصوان ) قصبه سنده ( نیل )  
نهری بر چاغلیان پیدا ایدر .

### — سودانه مصری —

( سودان مصری ) ( مصر اصلی ) نك سمت جنوبیه سنده  
بر قطعه وسیعه دن عبارت اوله رق ( نوبه ) ، ( قوردوفان ) ،  
( دارفور Darfour ) مملکتلری ایله ( نیل ) نهری نك مجرای  
علیاسنی حاوی و اداره ملکیه جه ( سواکن ) ، ( مصوع ) محافظه لری



ایله آتیده کی جدولده کوسه تریلان اون بر مدیرلکی مشتملدر.

مدیرلکار	مرکز اداره لری	مدیرلکار	مرکز اداره لری
خرطوم	=	قوردوفان	عبید
دونغله	=	دارفور	فاشر
بربره	در	علیای نیل	ابراهیمیه
طاقه	کساله	بحرالغزال	مشرأ المرك
صنعار	=	حرار	=
بحرالابیض	توفیقیه		

### — احوال بلاد مشهوره —

سودان مصرینک اک مشهور بلده سی ( نیل ابیض ) ایله  
( نیل ارزق ) ک برلشدیکی محله کائن ( خرطوم ) شهریدر.  
( دونغله )، ( صنعار ) بلده لری ( نیل ) نه ری کنارنده وکندی  
اسملرنده کی اراضی و مدیرلکار داخلنده در.

بحراحر ساحلنه قریب بر آطه جق اوزرنده بولنان ( مصوع )  
بلده سی ایله ( جدّه ) قارشوسنده کی ( سواکن Souakin ) شهری  
ساحل بحر احمرده مشهور بر اسکله در.

( دارفور ) مدیرلکنک اداره مرکزی اولان ( فاشر )  
و ( قوردوفان ) مدیرینک او طور دینی محل اولان ( عبید ) بلده لری  
( عدن ) کور فزی ساحلنده ( زیلع )، ( بربره ) و ( حرار )  
اراضی سنده ( حرار ) و ( نیل علیا ) ده کائن ( ابراهیمیه )،  
( توفیقیه ) قصبه لری سودان مصرینک بلاد مشهوره سنده در.



## طرابلس غرب ولایتی و بنغازی متصرفلغی

حدود — سکنه — محصولات ارضیه و صناعیه — صورت اداره  
— احوال بلاد مشهوره .

مرور — بلاد بر بریه نك قسم شرقیسنی تشکیل ایدن  
( طرابلس غرب ) ولایتی و ( بنغازی ) متصرفلغی اراضیسی  
حدود مصریه دن ( تونس ) ایالتنه قدر امتداد ایدر . بوقطعه نك  
شمالی ( بحر سفید ) . ساحل و جنوبی ( صحرای کبیر ) .  
متصلدر . سواحل مذکورده ده ( سدره ) ، ( قابس ) کورفرلری  
حاصل اولمندر .

سکنه — قطعه مذکور نك اراضیسی هر نه قدر بر میلیون  
کیلومتر و مربعندن زیاده ایسه ده اهالیسنك مقداری بر بحق ملیونی  
تجاوز ایتمز . بو نفوسك كافه سی مسلم اولوب عربجه تکلم  
ایدر لر . مذکور نفوسدن ۳۰۰,۰۰۰ قدری بنغازی و قصوری  
طرابلس غرب ایله فزانده در .

تعریفات طبیعی — قطعه مذکور نك ۱۶۰۰ کیلومتر و  
امتدادنده اولان سواحلی لطیف اولوب داخلی متحرک قوملر  
ایله بر طاقم تلال و جبالی حاویدر . طاغیری ایسه بری بحر سفیده  
موازی اوله رق غربدن شرقه طوغری امتداد ایدن ( اطلس )  
طاغیرینك قسم شرقیسنی و دیگر ( فزان ) چولنده ( جبل السودا )  
اسمیه جنوب غربییه و صحرای کبیره قدر کیدن سلسله جبالدر .

( اطلس ) طاغیری اقسامندہ داخل اولان ( جبل غریبہ ) نک  
ارتقاعی دیگر لرندن زیادہ در .

ہر نہ قدر صولری کثیر ایسہدہ ساحلہ قدر وارہ میوب  
داخل قطعہدہ قوملر التندہ محو ونابدید اولورلر .

**محصولات** — ممالک معتدلہدہ نشوونما بولان ہر نوع سبزہ  
ومیوہ قطعہ مذکورہ نک سواحلی جہتندہ بتشیر . خرماوزیتون  
آغاچلری ہریرندہ کثرتلہ بولنور . ارضندہ ( پورنقال ) ،  
( لیمون ) ، ( آغاچ قاوونی ) دخی حصولہ کلیر . سواحل مذکورہ  
رہدن ( سونکر ) و ( مرجان ) اخراج و ( بالق ) صیدایدیلیر .  
حبوباتدن دخی ( بغدادی ) ، ( مصر بغدادی ) ، ( آریہ ) ، ( داری ) ،  
( فصولیہ ) کبی شیلر حاصل اولور .

### — صورت ادارہ —

( طرابلس غرب ) ، ( فزان ) ، ( برقہ ) قسملرینی حاوی  
اولان بوقطعہدہ ( طرابلس غرب ) ولایتی و ( بنغازی ) متصرفلغی  
واردر .

### ✽ طرابلس غرب ولایتی ✽

( طرابلس ) ( فزان ) قسملرینی مشتمل اولان ( طرابلس  
غرب ) ولایتی ادارہ ملکیکہ جہ ( طرابلس ) ، ( جبل غریبی ) ،  
( خمس ) ، ( فزان ) متصرفلقلرینہ تقسیم اولنمشدر .

مقر ولایتی (طرابلس غرب) شهری اولوب حاوی اولدیفی  
 سنجاقلردن (جبل غربی) نك مركز اداره سی ( قصر یفرین =  
 قصر جبل ) و (خمس ) سنجاغك (خمس) و (فزان) سنجاغك  
 (مرزوق) قصبه لیدره. مذکور سنجاقلری تشکیل ایدن قضالر  
 بوجه آتی جدولده کوسترلمشدر.

طرابلس سنجاغی			خمس سنجاغی		
ب.ا	قضالر	مركز اداره لری	ب.ا	قضالر	مركز اداره لری
۱	زاویه	=	۲	سرت	=
۳	عجیلات	=	۱	مصر اطه	=
۱	عریان	=	۲	ظلتین	=
۳	قول اوغلی باش اغالغی	=	۲	مسلطه	=
۱	اورقله	=			
۱	ترهونه	=			
جبل غربی سنجاغی			فزان سنجاغی		
۱	غدامیس	=	۱	غات	=
۲	قساطو	=	۲	سوکنه	=
۲	نالوت	=	۱	شاطی	=
۲	خوض	=	۲		
			۱		

— احوال بلاد مشهوره —

طرابلس غرب شهری — آفریقانك شمالنده و بحر سفید

ساحلندہ ہمنامی اولان ولایتک مرکز اداره سیدر . شہر مذکور اطرافی قدیم بر سور ایله چورلش کوچک بر برون اوزرینہ مبنی ۳۵,۰۰۰ قدر نفوسی محتویدر . جهت شرقیہ سندہ تطہیرہ و تعمیرہ محتاج واسع برلیمانہ مالکدر . داخل سوردہ سواری و طویجی قشلہ لری ایله و خستہ خانہ و منتظم باغچہ لر و بردہ بیوک بر چالار ساعت موجوددر . خارج سوردہ یاییلان بنالر سایہ سندہ شہر کوندن کونہ توسع و ترقی ایتدکدہدر . ( منشیہ ) نامیلہ یاد ایدیلن محلی ( پورتقال ) ، ( لیون ) باغچہ لری و ( خرما ) آغاچلری و برچوق کوشکلری حاویدر . ( طرابلس غرب ) اوروپا ایله سودان آرہ سندہ مهم بر موقع اولدیغندن تجارتی ایشلک اولوب سفائن تجاریہ آمد و شد ایدر . شہردن ( غدامیس ) ، ( فزان ) طریقہ سـودانک مرطرفنہ منتظم صورتدہ کاربانلر ایشلر .

فحس قصبہ سی — ساحل بحر سفیددہ ( طرابلس ) قطعہ سنک بر اسکله سیدر . سمت شرقیہ سندہ ( لپدہ Leptes ) شہری خرابہ سی وارددر .

قصر مہل قصبہ سی — جبل غربی سنجاغنک اداره مرکزی اولہرق مقر ولایتک جانب جنوب غریب سندہ ۳۳ ساعت بعدندہدر .

مرزوق قصبہ سی — ( طرابلس ) ک طرف جنوبیہ سندہ ۲۳۰ ساعت قدر بعدندہ کائن و ( فزان ) سنجاغنک اداره مرکزیدر .

مذکور قصبه آفریقای وسطایه کیدن کاربانلرک آرام ایتدکاری محلدرد. قصبه نك منسوب اولدینی (فزان) سنجاغنی اراضیسی حار ایسه ده حسابسز خرماقلر واشجار مثمره نی حاوی باغچهلر ایله مزیندر.

غرامیسی قصبه سی — غایت کوزل واحه لری حاوی اولان (جبل غربی) سنجاغنک قضا مرکز لرندن بری اوله رق مقر ولایتک ۱۱۰ ساعت قدر جنوب غریب سنده در. قصبه نك دخی (مرزوق) کبی کاربانلرک مرورکاهی بولندیجی جهتله تجارت داخلیه سی واردرد. قصبه نك منسوب اولدینی (غدامیس) قضاسی جوارنده (تواریق) قبیله سی مسکوندر.

غات قصبه سی — فزان سنجاغنی تشکیل ایدن قضاالردن برینک مرکز اداره سی اوله رق مقر لوانک جانب غریب سنده وتقریباً ۲۰ ساعت قدر بعدنده در. (غات) قصبه سنك (پورتقال)، (لیمون) آغاجلری کثیر وصو منبع لری چوقدر. کاربان اکثر اوقات مذکور قصبه یه اوغرایوب آرام ایدرلر.

سوکنه قصبه سی — بودخی (فزان) سنجاغنی تشکیل ایدن قضاالردن همنام اولان قضانک اداره مرکزیدر. مذکور قصبه (جبال السودا) نامنده کی طاغلرک شرق اتکینده و (طرابلس) دن (فزان) ه کیدن کاربان طریق اوزرنده در. (سوکنه) نك (طرابلس) ه اولان بعدی ۱۲۰ و مرکز لوایه اولان مسافه سی ۱۱۵ ساعتدر.



### ﴿ بنغازی سنجاغی ﴾

( بنغازی ) سنجاغی تشکیل ایدن اراضی ( طرابلس غرب ) ولایتی ایله خطه مصریه بیننده و ( بحر سفید ) ایله ( صحرای کبیر ) آره سنده در .

متقدمینک ( لیبیای بحری ) ، ( سیره نایق ) تسمیه ایتدکلی ( برقه ) قطعه سی ( بنغازی ) متصرفلغنک بولندیفی محللاردن عبارتدر . متصرفی آسیای عثمانیده ذکر و بیان اولنان ( ازمید ) ، ( بیغا ) متصرفلری مثلاً متصرفلنی اداره ایتدکده و کندیسی دخی ( بنغازی ) قصبه سنده او طور مقدمه در .

مذکور قصبه ساحل بحر سفیده ۱۱۰۰۰ قدر نفوسلی تجارتگاه بر بلده در .

( بنغازی ) متصرفلغنی تشکیل ایدن قضالردخی ( درنه ) ، ( مرج ) ، ( اوجله Oudjlah مع جالو ) اسملریله بنامدر . مذکور قضالردن ( درنه ) قضاسی ایکنجی و دیگرلری اوچنجی صنف قائم مقاملریله اداره اولنمقده در .

بونلردن ( درنه ) قضاسی متصرفلغنک سمت شمال شرقی سنده در . مرکز اداره سی مقر لوا اولان ( بنغازی ) نک ۵۲ ساعت شرقنده و بحر سفید ساحلنده ( درنه ) قصبه سیدر . مذکور قصبه ساده یاغ تجارتی ایله کسب شهرت ایلمشدر . ( درنه ) قصبه سی خارجنده و ساحل بحرده برباب قشله واردر .

قصبه نك منسوب اولدینی قضا ايله ( مرج ) قضاسی  
 آره سنده ( جبل عقبه ) نامنده بر طاع موجوددر .  
 ( طبرق ) قصبه سی ( درنه ) قضاسی ملحقاتندن اوله رق  
 متصرفلغك منتهای شرقیسنده در . ( درنه ) یه اولان مسافه سی  
 ۳۹ ساعتدر .

( اوجله ) قصبه سی واحه لری ايله مشهور اولان ( اوجله )  
 قضاسنك اداره مرکزیدر . اشبو ( اوجله ) قصبه سی بنغازینك  
 جنوب شرقیسنده ۸۵ ساعت بعدنده در . ( جالو ) قصبه سی  
 بو اداره یه مربوطدر . مذکور قصبه ( اوجله ) نك ۶ ساعت  
 سمت جنوب شرقیسنده دوز بر محله در .

( بنغازی ) ايله ( درنه ) آره سنده تشکیل اولنان  
 ( عین الشهاده ) قصبه سی کرید مهاجرینی ايله مسکوندر . مذکور  
 قصبه ده جامع ، مکتب ، حمام بنا وانشا اولنمغه باشلامشدر .



## ﴿تونس ایالتی﴾

حدود — سکنه — تعریفات طبیعیہ — محصولات — احوال  
بلاد مشهورہ

مردود — آفریقہ ای عثمانیدن اولان بو ایالت (طرابلس  
غرب) ولایتی ایله (جزایر) مملکتی آراسنده بولمہرق (بحر  
سفید) دن (صحرای کبیر) ۵ قدر امتداد ایدر .

سکنہ — تونس ایالتی ۱۲۰,۰۰۰ کیلومترو تربیعنده اولدینی  
حالده ۲,۵۰۰,۰۰۰ قدر نفوسی حاوی و بلاد بربریہ نك اك  
غلبه لك محلیدر .

تعریفات طبیعیہ — تونس الکاسنك شرق و شمال طرفی  
بحر سفیده ساحل اولمغله سمت شرقیسنده و (طرابلس غرب)  
جهتده (قابس Cabès) کورفزی و بو کورفزك طرف  
جنوبیسی آچیغنده (جربه) آطه سی واردر . مذکور الکانك  
منتهای شرقیسنی (بون) و منتهای شمالیسنی (رأس القرون)  
نامنده کی برونلر تشکیل ایدرلر . بویکی برون آراسنده اسکیدن  
(قرتاج) و شمعی (تونس) دینلن کورفز ایله (بیزرطه)  
لیمانی واردر . بونلر دن (تونس) کورفزی ساحلنده (تونس)  
شهری و براز شمالنده و (رأس سید علی المکی) نامنده کی برون  
جوارنده (اوتیک Utique) شهری خرابه سی بولنور .

( بیزرطه ) لیمانی ساحلننده ولیمانه اتصال کسب ایدن و ۷  
 کیلومتر و عرضنده و ۱۳ کیلومتر و طویننده اولان ( بیزرطه )  
 کورفزی واردر . مذکورالاسم ( رأس القرون ) نامنده کی برونک  
 غربنده و ( سررات ) برونی آچقلرنده ( غایت ) ویا ( غلطه )  
 آطه سی موجود و بو آطه دخی ( تونس ) ه مربوطدر .

( تونس ) الکاسنده ( اطلس ) طاغلری اقسام شرقیه سنده  
 داخل اولان ایکی سلسله جبال واردر . بونلردن بری سلسله  
 وسطیه تشکیل ایدهرک جنوب غربیدن شمال شرقیه طوغری  
 بعد الامتداد ( بون ) بروننده نهایت بونلور . دیکری آنک شمالنده  
 ( رأس علی المسکی ) اسمنده کی برونده نهایت بولمق اوزره بحر سفیده  
 موازی اوله رق امتداد ایدر .

سلسله وسطیه نک ( بون ) برونی جهتنده کی قسمنه ( جبل زید )  
 نامنی ویرمشلردر . سلسله مذکور نک ( جبل احمر ) اسمنده  
 منفرد برتپه سی واردر .

ایالت مذکور داخلنده جاری انهارک باشلیجه سی ۴۰۰  
 کیلومتر و مجراسی و ۸۰ متر و قدر عرضی اولان ( مجرد ) نه ریدر .  
 بونهر ( جزایر ) دن ظهور و ( تونس ) الکاسی داخلندن مرور  
 ایدهرک ( تونس ) کورفزنده بحر سفیده دو کیلور . مذکورالیکا  
 داخلندن حین مرورنده طرفیندن برچوق قولار آلیر .

تونسک سمت جنوبیسی ( شط ) تعبیر اولنور کول و بتاقلقلر

ایله مملودر . بوبتہ اقلقلرک باشلیجه سی ( شط الجرید ) نامیله  
موسومدر .

محصولات — تونسک هوا سی ایلك بهارده غایت لطیف  
وموسم صیفده صیجا قدر . سلسله وسطیه نک شماله وخصوصیه  
( مجرد ) نه ری وادیسنه وتونس اووه سنه تصادف ایدن یرلری  
فوق العاده منبت ومحصولدار اولوب منطقه معتدله ده حاصل اولان  
هر نوع اشجار مثمره اوراده حصوله کلیر . ( تونس ) قطعه سنک  
سمت جنوبیسنده واقع ( جرید ) قسمنده حاصل اولان خرما  
مشهوردر . آطه لرنده دخی سونکر چیقاریلیر .

### — احوال بلاد مشهوره —

تونس ایالتی دردی شمال ساحلنده واونی سواحل شرقیده  
واونی دخی داخلده اولق اوزره ۲۴ قدر قضایه تقسیم اولمشدر .  
مقر ایالتی ( تونس ) شهریدر .

شهر مذکور بحر سفیده بر بوغاز ایله متصل اولان  
( البحیره ) نک ساحلنده مبنی وخراب برایچ قلعه یی محتویدر .  
۱۳۰,۰۰۰ قدر اولان اهالیسی مسلم ، خرستیان ، یہودی  
اوله رق اوج محله تشکیل ایدر . اهالی شهر ایام صیفی شهرک  
سمت غربیسنده واقع تونس اووه سنده امرار ایدرلر . شهرک  
سوقاقلری طار وغیر منتظم ایسه ده منظره سی کوزلدر .  
اوزری اورتولی چارشوسی مشهوردر . داخل شهرده ایپک

قماشلری واساجه فابریقه‌لری وارددر. نسج اولتان فسلیری دخی  
( تونس قسی ) نامیله معروفدر. ( قرطاج ) خرابه‌سی اوزرینه  
مبنی ( غولت Goulette ) قصبه‌سی تونسک اسکله‌سی مثابه‌سنددر.  
( حمامة الانف ) قصبه‌سی کول حالنده اولان ( تونس )  
کورفرزینک ساحلندن بر قاج کیلومتر و اوزاق اولوب مقر ایالتیه  
بر شمندوفر خطی واسطه‌سیله مربوطدر. بو قصبه‌نک معدن  
صولری مشهوردر.

بیزرطه قصبه‌سی — تونسک شمال غریب‌سنددر و آفریقا  
قطعه‌سینک اک شمالی محالده و ( رأس الابيض ) قربنده اسکله  
موقعیدر.

قیروانه قصبه‌سی — اسکیدن ( آفریقیه ) نامیله معروف  
ایدی. الیوم داخلی آفریقانک تجارت مرکز لرندن بری اوله رق  
مقر ایالتک سمت جنوبی‌سنددر. قصبه‌ک جامع کیری و صو  
صهرنجلری شهر تلیدر. ضرب و جنوب جهتلرنده دخی بتاقلقلر  
چوقدر. اسکله‌سی تجارتی ایله مشهور ( سوسه ) قصبه‌سیدر.  
بو قصبه ایله ( قیروان ) بدنی بر شمندوفر خطی ایله متصلدر.  
( حمامه ) ، ( مهدیه ) ، ( اسفاقس ) ، ( غابس ) قصبه‌لری  
ایالتک شرفنده برر مهم تجارت اسکله‌لریدر.

( غاوصه ) قصبه‌سی تونسک اک کوزل مواقعندن معدود



اولان (جرید) قسمتك مركزى اوله رق مقر ایالتك ۵ ساعت  
قدر جنوب غریب سینده در .

( بجا Bedja ) ، ( تباریه ) ، ( تستور Testour ) قصبه لری  
داخل قطعده و ( مجرد ) نهری وادیسینده در . بونلردن  
( بجا ) اراضیسی مواقع منبتهدن معدوددر . ( مجرد ) نهری  
منصبته طوغری ممتد اولان ( تباریه ) اراضیسی زیتون آفاجلری  
ایله مزین و نهر مذکور اوزرنده کی کوپریسی مشهوردر .  
( تستور ) قصبه سی اطرافى باغچه لر ایله محاط و مزیندر .


## خاتمه کتاب



اشبور مهر ایله مهرلنامش نسخه لر ساخته در

1825











3 1761 06979751 2